

А. Ю. УМАРОВ

---

# ГИДРАВЛИКА


---

“ЎЗБЕКИСТОН”

А. Ю. УМАРОВ

# ГИДРАВЛИКА

*Ўзбекистон Республикаси Олий ва ўрта махсус таълим  
вазирлиги олий техника ўқув юртлари талабалари учун  
дарслик сифатида тавсия этган*



ТОШКЕНТ  
«ЎЗБЕКИСТОН»  
2002

30.123.я73  
У 47

Тақризчи: техника фанлари доктори, профессор  
Н. У. РИЗАЕВ — Ўзбекистонда хизмат кўрсат-  
ган фан ва техника арбоби, Тошкент Авто-  
мобиль йўллари институти «Гидравлика ва  
Гидромашиналар» кафедраси мудири

ISBN 5-640-01787-2

у  $\frac{1603040100-103}{351 (04) 2001}$  2002

© «ЎЗБЕКИСТОН» нашриёти,  
2002 йил.

*Устозларим: падарим Уста Умар Юнус уғли, илмий раҳбарларим техника фанлари доктори, профессор Леви Иван Иванович, профессор Кнороз Владимир Стефановичларнинг порлоқ хотираларига бағишланади.*

**МУАЛЛИФ**

## **МУҚАДДИМА**

Мустақил Республикамизнинг тараққиёти, унинг узоқ ва яқин хорижий мамлакатлар билан кенг қўламдаги алоқаларининг ривожланиши, олий ўқув юртларида ҳозирги кун талабига жавоб берадиган билимдон, техника ускуналари ва технологияларни бевосита такомиллаштира оладиган, фан ютуқларини амалий ишлаб чиқаришда бевосита қўллаш оладиган юқори малакали мутахассислар, муҳандислар тайёрлашни тақозо этади. Бундай долзарб муаммони ҳал этиш учун табиий фанлар соҳасидаги энг сунгги ютуқларни ўзида акс эттирувчи янги ўқув дастурлари асосида дарсликлар, ўқув қўлланмалар, услубий кўрсатмалар яратиш зарур. Қолаверса, шу кунгача ўзбек тилида жаҳон андозаси талабига жавоб берарли даражада дарсликлар чоп этилмаган. Юқорида келтирилган мулоҳазаларга кўра, гидравлика фанидан олий техника ўқув юртлари учун мўлжалланган янги дарслик яратилди.

Мазкур дарслик Ўзбекистон Республикаси олий техника ўқув юртлари учун ўқув адабиёти Давлат таълим стандартининг бакалавр мутахассислиги В541000—«Гидроинженерия», В440200 — «Механика» ва В520300 — «Гидроэнергетика» йўналишларига мос келади. Дарсликдан В 054700 — «Гидротехника ва транспорт иншоотлари қурилиши», В 160900 — «Қурилиш» йўналишларида таълим олаётган талабалар, аспирантлар, тадқиқотчилар ва шу соҳа профессор-ўқитувчилари ҳам фойдаланишлари мумкин.

Бу дарслик муаллифнинг Санкт-Петербург давлат техника университети (собик Ленинград политехника институти)да, Тошкент давлат техника университети (собик политехника институти)да ҳамда Тошкент архитектура-қурилиш институтида гидравликадан ўқиган лекциялари ва шу соҳадаги қирқ йиллик педагогик ва илмий иш тажрибалари асосида ёзилган. «Гидравлика» китобини тайёрлашда

индустриал ривожланган давлатлар АҚШ, Германия, Япония, Франция, Англия, Канада ва Россия, МДХ давлатларининг тажрибаларидан фойдаланилган. Дарсликда муаллифнинг собиқ Иттифоқ миллий қўмитаси Гидравлика тадқиқотлари бўйича Халқаро Ассоциацияси (МАГИ) орқали АҚШ нинг Форт Коллинз (Колорадо штати), Москва, Санкт-Петербург (собиқ Ленинград) шаҳарларида ўтказилган Халқаро Конгрессларда ўқиган лекцияларидан фойдаланилган. Дарслик «Гидравлика» курсининг «Гидростатика» ва «Гидродинамика» қисмларини ўз ичига олган 10 бобдан иборат.

Дарсликнинг «Гидростатика» қисмидаги бобларда гидростатик босим ва уларни ўлчаш асбоблари тўғрисида мукаммал, тўлиқ тушунча берилиб, барча муҳим формулалар изчиллик билан келтириб чиқарилган.

«Гидродинамика асослари»га тегишли боблардаги узлуксизлик тенгламаси, Д. Бернулли тенгламаси ва бошқа мавзуларда механикавий энергиянинг сақланиш қонуни яққол намойиш бўлишини назарда тутиб, бу бўлимга оид барча муҳим формулалар бир неча кўринишда соддалаштирилган ҳолда берилган.

Мазкур китобда назарий қисмнинг, асосан, очиқ ўзанлар (каналлар) гидравликаси соҳасидаги гидравликанинг амалий татбиқларига, чунончи, суюқликнинг барқарор текис ва потекис илгариланма ҳаракати, йўқотилган напор (энергия), ўзан тубининг микро- ва макрошакллариининг оқим кинематикасига таъсири мавзусига бағишланган қисми билан узвий боғланганини кўраемиз.

Гидравликани ўрганувчилар шуни қатъий билиб олишлари керакки, тажрибадан олинган коэффициентлар ҳисобига ҳали тузатилмаган ҳар қандай назарий хулоса ҳақиқатга фақат яқинлашишгина бўлиб, уни қўллашда эҳтиёт бўлинмаса, катта хатоликка олиб келиши мумкин.

Китобда гидротехника иншоотларини ҳисоблашда гидравлика усулларини қўллаш гидродинамика соҳасида бошлангич билимга эга бўлган талабалар учун ўзлаштириш осон бўладиган қилиб баён қилинган.

Дарсликдаги ҳар бир бобнинг охирида шу бобдаги мавзуларга тегишли масалалар келтирилган. Китобда замонавий ЭҲМ лардан фойдаланиш усуллари ва замонавий алгоритм, дастур ва блок-схемалар кенг ёритилган. Улардан услубий характерга эга бўлганларининг счими ЭҲМ ёрдамида бажарилган ва намуна тариқасида келтирилган.

Муаллиф хулосаларнинг изчиллиги ва яққоллигини бузмаган ҳолда математик анализнинг узундан-узоқ формулалари ўрнига кўп ҳолларда элементар математика ҳамда дифференциал ва интегралларнинг содда формулалари билан чекланилган. Гидравлик жараёнларнинг физик талқинига катта аҳамият берилди, бу эса китобхонга келиб чиқаётган ҳар бир ҳодисанинг моҳиятини яққол тасаввур қилишга имкон беради, бу дарсликнинг катта ютуғидир.

Дарсликда гидравликанинг динамик ўхшашлик ва гидравлик қаршиликлар назарияси ҳақидаги таълимотга катта аҳамият берилган. Шу билан бирга амалий гидравлика бўйича кўпгина тадқиқотлар натижалари келтирилган. Жумладан, И. И. Леви, А. П. Зегжда, В. С. Кнороз, А. Прандтль, И. Никуралзе, Ф. Форхгеймер, Кольбрук-Уайт ва бошқа муаллифларнинг нанорли қувур ва очик ўзанларда (каналларда) гидравлик ишқаланиш таъсирида йўқотилган напорни ўрганиш бўйича ўтказилган тадқиқотлари ва бошқалар ёритилган. Мавзулар халқаро ўлчам бирликлар тизими — «СИ»да баён этилган. Давлат тили атамашунослигининг ҳозирги босқичида «Гидравлика» фани соҳасида мукамал атамалар луғати яратилмаганлигига қарамай муаллиф мумкин қадар ўзбек тилидаги атамалардан фойдаланган. Шунинг учун дарсликда қўлланилган баъзи бир атамалар баҳсли бўлиши ҳам мумкин.

Мазкур дарслик гидравлика фанининг ўқув дастури асосида ўзбек тилида биринчи марта ёзилган.

Муаллиф ўз устози ва раҳбари проф. И. И. Леви ва проф. В. С. Кнороздан (С. Пб ДГУ. Санкт-Петербург) умрбод миннатдор бўлган ҳолда уларнинг илм мактабини давом эттиришга ўзининг умрини бағишлайди. Муаллиф дарсликнинг сифатини яхшилаш борасидаги ўқувчиларнинг фикр ва мулоҳазаларини мамнуният билан қабул қилади.

Муаллиф дарслик қўлёзмасини кўриб чиқиб тақризида фойдали маслаҳатлар берганлиги, шунингдек оғзаки айтилган фикр-мулоҳазалари учун проф. Н. У. Ризаевга ўз миннатдорчилигини билдиради.

Барча танқидий фикр ва мулоҳазаларингизни қўйидаги манзилга юборишингизни сўраймиз: 700129, Тошкент ш., Навоий кўчаси, 30. «Ўзбекистон» нашриёти.

*Муаллиф*

---

---

## БИРИНЧИ БОБ

### ГИДРАВЛИКАГА КИРИШ

#### 1.1- §. ГИДРАВЛИКА ФАНИНИНГ МАЗМУНИ

Гидравлика (суюқликнинг техникавий механикаси) фани суюқликларнинг тинч ҳамда ҳаракат ҳолатидаги ўзгариши қонунларини, шунингдек, мазкур қонунларини, аниқ муҳандислик масалаларни ечишда қўлланиш усулларини ўрганиш билан шуғулланади. Гидравлика сўзи аслида юнонча бўлиб, υδωρ (хюдор) — сув ва αυλος (аулос) — қувур сўзларидан таркиб топган. Уларни бирга ўқиганда сувнинг фақат қувурдаги ҳаракати деган маъно келиб чиқади. Кейинчалик гидравлика сўзи суюқликларнинг фақат қувурдаги ҳаракати эмас, балки ҳар қандай ўзанлардаги ҳаракатини ҳам англатадиган бўлди. Чунки гидравлика суюқликларнинг напорли (қувурда) ва напорсиз (очиқ ўзанда) ҳаракати қонунларини ўрганади. Юқорида айтиб ўтилганидек, суюқликларнинг тинч ва ҳаракат ҳолатидаги қонунлари техника, саноат ва халқ хўжалигининг турли тармоқларида, чунончи, гидротехника, гидромелиорация, гидроэнергетика, қурилиш, сув таъминоти ва канализация, кимёвий технология жараёнлари ва қурилмалар ҳамда бошқа соҳаларда амалий муҳандислик масалаларини ҳал қилишда кенг кўламда қўлланилади.

Гидравлика фани икки қисмдан иборат: гидростатика ва гидродинамика. Гидростатика қисмида суюқликларнинг тинч ҳолатидаги қонунлари ўрганилади. Бундай қонунларни ўрганишдан мақсад — суюқликнинг чуқурлиги бўйича ихтиёрый нуқталарда гидростатик босимнинг ўзгаришини аниқлашдан иборат. Гидростатик босим тинч ҳолатдаги суюқликларнинг турли нуқталарида ҳар хил бўлади. Гидростатик босим вақтга боғлиқ эмас, у фақат координаталарга боғлиқ

$$p = f(x, y, z). \quad (1.1)$$

Гидродинамика қисмида суюқликларнинг ҳаракат пайғидаги гидродинамик элементларининг ўзгариш қонунлари урганилади, бунда суюқликнинг ҳар хил нуқталарида  $u$  тезлик ва  $p$  босимларнинг, вақт ўтиши билан, миқдорлари ҳар хил бўлади. Бундан ташқари  $u$  ва  $p$  лар бирон берилган нуқтада  $t$  вақт ичида ўзгариши қуйидагича ёзилади:

$$\left. \begin{aligned} u_x &= f_1(x, y, z, t); \\ u_y &= f_2(x, y, z, t); \\ u_z &= f_3(x, y, z, t). \end{aligned} \right\} \quad (1.2)$$

$$p = f_4(x, y, z, t). \quad (1.3)$$

Гидродинамика қисми икки бўлимдан иборат. Унинг биринчи бўлимида гидродинамиканинг қуйидаги асосий назарий тенгламалари ёритилган.

I. Узлуксизлик тенгламаси (сув сарфининг баланс тенгламаси).

II. Д. Бернулли тенгламаси (солиштирма энергиянинг баланс тенгламаси).

III. Ҳаракат миқдорининг гидравлик тенгламаси.

IV. Суюқлик оқимининг барқарор текис илгариланма ҳаракатининг асосий тенгламаси.

V. Ўзанларда суюқлик ҳаракати пайғида ишқаланиш натижасида йўқотилган напор (энергия) тенгламаси.

Гидродинамика қисмининг иккинчи бўлимида эса унинг биринчи бўлимидаги асосий назарий тенгламаларнинг ҳар хил гидротехник иншоотларни гидравлик ҳисоблашда амалий қўллаш усуллари берилди.

## 1.2-§. ГИДРАВЛИКА ФАНИНИНГ ҚИСҚАЧА ТАРИХИ ВА УНИНГ АСОСЧИЛАРИ

Сув инсоният ва умуман тирик мавжудотлар ҳаётида асосий тирикчилик манбаи бўлиб келган. Ундан ичимлик сув тарзида, экинзорларни суғориш ва механизмларни ҳаракатга келтиришда фойдаланилган. Милоддан 4000 йил аввал Мисрда ҳамда 1000 йил бурун Хитой ва Сурияда, кейинроқ Вавилон, Юнонистон, Римда сувдан фойдаланиш учун дарёларда туғонлар, чархналакли тегирмонлар қуришни билганлар.



Гидравлика фанига оид дастлабки қўлёзма милоддан аввал (287–212 й.) яшаган Юнон физиги Архимед томонидан ёзилган «Жисмнинг сузиш қонунлари» асаридир. Архимеддан кейин XV асргача гидравлика фанига тааллуқли биронта қўлёзма сақланмаган, фақат XV асрда италия олими Леонардо да Винчи (1452–1519) гидравликага тегишли масалалардан янги кашфиётлар ихтиро этган. Булар «Дарё ва ўзанларда сув ҳаракатини ўрганиш» ҳамда «Суюқликнинг тешикдан оқиб чиқиши» деб аталади.

1586 йили Нидерланд олими, муҳандис-математик Симон Стевин (1548–1620) ўзининг «Бошланғич гидротехника» китобини чоп этди. Бу китобда у идиш деворига ҳамда идиш тубига суюқликнинг босим кучини аниқлаган (гидравлик парадокс муаллифи). 1612 йили италиялик физик, механик ҳамда астроном Галилео Галилей (1564–1642) ўзининг «Сувдаги жисмнинг ҳаракати» асари билан дунёга машҳур бўлди. 1643 йили Галилео Галилейнинг шогирди, математик ва физик Э. Торричелли (1608–1647) суюқликларнинг тешикдан оқиб чиқиш қонунини ишлаб чиқди. 1650 йили таниқли француз математиги ва физиги Блез Паскаль (1623–1662) табиат қонунларидан бири бўлган қонунни очган. Бу қонун қуйидагича: «Ёпиқ идишдаги суюқликка ташқаридан берилган босим суюқликнинг барча нуқталарига бир хил ўзгармас миқдорда тарқалади», кейинчалик Б. Паскаль қонуни гидростатик босимнинг иккинчи хоссаси деб эълон қилинган. 1687 йили англиялик машҳур физик, механик, астроном ва математик Исаак Ньютон (1643–1727) суюқлик ҳаракатида ички ишқаланиш қонунини кашф этди.

Гидравлика фанини ривожлантиришга асос солган олимлар: Санкт-Петербург фанлар академиясининг аъзолари Михаил Васильевич Ломоносов (1711–1765), асли голландиялик, кейинчалик Санкт-Петербургда яшаб ижод этган физик ва математик Даниил Иванович Бернулли (1700–1782), 1738 йили ўзининг «Гидродинамика» китоби билан бутун дунёга машҳур бўлган. 1755 йили швейцариялик математик, механик ва физик Леонард Павлович Эйлер (1707–1783) «Суюқликларнинг тинч ҳолати ва ҳаракат пайтидаги ҳолатлари қонунларини ўрганиб, суюқлик ҳаракатининг дифференциал тенгламаларини ишлаб чиққан. Француз матема-

тиги ва файласуфи Ж. Д'Аламбер (1717–1783) суюқликнинг тинч ва ҳаракатлаги ҳолатларини ўрганган. Худди шу даврларда француз математиклари Дж. Л. Лагранж (1736–1813) ва П. С. Лаплас (1749–1827) ҳам гидравликанинг ривожланишига ўзларининг катта ҳиссаларини қўшганлар.

XVIII аср охирларида асосан Францияда гидравлика ва математика фанлари билан бир қаторда техника соҳаси ҳам ривож топади, суюқликларнинг техник механикаси номли француз мактаби ташкил этилади. Бу мактабнинг ёрқин намояндалари — муҳандис-гидротехник, Париж фанлар академиясининг аъзолари Х. Пито (1695–1771), Франция мактабининг директори Антуан Шези (1718–1798) ҳамда Ж. Ш. Борда (1733–1799) каби йирик олимлар маҳаллий қаршиликлар устида ишлаб, шу соҳадаги масалаларнинг ечимини беришган. Муҳандис-гидротехник Дюбуа (1734–1809) ўзининг «Гидравлика асослари» китоби билан машҳур бўлган. Булардан ташқари Италияда профессор Г. Б. Вентури (1746–1822), Ирландияда муҳандис Р. Вольтман (1757–1837), Германияда Ф. Форхгеймер (1852–1933), М. Вебер (1871–1951), Л. Прандтль (1875–1953), Х. Блазиус (1883–1951) каби профессорлар гидравликани ривожлантиришида ўзларининг салмоқли улушларини қўшдилар.

1883 йили Николай Павлович Петров (1836–1920) мойлашдаги инқалобни назариясини яратди. 1898 йили Николай Егорович Жуковский (1847–1921) гидравлик зарба назариясини яратиб, бунга оид китоб нашр этган.

1917 йилдан бошлаб собиқ республикалар иттифоқида гидроэлектростанциялар, туғонлар, узанларда гидротехника иншоотлари ва қишлоқ хўжалик иншоотлари кўп ва тез қурилиши натижасида гидравликанинг кўп масалалари чуқур ўрганилди ва бир қанча илмий текшириш институтлари ва лабораториялар барпо этилди ҳамда гидравлика соҳасида юқори натижаларга эришилди. Бунда номлари қўйида зикр этилган олимларнинг хизматлари катта: М. А. Великанов (1879–1964), Б. А. Бахметев (1880–1951), Н. Н. Павловский (1886–1937), И. И. Леви, И. В. Егiazаров, А. Н. Патрашев, И. И. Агроскин, А. И. Богомолов, В. С. Кнороз, В. Н. Гончаров, А. П. Зегжда, С. В. Избан, М. Д. Чертоусов, П. Г. Киселев, Р. Р. Чугаев, В. А. Большаков ва бошқалар.

### 1.3- §. ФИЗИК КАТТАЛИКЛАРНИНГ ЎЛЧОВ БИРЛИКЛАР ТИЗИМИ. ХАЛҚАРО БИРЛИК ТИЗИМИ «СИ»

ГОСТ 8.417-81 да асосан 1982 й. 1 январдан бошлаб илм, фан, техника ва ишлаб чиқаришнинг барча соҳаларида ҳамда олий ва ўрта махсус ўқув юртларида ўқитишда халқаро бирлик тизими СИ қабул қилинган. Гидротехник ва бошқа иншоотларни гидравлик ҳисоблашда қўлланиладиган бу тизимнинг асосий, қўшимча ва ҳосилавий бирликлари 1.1-жадвалда келтирилган. ГОСТ 8.417-81 да бирлик тизими СИ дан ташқари амалда бошқа бирлик тизимлардаги физик катталиклардан ҳам фойдаланиш мумкинлиги қайд этилган.

Куйида муҳандислик гидравликасида қўлланиладиган асосий физик катталиклар учун ҳар хил бирлик тизимларини СИ тизимидаги бошқа бирликлар билан ўзаро боғланишларини ва бир физик катталиклардан иккинчи бошқа физик катталикларга ўтиш коэффициентлари келтирилган.

*Куч (оғирлик) ва солиштирма оғирлик.* Халқаро бирлик тизими СИ да куч бирлиги этиб Ньютон қабул қилинган. Куч (оғирлик) нинг ўлчами —  $\text{ЛМТ}^{-2}$ . Куч бирлиги Ньютон СИ тизимидаги бошқа бирликлар орқали ифодаланиши:

$$1\text{Н} = 1 \frac{\text{кг} \cdot \text{м}}{\text{с}^2} = \frac{1000\text{г} \cdot 100\text{см}}{\text{с}^2} = 10^5 \frac{\text{г} \cdot \text{см}}{\text{с}^2}.$$

Шундай қилиб,

$$1\text{Н} = 10^5 \text{дин} = 0,101972 \text{ кгк} (\sim 0,102 \text{ кгк});$$

$$1 \text{ дина} = 0,00001 \text{ Н};$$

$$1 \text{ кгк} = 9,80665 \text{ Н} (\sim 9,81 \text{ Н}).$$

*Халқаро бирлик тизими «СИ» да солиштирма оғирликнинг бирлиги ньютон тақсим куб метр —  $\frac{\text{Н}}{\text{м}^3}$ .* Солиштирма оғирликнинг ўлчами —  $\text{Л}^2\text{МТ}^{-2}$ . Масалан, сувнинг солиштирма оғирлиги (сувнинг ҳарорати  $4^\circ\text{С}$ )

$$\gamma_{\text{сув}(4^\circ\text{С})} = 9810 \frac{\text{Н}}{\text{м}^3} = 0,00981 \frac{\text{Н}}{\text{см}^3} = 1000 \frac{\text{кгк}}{\text{м}^3}.$$

Солиштирма оғирлик бирлиги  $\frac{H}{M^3}$  нинг СИ тизимидаги бошқа бирликлар орқали ифодаланиши

$$\gamma = \rho g = \frac{KГ}{M^3} \cdot \frac{M}{C^2} = \frac{KГ}{M^2 C^2},$$

бунда  $\rho$  — сувнинг зичлиги,  $\frac{KГ}{M^3}$ ;  $g$  — эркин тушиш тезланиши,  $\frac{M}{C^2}$ .

*Босим. Халқаро бирлик тизими «СИ»да босим бирлиги этиб Паскаль қабул қилинган. Босимнинг ўлчами —  $L^{-1}MT^{-2}$ . Босим бирлиги Паскаль СИ тизимидаги бошқа бирликлари орқали ифодаланиши:*

$$1 Па = 1 \frac{KГ}{M \cdot C^2};$$

$$1 Па = 1 \frac{H}{M^2} = 0,101972 \frac{KГK}{M^2} = 10 \frac{дин}{CM^2} = 0,00001 \text{ бар} =$$

$$= 0,102 \text{ мм сув уст.} = 0,0075 \text{ мм симоб устуни.}$$

*1.1-жадвал*

### Халқаро бирлик тизими СИ

Катталик		Бирлик	
Номи	Рамзи*	Ўлчам	Белги
Асосий бирликлар			
Узунлик	L	метр	м
Масса (оғирлик)	M	килограмм	кг
Вақт	T	секунд	с
Ҳосиллавиий бирликлар			
Майдон (юза)	L <sup>2</sup>	квадрат метр	м <sup>2</sup>
Ҳажм	L <sup>3</sup>	куб метр	м <sup>3</sup>
Тезлик	L T <sup>-1</sup>	секундига метр	м/с
Тезланиш	L T <sup>-2</sup>	секунд квадратига метр	м/с <sup>2</sup>
Зичлик	L <sup>-3</sup> M	килограмм тақсим куб метр	кг/м <sup>3</sup>

Катталик		Бирлик	
Номи	Рамзи*	Ўлчам	Белги
Куч, оғирлик	$LM T^{-2}$	Ньютон	Н
Босим, механик кучланиш	$L^{-1} M T^{-2}$	Паскаль	Па
Кинематик қовушоқлик коэффициентлари	$L^2 T^{-1}$	Квадрат метр тақсим секунд	$m^2/c$
Динамик қовушоқлик коэффициентлари	$L^{-1} M T^{-1}$	паскаль секунд	Па с
Иш, энергия	$L M T^{-2}$	жоул	Ж
Қувват	$L^2 M T^{-3}$	Ватт	Вт
Ҳаракат миқдори (импульс)	$LM T^{-1}$	килограмм метр тақсим секунд	$кг \cdot м/с$
Куч импульси	$LM T^{-1}$	Ньютон секунд	Н с
Суюқликларнинг ҳажмий сарфи	$L^3 T^{-1}$	куб метр тақсим секунд	$m^3/c$
Суюқликларнинг массали сарфи	$MT^{-1}$	килограмм тақсим секунд	$кг/с$
Солиштирма энергия, напор	L	метр	м
Суюқлик сарфи модули	$L T^{-1}$	куб метр тақсим секунд	$m^3/c$
Суюқлик тезлик модули	$L T^{-1}$	метр тақсим секунд	$м/с$
Солиштирма оғирлик	$L^{-2} M T^{-1}$	Ньютон тақсим куб метр	Н/м <sup>3</sup>

#### 1.4-§. СУЮҚЛИК ВА УНИНГ ФИЗИК ХОССАЛАРИ

Суюқлик оқувчанлик хусусиятига эга бўлиб, у қандай шаклдаги идишга қуйилса, ўнга идиш шаклини олади, яъни ўзининг барқарор шаклига эга эмас. Бунинг сабаби шунда-

\* Бу ерда F, L, T, M — куч, узунлик, вақт, массанинг тегишли рамз(символ)лари.

ки, суюқликнинг тинч ҳолатида уринма кучланиш бўлмайди, у нолга тенг. Суюқликлар ўз табиатига кўра, газ ҳолати билан қаттиқ жисм ҳолати ўртасидаги оралик ўринни эгаллайди. Суюқлик ва газ заррачаларининг ҳаракат тезликлари товуш тезлигидан кам бўлгани учун уларнинг ҳаракат қонунлари ўхшаш. Гидравлика қонунлари барча суюқликлар учун қўлланилиши мумкин. Гидравликада суюқлик дейилганда, асосан сув назарда тутилади, аммо барча суюқликлар ва газлар ҳаракатлари гидравлика қонунлари ёрдамида ўрганилади. Суюқликлар ва газларни бир-биридан ажратиш учун, суюқликларни томчили суюқликлар, газларни эса эластик суюқликлар деб қаралади. Томчили суюқликлар ва газлар қуйидаги хоссалари билан бир-бирига ўхшайди: 1) томчили суюқликлар худди газлар каби маълум бир шаклга эга эмас, унинг физик хоссалари барча йўналишларда бир хил, яъни изотропик; 2) газларнинг қовушоқлиги кам бўлиб, томчили суюқликларникига яқинлашади; 3) ҳарорат аниқ бир даражадан (у ҳароратнинг критик даражаси деб аталади) юқори бўлса, томчили суюқликлар қаттиқ жисмга айланади. Бундан буён томчили суюқликлар қисқача суюқликлар дейилади. Сув ўзининг оқувчанлиги ва сиқилмаслик хосси билан бошқа суюқликлардан (масалан газлардан) ажралиб туради. Гидравликада суюқлик деганда оддий табиий сув назарда тутилади.

### 1.5- §. ИДЕАЛ ВА РЕАЛ СУЮҚЛИКЛАР

Гидравлика фанида назарий тадқиқотларни соддалаштириш мақсадида идеал суюқликлардан фойдаланилади. Идеал суюқлик деб, босим ва ҳарорат таъсирида ўз ҳажмини мутлақо ўзгартирмайдиган ёки мутлақо сиқилмайдиган, ўзгармас зичликка эга бўлган ва ички ишқаланиш кучи бўлмаган, қовушоқлиги бўлмаган суюқликларга айгиллади. Аслида ҳар қандай суюқлик босим ёки ҳарорат таъсирида ўз ҳажмини бир оз бўлса ҳам ўзгантиради, уларда ички ишқаланиш кучлари бўлади. Демак, табиатда аслида идеал суюқлик бўлмайди, яъни табиатдаги барча суюқликлар реал суюқликлардир. Тинч ҳолатдаги суюқликларда уринма кучланиш бўлмайди. Ҳаракатдаги суюқликларда эса уринма кучланиш бўлади, бундай суюқликнинг ичида ихтиёрий икки қатлам бир-бирига нисбатан ҳаракатда бўлганда, бу икки қатлам

сатҳлари орасида ишқаланиш кучи пайдо бўлади, натижада ички уринма кучлар мувозанатлашади.

Хулоса: 1) тинч ҳолатдаги суюқликлар ўрганилаётганда, суюқликларни идеал ва реал турларига ажратиш зарурати йўқ, чунки тинч ҳолатдаги ҳар қандай суюқликда уринма кучланиш бўлмайди;

2) реал суюқликларнинг ҳаракати ўрганилаётганда ички ишқаланиш кучини, яъни қовушоқлигини эътиборга олиш шарт, чунки қовушоқлик ҳаракатдаги реал суюқликнинг асосий хоссаси ҳисобланади.

#### 1.6- §. РЕАЛ СУЮҚЛИКЛАРНИНГ АСОСИЙ ФИЗИК ХОССАЛАРИ. ҚОВУШОҚЛИК

Суюқликларнинг гидравликада фойдаланиладиган асосий физик характеристикалари — зичлик, солиштирма оғирлик, қовушоқлик ва бошқалар. Улар тўғрисида қисқа тушунча бериб ўтамыз.

**Зичлик.**  $V$  ҳажм бирлигидаги модда массаси  $M$  нинг миқдори модданинг зичлиги дейилади ва  $\rho$  билан белгиланади. Бир жинсли модда (суюқлик) учун

$$\rho = \frac{M}{V}, \quad (1.4)$$

бу ерда  $M$  — суюқликнинг массаси, кг;  $V$  — суюқликнинг ҳажми,  $\text{м}^3$ .

**Солиштирма оғирлик.**  $V$  ҳажм бирлигидаги модда (суюқлик) нинг оғирлик миқдори, солиштирма оғирлик дейилади ва  $\gamma$  ҳарфи билан белгиланади. Бир жинсли модда (суюқлик) учун

$$\gamma = \frac{G}{V}, \quad (1.5)$$

бу ерда  $G$  — суюқликнинг оғирлиги.

Масса билан оғирлик ўзаро қуйидагича боғланган:

$$Mg = G. \quad (1.6)$$

(1.6) дан

$$M = \frac{G}{g}, \quad (1.7)$$

бу ерда  $g$  — эркин тушиш тезланиши,  $\text{м}/\text{с}^2$ .

(1.7) тенгламадаги масса миқдорини (1.4) тенгламага қўйсак, зичлик билан солиштирма оғирликнинг ўзаро боғланиш муносабати келиб чиқади:

$$\gamma = \rho g, \quad (1.8)$$


бундан зичлик

$$\rho = \frac{\gamma}{g}. \quad (1.9)$$

Халқаро бирлик тизими СИ да  $\rho$  нинг ўлчов бирлиги қуйидагича:

$$[\rho] = \frac{[\gamma]}{[g]} = \frac{F}{L^3} : \frac{L}{T^2} = \frac{FT^2}{L^4} = \frac{M}{L^3}. \quad (1.10)$$

**Қовушоқлик.** Реал суюқликлар ҳаракатланган пайтда унинг ички қатламлари (сув билан сув қатламлари сатҳлари ва сув билан девор сатҳлари) орасидаги сатҳда ички ишқаланиш кучлари ҳосил бўлиб, бу қатламларнинг бир-бирига нисбатан силжишига қаршилик қилади. *Суюқлик қатламларининг орасидаги сатҳда ишқаланиш кучини енгишга, яъни қатламларнинг ўзаро силжишига сарф бўлган куч қовушоқлик (ёки ички гидравлик ишқаланиш кучи) дейилади.* Ньютон қонунига биноан, суюқлик қатламларининг ўзаро силжиши учун зарур бўлган куч икки қатлам орасидаги сатҳга, қатламларни бир-бирига нисбатан силжиш тезлигига ва шу суюқликнинг қовушоқлик коэффициентига тўғри пропорционал (1.1-расм)



1.1- расм.



$$T = \mu dS \frac{du}{dn}, \quad (1.11)$$

бу ерда  $T$  — таъсир этаётган ички ишқаланиш кучи;  $dS$  — икки қатлам орасидаги элементар сатҳ;  $\mu$  — динамик қовушоқлик коэффиценти;  $\frac{du}{dn}$  — тезлик градиенти.

Шундай қилиб, ички ишқаланиш кучи тезлик градиентига тўғри пропорционал.

(1.11) тенгламанинг иккала томони  $dS$  юзага бўлсак, бирлик юзадаги ишқаланиш кучини топамиз:

$$\tau = \mu \frac{du}{dn}, \quad (1.12)$$

бунда  $\mu$  — гидродинамикада, динамик қовушоқлик коэффиценти дейилади. Гидравликада, кўпинча кинематик қовушоқлик коэффицентидадан фойдаланилади. Кинематик қовушоқлик коэффиценти динамик қовушоқлик коэффицентининг шу суюқлик зичлигига нисбати бўлиб, у  $\nu$  ҳарфи билан белгиланади.

Кинематик қовушоқлик коэффиценти

$$\nu = \frac{\text{динамик қовушоқлик коэффиценти, } \mu}{\text{суюқлик зичлиги, } \rho}. \quad (1.13)$$

Халқаро бирлик СИ тизимида кинематик қовушоқлик коэффиценти  $\text{м}^2/\text{с}$  бирлигида ўлчанади (1.2-жадвалга қаранг).

1.2-жадвал

Т°С	0	1	2	3	4	5	6	7	8	9	10	11	12	13
$\nu \cdot 10^{-6}$ $\text{м}^2/\text{с}$	1.79	1.73	1.67	1.62	1.57	1.52	1.47	1.43	1.39	1.35	1.31	1.27	1.24	1.21

1.2-жадвал (давоми)

14	15	16	17	18	20	25	30	35	40	45	50	60	70	90	100
1.18	1.15	1.12	1.09	1.06	1.01	0.90	0.81	0.72	0.66	0.60	0.55	0.48	0.41	0.31	0.28

Қовушоқлик суюқликларнинг физик хоссасига ва унинг ҳароратига боғлиқ ҳолда ўзгаради. 1.2-жадвалда  $v$  кинематик қовушоқлик коэффициентининг қийматлари оддий сув учун келтирилган.


#### 1.7- §. ГИДРАВЛИКАНИНГ АМАЛДА ҚЎЛЛАНИШ НАМУНАСИ

Гидродинамиканинг иккинчи бўлимида биринчи бўлимидаги назарий тенгламалар қўлланиб ҳар хил гидротехник иншоотларни гидравлик ҳисоблаш ишлари бажарилади. Чунончи қувурда ва очиқ ўзанларда ҳаракатланаётган суюқликларни, шунингдек, ер ости сувлари ҳаракатини ва суюқликларнинг тешиқлар орқали оқиб чиқиши гидравлик аппаратлар ёрдамида ўрганилади. Айтайлик, дарёда тўғон қурилган бўлсин, унинг дарё бўйича узунасига кесимини олсак, қуйидаги ҳолатларни кўришимиз мумкин (1.2-расм). Бу  $T$  тўғон дарёни тўсади, натижада юқори бьефда (юқори томонда) сув сатҳи кўтарилади. Керакли сув канал орқали ГЭС га, суғоришга ва бошқа иншоотларга олинади, ортиқча сув эса тўғон устидан пастки бьефга (пастки томонга) ўтказиб юборилади. 1.2- расмда келтирилгандек, гидротехник узел иншоотларини лойиҳалашда гидравлика аппаратларини (яъни гидродинамиканинг 1-қисмидаги назарий тенгламаларни) қўллаб қуйидаги амалий масалалар ҳал этилади:

1. Тўғон ёрдамида кўтарилган сув юқори бьефда дарё қирғоқларини босади. Бу қирғоқларни ва дарёнинг узунлиги бўйича ер майдонларини қанчалик сув босгани (сув остида қолган майдонлар, шу қаторда саноат, қишлоқ хўжалиги, қурилишлар ва ўрмонлар)ни билиш учун гидравлика тенгламалари ёрдамида сув сатҳининг  $AB$  эркин эгри чизигини ҳисоблаш лозим. Бу  $AB$  чизиқни тузиш, тўғон қурилгандан кейин юқори бьефда дарё узунлиги бўйича оқимнинг чуқурлигини аниқлаш ва бу аниқланган чуқурлик кемаларнинг сузишига етарли эканлигини билиш учун керак.

2. Сув ўтказувчи тўғон устидан ортиқча сувни пастки бьефга ўтказиб юбориш учун тўғоннинг узунлигини (энини) ҳамда унинг устидаги босим кучини билиш керак.

3. Сув ўтказувчи тўғон устидан ўтаётган сув пастки бьефда хавфли гидравлик ҳолатни вужудга келтириши мумкин. Бу-



1.2-расм.

нинг олдини олиш учун пастки бьефда тўғон ортида, дарё тубида маҳаллий ювилишни бартараф этадиган гидравлик шароит яратиш керак.

4. Агар тўғоннинг асоси сув ўтказувчан қатлам, масалан, қум-тошлардан ташкил топган бўлса, унда тўғон тубидан, сув ер остидан фильтрация усулида, юқори бьефдан пастки бьефга ўтади (1.2- расмда  $\Phi$  га қаранг). Суюқликнинг бундай ер ости ҳаракатлари ҳам гидравлик ҳисоблаш усули билан аниқланади.

5. Очиқ ўзанлар ва қувурларда суюқликларнинг ҳаракатини аниқлашда ҳам гидравлик ҳисоблаш усулларидан фойдаланилади.

Гидравлик аппаратлардан гидротехника иншоотлари, энергетика ва гидромелиорация объектларини лойиҳалаш, қуриш, шунингдек сув таъминоти ва канализация, гидравлик машиналар тизимларини лойиҳалашда ҳам кенг фойдаланилади.

### Такрорлаш учун саволлар

- 1.1. Гидравлика фани тушунчаси, унда нима ўрганилади?
- 1.2. Суюқликнинг асосий физик хоссалари деб нимага айтилади?
- 1.3. Суюқликнинг зичлиги ва улчам бирлиги қандай аниқланади?
- 1.4. Қовушоқлик нима?
- 1.5. Идеал ва реал суюқлик тушунчаси. Улар қаерда ва қачон ишлатилади?

## ГИДРОСТАТИКА


### 2.1-§. ГИДРОСТАТИК БОСИМ ВА УНИНГ ХОССАЛАРИ

Гидравлика фанининг гидростатика қисмида тинч ҳолатдаги суюқликларнинг қонунлари ўрганилади. Гидростатика деганда нуқтадаги гидростатик босим тушунилади. Буни тушунтириш учун 2.1- расмга мурожаат этамиз. Бу расмда сувнинг ихтиёрий бир  $W$  ҳажми тинч ҳолатда турибди деб фараз қилайлик. Шу ҳажм ичида ихтиёрий бир  $m$  нуқтани оламиз ва шу нуқта орқали  $AB$  текислик ўтказамиз. Бу текислик тинч ҳолатда турган ихтиёрий  $W$  ҳажмдаги сувни икки бўлаққа ажратади (бўлақ I ва бўлақ II).  $AB$  текисликдаги майдонни  $S$  билан белгилаймиз. Агар бўлақ II га нисбатан қаралса, унда  $AB$  текислик орқали босим кучи бўлақ I дан бўлақ II га, яъни  $S$  майдонга таъсир этапти. Бу босим кучини биз  $P$  билан белгилаймиз.  $P$  — гидростатик босим кучи, яъни қисқача — гидростатик куч деб аталади. Шу  $AB$  текислик юзасидаги  $m$  нуқтада  $\Delta S$  элементар майдончани оламиз.  $\Delta S$  элементар майдончага  $\Delta P$  куч таъсир этади. Бу  $\Delta P$  куч бўлақ II га нисбатан (агар бўлақ I ни олиб ташласак) ташқи куч бўлади, бутун  $W$  ҳажм учун (бўлақ I ва бўлақ II бир бўлса) бу гидростатик куч  $\Delta P$  ички куч дейилади.

$\Delta P$  кучнинг  $\Delta S$  элементар майдончага нисбати шу майдончага таъсир этаётган ўртача гидростатик босимни беради:

$$\frac{\Delta P}{\Delta S} = \bar{p}. \quad (2.1)$$

Агар  $\Delta S$  элементар майдонча нолга интилса, у ҳолда  $\frac{\Delta P}{\Delta S}$  нисбат  $m$  нуқтадаги гидростатик босимни беради, уни  $p$  билан белгилаймиз.



2.1-расм.

Унинг математик ифодасини қуйидаги тенглик билан кўрсатиш мумкин:

$$p = \lim_{\Delta S \rightarrow 0} \left( \frac{\Delta P}{\Delta S} \right), \quad (2.2)$$


бунда  $p$  — нуқтадаги гидростатик босим, унинг ўлчов бирлиги, Па.

Нуқтадаги гидростатик босим икки хоссага эга:

**1. Биринчи хоссаси.** Гидростатик босимнинг йўналиши.

*Нуқтадаги гидростатик босим  $\delta S$  майдончага нормал бўйича таъсир этади ва бу босим фақат сиқувчи бўлади.* Бошқача қилиб айтганда, у, босим таъсир қилаётган сув ҳажмининг ичига йўналган бўлади. Нуқтадаги гидростатик босимнинг биринчи хоссасини, яъни босимларнинг берилган майдонга нормал бўйича таъсир этишини исботлаймиз. Бунинг учун 2.2-расмга мурожаат этамиз. Бу расмда сувнинг ихтиёрий бирор  $W$  ҳажми тинч ҳолатда турибди деб фараз қилайлик. Шу  $W$  ҳажми  $AB$  текислик ёрдамида икки бўлакка бўламиз. Бўлак I маълум куч билан  $AB$  текислик орқали бўлак II га таъсир кўрсатади; худди ўша миқдордаги куч билан бўлак II ҳам  $AB$  текислик орқали бўлак I га таъсир этади. Бу ерда иккала бўлақдан истаган бирини олиб, унинг мувозанатини ўрганишимиз мумкин. У ҳолда бошқа бир бўлақни  $AB$  текислиги орқали иккинчи бир бўлакка кўрсатаётган таъсирини,

юқорида 2.1- расмда кўрсатилган куч деб қабул этиб, мулоҳаза юритамиз. 2.2- расмдаги қаралаётган бўлак II қия штрих чизиқлар билан белгиланган. Бунда бўлак I нинг  $AB$  текислик орқали бўлак II га таъсир қилаётган кучини кўриб чиқамиз. Бунинг учун  $AB$  текислик юзидида бир нечта, масалан,  $a, b, c, \dots$  нуқталарни белгилаймиз ва шу нуқталар атрофида ниҳоятда кичик (элементар)  $\delta S$  майдончалар ажратамиз ва уларга нисбатан  $N' - N''$  нормаллар ўтказамиз. Бу  $\delta S$  майдончалар гидростатик босим таъ-




2.2-расм.

сир этувчи майдончалар деб аталади. Энди гидростатик босимнинг биринчи хоссасини исботлашга ўтамиз. Фараз қилайлик,  $a$  нуқтада  $p$  босим  $N' - N''$  нормал бўйича  $AB$  текислик орқали бўлак II га бўлак I томонидан нормал таъсир этмаяпти дейлик. У ҳолда шу  $a$  нуқтадаги босимни икки ташкил этувчига, яъни босимни таъсир этаётган майдончага нисбатан  $p_n$  нормал ва  $p_t$  уринма ташкил этувчиларга ажратиш мумкин бўлади. Бизга маълумки, тинч ҳолатдаги суюқликларда ички уринма кучланиш бўлиши мумкин эмас. Бу ҳолда  $p_n$  нолга тенг бўлади. Бундан кўринадики,  $AB$  текисликдаги  $a$  нуқтада  $\delta S$  майдончанинг сатҳга таъсир қилаётган  $p$  босим фақат  $N' - N''$  нормал чизик бўйича йўналган бўлади.

Фараз қилайлик,  $b$  нуқтада  $\delta S$  майдончага  $p$  босим  $N' - N''$  нормал чизик бўйича таъсир қилиб, бўлак II нинг ички томонига эмас, балки ташқи томонига йўналган бўлсин. Унда  $b$  нуқтада чўзиш кучи пайдо бўлади. Маълумки, тинч ҳолатдаги суюқликлар чўзиш кучига қаршилик кўрсатиш хусусиятига эга эмас. Шундан кўриниб турибдики, гидростатик босимнинг биринчи хоссаси — босимнинг майдонга таъсири  $N' - N''$  нормал чизик бўйича ички томонга йўналиши исбот этилди. Шундай экан, гидростатик босим чўзувчи эмас, ҳар доим сиқувчи бўлади (2.2-расмнинг  $c$  нуқтасига қаранг).

**2. Иккинчи хоссаси.** Гидростатик босимнинг миқдори. *Босимнинг миқдор катталиги, берилган нуқтада, у таъсир қилаётган  $AB$  текисликдаги  $\delta S$  майдончанинг юзасига ва у, текислик қандай жойлашганлигига боғлиқ эмас. Бошқача қилиб айтганда,  $AB$  текислигини, босим таъсир этаётган нуқта орқали, қандай бурчакка ўзгартирмайлик, шу нуқтага таъсир қилаётган босим миқдори ўзгармайди.* Босимнинг иккинчи хоссасини исбот этиш учун 2.3-расмга мурожаат этамиз. Очиқ  $A$  идишда бир жинсли тинч ҳолатдаги суюқлик бор. Суюқлик ичида ихтиёрий  $m$  нуқтани белгилаймиз. Шу нуқта орқали ихтиёрий  $AB$  ва  $A'B'$  текисликларни ўтказамиз. Ҳар бир текислик шу тинч ҳолатда турган суюқлик ҳажминини икки бўлакка ажратади: бўлак I ва бўлак II; шу  $AB$  ва  $A'B'$  текисликлар сатҳидаги  $m$  нуқтада ниҳоятда кичик (элементар)  $\delta S_1$  ва  $\delta S_2$  майдончалар ажратамиз. Кўриниб турибдики,  $\delta S_1$  ва  $\delta S_2$  майдончалар бир-бирига нисбатан ҳар хил текисликда жойлашган, ammo текисликлар бир  $m$  нуқта орқали ўтказилган ва бири иккинчисидан  $\alpha$  бурчаги билан фарқ қилади.




2.3-расм.

нинг биринчи хоссасига биноан, нуқтадаги босим таъсир этувчи майдон юзасига нормал йўналган бўлади, иккинчи хоссасига биноан, яъни Б. Паскаль қонунига асосан,  $p_1$  ва  $p_2, \dots, p_i$  босимлар берилган нуқтада (шу нуқтадан ўтказилган  $AB$  ва  $A'B'$  текисликларни қандай жойлашишидан қатъи назар) қиймати жиҳатидан бир-бирига тенг бўлиши керак, яъни  $p_1 = p_2 = p_3 = \dots = p_i$ .

Маълумки, қаттиқ jismlar учун  $p_1 = p_2 = p_3 = \dots = p_i$  тенглик бўлиши мумкин эмас, чунки бу нуқталарга улардан ташқари уринма кучланиш таъсир қилади. Юқорида келтирилган  $p_1 = p_2 = p_3 = \dots = p_i$  тенгликнинг тўғрилигини исботлаймиз. Бунинг учун бирор идишдаги тинч ҳолатдаги суюқлик ичида ихтиёрий  $A$  нуқтани оламиз ва  $A$  нуқта атрофида тўғри уч-бурчакли призма шаклидаги элементар ҳажмли суюқликни ажратиб оламиз.

2.4- расмдаги чизмада  $ABC$  — призманинг асоси, призманинг ўзи чизмага тик жойлашган, яъни ётқизиб қўйилган. Призманинг  $BC$  қиррасини горизонтал текисликка нисбатан ихтиёрий бурчагини  $\alpha$  билан белгилаймиз. Тўғри бурчакли координата ўқларини 2.4-расмда кўрсатилгандек белгилаб, призма асосининг томонлари узунликларини координата ўқлари бўйлаб  $dx$ ,  $dz$  ва  $dl$  билан ифодаalaymиз; бу ҳолда  $dy$  — призманинг баландлиги. Юқорида кўрсатилган призма томонларининг узунлигини чексиз кичик деб фараз қиламиз.



2.4-расм.

Энди  $A$  нуқта орқали ихтиёрий учта йўналишда текислик ўтказамиз:  $\Omega_x$  текислик  $x$  ўқи бўйича йўналган бўлиб,  $AC$  қиррага параллел;  $\Omega_z$  текислик  $z$  ўқ бўйлаб  $AB$  қиррага параллел йўналган.  $\Omega_n$  текислик  $BC$  қиррага параллел бўлиб,  $x$  ўқига нисбатан ихтиёрий  $\alpha$  бурчак остида жойлашган. Шу учта текислик ўзаро учрашган  $A$  нуқтада ҳар бир текислик учун элементар майдонча ҳосил қиламиз:  $d\Omega_x$ ,  $d\Omega_z$  ва  $d\Omega_n$ .  $A$  нуқтада элементар майдончаларга таъсир қилаётган босимларни  $p_x$ ,  $p_z$ ,  $p_n$  билан ифодалаймиз. У ҳолда  $AB$ ,  $AC$  ва  $BC$  қирраларга таъсир этувчи ўртача босим мос ҳолда қуйидагича бўлади:  $AB$  қирра учун  $(p_x + \epsilon_x)$ ;  $AC$  қирра учун  $-(p_z + \epsilon_z)$ ;  $BC$  қирра учун  $-(p_n + \epsilon_n)$ . Бу ерда  $\epsilon_x$ ,  $\epsilon_z$ ,  $\epsilon_n$  чексиз кичик қийматга эга бўлгани учун уларни ҳисобга олмаса ҳам бўлади. Чунки бу қўшимча ҳаллар призманинг  $AB$ ,  $AC$ ,  $BC$  қирралари бўйлаб таъсир этувчи  $p_x$ ,  $p_z$ ,  $p_n$  босимларнинг узлуксиз ўзгаришини ифодаловчи катталиклар. Бу катталиклар  $dx$ ,  $dz$ ,  $dl$  элементар узунликлар каби чексиз кичик бўлгани учун уларни ҳисобга олмаса ҳам бўлади. Бу ҳолда призманинг ён қирраларига таъсир қилаётган ўртача гидростатик босимлар  $A$  нуқтага таъсир этаётган босим  $p_x$ ,  $p_z$ ,  $p_n$  ларга тенг деб қабул қилинади.

$ABC$  призма қуйидаги кучлар таъсирида тинч ҳолатда турибди дейлик, у ҳолда:

1) призманинг ён қирраларига, уни ўраб олган суюқлик томонидан, тик йўналишда таъсир қилаётган гидростатик босим кучлари:

$$P_x = p_x dz dy; P_z = p_z dx dy; P_n = p_n dl dy; \quad (2.3)$$

2)  $ABC$  призманинг асосига, уни ўраб олган суюқлик томонидан тик йўналишда таъсир қилаётган  $P_y$  гидростатик босим кучи. Бу куч чизма текислигига тик йўналгани учун чизмада кўрсатилмаган;

3) призманинг ташқи ҳажмий оғирлик кучи  $G$  (қабул қилинган призманинг ўз оғирлиги).

Бу ерда 3-банддаги кучни ҳисобга олмаса ҳам бўлади, чунки у (2.3) тенгликларда кўрсатилган кучларга нисбатан чексиз кичик.  $G$  оғирлик кучи ҳисобга олинмаганда қабул қилинган  $ABC$  элементар кичик призма фақат ташқи кучлар  $P_x$ ,  $P_z$ ,  $P_n$ ,  $P_y$  таъсирида тинч ҳолатда бўлади, дейлик. У ҳолда  $P_x$ ,  $P_z$ ,  $P_n$ ,  $P_y$  кучларнинг  $Ax$  ва  $Az$  ўқларга проекцияларининг йиғиндиси нолга тенг бўлиши керак, яъни



$$\left. \begin{aligned} P_x - P_n \sin \alpha &= 0; \\ P_z - P_n \cos \alpha &= 0. \end{aligned} \right\} \quad (2.4)$$

(2.4) га (2.3) ни қўйсак

$$\left. \begin{aligned} P_x dz dy - P_n dl dy \sin \alpha &= 0; \\ P_z dx dy - P_n dl dy \cos \alpha &= 0. \end{aligned} \right\} \quad (2.5)$$

Бунда  $dl = \frac{dz}{\sin \alpha} = \frac{dx}{\cos \alpha}$  ни назарда тутган ҳолда (2.5) тенг-ликлардан қуйидагини оламиз

$$p_n = p_x = p_z \quad (2.6)$$

Бундан биз  $\alpha$  бурчагининг қийматларини қандай ўзгартирмайлик, бари бир  $p_n$  босим  $p_z = p_x$  ларга тенг булар экан. Яна бир хулоса, биз  $ABC$  призmani (2.4- расмдаги чизмада кўрсатилган координата ўқлари билан)  $A$  нуқтаси орқали қандай ўзгартирмайлик, унинг қирраларига таъсир қилаётган гидростатик босимлар (2.6) тенгликдагидек бир-бирига тенг бўлиб қолади.

## 2.2-§. ТИНЧ ҲОЛАТДАГИ СУЮҚЛИКНИНГ АСОСИЙ ДИФФЕРЕНЦИАЛ ТЕНГЛАМАСИ (Л. ЭЙЛЕР ТЕНГЛАМАСИ)

Тинч ҳолатдаги суюқликнинг дифференциал тенгламасини олиш учун суюқликка таъсир этувчи кучларни қараб чиқамиз. Суюқлик қандай ҳолатда бўлмасин (тинч ёки ҳаракат ҳолатида) унга моддий заррачалардан таркиб топган узлуксиз муҳит деб қаралади. Шу заррачаларга таъсир этувчи барча кучларни икки гуруҳга: ички кучларга ва ташқи кучларга ажратиш мумкин.

**Ички кучлар.** Суюқлик моддий заррачаларининг бири-бирига таъсир кучлари ички кучлар дейилади.

**Ташқи кучлар.** Бирор суюқлик ҳажмининг моддий заррачасига бошқа бирор жисм ҳажмидаги моддаларнинг таъсир қилаётган кучлари, чунончи, шу қаралаётган суюқлик ҳажмининг моддий заррачаларига, шу ҳажмни ҳар томондан ўраб олган суюқликнинг таъсир кучлари ташқи кучлар дейилади.

Берилган суюқлик ҳажмига таъсир қилувчи ташқи кучлар икки гуруҳга бўлинади.

1. М а с с а л и к у ч л а р . Бу кучлар қаралаётган суюқлик ҳажмининг барча моддий заррачаларига таъсир қилади. М а с с а л и к у ч л а р н и н г қ и й м а т и с у ю қ л и к н и н г м а с с а с и г а тўғри пропорционал. Бир жинсли суюқликлар учун, яъни суюқликларнинг зичлиги унинг ҳажми бўйича ўзгармас бўлса  $\rho = \text{const}$ , бу ҳолда массали кучларнинг қиймати суюқликнинг ҳажмига ҳам тўғри пропорционал бўлади. Шунинг учун (суюқликнинг зичлиги  $\rho = \text{const}$  бўлган ҳолда) массали кучлар ҳажмий кучлар деб аталади. Суюқликнинг уз оғирлиги ҳажмий кучлар қаторига киради; суюқликнинг инерция кучларини ҳам ташқи ҳажмий кучлар деб қараши мумкин. Суюқликнинг берилган  $V$  ҳажмига таъсир этаётган ҳажмий кучни қуйидагича ифодалаш мумкин

$$F = M\phi \text{ ёки } F = V\phi_0, \quad (2.7)$$


бу ерда  $M$  — суюқликнинг массаси;  $\phi$  ва  $\phi_0$  — суюқликнинг моддий заррачасига таъсир қилаётган ҳажмий кучларнинг интенсивлиги, яъни тақсимланиш зичлиги, бу тақсимланиш суюқликнинг ҳажми бўйича ҳар хил бўлиши мумкин.

$\phi_0$  — суюқликнинг ҳажм бирлигига таъсир қилаётган солиштирма ҳажмий куч.  $\phi$  — суюқликни масса бирлигига таъсир қилаётган солиштирма ҳажмий куч.

2. Суюқлик сатҳига таъсир қилаётган кучлар. Бу кучлар кўрилаётган бирон суюқлик ҳажмининг сатҳига таъсир қилаётган кучлар. Бундай кучлар қаторига атмосфера босим кучи (у очиқ ўзанларда суюқликнинг эркин сув сатҳига таъсир этади), ишқаланиш кучи ва бошқа кучлар киради.

**Тинч ҳолатдаги суюқликнинг дифференциал тенгламаси.** Тинч ҳолатдаги суюқликни қараб чиқамиз (2.5-расм). Унга ихтиёрий ташқи ҳажмий кучлардан бирортаси таъсир қилсин, дейлик. Юқорида биз қаралаётган суюқликнинг бирлик массасига таъсир қилаётган ҳажмий кучни  $\phi$  билан белгилаган эдик. Энди бу  $\phi$  кучнинг  $Ox$ ,  $Oy$ ,  $Oz$  координата ўқларига проекциясини  $\phi_x$ ,  $\phi_y$ ,  $\phi_z$  билан ифодалаймиз. Умуман тинч ҳолатдаги суюқликда гидростатик босим ҳар хил нуқталарда турлича бўлади

$$p = f(x, y, z). \quad (2.8)$$



2.5-расм.

Гидростатик босим  $p$  билан нуқталарнинг координаталари ва ҳажмий кучлар орасидаги боғланишни аниқлаш керак. Бунинг учун қуйидагича иш юритамиз. Тинч ҳолатдаги суюқлик ичида (2.5- расм)  $Ox$ ,  $Oz$  координата ўқларини белгилаймиз ва тўғри бурчакли 1–2–3–4 параллелепипед шаклидаги элементар ҳажмни ажрата-

миз; параллелепипед томонларини  $d_x$ ,  $d_y$  ва  $d_z$  ( $d_x$  чизма текислигига тик бўлгани учун расмда кўрсатилмаган) билан белгилаймиз ва уларни чексиз кичик деб ҳисоблаймиз. Параллелепипед ўртасида  $A$  нуқтани тайинлаймиз, унинг координаталари  $x$ ,  $y$ ,  $z$  бўлсин. Бу  $A$  нуқтадаги босимни  $p$  билан белгилаймиз.  $A$  нуқта орқали  $O_x$  ўқиға параллел  $MN$  чизиқни ўтказамиз, умуман гидростатик босим шу  $MN$  чизиқ бўйлаб тўхтовсиз равишда доимий ўзгаради.  $MN$  чизиқнинг бирлик узунлигига тўғри келадиган гидростатик босим қийматининг ўзгаришини

хусусий ҳосила  $\frac{\partial p}{\partial x}$  орқали ифодалаш мумкин. Бу ҳолда  $\frac{\partial p}{\partial x}$  ни қўллаб,  $M$  ва  $N$  нуқталардаги босимларни қуйидагича ёзамиз

$$\left. \begin{aligned} p_M &= p - \frac{1}{2} dx \frac{\partial p}{\partial x}; \\ p_N &= p + \frac{1}{2} dx \frac{\partial p}{\partial x}; \end{aligned} \right\} \quad (2.9)$$

бунда (2.9) тенгламанинг ўнг томондаги иккинчи ҳадлари  $p$  босимнинг  $\frac{1}{2} dx$  узунликда ўзгаришини билдиради.

Тинч ҳолатдаги суюқликнинг дифференциал тенгламасини келтириб чиқариш учун қуйидагича мулоҳаза юритиш лозим;

а) элементар параллелепипедга таъсир этаётган барча кучларни аниқлаймиз;

б) барча кучларни  $Ox$  ўқиға проекцияларини оламиз ва уларнинг йиғиндисини нолга тенглаштирамиз (чунки параллелепипед тинч ҳолатда турибди), натижада биринчи дифференциал тенгламасини оламиз;

в) иккинчи ва учинчи дифференциал тенгламасини олиш учун барча кучларни  $Oy$  ва  $Oz$  ўқларига проекциялаймиз.

Бу ерда фақат биринчи дифференциал тенгламасини келтириб чиқарамиз.

1. Параллелепипед 1–2–3–4 га таъсир қилаётган кучлар:

а) ҳажмий куч

$$\phi(dx dy dz) \rho, \quad (2.10)$$

бу ерда  $(dx dy dz)\rho$  — параллелепипед 1–2–3–4 ни ташкил этувчи суюқлик массаси. Ҳажмий кучнинг  $Ox$  ўқига проекцияси

$$\phi_x(dx dy dz) \rho; \quad (2.11)$$

б) юзага таъсир этувчи кучлар: параллелепипеднинг 1–4 ва 2–3 қирраларига таъсир этувчи босим кучларининг  $Ox$  ўқига проекцияларининг фарқи нолга тенг; 1–2 ва 3–4 қирраларига таъсир этувчи босим кучларининг  $Ox$  ўқига проекцияларининг фарқи қуйидагича:

$$\begin{aligned} P_M - P_N &= p_M(dz dy) - p_N(dz dy) = \left( p - \frac{1}{2} dx \frac{\partial p}{\partial x} \right) dy dz - \\ &- \left( p + \frac{1}{2} dx \frac{\partial p}{\partial x} \right) dy dz = -\frac{\partial p}{\partial x} dx dy dz. \end{aligned} \quad (2.12)$$

2. Барча кучларнинг  $Ox$  ўқига проекцияларининг йиғиндиси

$$\phi_x(dx dy dz) \rho - \frac{\partial p}{\partial x}(dx dy dz) = 0. \quad (2.13)$$

Бу (2.13) тенглама тинч ҳолатдаги суюқликнинг 1-дифференциал тенгламаси дейилади. Худди шундай йўл билан 2-ва 3-дифференциал тенгламаларни ёзамиз.

Аниқланган уччала дифференциал тенгламалар (суюқликнинг масса бирлигига нисбатан) охириги кўриниши қуйидагича ёзилади:

$$\left. \begin{aligned} \phi_x - \frac{1}{\rho} \frac{\partial p}{\partial x} &= 0; \\ \phi_y - \frac{1}{\rho} \frac{\partial p}{\partial y} &= 0; \\ \phi_z - \frac{1}{\rho} \frac{\partial p}{\partial z} &= 0. \end{aligned} \right\} \quad (2.14)$$

Бу тенглама 1755 йилда Л. Эйлер томонидан ишлаб чиқилган ва унинг номи билан аталади.

### 2.3-§. ГИДРОСТАТИКАНИНГ АСОСИЙ ТЕНГЛАМАСИ. ТИНЧ ҲОЛАТДАГИ СУЮҚЛИКНИНГ ДИФФЕРЕНЦИАЛ ТЕНГЛАМАСИНИ ИНТЕГРАЛЛАШ

Бунинг учун (2.14) тенгламанинг 1-дифференциал тенгламасини  $dx$  га, 2-сини  $dy$  га ва 3-сини  $dz$  га кўпайтирамиз. Кейин тенгламанинг чап ва ўнг томонларидаги ҳақларини ўзаро қўшиб чиқамиз

$$\phi_x dx + \phi_y dy + \phi_z dz - \frac{1}{\rho} \left( \frac{\partial p}{\partial x} dx + \frac{\partial p}{\partial y} dy + \frac{\partial p}{\partial z} dz \right) = 0. \quad (2.15)$$

Нуқтадаги гидростатик босим, фақат координаталарга боғлиқ бўлгани учун, яъни  $p=f(x, y, z)$ , у ҳолда (2.15) тенгламада қавс ичидаги йиғинди  $p$  гидростатик босимнинг тўлиқ дифференциали ҳисобланади, яъни қавс ичидаги йиғиндини  $dp$  деб оламиз

$$dp = \left( \frac{\partial p}{\partial x} dx + \frac{\partial p}{\partial y} dy + \frac{\partial p}{\partial z} dz \right). \quad (2.16)$$

(2.16) тенгламани (2.15) тенгламага қўйсак, у ҳолда

$$dp = \rho (\phi_x dx + \phi_y dy + \phi_z dz). \quad (2.17)$$

(2.17) тенгламани қараб чиқамиз. Агар (2.17) тенгламанинг чап қисми фақат координатага боғлиқ бўлган бирор функциянинг тўлиқ дифференциали бўлса, у ҳолда (2.17) нинг ўнг қисми ҳам координатага боғлиқ бўлган бирор функциянинг тўлиқ дифференциали бўлиши лозим. Суюқликларнинг зичлиги ўзгармаслиги  $\rho = \text{const}$  ни назарда тутиб, юқорида айтилганларга асосан, (2.17) тенгламада қавс ичидаги ифода ҳам координатага боғлиқ бўлган бирор функциянинг тўлиқ дифференциали бўлади. Бу охириги функцияни  $U$  орқали белгиласак, маълумки  $U=f(x, y, z)$ , у ҳолда (2.17) тенгламани қуйидагича ёзиш мумкин

$$dp = \rho dU, \quad (2.18)$$

бу ерда

$$dU = \phi_x dx + \phi_y dy + \phi_z dz. \quad (2.19)$$

(2.18) тенгламани интеграллаймиз, натижада

$$p = \rho U + C, \quad (2.20)$$

бунда  $C$  — интеграллашнинг ўзгармас сони.  $C$  ўзгармас сонни аниқлаш учун суюқликларнинг бирор нуқтасидаги  $p$  босим ва  $u$  тезлик маълум бўлган моддий заррачасини қараб чиқамиз

$$p = p_0; U = U_0. \quad (2.21)$$

Бу нуқта учун (2.20) тенгламани қуйидаги қўринишда кўчириб ёзамиз

$$p_0 = \rho U_0 + C, \quad (2.22)$$

(2.22) тенгламадан

$$C = p_0 - \rho U_0. \quad (2.23)$$

(2.23) тенгламани (2.20) тенгламага қўйсак,

$$p = p_0 + \rho U - \rho U_0. \quad (2.24)$$


натижада

$$p = p_0 + \rho (U - U_0). \quad (2.25)$$

(2.25) формула зичлиги ўзгармас бўлган  $\rho = \text{const}$  суюқликнинг ихтиёрий нуқтасига таъсир қилаётган босимни ифодалайди.

#### 2.4-§. ФАҚАТ ҲАЖМИЙ КУЧЛАРДАН БИРИ — ОГИРЛИК КУЧИ ТАЪСИРИДА БЎЛГАН ТИНЧ ҲОЛАТДАГИ СУЮҚЛИҚДАГИ ГИДРОСТАТИК БОСИМ

Тинч ҳолатдаги суюқликка фақат ҳажмий кучлардан бири — огирлик кучи таъсир қилаётган ҳолни қараб чиқамиз. 2.6-расмда суюқлик қўйилган берк идиш келтирилган. Берк идиш ичидаги суюқлик сатҳига ташқи босим таъсир қилади. Уни  $p_0$  билан белгилаймиз. Бу босимни (сув сатҳига таъсир этувчи) ташқи босим дейлик. 2.6-расмда кўрсатилганидек,  $Ox$ ,  $Oy$ ,  $Oz$  координата ўқларини суюқлик сатҳига нисбатан жойлаштирамиз. Суюқлик ичида олинган ихтиёрий  $m$  нуқтада суюқликнинг бирлик массасини ажратамиз. Бирлик массага  $\phi$  ҳажмий куч таъсир қилади. Агар суюқликка таъсир этаёт-



2.6-расм.

ган ҳажмий кучлардан бири фақат оғирлик кучи бўлса, унда (2.19) тенгламадан

$$\phi_x = 0, \phi_y = 0, \phi_z = -g, \quad (2.26)$$

бу ерда  $g$  — эркин тушиш тезла-ниши;  $\phi_x, \phi_y, \phi_z$  — ҳажмий куч  $\phi$  нинг координата ўқларига проекциялари.  $dp$  нинг қиймати (2.18) тенгламадан аниқланади, бизнинг юқорида айтилган шарт учун  $dU$  (2.19) тенгламадан

$$dU = \phi_x dx + \phi_y dy + \phi_z dz = -gdz. \quad (2.27)$$

(2.27) тенгламани (2.18) тенгламага қўйсақ,

$$dp = -\rho g dz. \quad (2.28)$$

(2.28) тенгламани интегралласак

$$p = -\rho g dz + C, \quad (2.29)$$

ёки

$$p = -\gamma z + C, \quad (2.30)$$

бу еда  $C$  — интеграллашнинг ўзгармас сони.  $C$  нинг қийматини аниқлаш учун суюқлик сатҳидаги нуқтани қараймиз, бунда  $z = 0$  ва  $p = p_0$ , (2.30) тенгламага асосан

$$C = p_0. \quad (2.31)$$

(2.30) тенгламани қуйидагича ёзишимиз мумкин:

$$p = p_0 - \gamma z. \quad (2.32)$$

Суюқлик сатҳидан  $m$  нуқтагача бўлган чуқурликни  $h$  билан белгилаймиз:

$$h = -z. \quad (2.33)$$

(2.33) тенгламани назарда тутган ҳолда (2.32) ни қуйидагича кўчириб ёзамиз

$$p = p_0 + \gamma h, \quad (2.34)$$

бу ерда  $p$  — қаралаётган нуқтага таъсир қилаётган мутлақ босим;  $p_0$  — суюқлик сатҳига таъсир этаётган босим, у ташқи босим дейилади.

Агар  $\gamma h$  ни  $p_{\text{огир}}$  ёки  $p_{\text{орт}}$  билан белгиласак, у ҳолда (2.34) формулада уни оғирлик ёки ортиқча босим деб номлаш мумкин

$$\gamma h = p_{\text{огир}} \quad (\text{белги}). \quad (2.35)$$

Бу (2.35) тенглама оғирлик босим ёки ортиқча босим деб аталади. (2.34) формуладан (2.6- расм) кўриниб турибдики, суюқликнинг ўз оғирлиги таъсирида ҳосил бўлган  $p_{\text{огир}}$  босим мутлақ босимнинг бир қисмини ташкил этади.

(2.34) тенгламани қараб чиқсак, қуйидаги хулосага келамиз:

1. Нуқтадаги мутлақ босим ташқи босим билан оғирлик босимнинг йиғиндисига тенг.

2. Берилган нуқтада ташқи босим қанчалик ортиб борса, шу нуқтадаги мутлақ босим ҳам шунчалик ортиб боради.

Суюқлик тўлдирилган идиш очиқ бўлса, у ҳолда ташқи босим атмосфера босимига тенг бўлади, яъни

$$p_0 = p_a \quad (2.36)$$

бу ерда  $p_a$  — атмосфера босими.

(2.36) тенгламадан  $p_0$  қийматини (2.34) тенгламага қўямиз

$$p = p_a + \gamma h, \quad (2.37)$$

Берилган нуқтада мутлақ босимнинг атмосфера босимидан фарқи  $p - p_a$  ортиқча  $p_{\text{орт}}$  босим дейилади; баъзан манометрик  $p_{\text{манометр}}$  босим деб ҳам аталади.

Амалда, биз мутлақ босим билан эмас, балки ортиқча босим билан иш юритамиз. Одатда, босим ўлчайдиган барча асбоблар ортиқча босимни ўлчайди. Шуларни назарда тутган ҳолда бундан буён қуйидаги белгиларни қабул қиламиз: 1) ортиқча босим учун  $p$ ; 2) мутлақ босим учун  $p_w$ . Бундан келиб чиққан ҳолда ортиқча босим (сув тўлдирилган очиқ идиш учун)

$$p = p_w - p_a \quad (2.38)$$

у ҳолда мутлақ босимни (2.37) тенгламага асосан қуйидагича ёзамиз:

а) суюқлик тўлдирилган идиш очиқ бўлганда



$$p_w = p_a + \gamma h = p_a + p_{\text{отп}} = p_a + p; \quad (2.39)$$

б) суюқлик тўлдирилган идиш берк бўлганда

$$p_w = p_0 + \gamma h = p_0 + p_{\text{отп}} = p_0 + p. \quad (2.40)$$

Демак, очик идиш учун оғирлик босим ва ортиқча босим тушунчалари бир хил экан. Бундан буён оғирлик босим ва ортиқча босимларнинг индексларини тушириб қолдириб, уларни фақат  $p$  билан ифодалаймиз

$$p = p_{\text{отп}} = \gamma h, \quad (2.41)$$

берк идиш учун эса  $p_{\text{отп}}$  ва  $p_{\text{орт}}$  босимлар ҳар хил қийматга эга, шунинг учун

$$p = p_{\text{отп}} + (p_0 - p_a). \quad (2.42)$$

Шундай қилиб, ҳаммаси бўлиб биз беш хил босимни; мутлақ  $p_w$ , оғирлик  $p_{\text{отп}}$ , ортиқча  $p_{\text{орт}}$ , ташқи  $p_0$  ва атмосфера  $p_a$  босимларни аниқладик. Гидростатик босим кучи тўғрисида сўз юритиладиган бўлса, улар:

1) мутлақ гидростатик босим кучи  $P_w$  ва 2) ортиқча гидростатик босим кучи  $P_{\text{орт}}$  га ажралади. Одатда «ортиқча» деган сўз тушириб қолдирилади ва қисқача гидростатик босим кучи деб аталади.

**Гидростатик босим. Вакуум.** Манометрик (гидростатик) босим симобли, сувли пьезометр ва механик асбоблар (манометр) ёрдамида ўлчанади. Манометрик (гидростатик) босим:

$$\text{берк идиш учун} \quad p_{\text{ман}} = p_w - p_0; \quad (2.43)$$

$$\text{очик идиш учун} \quad p_{\text{ман}} = p_w - p_a. \quad (2.44)$$

Маълумки, очик идишдаги суюқлик сатҳига атмосфера босими таъсир қилади. У ҳолда манометр ортиқча гидростатик босимни ўлчайди

$$p_{\text{ман}} = p = \gamma h, \quad (2.45)$$

бу ерда  $h$  — суюқлик сатҳидан қаралаётган нуқтагача бўлган чуқурлик. Агар мутлақ босим атмосфера босимидан наст

бўлса, суюқлик солинган идиш ичидаги ҳолат вакуум деб аталади. Вакуумни ўлчайдиган асбоб вакуумметр дейилади.

$$p_{\text{вжк}} = p_a - p_m \quad (2.46)$$


## 2.5-§. БОСИМНИ ЎЛЧАШ АСБОБЛАРИ. СУВ ВА СИМОБ БИЛАН ИШЛАЙДИГАН АСБОБЛАР. МЕХАНИК АСБОБЛАР

### а. Сув билан ишлайдиган асбоблар


**Пьезометрлар.** Пьезометрлар гидростатик босимни сув ёрдамида ўлчайди. Босимнинг миқдори шиша найча ичида кўтарилган суюқлик баландлиги билан аниқланади. Пьезометр (2.7 ва 2.8-расмлар) ҳар хил, яъни тўғри ёки эгилган шаклда бўлиб, икки томони очиқ шиша найчадан иборат. Пьезометрик баландликни ўлчайтганда суюқликнинг капилляр кўтарилишини таъминлаш ва бунда хатога йўл қўймаслик мақсадида найчанинг диаметри амалиётда 10–15 мм ва ундан катта қабул қилинади. Пьезометрнинг пастки томони идишнинг деворига, ўлчаниши керак бўлган нуқта жойлашган чуқурликка ўрнатилади. 2.7-расмда ҳам идиш, ҳам пьезометр очиқ, яъни  $p_0 = p_a$ . Бу ҳолда суюқлик сатҳи идишда ва пьезометрда бир хил текисликда бўлади ва пьезометрик  $h_p$  баландлик  $n$  нуқтаси жойлашган чуқурлик  $h$  га тенг бўлади:

$$h_p = h. \quad (2.47)$$

Бу ҳолатда ортиқча босим қуйидагича ёзилди:



2.7-расм.



2.8-расм.

$$p = \gamma h_p = \gamma h. \quad (2.48)$$

2.8-расмда идиш берк, пьезометр эса очик. Идишдаги суюқлик сатҳига таъсир этаётган ташқи  $p_0$  босим атмосфера босими  $p_a$  дан катта

$$p_0 > p_a. \quad (2.49)$$

У ҳолда пьезометр найчасидаги суюқлик идишдаги суюқлик сатҳидан (анча юқорига)  $h_p$  баландликка кўтарилади. Суюқликнинг ичидаги  $h$  нуқтасидаги гидростатик босим гидростатиканинг асосий тенгламаси (2.34) ёрдамида аниқланади:

$$p_m = p_a + \rho g h = p_a + \gamma h, \quad (2.50)$$

бундан

$$h_p = \frac{p_m - p_a}{\rho g} = \frac{p_m - p_a}{\gamma}. \quad (2.51)$$

Босимни шиша найчадаги суюқлик баландлиги билан ўлчаш жуда қулай, шунинг учун бу усул техникада кўп қўлланилади. Бу ерда шуни яхши эслаб қолиш керакки, сув учун  $1 \text{ кг} \cdot \text{куч}/\text{см}^2$  ёки  $1 \text{ атм.га}$  тенг бўлган босим

$$h_{p_{\text{сув}}} = \frac{p}{\rho_{\text{сув}} g} = \frac{p}{\gamma_{\text{сув}}} = \frac{9.81 \cdot 10000 \frac{\text{Н}}{\text{м}^2}}{9810 \frac{\text{Н}}{\text{м}^3}} = 10 \text{ м}, \quad (2.52)$$

баландлик, асоси  $1 \text{ см}^2$  бўлган сув устунини ташкил этади. Симоб учун эса

$$h_{p_{\text{симоб}}} = \frac{p}{\rho_{\text{симоб}} g} = \frac{p}{\gamma_{\text{симоб}}} = \frac{9.81 \cdot 10000 \frac{\text{Н}}{\text{м}^2}}{132900 \frac{\text{Н}}{\text{м}^3}} = 0,738 \text{ м} \sim 738 \text{ мм} \quad (2.53)$$

баландлик, асоси  $1 \text{ см}^2$  бўлган симоб устунини ташкил этади.

Пьезометр жуда сезгир ва аниқ асбоб, аммо у унча катта бўлмаган ( $0.5 \text{ атм.сферагача}$ ) босимни ўлчаш мумкин. Катта босим учун пьезометрнинг найчалари жуда узун бўлиши керак. Бу эса анча қийинчиликларни келтириб чиқаради. Бунда бошқача суюқлик ёрдамида ишлайдиган манометрлар

қўлланилади. Бу манометрлар зичлиги катта бўлган суюқликлар (масалан, симоб) ёдамида ишлайди. Симобнинг зичлиги сувникига қараганда 13,6 марта катта бўлганидан, симоб манометрнинг найчаси сув билан ишлайдиган пьезометр найчасига қараганда бир неча марта қисқа ва анча ихчам бўлади.

## б. Симоб билан ишлайдиган асбоблар

Симобли манометр (2.9-расм). Бу манометр  $U$  симон шаклдаги шиша найчадан иборат бўлиб, унинг эгилган тирсаги симоб билан тўлдирилади. Симоб манометрларини 3 атмосферагача бўлган босим учун ишлатиш мумкин. Идиш ичидаги босим таъсирида симоб сатҳи чап томондаги найчада пасаяди, ўнг томондаги найчада эса кўтарилади.

Чап томонда турган найчадаги симоб сатҳида  $A$  нуқтани белгилаймиз. Бу нуқтада гидростатик босим қуйидагича (гидростатиканинг асосий формуласини қўллаб) аниқланади.

Нуқта  $A$  га идишдаги суюқлик томонидан таъсир қиляётган мутлақ босим


$$p_m = p_0 + \rho_{\text{сув}} g h_{\text{сув}} = p_0 + \gamma_{\text{сув}} h_{\text{сув}} \quad (2.54)$$

Нуқта  $A$  га манометрдаги симоб томонидан таъсир қиляётган мутлақ босим

$$\begin{aligned} p_m &= p_a + \rho_{\text{симоб}} g h_{\text{симоб}} = \\ &= p_a + \gamma_{\text{симоб}} h_{\text{симоб}} \end{aligned} \quad (2.55)$$

бу ерда  $\rho_{\text{сув}}$  ва  $\rho_{\text{симоб}}$  — тегишли идишдаги суюқликнинг ва манометрдаги симобнинг зичлиги.

(2.54) ва (2.55) тенгламаларнинг ўзаро тенглик шартидан ташқи босим  $p_0$  ни аниқлаймиз:



2.9- расм,


$$\left. \begin{aligned} \text{ёки} \quad p_0 + \rho_{\text{сув}} g h_{\text{сув}} &= p_a + \rho_{\text{симоб}} g h_{\text{симоб}}; \\ p_0 + \gamma_{\text{сув}} h_{\text{сув}} &= p_a + \gamma_{\text{симоб}} h_{\text{симоб}}. \end{aligned} \right\} \quad (2.56)$$

(2.56) дан

$$\left. \begin{aligned} p_0 &= p_a + \rho_{\text{симоб}} g h_{\text{симоб}} - \rho_{\text{сув}} g h_{\text{сув}}; \\ p_0 &= p_a + \gamma_{\text{симоб}} \cdot h_{\text{симоб}} - \gamma_{\text{сув}} h_{\text{сув}}. \end{aligned} \right\} \quad (2.57)$$

Поршенли манометр. Улар катта босимларни ўлчаш учун ишлатилади. (2.10-расм). Улар гидравлик пресс шаклида бўлади. Бу манометр *A* найча, *B* поршен, *C* темир пластинка, каучукдан ясалган пластинка *D*, сув *K*, манометр тирсаги *E* ва симоб тўлатилган очик найча *G* дан тузилган.

*A* найчадан босим поршен орқали темир пластинка ва каучук пластинка ёрдамида, унинг тубида жойлашган манометр тирсаги ичидаги сувга таъсир этади, сув орқали эса манометрнинг *G* найчасидаги симобга таъсир кўрсатади, натижада симоб найчада юқорига кўтариллади. Кўтарилган баландликка қараб ортиқча гидростатик босим аниқланади. Агар поршень *B* нинг майдонини *f*, темир пластинка *C* нинг май-



2.10-расм.

донини  $F$  билан, манометр найчаси  $G$  да симобнинг кўтарилган баландлигини  $h$  билан белгиласак, босим (гидростатиканинг мувозанат тенгламасидан) қуйидагича бўлади:

$$p = \frac{F}{f} \rho_{\text{симоб}} g h_{\text{симоб}}. \quad (2.58)$$

Поршенли манометрлар ёрдамида кичик симоб устуналари орқали жуда катта босимларни ўлчаш мумкин.

Дифференциал манометрлар. Агар икки идишдаги (2.11-расм) ёки бир идишнинг икки ихтиёрли нуктасидаги (2.12-расм) босимлар фарқини ўлчаш керак бўлса, у ҳолда дифференциал манометр қўлланилади. Икки идишдаги бирлаштирилган дифференциал манометр 2.11-расмда кўрсатилган. Бу ерда ҳам, худди юқорида кўрсатилгандек шиша найча ичидаги симоб сатҳида ( $C$  нуктада) босим қуйидагича ёзилди:

а) нукта  $C$  га  $B$  идишдаги суюқлик томонидан таъсир қилаётган мутлақ босим

$$p_M^B = p_0^B + \rho_{\text{св}} g h_{\text{св}}; \quad (2.59)$$


б) нукта  $C$  га  $B$  идишдаги суюқлик томонидан таъсир этаётган мутлақ босим

$$p_M^{(b)} = p_0^{(b)} + \rho_{\text{св}} g h_{\text{св}} + \rho_{\text{симоб}} g h_{\text{симоб}}. \quad (2.60)$$

(2.59) ва (2.60) тенгламалар  $C$  нуктадаги босимни ифодалгани учун улар бир-бирига тенг бўлишлари шарт

$$p_M^{(B)} = p_M^{(b)}. \quad (2.61)$$

у ҳолда (2.59) ва (2.60) тенгламаларнинг ўнг томонлари ҳам нуктадаги мутлақ босимни ифодалайди. Шундай экан, улар ҳам бир-бирларига тенг бўлади



2.11- расм .

$$p_0^{(B)} + \rho_{\text{сув}} g h_{1\text{сув}} = p_0^{(A)} + \rho_{\text{сув}} g h_{2\text{сув}} + \rho_{\text{симоб}} g h_{\text{симоб}} \quad (2.62)$$

(2.62) ни қуйидагича ёзиш мумкин

$$p_0^{(B)} - p_0^{(A)} = \rho_{\text{сув}} g h_{2\text{сув}} - \rho_{\text{сув}} g h_{1\text{сув}} + \rho_{\text{симоб}} g h_{\text{симоб}} \quad (2.63)$$

ёки

$$p_0^{(B)} - p_0^{(A)} = \rho_{\text{сув}} g (h_2 - h_1)_{\text{сув}} + \rho_{\text{симоб}} g h_{\text{симоб}} \quad (2.64)$$


бу ерда  $(h_2 - h_1)_{\text{сув}} = -h_{\text{симоб}}$  бўлгани учун

$$p_0^{(B)} - p_0^{(A)} = -\rho_{\text{сув}} g h_{\text{симоб}} + \rho_{\text{симоб}} g h_{\text{симоб}} \quad (2.65)$$


натижада

$$p_0^{(B)} - p_0^{(A)} = (\rho_{\text{симоб}} - \rho_{\text{сув}}) g h_{\text{симоб}} \quad (2.66)$$

Шундай қилиб, босимлар фарқи  $U$  шаклдаги дифференциал манометрнинг иккала қисмидаги (шиша найчалардаги) симоб сатҳларининг фарқлари билан аниқланади. 2.12- расмда эса горизонтал қувурнинг икки  $A$  ва  $B$  нуқтасига бирлаштирилган дифференциал манометр кўрсатилган. Бу ҳолда ҳам 2.11-расмда кўрсатилгандек,  $B$  ва  $B$  нуқталардаги гидростатик босимлар фарқи (2.66) тенглама каби ифодланади:



2.12- расм.




2.13- расм.

$$p_1^{(A)} - p_2^{(B)} = (\rho_{\text{симоб}} - \rho_{\text{сув}})gh_{\text{симоб}} \quad (2.67)$$

**Микроманометр.** Микроманометрнинг юқорида келтирилган манометрлардан фарқи шундаки, уларнинг ўлчаш аниқликлари ниҳоятда юқори бўлиб, паст босимларни ўлчайди. Бундай микроманометрлардан бирининг тузилиши 2.13-расмда кўрсатилган. Микроманометр асосан, босим ўлчанадиган идишга уланган ҳавза (резервуар) *A* ва шиша *B* найчадан тузилган. Микроманометрнинг шиша найчаси текисликка нисбатан  $\alpha$  бурчак остида жойлашган бўлиб, бу бурчак хоҳлаганча ўзгартирилиши мумкин. Босим шиша найчанинг тубидаги қурилма ёрдамида аниқланади.

**Вакуумметр.** Гидравликада суюқлик тўлдирилган берк идиш ичидаги ихтиёрий нуқтасида мутлақ босим атмосфера босимдан паст бўлса, юқорида айтилгандек, бундай ҳолатга вакуум дейилади. Масалан, насоснинг сўриш қувуридаги босим, сифоннинг тирсагидаги босим ва ҳоказо. Атмосфера босимидан паст босимни (идишда вакуум бўлган ҳолда) ўлчайдиган асбоблар вакуумметр деб аталади. Шунини айтиш керакки, вакуумметр бўшлиқда тўғридан-тўғри босимни ўлчамайди, фақат вакуумни ўлчайди, яъни у идишдаги атмосфера босимгача етмаган босимни ўлчайди. Бу асбоб симобли асбоблардан деярли фарқ қилмайди, ишлаш усули бир хил. Вакуумметр 2.14- расмда тасвирланган. Бу ерда *U* шаклдаги шиша найчанинг тирсаги симобга тўлдирилган бўлиб, найчанинг бир томони босим ўлчанадиган идишга уланган. Найчанинг иккинчи очиқ томонига эса, атмосфера





2.14-расм.

босими таъсир қилади. Масалан,  $B$  идиш газ билан тўлдирилган бўлиб, ундаги босим

$$p_a = p_0 + \rho_{\text{симоб}} g h_{\text{симоб}}, \quad (2.68)$$

бундан

$$p_0 = p_a - \rho_{\text{симоб}} g h_{\text{симоб}}. \quad (2.69)$$

Бу ерда атмосфера босими таъсирида шиша найчадаги симоб кўтарилган баландлик

$$h_{\text{симоб}} = \frac{p_a - p_0}{\rho_{\text{симоб}} g}, \quad (2.70)$$

идишдаги  $p_{\text{вак}}$  вакуум эса  $p_i$  га тенг бўлади

$$p_{\text{вак}} = p_a - p = p_i \quad (\text{белги}). \quad (2.71)$$


Вакуум нолдан 1 атмосферагача ўзгаради. Вакуум гидростатик босимнинг ўлчов бирликларида ифодаланиши мумкин, лекин кўпроқ, суюқлик (сув) устуни баландлиги каби метрда ифодаланади.

## в. Механик асбоблар

Юқорида келтирилган суюқликлар (сув, симоб, спирт, эфир ва бошқалар)да ишлайдиган асбоблар унча катта бўлмаган босимларни ўлчашда асосан амалий лабораторияларда кенг қўлланилади. Катта босимларни, масалан, 5 атмосферадан юқори босимларни ўлчашда механик асбоблар, жумладан пружинали манометрлардан фойдаланилади.

**Пружинали манометр.** Бу асбоб (2.15- расм) бўш юпқа жез  $A$  найчадан тузилган бўлиб, уни бир томони тишли  $B$  механизмга ёпиштирилган. Иккинчи очиқ томони босим ўлчаниши керак бўлган  $D$  идиш билан уланган.  $A$  найча ичига уланган  $D$  идиш орқали суюқлик ўтади. Суюқлик босими таъсирида пружина тўғрилана бошлайди ва ташқи механизм (стрелка)ни ҳаракатга келтиради. Стрелканинг ҳаракати идишдаги ортиқча гидростатик босимни курсатади. Манометрдаги шкала ўлчанган босимнинг қийматини атмосфера босими бирликларида кўрсатади.

Мембранали манометр. Бунда суюқлик юпқа металл пластинкага (мембранага) таъсир этади (2.16-расм). Шунда мембрана букилиб ричаглар тизими орқали стрелкани ҳаракатга келтиради, стрелка эса идишдаги гидростатик босимни кўрсатади.



2.15-расм.


*Гидростатикадан амалий машғулот ўтказиши учун услубий характерга эга бўлган намунавий масалалар.*

**2.1-масала.** Берк идишга сув қуйилган ва у пьезометр билан жиҳозланган. Идишдаги сув сатҳига таъсир қилаётган босимни идиш берк бўлгани сабабли, ташқи босим деб ҳисоблаймиз. Масалада бу ташқи босим берилган (2.17-расм).


$$p_u = 10^5 \text{ Па}; p_0 = 1,25 \cdot 10^5 \text{ Па}; \gamma = 9810 \text{ Н/м}^3.$$

Идишга ўрнатилган пьезометр сув сатҳидан  $h = 3,0$  м паства  $n$  нуқтада жойлашган. Сув пьезометрда қандай  $h_p$  баландликка кўтарилишини аниқланг.


*Ечиш.* Пьезометрик баландлик (2.51) формула ёрдамида аниқланади. Унинг учун (2.54) га асосан  $p_u$  мутлақ босим (берк идиш учун)ни аниқлаймиз



2.16-расм.



2.17-расм.



2.18-расм.

$$\begin{aligned}
 p_m &= p_0 + \gamma h = \\
 &= 1,25 \cdot 10^5 + 9810 \cdot 3 = \\
 &= 1,544 \cdot 10^5 \text{ Па.}
 \end{aligned}$$

Пъезометрик баландлик

$$\begin{aligned}
 h_p &= \frac{p_m - p_a}{\gamma} = \\
 &= \frac{1,544 \cdot 10^5 - 1,0 \cdot 10^5}{9810} = 5,54 \text{ м.}
 \end{aligned}$$

**2.2-масала.** 2.18-расм-даги *A* идишдан ҳаво сиқиб чиқарилган, у ердаги босим  $p_{\text{вак}} = p_v = 0,60$  атмосфера. *A* идиш найча

орқали *B* идишдаги сув билан туташтирилган. *B* идиш очик, шунинг учун ундаги сув сатҳига атмосфера босими таъсир қилади.  $h_{\text{вак}}$  вакуум баландлигини аниқланг.

*Ечиш.* Найчада кўтарилган сувнинг  $h_{\text{вак}}$  баландлигини аниқлаймиз:

$$h_{\text{вак}} = h_v = \frac{p_a - p_v}{\gamma} = \frac{1 \cdot 10^5 - 0,6 \cdot 10^5}{9810} \approx 4,0 \text{ м,}$$


бу ерда

$$p_a = 1,0 \cdot 10^5 \text{ Па; } p_v = 0,6 \cdot 10^5 \text{ Па; } \gamma = 9810 \text{ Н/м}^3.$$

**2.3-масала.** Сув билан тўлдирилган очик идиш берилган (2.19-расм) *A* нуқтада ( $h$  чуқурликда) манометр ўрнатилган. Агар шу *A* нуқтада манометр  $p_{\text{ман}} = 0,40$  кгк/см<sup>2</sup> ёки 0,4 атмосферани кўрсатса, сув сатҳи шу нуқтадан қанча  $h$  баландликда бўлади?


*Ечиш.*

$$h = \frac{p_{\text{ман}}}{\gamma} = \frac{0,40 \cdot 10^5}{9810} \approx 4,0 \text{ м.}$$




2.19-расм.

**2.4-масала.** Вакуумметрли найчадаги симоб *n - n* чизигига нисбатан  $h_1 = 0,30$  м баландликка кўтарилган бўлса, (2.20-расм) *A* цилиндрдаги поршен остида ҳосил бўлган вакуумни аниқлаймиз.



2.20-расм.



2.21-расм.

*Ечиш.*


$$p_v = \gamma_{\text{снмоб}} h_v = 13,6 \cdot 10^4 \cdot 0,3 = 4,08 \cdot 10^4 \text{ Па.}$$

**2.5-масала.** Цилиндр шаклдаги берк идиш сув билан тўлдирилган (2.21-расм). Сувнинг чуқурлиги  $h = 2,0$  м. Сувнинг сатҳига  $p_0 = 2$  атмосферага тенг сиқилган босими, яъни ташқи  $p_0$  босим таъсир қиляпти. Агар идиш туби ер сатҳи (0–0 таққослаш текислиги)дан  $z = 3,0$  м баландда бўлса, идишдаги сувнинг гидростатик ва пьезометрик босимини аниқланг.  $p_a = 1,0 \cdot 10^5$  Па.

*Ечиш.* Идишнинг тубига таъсир қилувчи мутлақ гидростатик босим

$$p_m = p_0 + \gamma h = 2,0 \cdot 10^5 + 9810 \cdot 2 = 2,196 \cdot 10^5 \text{ Па.}$$

Таққослаш текислигига нисбатан гидростатик напор



2.22-расм.

$$H_s = \frac{p_M}{\gamma} + z =$$

$$= \frac{2,196 \cdot 10^5}{9810} + 3 = 25,35 \text{ м.}$$

Пьезометрик напор

$$H_p = H_s - \frac{p_0}{\gamma} =$$

$$= 25,35 - \frac{1,0 \cdot 10^5}{9810} \approx$$

$$\approx 15,15 \text{ м.}$$


## 2.6-§. ПАСКАЛЬ ҚОНУНИ ВА УНИНГ АМАЛДА ҚЎЛЛАНИЛИШИ

2.22- расмда кўрсатилганидек ҳамма томони берк идиш оламиз. Идиш сув билан тўлдирилган. Идиш деворларидан биридаги кичик тешикка поршен ўрнатиб, унинг ёрдамида идиш ичидаги сувга ташқи  $p_0$  босим қўямиз. Гидростатиканинг асосий тенгламасидан маълумки, тинч ҳолатдаги суюқликнинг ихтиёрий нуқтасидаги гидростатик босим икки омилга боғлиқ; суюқлик сатҳига таъсир этувчи ташқи  $p_0$  босим (идиш очиқ булса, ташқи босим атмосфера босими  $p_a$  бўлади) шу суюқлик ичидаги ихтиёрий олинган нуқтанинг сув сатҳига нисбатан жойлашган  $h$  чуқурлигига боғлиқ. Агар шу идишдаги суюқлик ичида ихтиёрий  $h_1, h_2, \dots$  ва ҳоказо чуқурликларда бир неча 1, 2, 3 ...  $n$  нуқта олсак ва бу нуқталар учун гидростатиканинг асосий тенгламасидан, мутлақ гидростатик босим формулаларини ёзсак, у ҳолда

$$\left. \begin{aligned} p_1 &= p_0 + \gamma h_1; \\ p_2 &= p_0 + \gamma h_2; \\ p_3 &= p_0 + \gamma h_3; \end{aligned} \right\} \quad (2.72)$$

ихтиёрий нуқталарга таъсир этаётган босимнинг қиймати фақат шу нуқталар жойлашган  $h$  чуқурликка боғлиқ экан, суюқлик сатҳига таъсир этувчи ташқи  $p_0$  босим эса, барча

1, 2, 3, ... нуқталар учун ўзгармас экан, яъни  $p_0 = \text{const}$ . Бу (2.72) тенгламадан кўриниб турибди. Бундан суюқлик сатҳига қўйилган ташқи  $p_0$  босим шу суюқлик ичидаги ихтиёрий нуқталарга бир хил таъсир этади, яъни ташқи босимни суюқлик ичида жойлашган ихтиёрий нуқталарга



2.23-расм.

(ҳамда ихтиёрий текисликка) бир хил таъсир этишини Б. Паскаль аниқлаган ва у, Б. Паскаль қонуни дейилади. Масалан,  $p$  босим кучининг суюқлик орқали идишнинг деворига таъсири, шу деворнинг майдонига тўғри пропорционалликни исботлаш учун тугаш идиш оламыз. (2.23-расм). У идишларнинг кўндаланг кесим майдонлари ҳар хил, улардан  $A$  идишнинг кўндаланг кесим майдони  $\omega_1$  кичик,  $B$  идишнинг майдони  $\omega_2$  эса катта. Агар поршен ёрдамида  $A$  идишдаги сув сатҳига  $P_1$  босим кучини қўйсак, бу ерда поршен тубидаги сув сатҳига таъсир қилаётган босим

$$p_0 = \frac{P_1}{\omega_1}, \quad (2.73)$$

булади. Б. Паскаль қонунига биноан  $p_0$  босим  $B$  идишдаги поршеннинг бирлик майдонига ҳам шундай таъсир этади. Бундан  $P_2$  босим кучи  $B$  идишдаги поршенга таъсири қуйидагича ёзилади

$$P_2 = p_0 \omega_2,$$

ёки

$$P_2 = P_1 \frac{\omega_2}{\omega_1}. \quad (2.74)$$

(2.74) тенгламадан кўринадики,  $B$  идишдаги  $\omega_2$  ва  $A$  идишдаги  $\omega_1$  суюқлик таъсир этаётган майдонлар нисбати  $\frac{\omega_2}{\omega_1}$  қанча катта бўлса,  $P_2$  куч  $P_1$  га нисбатан шунчалик катта бўлади. Масалан, агар  $\omega_1 = 5 \cdot 10^{-4} \text{ м}^2$ ;  $\omega_2 = 50 \cdot 10^{-4} \text{ м}^2$  ва  $P_1 = 100 \text{ Н}$  бўлса, у ҳолда

$$P_2 = P_1 \frac{\omega_2}{\omega_1} = 100 \frac{50 \cdot 10^{-4}}{5 \cdot 10^{-4}} 10^3 \text{ Н.}$$

Шундай бўлишига қарамасдан босим иккала поршен майдонининг бирлик юзаларига бир хил куч билан таъсир этади:

$$P_{0_1} = \frac{P_1}{\omega_1} = \frac{100}{5 \cdot 10^{-4}} = 2 \cdot 10^5 \text{ Па;}$$

$$P_{0_2} = \frac{P_2}{\omega_2} = \frac{1000}{50 \cdot 10^{-4}} = 2 \cdot 10^5 \text{ Па.}$$

## Б. Паскал қонунининг амалда қўлланилиши

Гидравлик машиналар Б. Паскал қонунига асосан ишлайди. Гидравлик машиналар қаторига гидравлик пресс, гидравлик аккумулятор, гидравлик домкрат ва бошқалар киряди.


**2.6-масала.** Бир ишчи гидравлик пресс ёрдамида унинг ричагига  $Q = 200 \text{ Н}$  куч билан таъсир этади (2.24-расм). Гидравлик пресс ричагининг катта елкаси  $a = 1,0 \text{ м}$ ; кичик елкаси  $b = 0,10 \text{ м}$ ; катта поршеннинг диаметри  $D = 250 \text{ мм}$ , кичик поршеннинг диаметри  $d = 25 \text{ мм}$ , фойдали иш

коэффициенти  $\eta = 0,80$ . Прессда сиқилиш кучининг қийматини аниқланг  $P_2$ .

*Ечиш.* Катта поршенга таъсир қилаётган босим кучини топамиз:

$$\begin{aligned} P_2 &= \eta \frac{aQ}{b} \left(\frac{D}{d}\right)^2 = \\ &= 0,8 \frac{1,0 \cdot 200}{0,10} \left(\frac{0,25}{0,025}\right)^2 = \\ &= 1,6 \cdot 10^4 \text{ Н.} \end{aligned}$$

Прессда сиқилиш кучи ричагнинг катта елкасига қўйилган ишчи кучига нисбатан 800 марта ортиқ экан.



2.24-расм.

## 2.7-§. СУЮҚЛИК БОСИМ КУЧИНИНГ ДЕВОР ЮЗАСИГА ТАЪСИРИ


**Суюқликнинг текис деворга босими.** Гидростатик босимнинг текис деворга таъсири ва унинг баландлиги бўйича тақсимланиш эпюраси. Ихтиёрий нуқтадаги гидростатик босимни билган ҳолда босим кучини ёки унинг тенг таъсир этувчисини (бирон бир деворга нисбатан) аниқлаш осон. Суюқликнинг бирон-бир юзага босим кучини аниқлаш, масалан, гидротехник иншоотларни, сув тўсғич дарвозаларни, сув ҳавзаларини, канал деворларини ва бошқаларни гидравлик ҳисоблашда (уларнинг статик мустаҳкамлигини аниқлашда) катта амалий аҳамиятга эга. Суюқликнинг гидростатик босим кучини аниқлашда, аввало, соддароқ ҳолларни қараб чиқамиз, масалан, босим кучларининг текис юзали деворга таъсирини, кейинчалик мураккаброқ ҳолларини, яъни гидростатик босим кучининг эгри сиртли деворларга таъсирини қараб чиқамиз.

*Ихтиёрий шаклдаги текис юзали деворга суюқликнинг босим кучини аниқлаймиз.* Бундай ҳолат учун суюқликнинг босим кучи тенгламаси аниқлангандан кейин сув сатҳига қўйилган босимнинг таъсирини қўшиб ўрганамиз. Унинг учун *Оу* ўқни текис деворнинг йўналиши бўйича оламиз, у горизонтал текисликка нисбатан  $\alpha$  бурчакни ташкил этади (2.25- расм). Бу девор бир томондан чуқурлиги  $h$  бўлган суюқликни ушлаб турибди. Шу *Оу* ўқи жойлашган ихтиёрий  $MN$  текисликда  $\omega$  майдонни белгилаймиз. Деворнинг  $MN$  текислигидаги  $\omega$  майдонига таъсир этаётган суюқликнинг  $P$  босим кучини аниқлаймиз.

$MN$  текисликдаги  $\omega$  майдоннинг оғирлик маркази  $C$  сув сатҳидан  $h_c$  чуқурликда жойлашган. Оғирлик маркази  $C$  нуқтасини *Оу* ўқи бўйича сув сатҳигача бўлган оралигини  $u$  билан ифодалаймиз (2.25- расмга қаранг).

Деворнинг ажратилган шу  $MN$  текислигига таъсир қилаётган босим кучини аниқлаш учун ундаги  $\omega$  майдонни  $\Delta\omega$  элементар майдончаларга ажратамиз ва шу майдончаларга таъсир қилаётган босим кучларини аниқлаймиз. Шу бо-





2.25-расм .

сим кучларининг йиғиндиси берилган  $MN$  текисликдаги  $\omega$  майдончага таъсир қилаётган босим кучини беради. Шу  $MN$  текисликдаги  $\omega$  майдонча ичида сув сатҳидан тик бўйича  $h_m$  чуқурликда ва текис деворнинг қиялиги бўйича  $y_m$  масофада жойлашган  $m$  нуқтасини оламиз; бу ерда  $h_m$  чуқурлик  $y_m$  ордината билан  $h_m = y_m \sin \alpha$  тенглама орқали боғланган. Маълумки,  $m$  нуқтадаги ортиқча гидростатик босим қуйидагича бўлади:

$$p^{(m)} = \rho g h_m = \gamma h_m. \quad (2.75)$$

$m$  нуқта атрофида  $\Delta\omega$  элементар майдончани ажратамиз. Бу элементар майдонча жуда кичик бўлгани учун унинг майдон бўйича гидростатик босимини ўзгармас деб қабул қилиб, (2.75) формулага асосан  $\Delta\omega$  элементар майдончага таъсир этаётган элементар  $\Delta P$  босим кучини қуйидагича аниқлаймиз:

$$\Delta P^{(m)} = p^{(m)} \Delta\omega, \quad (2.76)$$

ёки

$$\Delta P^{(m)} = \rho g h_m \Delta\omega = \gamma h_m \Delta\omega. \quad (2.77)$$

$h_m$  нинг ўрнига унинг  $h_m = y_m \sin \alpha$  қийматини қўйсак, у ҳолда

$$\Delta P^{(m)} = \gamma y_m \sin \alpha \Delta \omega \quad (2.78)$$

$MN$  текисликка таъсир қилаётган суюқликнинг  $P$  босим кучи  $\Delta \omega$  элементар майдончаларга таъсир қилаётган  $\Delta P$  элементар босим кучларининг йиғиндисига тенг:

$$P = \Sigma \Delta P = \Sigma \gamma \sin \alpha y_m \Delta \omega, \quad (2.79)$$

$\gamma$  ва  $\sin \alpha$  ўзгармас сонларни йиғинди  $\Sigma$  белгисидан ташқарига чиқарсак, (2.79) тенглама қуйидагича ёзилади:

$$P = \gamma \sin \alpha \Sigma y_m \Delta \omega. \quad (2.80)$$

(2.80) тенгламада  $\Sigma y_m \Delta \omega$  —  $\Delta \omega$  элементар майдончаларни  $y_m$  ораликқа ( $Ox$  ўқидан то  $\Delta \omega$  майдончагача бўлган масофа) кўпайтмаларининг йиғиндиси. Назарий механика курсида бундай кўпайтмаларнинг йиғиндиси майдончаларнинг статик моментни билдиради, у ҳолда  $MN$  текисликдаги  $\omega$  майдончанинг унинг оғирлик марказидан  $Ox$  ўқигача бўлган масофага кўпайтмаси бизга статик моментни беради, яъни

$$\sum_0^{\omega} y_m \Delta \omega = y_c \omega. \quad (2.81)$$

(2.81) тенгламадаги  $\sum_0^{\omega} y_m \Delta \omega$  ни (2.80) тенгламага қўйсак:


$$P = \gamma y_c \sin \alpha \omega. \quad (2.82)$$

Бундан  $y_c \sin \alpha$  ни  $h_c$  деб олсак, суюқликнинг босим кучини аниқлайдиган асосий формулани оламиз

$$P = \gamma h_c \omega. \quad (2.83)$$

$\gamma h_c$  —  $MN$  текисликдаги  $\omega$  майдончанинг  $C$  оғирлик марказига қўйилган ортиқча гидростатик босим бўлгани учун (2.83) тенгламага қуйидагича маъно бериш мумкин: текис деворнинг  $\omega$  майдонига қўйилган суюқликнинг  $P$  босим кучи шу  $\omega$  майдоннинг оғирлик марказига таъсир этаётган ортиқча гидростатик босимнинг шу майдонга кўпайтмасига тенг.

Юқорида келтирилган тушунча мутлақ босим кучига ҳам тааллуқли, яъни бу ҳолда суюқлик сатҳига таъсир қилаётган босим  $p_0$  (яъни ташқи босим) эътиборга олинади. У



2.26-расм.

керакки,  $h_c$  нинг қийматини доим тик (вертикал) буйича ўлчаш мақсадга мувофиқ (сув таъсир қилаётган текис деворнинг горизонтал текисликка нисбатан қандай бурчакда жойлашганидан қатъи назар). Яна шуни айтиш керакки, бундан буён деворга ва бошқа иншоотларга таъсир этаётган суюқликнинг босим кучи сўзини қисқача ортиқча босим ёки ортиқча босим кучи деб юритамиз.

**2.7-масала.** Квадрат шаклидаги сув тутқич текис темир дарвозага сувнинг босим кучини аниқланг; квадрат дарвозанинг томонлари  $1,0 \times 1,0$  м; дарвоза горизонтал текисликка нисбатан  $\alpha = 45^\circ$  бурчак остида жойлаштирилган. Дарвозанинг юқори қирраси сув сатҳидан  $h = 2,0$  м чуқурликда жойлашган (2.26-расм);  $\gamma = 9810$  Н/м<sup>3</sup> (ёки  $\rho = 1000$  кг/м<sup>3</sup>).

*Ечиш.* Сувнинг босим кучини (2.83) формуладан аниқлаймиз

$$P = \rho g h_c \omega = 1000 \cdot 9,81 \cdot 2,35 \cdot 1 = 2,305 \cdot 10^4 \text{ Н} = 2,305 \cdot 10 \text{ кН.}$$

Бу ерда

$$\rho g = \gamma = 9810 \text{ Н/м}^3;$$

$$h_c = h + y_c \sin \alpha = 2,0 + 0,5 \cdot 0,707 = 2,35 \text{ м};$$

$$\omega = 1,0 \cdot 1,0 = 1,0 \text{ м}^2.$$

Суюқлик босим кучининг текис деворга таъсири ва шу кучнинг миқдорини билишдан ташқари, шу  $P$  кучнинг йўналиши ва унинг таъсир нуқтасини ҳисоблашни билиш керак. Текис деворга таъсир қилувчи суюқликнинг босим кучининг йўналиши, гидростатик босимнинг биринчи хосасига асосан, текис девор юзасига тик (нормал) йўналган бўлади.

ҳолда текис деворнинг юзасига қўйилган  $P_n$  мутлақ босим кучи қуйидагича ёзилади:

$$P_n = p_0 \omega + \gamma h_c \omega = (p_0 + \gamma h_c) \omega. \quad (2.84)$$

(2.83) ва (2.84) тенгламалар ёрдамида  $P$  босим кучини ва  $\omega$ ,  $h_c$  ларни аниқлашда бир хил ўлчов бирлиги тизими СИ дан фойдаланиш керак.

Шуни ҳар доим эсда тутиш

## 2.8-§. ГИДРОСТАТИК БОСИМ МАРКАЗИ. БОСИМ КУЧНИНИНГ ҚЎЙИЛИШ НУҚТАСИ

Текис девор юзасидаги босим кучи қўйилган нуқта босим маркази дейилади. Горизонтал текисликка  $\alpha$  бурчак остида жойлашган текис деворга қўйилган босим марказини аниқлаш учун 2.25-расмга мурожаат этамиз. Расмда босим марказини  $D$  нуқта билан ифодалаб, унинг координати шу текис девор текислиги бўйича (яъни  $Oy$  ўқи бўйича)  $y_D$  бўлади. Босим маркази  $D$  сув сатҳидан  $h_D$  чуқурликда жойлашган бўлиб, у деворнинг оғирлик маркази ( $C$  нуқта) дан пастда бўлади.

**Босим марказининг координаталарини аниқлаш формуласи.** Бунинг учун назарий механикада қўлланиладиган, тенг таъсир этувчи момент теоремасидан фойдаланамиз, у қуйидагича: «Тенг таъсир этувчи кучнинг ихтиёрий координата ўқи (масалан,  $Ox$  ўқи)га нисбатан моменти унинг ташкил этувчи элементар кучларини шу координата ўқига нисбатан моментларининг йиғиндисига тенг». Тенг таъсир этувчи куч  $P$  нинг  $Ox$  ўқига нисбатан елкаси (ординатаси)  $y_p$  бўлади. Ташкил этувчи  $\Delta P$  элементар куч эса  $\Delta\omega$  элементар майдончага таъсир этади, унинг елкаси  $y$ .

Тенг таъсир этувчи  $P$  кучнинг  $Ox$  ўқига нисбатан моменти

$$M_p = P y_D \quad (2.85)$$

Элементар кичик  $\Delta P$  кучнинг  $Ox$  ўқига нисбатан моменти

$$M_{\Delta P} = \Delta P y. \quad (2.86)$$

Ташкил этувчи кучлар моментларининг йиғиндиси

$$\Sigma M_{\Delta P} = \sum_0^{\omega} \Delta P y. \quad (2.87)$$

Тенг таъсир этувчи момент теоремасига асосан (2.85) тенгламадан  $M_p$  (2.87) тенгламадаги  $M_{\Delta P}$  нинг йиғиндисига тенг

$$M_p = \Sigma M_{\Delta P},$$

ёки

$$P y_D = \sum_0^{\omega} \Delta P y. \quad (2.88)$$

Ортиқча босим кучини назарда тутсак, у ҳолда (2.88) тенгламадан

$$\Delta P = p \Delta \omega = \gamma h \Delta \omega = \gamma y \sin \alpha \Delta \omega \quad (2.89)$$

ва

$$P = \gamma y_C \sin \alpha \cdot \omega = \gamma h_C \omega. \quad (2.90)$$

Моментлар тенгламаси (2.88) ни қуйидагича кўчириб ёзамиз

$$\gamma h_C \omega y_D = \sum_0^{\omega} \gamma y^2 \sin \alpha \Delta \omega, \quad (2.91)$$

ёки ўзгармас элемент  $\gamma$  ва  $\sin \alpha$  ларни йигинди белгиси  $\Sigma$  дан ташқарига чиқариб,  $h_C$  ни  $y_C \sin \alpha$  га тенг деб олиб, (2.91) ни қуйидагича ёзамиз:

$$\gamma y_C \sin \alpha \omega y_D = \gamma \sin \alpha \sum_0^{\omega} \Delta \omega y^2, \quad (2.92)$$

(2.92) дан

$$y_D = \frac{\sum_0^{\omega} \Delta \omega y^2}{\omega y_C}. \quad (2.93)$$

Назарий механикадан маълумки, бу  $\sum_0^{\omega} \Delta \omega y^2$  катталиқ  $Ox$  ўқига нисбатан  $\omega$  майдоннинг  $I_x$  инерция momenti;  $\omega y_C$  катталиқ эса ўша  $Ox$  ўқига нисбатан  $\omega$  майдоннинг  $S_x$  статик momenti. Ихтиёрий шаклдаги текис майдончалар учун  $y_D$  ни ҳисоблаш формулалари 2.1-жадвалда келтирилган. Юқорида айтилганларни назарда тутган ҳолда (2.93) тенгламани қуйидагича ёзиш мумкин

$$y_D = \frac{I_x}{S_x} = \frac{I_x}{\omega y_C}. \quad (2.94)$$

Амалда кўпроқ шакл майдонининг оғирлик марказига нисбатан инерция momentидан фойдаланилади. Агар  $\omega$  май-

доннинг инерция моментини  $I_C$  орқали ифодаласак, назарий механиканинг параллел ўқларга нисбатан инерция моменти теоремасига асосан қуйидаги тенгламани ёзиш мумкин

$$I_x = I_C + \omega y_C^2. \quad (2.95)$$

Бу  $I_x$  инерция моментининг қийматини (2.94) га қўйсак, босим марказининг  $y_D$  координатаси учун қуйидаги тенгламани оламиз

$$y_D = y_C + \frac{I_C}{\omega y_C}. \quad (2.96)$$

ёки

$$y_D = y_C + e,$$


бу ерда  $e$  — эксцентриситет, у оғирлик маркази билан босим маркази оралиғидаги масофа

$$e = \frac{I_C}{\omega y_C},$$

бунда  $I_C$  — қаралаётган майдоннинг оғирлик маркази  $C$  нуқта орқали ўтказилган ўққа нисбатан ( $Ox$  ўқига параллел) инерция моменти. Майдоннинг инерция моментининг ўлчов бирлиги  $m^4$ ; статик моментники эса,  $m^3$ ;  $y$  ҳолда босим маркази  $y_D$  координатасининг ўлчов бирлиги,  $m$ .

(2.96) формуладан кўринадики,  $D$  босим маркази ҳар доим майдоннинг оғирлик марказидан пастда жойлашган бўлади. Суюқликнинг босими таъсир қилувчи майдон (текислик) горизонтал жойлашган бўлса, фақат бу ҳолда босим маркази майдоннинг оғирлик маркази билан бир нуқтада жойлашади. (2.96) формуладан фойдаланиш осон бўлиши учун 2.1-жадвалда текис деворга таъсир этувчи босим ва оғирлик марказининг координаталарини хусусий ҳоллар учун ҳисоблаш формуллари келтирилган.

**2.8-масала.** Текис тўғри тўртбурчакли сув тутгич дарвозанинг эни  $b = 1,5$  м, у горизонтал текисликка нисбатан  $\alpha = 60^\circ$  бурчак остида жойлашган бўлиб,  $h = 2,2$  м чуқурликдаги сувни тутиб турибди (2.27-расм). Шу дарвозага сувнинг босим кучини ва бу босим кучининг марказини аниқланг.  $\rho = 1000$  кг/м<sup>3</sup>.



2.27-расм.

Ечиш. Босим кучини (2.83) формуладан аниқлаймиз:

$$P = \gamma h_C \omega = \rho g h_C \omega = 1000 \cdot 9,81 \cdot 1,1 \cdot 3,82 = 4,12 \cdot 10^4 \text{ Н} = 4,12 \cdot 10 \text{ кН};$$

бунда

$$h_C = \frac{1}{2} h = \frac{1}{2} 2,2 = 1,1 \text{ м};$$

$$\omega = b \cdot y = b \frac{h}{\sin \alpha} = 1,5 \frac{2,2}{0,866} = 3,82 \text{ м}^2;$$

$$y = \frac{h}{\sin \alpha} = \frac{2,2}{0,866} = 2,55 \text{ м}.$$

Босим марказининг координатаси (2.96) формуладан аниқланади:

$$y_D = y_C + \frac{I_C}{\omega y_C} = 1,27 + \frac{2,07}{3,82 \cdot 1,27} = 1,27 + 0,423 = 1,69 \text{ м},$$

бунда

$$y_C = \frac{h_C}{\sin \alpha} = \frac{1,10}{0,866} = 1,27 \text{ м};$$

$$I_C = \frac{b y^3}{12} = \frac{1,5 \cdot 2,55^3}{12} = 2,07 \text{ м}^4;$$

Майдончанинг номи	Майдончанинг схемаси	Босим марказининг координатаси	Оғирлик марказининг координатаси
Тўғри тўртбурчак $\omega = b \cdot h_1$		$y_D = \frac{2}{3} h_1$	$y_C = \frac{1}{2} h_1$
Тўғри тўртбурчак (кўмилган) $\omega = b \cdot h_1$		$y_D = a + \frac{h_1}{3} \cdot \frac{3a+2h_1}{2a+h_1}$	$y_C = a + \frac{h_1}{2}$
Трапедия $\omega = \frac{1}{2}(B+b)h_1$		$y_D = \frac{h_1}{2} \cdot \frac{B+3b}{B+2h}$	$y_C = \frac{h_1}{3} \cdot \frac{B+2b}{B+b}$
Доира (кўмилган) $\omega = \frac{\pi D^2}{4}$		$y_D = a + r + \frac{r^2}{4(a+r)}$	$y_C = a + r$


Изоҳ. Агар текис девор горизонтал текисликка нисбатан қандайдир  $\alpha$  бурчак остида жойлашган бўлса,  $y_D$  нинг жадвалда келтирилган қийматини  $\sin \alpha$  га бўлиш керак.

2.1-жадвалдан фойдаланиб,  $y_D$  нинг координаталарини қуйидагича аниқлаймиз

$$y_D = \frac{2}{3} h \frac{1}{\sin \alpha} = \frac{2}{3} \cdot 2,2 \cdot \frac{1}{0,866} = 1,69 \text{ м.}$$

2.1-жадвалда келтирилган формулалар босим марказининг координаталарини аниқлашда ҳисоб-китобни анча содда-лаштиради.





2.28-расм .

**2.9-масала.**  $\alpha = 60^\circ$  ёнбошлаган текис девордаги тешикни беркитувчи, диаметри  $d = 0,5$  м бўлган доиравий сув тутгич дарвозага сувнинг  $P$  босим кучини ва қўйилган марказни аниқланг,  $a = 1,0$  м,  $\rho = 1000$  кг/м<sup>3</sup> (2.28-расм).

*Ечиш.* Сувнинг босим кучи (2.83) формуладан аниқланади:

$$P = \rho g h_c \omega = 1000 \cdot 9,81 \cdot 1,08 \cdot 0,196 = 2076,6 \text{ Н} = 2,08 \text{ кН},$$

бу ерда

$$h_c = \left(a + \frac{d}{2}\right) \sin \alpha = \left(1,0 + \frac{0,5}{2}\right) 0,866 = 1,08 \text{ м},$$

$$\omega = 0,785 d^2 = 0,785 \cdot 0,5^2 = 0,196 \text{ м}^2.$$

Босим марказининг координатасини 2.1-жадвалдан оламиз


$$y_D = a + r + \frac{r^2}{4(a+r)},$$

бу ерда  $a = 1,0$  м ва  $r = 0,25$  м бўлса,  $y_D$  ни аниқлаймиз:

$$y_D = 1,0 + 0,25 + \frac{0,25^2}{4(1,0+0,25)} = 1,26 \text{ м}.$$

## 2.9-§. СУЮҚЛИК БОСИМИНИНГ ИДИШ ТУБИГА ТАЪСИРИ

Идиш туби текис ногоризонтал бўлган ҳол. Юқорида келтирилган босим кучини ва у қўйилган нуқталарини ҳисоблайдиган формулалар, бу ерда ҳам идишнинг текис тубига таъсир этувчи босим кучларини ва суюқликнинг босим марказини аниқлашда қўлланилиши мумкин. Умуман олганда, агар идишнинг текис туби горизонтал текисликка  $\alpha$  бурчак остида ва шу идиш туби юзасининг оғирлик маркази сув сатҳидан  $h_c$  чуқурликда жой-




2.29-расм .

лашган бўлса, у ҳолда  $P$  босим кучи ва  $y_p$  босим марказининг координати (2.83) ва (2.96) формулалар ёрдамида аниқланади. Бу формулалардаги ҳамма шартли белгилар 2.29-расмда кўрсатилган.

Идиш туби текис горизонтал бўлган ҳол. Маълумки, амалда идишлар (яъни резервуарлар, сув ҳавзалари, тиндиргичлар, босимли баклар ва ҳоказолар)нинг тублари текис горизонталга яқин бўлади. Бунда  $P$  босим кучини ва  $y_p$  босим марказининг координатасини аниқлаш осонлашади. Ҳақиқатан, суюқлик тўлдирилган идиш туби текис горизонтал ва унинг майдони  $\omega$  бўлса, шу  $\omega$  майдоннинг оғирлик маркази  $h_c$  ( $C$  нуқта) шу идишдаги суюқликнинг  $h$  чуқурлигига тенг бўлса (яъни  $h_c = h$ ), у идишнинг текис горизонтал тубига таъсир этувчи ортиқча босим кучини ҳисоблаш формуласи қуйидагича бўлади:

$$P = \gamma h \omega.$$

Бу кўринишдаги формула қуйидагича ўқилади: идишнинг текис горизонтал тубига таъсир этаётган суюқликнинг босим кучи идиш тубидан сув сатҳигача бўлган чуқурликдаги сув устунининг оғирлигига тенг. Идишнинг текис горизонтал тубининг  $\omega$  майдонига таъсир этувчи босим кучи қўйилган нуқта шу майдончанинг оғирлик маркази билан мос тушади (2.30-расм), яъни оғирлик маркази ва босим маркази бир нуқтада бўлади.




2.30-расм .

## 2.10-§. ТҒҒРИ ТҮРТБҮРЧАКЛИ ДЕВОРГА ТАЪСИР ЭТУВЧИ ГИДРОСТАТИК БОСИМНИ АНИҚЛАШДА ГРАФОАНАЛИТИК УСУЛ

Умумий усул. Гидроиншоотларни гидравлик ҳисоблашда амалда кўпинча текис тўртбурчакли деворларга суюқлик босимининг таъсирини аниқлашга тўғри келади. Бу ҳолларда суюқликнинг  $P$  босим кучини ва у қўйилган  $D$  нуқтани аниқлашда графоаналитик усул кенг қўлланилади. Текис тўртбурчакли деворга таъсир этаётган босимни графоаналитик усулда аниқлаш қуйидагича: босимнинг миқдори ва унинг маркази ҳам график тузиш йўли билан чизма ёрдамида (босим эпюрасидан), ҳам аналитик ҳисоблаш йўли билан аниқланади.

**Босим миқдорини аниқлаш.** Бунинг учун тўғри тўртбурчакли тик (вертикал)  $AB$  деворни оламиз (2.31-расм). Бу деворга бир томондан чуқурлиги  $h_1$  бўлган суюқлик таъсир этапти. Бу деворнинг кенглигини  $b$  билан, суюқликнинг солиштирма оғирлигини эса  $\gamma$  билан ифодалаймиз.  $AB$  деворга ортиқча гидростатик босим эпюрасини чизамиз, у, тўғри бурчакли учбурчакдан иборат. Унинг  $BC$  томони  $\gamma h_1$  га тенг бўлади. Бу эпюранинг майдонини  $S$  деб олайлик. Берилган тик деворда эни  $b$  га ва баландлиги  $\Delta h$  га тенг бўлган  $\Delta S$  элементар майдончани ажратамиз, бу майдонча суюқлик сатҳидан  $h$  чуқурликда жойлашган. Шу майдончага тўғри келадиган босим кучи



2.31-расм.

$$\Delta P = p b \Delta h = \gamma h b \Delta h \quad (2.97)$$

2.31- расмдан кўринадик,  $\gamma h \Delta h$  кўпайтма, эпюранинг элементар  $\Delta S$  майдончасини беради, яъни

$$\Delta S = \gamma h \Delta h \quad (2.98)$$

(2.98) тенгламани (2.97) тенгламага қўйсақ,

$$\Delta P = \Delta S b. \quad (2.99)$$

Бу ҳолда  $AB$  деворнинг бугун юзасига таъсир этаётган суюқликнинг босим кучини оламиз

$$P = \Sigma \Delta P = \Sigma \Delta S b. \quad (2.100)$$

Тўғри тўртбурчакли деворнинг эни ўзгармас бўлгани учун суюқликнинг  $AB$  деворга босим кучи

$$P = b \Sigma \Delta S, \quad (2.101)$$

ёки  $\Sigma \Delta S = S$  бўлгани учун


$$P = S b. \quad (2.102)$$

Шундай қилиб, текис тўртбурчакли деворга таъсир этаётган босим кучи девордаги босим эпюраси  $S$  майдонининг деворнинг  $b$  энига кўпайтмасига тенг.

**Босим марказини аниқлаш.** Маълумки,  $P$  босим кучи  $AB$  деворга тик йўналган бўлади, шундай экан, текис тўртбурчакли деворга қўйилган  $D$  босим маркази деворнинг 0-0 симметрия ўқида жойлашган бўлиб, шу ўқ бўйича деворнинг оғирлик марказидан пастда туради (2.32- расмга қаранг).

Босим кучини график усулда аниқлашда унинг босим марказини деворнинг тубидан бошлаб ўлчаб қўйиш қулайроқ. Деворнинг баландлиги бўйича унинг тубидаги  $B$  нуқтадан, босим маркази  $D$  нуқтагача бўлган оралиқни  $e$  билан белгилаймиз (2.32- расм), у оралиқдаги масофа босим кучининг елкаси дейилади.

Шундай қилиб, босим кучи ва босим марказини



2.32-расм.

аниқлашда қўлланиладиган графоаналитик усул қуйидагича. Аввало, берилган тўғри тўртбурчакли деворга суюқликнинг гидростатик босим эпюраси чизилади, ва эпюранинг  $S$  майдони аниқланиб, уни деворнинг кенглиги  $b$  га кўпайтирилади; бу олинган  $Sb$  кўпайтма деворга қўйилган босим кучининг миқдорини беради:  $P = Sb$ . Кейин, босим эпюрасининг оғирлик маркази аниқланади ва шу марказдан девор чизилгача тик (перпендикуляр) ўтказамиз. Шу ўтказилган тик (перпендикуляр)нинг девор чизиғи билан учрашган нуқтаси босим маркази дейилади. Шунини айтиш керакки, бундай графоаналитик усул фақат текис тўғри тўртбурчакли, унинг эни узгармас бўлган шаклдаги деворларга тааллуқли.

## 2.11-§. ГИДРОСТАТИК БОСИМ КУЧИНING ТЕКИС ТЎҒРИ ТЎРТБУРЧАКЛИ ДЕВОРГА ТАЪСИРИ

**Графоаналитик усулни қўллаш.** Текис тўғри тўртбурчакли деворга суюқликнинг босим кучини графоаналитик усулда аниқлашнинг бешта хусусий ҳолини кўриб чиқамиз. Бунда қуйидаги шартли белгилар қабул қилинган.  $h_1$  — юқори бьефдаги сувнинг чуқурлиги (бу ҳолда сув деворга бир томондан, яъни чап томондан таъсир этади);  $h_2$  — пастки бьефдаги сувнинг чуқурлиги (бу ҳолда сув деворга ўнг томондан таъсир қилади). Қолган шартли белгилар умумий гидравликада қабул қилинган.

1. Биринчи хусусий ҳол. Тик текис тўғри тўртбурчакли девор берилган, унга сув бир томондан (чап томондан), яъни юқори бьефдан таъсир этапти. 2.31-расмда сувнинг чуқурлиги  $h_1$ . Расмда суюқлик босимининг эпюраси тўғри бурчакли учбурчак шаклида бўлиб, бу эпюранинг  $S$  майдони

$$S = \frac{\gamma h_1 h_1}{2} = \frac{\gamma h_1^2}{2},$$

у ҳолда суюқликнинг деворга босим кучи

$$P = Sb = \frac{1}{2} \gamma h_1^2 b.$$

Шу босим кучининг елкаси  $B$  нуқтасига нисбатан (яъни деворнинг тубига нисбатан) бундай ёзилади:

$$e = \frac{1}{3} h_1.$$

2. Иккинчи хусусий ҳол. Бу хусусий ҳолда девор қия жойлашган бўлиб, горизонтал текислик билан  $\alpha$  бурчакни ҳосил қилади (2.32- расм), қолган ҳамма шартлари биринчи хусусий ҳолдагидек. Бу ҳолда ҳам суюқликнинг босим эпюраси тўғри бурчакли учбурчак шаклида бўлади. Бу эпюранинг  $S$  майдони қуйидагича ёзилади:

$$S = \frac{\gamma h_1 h_1}{2 \sin \alpha} = \frac{1}{2} \frac{\gamma h_1^2}{\sin \alpha}.$$

Суюқликнинг деворга босим кучи  $P = S b$  ёки

$$P = \frac{1}{2} \frac{\gamma h_1^2 b}{\sin \alpha}.$$


Деворга қўйилган босим кучининг елкаси

$$e = \frac{1}{3} \frac{h_1}{\sin \alpha}.$$

**2.10-масала.** Тошдан қурилган тўғон берилган, унга юқори бьефдан сув таъсир қиляпти. Тўғонга таъсир қиляётган  $P$  босим кучининг  $P_x$  горизонтал ташкил этувчиси аниқлансин. Тўғоннинг узунлиги (олди деворининг эни)  $b = 5,0$  м, сувнинг чуқурлиги  $h_1 = 4,0$  м (2.33- расм).  $\rho = 1000$  кг/м<sup>3</sup> ёки  $\gamma = \rho g = 1000 \cdot 9,81 = 9810$  Н/м<sup>3</sup>.

*Ечиш.* Тўғоннинг олди деворига қўйилган босим кучи қуйидаги тенгламадан аниқланади:

$$P = \frac{\gamma h_1^2 b}{2 \sin \alpha}.$$



2.33-расм.

бу ерда  $\alpha$  — тўғон олди деворнинг горизонтал текисликка нисбатан оғиш бурчаги.

Босим кучининг горизонтал текисликка проекцияси

$$P_x = P \cos(90^\circ - \alpha).$$


$P$  нинг қийматини ўрнига қўйсақ ва  $\cos(90^\circ - \alpha)$  ни  $\sin\alpha$  билан алмаштираёқ, у ҳолда

$$P_x = \frac{\gamma h_1^2 b \sin \alpha}{2 \sin \alpha} = \frac{\gamma h_1^2 b}{2} = \frac{9810 \cdot 4^2 \cdot 5}{2} = 392400 \text{ Н} = 3,92 \cdot 10^5 \text{ Н} = 3,92 \cdot 10^2 \text{ кН}.$$

3. Учинчи хусусий ҳол. Тик тўғри тўртбурчакли деворга икки томондан суюқлик босим кучи таъсир қиляпти (2.34- расм). Деворнинг чап томонидаги сувнинг чуқурлиги  $h_1$ , унғ томонидагиси эса —  $h_2$ .

$AB$  деворга натижавий босим эпюраси трапеция шаклда бўлиб, уни ташкил этувчи асослари  $h_1$  ва  $h_2$ , баландлиги эса  $(\gamma h_1 - \gamma h_2)$  бўлади. Бу трапеция шаклидаги босим эпюрасининг майдони қуйидагича

$$S = \frac{\gamma h_1^2 - \gamma h_2^2}{2} = \frac{\gamma}{2} (h_1^2 - h_2^2).$$




2.34-расм.

Суюқликнинг  $AB$  деворига босим кучи

$$P = S b = \gamma (h_1^2 - h_2^2) \frac{b}{2}.$$


Графоаналитик усулда трапеция шаклдаги босим эпюрасининг босим маркази аниқланади. Бунинг учун аввало, график усулда асослари  $m$  ва  $n$  бўлган трапеция шаклидаги босим эпюрасининг оғирлик маркази аниқла-

нади (бу ерда 2.34-расмдаги  $h_1$  ни  $n$  ва  $h_2$  ни  $m$  деб қабул қилинган, 2.35-расмга қаранг). Трапеция шаклидаги эпюранинг оғирлик марказини аниқлаш учун медиана ўтказамиз — бу чизиқ трапециянинг иккала асосларини тенг иккига бўлади:  $m$  асосининг узунлиги  $n$  асосининг бир ёқ томонига,  $n$  асосининг узунлиги  $m$  асосининг иккинчи ёқ томонига қўйилиб, уларнинг охирилари тўғри чизиқ билан бирлаштирилади; шу тўғри чизиқнинг медиана билан учрашган  $O$  нуқтаси бизга трапециянинг оғирлик марказини беради (2.35-расм). Шу тарзда босим эпюрасининг марказини аниқлаймиз. Бу марказдан тенг таъсир этувчи босим



2.35-расм.

кучининг векторини ўтказиб, уни девор билан учрашгунча давом эттирсак, босим маркази топилади, бу нуқтани  $D$  ҳарфи билан белгилаймиз. Масштабда, чизмадан  $BD$  оралиғи босим кучининг елкаси  $e$  дейилади. Босим кучи елкасини аналитик усулда ҳам аниқлаш мумкин. У ҳолда тенг таъсир этувчи кучнинг моменти, қандайдир бир ихтиёрий нуқтага нисбатан, кучлар моментининг йиғиндисига тенг. Фараз қилайлик, 2.36-расмда  $P$  — тенг таъсир этувчи босим кучи;  $e$  — унинг елкаси.  $P_1$  — чап томондаги суюқликнинг босим кучи,  $P_2$  қуйидаги формулага асосан аниқланади:



2.36-расм.



$$P_1 = \frac{\gamma h_1^2 b}{2},$$

бу ерда  $e_1$  — шу  $P_1$  босим кучининг елкаси;

$$e_1 = \frac{1}{3} h_1,$$

$P_2$  — ўнг томондаги суюқликнинг босим кучи,

$$P_2 = \frac{\gamma h_2^2 b}{2},$$

бунда  $e_2$  — шу  $P_2$  босим кучининг елкаси;

$$e_2 = \frac{1}{3} h_2.$$

Босим кучининг елкасини аналитик усулда аниқлаш учун берилган нуқтага нисбатан моментлар тенгламасини тузамиз

$$P \cdot e = P_1 e_1 - P_2 e_2.$$

Мазкур тенгламага  $P$ ,  $P_1$ ,  $P_2$ ,  $e_1$ ,  $e_2$  ларнинг қийматларини қўйиб чиқамиз

$$\gamma(h_1^2 - h_2^2) \frac{b}{2} e = \frac{\gamma h_1^2 b}{2} \frac{h_1}{3} - \frac{\gamma h_2^2 b}{2} \frac{h_2}{3},$$


ёки

$$\frac{1}{2} \gamma (h_1^2 - h_2^2) b e = \frac{1}{6} \gamma (h_1^3 - h_2^3) b,$$

бундан тенг таъсир этувчи босим кучининг елкасини аниқлаймиз

$$e = \frac{1}{3} \cdot \frac{h_1^3 - h_2^3}{h_1^2 - h_2^2}.$$

**2.11-масала.** Эни  $b = 4,0$  м бўлган вертикал сув туткич дарвозани юқорига тик йўналишда кўтариш учун тортиш кучини аниқланг. Дарвозанинг чап томонидаги сувнинг чуқурлиги  $h_1 = 3,0$  м, ўнг томондаги сувнинг чуқурлиги эса  $h_2 = 1,0$  м (2.37- расм).



2.37-расм.

Дарвозанинг оғирлиги  $G = 250$  кг·к. Дарвоза кўтарилаётган вақтда у бетон устунга ишқаланади, бундаги ишқаланиш коэффиценти  $f = 0,5$ .

*Ечиш.* Дарвозани кўтариш учун тортиш кучи қуйидаги тенгламадан аниқланади

$$T = Pf + G,$$


бу ерда  $Pf$  — ишқаланиш кучи.

Шундай қилиб, суюқликнинг дарвозага нисбатан босим кучини қуйидаги тенгламадан аниқлаймиз

$$P = \frac{1}{2} \gamma (h_1^2 - h_2^2) b = \frac{1}{2} 9810 (3,0^2 - 1,0^2) 4,0 = 1,57 \cdot 10^5 \text{ Н} = 1,57 \cdot 10^2 \text{ кН}.$$

Дарвозани юқорига тортиш кучи:

$$T = 1,57 \cdot 10^5 \cdot 0,5 + 2,45 \cdot 10^3 = 8,10 \cdot 10^4 \text{ Н} = 8,10 \cdot 10 \text{ кН}.$$



2.38-расм.

4. Тўрттинчи хусусий ҳол. Бу учинчи хусусий ҳолдан фақат девор горизонтал текисликка нисбатан  $\alpha$  бурчак остида қия жойлашганлиги билан фарқ қилади (2.38-расм). Бунда қия деворга суюқликнинг тенг таъсир этувчи босим кучи, учинчи хусусий ҳолдагидек, қуйидаги формуладан аниқланади:

$$P = \frac{1}{2} \frac{\gamma(h_1^2 - h_2^2)b}{\sin \alpha},$$

тенг таъсир этувчи босим кучининг елкаси

$$e = \frac{1}{3} \frac{(h_1^3 - h_2^3)}{(h_1^2 - h_2^2) \sin \alpha}.$$

5. Бешинчи хусусий ҳол. Тик тўғри тўртбурчакли деворга суюқлик бир томондан (масалан, чап томондан, яъни юқори бьефдан) таъсир қиляпти (2.39-расм). Деворнинг устки томони сув сатҳидан  $a$  чуқурликда жойлашган. Бу деворга таъсир қиляётган суюқлик босимининг эпюраси трапеция шаклида бўлиб, пастки томонининг (тубининг) асоси  $\gamma h_1$ , юқори томонининг асоси  $\gamma a$ , эпюранинг баландлиги  $h_1 - a$  (2.39-расмга қаранг). Бундай трапеция шаклидаги эпюранинг майдони қуйидагича:


$$S = \frac{1}{2}(\gamma h_1 - \gamma a)(h_1 - a) = \frac{1}{2}\gamma(h_1^2 - a^2).$$

AB деворга таъсир этаётган суюқликнинг босим кучи

$$P = S b,$$

ёки

$$P = \frac{1}{2}\gamma(h_1^2 - a^2)b.$$



2.39-расм.

Бунда ҳам, учинчи хусусий ҳолдаги каби трапеция шаклидаги эпюрандан график усулни қўллаш йўли билан босим маркази топилади. Бу ҳолда трапеция шаклидаги эпюранинг оғирлик маркази қуйидаги формуладан аниқланади

$$e = \frac{k}{3} \frac{2m+n}{m+n},$$


бу ерда  $n$  ва  $m$  — трапециянинг пастки ва юқори томонларининг асослари;  $k$  — трапециянинг баландлиги (2.40-расм).

2.39- ва 2.40- расмларни солиштирсак, у ҳолда қуйидагиларга эга бўламиз:  $n = \gamma h_1$ ,  $m = \gamma a$ ,  $k = h_1 - a$ .


Юқорида келтирилган  $e$  ни аниқлаш тенгламасига 2.39- ва 2.40- расмлардаги босим эпюрасидан  $k$ ,  $m$ ,  $n$  нинг қийматларини қўйиб чиқсак, суюқликнинг тенг таъсир этувчи босим кучининг елкасини аниқловчи формулани оламиз:

$$e = \frac{1}{3}(h_1 - a) \frac{h_1 + 2a}{h_1 + a}.$$

Агар суюқлик таъсир этувчи девор горизонтал текисликка нисбатан қандайдир  $\alpha$  бурчак остида жойлашган бўлса, у ҳолда юқоридаги  $P$  ни ва  $e$  ни аниқлаш формулаларининг махражига  $\sin \alpha$  кўпайтувчи киритилади.



2.40-расм.



2.41-расм.

**2.12-масала.** Тик жойлашган тўғри тўртбурчакли сув тутқич дарвоза берилган, унинг баландлиги  $h_{\text{дар}} = 0,70$  м, эни  $b = 0,50$  м, дарвоза сувга чуқтирилган бўлиб, унинг устки томони сув сатҳидан  $a = 4,0$  м чуқурликда жойлашган (2.41-расм). Дарвозага таъсир этаётган суюқликнинг босим кучини ва босим марказини аналитик ва графоаналитик усулларда аниқланг.

*Ечиш.* 2.41- расмдан кўринадики, сув тутқич дарвозага таъсир этувчи суюқлик босимининг эпюраси трапеция шаклида бўлиб, унинг устки асоси:

$$\gamma a = 9810 \cdot 4,0 = 3,92 \cdot 10^4 \text{ Н/м}^2 = 3,92 \cdot 10 \text{ кН/м}^2;$$

пастки асоси

$$\begin{aligned} \gamma h &= \gamma(h_{\text{дар}} + a) = 9810 \cdot (0,70 + 4,0) = 4,6 \cdot 10^4 \text{ Н/м}^2 = \\ &= 4,6 \cdot 10 \text{ кН /м}^2; \end{aligned}$$

баландлиги

$$h_{\text{дар}} = 0,70 \text{ м.}$$

Трапеция шаклидаги босим эпюрасининг майдони

$$S = \frac{3,92 \cdot 10^4 + 4,6 \cdot 10^4}{2} \cdot h_{\text{дар}} = 4,26 \cdot 10^4 \cdot 0,7 = 2,98 \cdot 10^4 \text{ Н/м.}$$

Суюқликнинг босим кучи

$$P = S b = 2,98 \cdot 10^4 \cdot 0,5 = 1,49 \cdot 10^4 \text{ Н} = 1,49 \cdot 10 \text{ кН.}$$

## Босим марказининг елкаси


$$e = \frac{h-a}{3} \cdot \frac{2a+h}{a+h} = \frac{4,7-4}{3} \cdot \frac{2,4+4,7}{4+4,7} = \frac{0,7}{3} \cdot \frac{7,1}{8,7} = 0,19 \text{ м.}$$

### 2.12-§. СУЮҚЛИКНИНГ ЦИЛИНДРИК ЮЗАГА БОСИМИ. ГИДРОСТАТИК БОСИМНИНГ ЭПЮРАСИ. СУЮҚЛИК БОСИМ КУЧИНИ АНИҚЛАШДА УМУМИЙ УСЛУБИЙ КЎРСАТМА

Амалда суюқликнинг гидростатик босим кучини фақат текис тик ва қия ҳолатдаги деворларга таъсирини ўрганиб қолмасдан, балки суюқликнинг ихтиёрий эгри юзага таъсирини ҳам аниқлаш керак бўлади. Мазкур дарсликда гидротехник иншоотларни гидравлик ҳисоблашда кўнроқ учрайдиган эгри юзаларидан энг соддаси — эгри цилиндрик юзаларни қараб чиқамиз.

#### Суюқликнинг босим кучини аниқлашда умумий услубий кўрсатма

Цилиндрик деворга суюқликнинг босим кучини, унинг йўналишини ва қўйилган нуқтасини аниқлаш. Ҳисоблашнинг умумий тартиби қуйидагича. Босим кучининг координаталар ўқидаги вертикал ва горизонтал ташкил этувчиларини аниқлаб ва назарий механика қоидаларига асосан, босим кучининг тенг таъсир этувчисини топамиз. У цилиндрик юзага таъсир этаётган кучни беради. 2.42-расмда  $AB$



2.42-расм.

цилиндрик девор сиртига чап томондан, яъни юқори бьефдан суюқлик таъсир этипти. Белгилаймиз:  $b$  —  $AB$  деворнинг эни,  $P$  —  $AB$  деворга таъсир этаётган суюқликнинг босим кучи. Шу  $AB$  эгри юзада бир кичик  $\Delta\omega$  майдонча ажратамиз, элементар майдончага таъсир этаётган суюқликнинг элементар босим кучини  $\Delta P$  билан белгилаймиз.  $\Delta P$  босим кучи  $AB$  юзадаги  $\Delta\omega$  майдончага нормал бўйича йўналган. Горизонтал  $Ox$  ва вертикал  $Oz$  координата ўқларини ўтказамиз.  $\Delta P$  куч қўйилган нуқтада  $\Delta P$  кучни икки, горизонтал  $\Delta P_x$  ва вертикал  $\Delta P_z$  ташкил этувчиларга ажратамиз. Агар  $\Delta P$  кучнинг горизонтал текисликка нисбатан жойлашган бурчагини  $\alpha$  билан белгиласак, у ҳолда  $\Delta P_x$  ва  $\Delta P_z$  қуйидагича ёзилади:

$$\left. \begin{aligned} \Delta P_x &= \Delta P \cos \alpha, \\ \Delta P_z &= \Delta P \sin \alpha. \end{aligned} \right\} \quad (2.103)$$

Агар  $\Delta\omega$  майдончанинг оғирлик маркази сув сатҳидан  $h$  чуқурликда жойлашган бўлса, оғирлик марказидаги ортиқча гидростатик босим  $p = \gamma h$  бўлади, у ҳолда элементар босим кучи қуйидагича ёзилади

$$\Delta P = p \Delta\omega = \gamma h \Delta\omega. \quad (2.104)$$

**Босим кучининг горизонтал ташкил этувчиси.** (2.104) тенгламадан  $\Delta P$  ни (2.103) тенгламага ўз ўрнига қўйсақ, элементар босим кучининг горизонтал ташкил этувчиси  $\Delta P_x$  ни оламыз

$$\Delta P_x = \gamma h \Delta\omega \cos \alpha, \quad (2.105)$$

бу ерда  $\Delta\omega \cos \alpha$  — элементар  $\Delta\omega$  майдончанинг вертикал текисликка проекцияси, уни  $\Delta\omega_z$  билан белгиласак  $\Delta\omega \cos \alpha = \Delta\omega_z$ , у ҳолда (2.105) тенглама қуйидагича ёзилади:

$$\Delta P_x = \gamma h \Delta\omega_z, \quad (2.106)$$

у ҳолда  $AB$  эгри (цилиндрик) деворга тенг таъсир этувчи босим кучининг горизонтал ташкил этувчиси  $P_x$  қуйидагича ёзилади

$$P_x = \Sigma \Delta P_x = \Sigma \gamma h \Delta\omega_z, \quad (2.107)$$

ёки ўзгармас  $\gamma$  ни йиғинди  $\Sigma$  белгисидан ташқарига чиқарсак:

$$P_x = \gamma \Sigma h \Delta \omega_z, \quad (2.108)$$

Назарий механикадан маълумки,  $\Sigma h \Delta \omega_z$  бизга сув сатҳига нисбатан барча  $\omega_z$  элементар майдончаларни проекциясининг статик моментини беради ва у барча  $\omega_z$  майдоннинг вертикал проекциясини унинг оғирлик марказининг сув сатҳидан  $h_c$  чуқурликда жойлашган оралиғининг кўпайтмасига тенг

$$\Sigma h \Delta \omega_z = \omega_z h_c. \quad (2.109)$$

(2.109) ни (2.108)га қўйиб, суюқлик босим кучининг горизонтал ташкил этувчисини топамиз

$$P_x = \gamma h_c \omega_z, \quad (2.110)$$

бу ерда  $\omega_z$  — цилиндрик деворнинг вертикал проекциясининг майдони;  $h_c$  — шу вертикал проекцияси майдоннинг оғирлик марказини (сув сатҳига нисбатан) жойлашган чуқурлиги.

Горизонтал ташкил этувчи  $P_x$  кучнинг катталиги босим эпюрасининг  $B'BC$  майдони  $S$  орқали ифодаланиши ҳам мумкин (2.42-расм).

**Босим кучининг вертикал ташкил этувчиси.**  $AB$  цилиндрик деворнинг элементар майдончасига таъсир этаётган  $\Delta P$  элементар босим кучининг  $\Delta P_z$  вертикал ташкил этувчиси (2.103) тенгламадан

$$\Delta P_z = \Delta P \sin \alpha = \gamma h \Delta \omega \sin \alpha, \quad (2.111)$$

бу ерда  $\Delta \omega \sin \alpha$  — элементар  $\Delta \omega$  майдончанинг горизонтал текисликка проекцияси; уни  $\Delta \omega_x$  билан белгилаб қуйидагини оламиз

$$\Delta P_z = \gamma h \Delta \omega_x, \quad (2.112)$$

бу ерда  $h \Delta \omega_x$  кўпайтма  $\Delta V_0$  элементар призманинг ҳажмини беради, яъни



$$h\Delta\omega_x = \Delta V_0,$$

уни (2.112) га қўйсақ, қуйидагича бўлади:

$$\Delta P_z = \gamma \Delta V_0. \quad (2.113)$$

Эгри деворга тенг таъсир этувчи босим кучининг вертикал ташкил этувчи  $P_z$  кучи


$$P_z = \Sigma \Delta P_z = \Sigma \gamma \Delta V_0 = \gamma \Sigma \Delta V_0 \quad (2.114)$$

ёки


$$P_z = \gamma V_0, \quad (2.115)$$

бу ерда  $\Sigma \Delta V_0$  —  $AB$  эгри (цилиндрик) шаклли девор бўйича элементар  $\Delta V_0$  ҳажмлар йиғиндиси. 2.42-расмдан кўринадик,  $ABB'$  жисмининг ҳажми  $V_0$ . Бу ҳажм гидравликада шартли равишда «босим тана»си деб аталади, у 2.42-расмда вертикал штрих чизиқлар билан белгиланган. Бу ерда  $\gamma V_0$  — «босим тана» оғирлиги, унда (2.115) тенглама қуйидагича ўқилади: элементар цилиндрик деворга  $P_z$  суюқлик босим кучининг вертикал ташкил этувчиси шу ҳажмдаги сувнинг босим танасининг оғирлигига тенг. Юқорида олинган натижаларни ихтиёрий эгри текисликлар учун қўллаш мумкин. Лекин бу ерда босим тана орқали ифодаланган босим кучининг вертикал ташкил этувчиси  $P_z$  га эътибор бериш лозим, чунки у:

1) шу эгри текисликнинг шаклига (ва унинг суюқлик ичида жойлашишига) қараб икки кўринишда бўлиши мумкин;



2.43-расм.



2.44-расм.


эзувчи (ёки мусбат  $\oplus$ , 2.43-расмга қаранг) ва сиқиб чиқарувчи (ёки манфий  $\ominus$ , 2.44-расмга қаранг).

Босим тана мусбат бўлса, у ҳақиқатан суюқликнинг эзувчи соҳасида ётади, агар манфий бўлса, фараз қилинаётган суюқлик соҳасида ётади.


Ҳақиқатан суюқликни эзувчи соҳадаги босим танала  $P_1$  кучи ҳар доим мусбат бўлиб, юқоридан пастга йўналган бўлади; фараз қилинган босим таналадаги  $P_2$  кучи эса манфий бўлиб, пастдан юқorigа йўналган бўлади.

2) агар бирор эгри шаклдаги сирт берилган бўлиб, унинг бир бўлагига босим тана мусбат ва унинг бошқа бир бўлагига эса манфий бўлса, у ҳолда босим кучининг  $P_1$  вертикал ташкил этувчиси ўша икки босим ҳажмининг фарқи билан аниқланади.


2.45- расмда мусбат босим танасининг кўндаланг кесими  $Amn$  бўлади ва манфий босим танасининг кўндаланг кесими  $Bmnk$ ; ҳажм босим танасининг тенг таъсир этувчи кўндаланг кесими  $AmBk$  бўлади, унинг майдони эса  $F_0$ . Эгри юзларга таъсир этувчи босим кучининг  $P_1$  вертикал ташкил этувчисини аниқлаш учун ҳар хил эгри деворлар учун ҳам, гарчи у деворларнинг устки томони сув сатҳидан пастда бўлганда ҳам қўллаш мумкин (2.46 ва 2.47-расмлар).




2.45-расм



2.46-расм.



2.47-расм.



2.48-расм.

**Босим кучининг тенг таъсир этувчисини аниқлаш формуласи.**  $Ox$  ва  $Oz$  координата ўқларига  $P_x$  горизонтал ташкил этувчи ва  $P_z$  вертикал ташкил этувчи кучларни аниқлагандан кейин, суюқлик босим кучининг тенг таъсир этувчиси  $P$  ни назарий механиканинг маълум қоидасига асосан ҳисобланади.

$$P = \sqrt{P_x^2 + P_z^2}. \quad (2.116)$$

(2.116) тенглама эгри шакли деворга таъсир қилаётган босим кучини ҳисоблаш формуласи. (2.116) формула ёрдамида ихтиёрий эгри шаклдаги юзага таъсир қилаётган суюқлик босим кучини аниқлаш мумкин.

**2.13-масала.** Цилиндрнинг тўртдан бир қисмидан ташкил топган  $AB$  цилиндрик юзага таъсир қилаётган босим кучини аниқланг; унинг радиуси  $r = 1,0$  м, чап томон (юқори бьеф)даги суюқликнинг чуқурлиги  $h = 1,0$  м, цилиндрнинг узунлиги  $l^* = 3,0$  м (2.48-расм).

*Ечиш.* Суюқликнинг босим кучи (2.116) формула ёрдамида аниқланади. Унинг горизонтал ташкил этувчиси  $P_x$  ни (2.110) формуладан аниқланади:

$$P_x = \gamma h l \omega,$$

ёки қуйидаги формуладан аниқланади (2.11-§ ни қаранг)

$$P_x = \frac{1}{2} \gamma h^2 l = \frac{1}{2} 9810 \cdot 1,0 \cdot 3,0 = 1,47 \cdot 10^4 \text{ Н} = 1,47 \cdot 10 \text{ кН}.$$

Вертикал ташкил этувчиси  $P_z$  эса босим тана оғирлиги ёрдамида аниқланади.  $ABO$  босим тана оғирлиги қуйидагича аниқланади:

$$P_z = -\gamma V_0, \quad (2.117)$$

\* Бу масалада  $b$  ни ўрнига  $l$  ни қабул қилдик ( $b = l = 3$  м), чунки  $l$  — цилиндрнинг узунлиги,  $b$  эса шу цилиндр дарвозанинг эни. Демак  $b$  ва  $l$  бир тушунчани англатади.

бу ерда

$$V_0 = F_0 l, \quad (2.118)$$

босим тана кўндаланг кесимининг майдони  $F_0$  у доиранинг тўртдан бир қисмининг майдонига тенг бўлади, яъни

$$F_0 = \frac{\pi r^2}{4} = \frac{3,14 \cdot 1,0^2}{4} = 0,785 \text{ м}^2,$$

босим танасининг ҳажми:

$$V_0 = F_0 l = 0,785 \cdot 3 = 2,36 \text{ м}^3.$$

Бундан келиб чиқадики,


$$P_z = -9810 \cdot 2,36 = -2,3 \cdot 10^4 \text{ Н} = -2,3 \cdot 10 \text{ кН}.$$

*AB* цилиндрик деворга таъсир қилаётган суюқликнинг босим кучи

$$\begin{aligned} P &= \sqrt{P_x^2 + P_z^2} = \sqrt{(1,47 \cdot 10^4)^2 + (-2,3 \cdot 10^4)^2} = \\ &= \sqrt{(10^4)^2 [(1,47)^2 + (-2,3)^2]} = 2,73 \cdot 10^4 \text{ Н}. \end{aligned}$$

**Суюқлик босим кучининг йўналиши ва қўйилган нуқтаси.**

Суюқликнинг босим кучи унинг йўналиши, горизонтал текисликка нисбатан  $\alpha$  оғиш бурчаги билан аниқланади. Бу бурчак  $P_x$  ва  $P_z$  катетларидан қурилган кучлар учбурчагидан осонгина топилади (2.49-расм), унда шундай тригонометрик тенгламалар ечиш мумкин:



2.49-расм.

$$\sin \alpha = \frac{P_z}{P}; \quad \cos \alpha = \frac{P_x}{P}; \quad \operatorname{tg} \alpha = \frac{P_z}{P_x}.$$

Бу тенгламалар ёрдамида босим кучи  $P$  нинг горизонтал текисликка нисбатан  $\alpha$  оғиш бурчагини аниқлаш мумкин. 2.13-масаладан  $\sin \alpha$  ни оламиз

$$\sin \alpha = \frac{P_z}{P} = \frac{2,3 \cdot 10^4}{2,73 \cdot 10^4} = 0,843,$$


бундан

$$\alpha = 57^\circ 30'$$

$AB$  цилиндрик деворга таъсир қилаётган суюқликнинг босим кучи қўйилган нуқтани, яъни босим марказини аниқлаймиз. Бу ҳолда босим маркази, назарий механика қондасидан тенг таъсир этувчи  $P$  босим кучи қўйилган нуқтадан топилади. Бунинг учун горизонтал ва вертикал ташкил этувчи кучлар  $P_x$  ва  $P_z$  нинг учрашган нуқтасини аниқлаб, шу нуқтадан тенг таъсир этувчи босим кучининг векторини ўтказсак, у горизонтал текислик билан  $\alpha$  бурчакни ҳосил қилади.  $P_x$  ва  $P_z$  учрашган нуқтадан ўтказилган тенг таъсир этувчи босим кучининг вектори йўналишида (чизмадаги текислик бўйича) цилиндрик девор юзаси билан учрашган  $D$  нуқта шу суюқлик таъсир этаётган кучнинг босим маркази бўлади (2.49-расм).

### 2.13-§. СУЮҚЛИК БОСИМ КУЧИНИНГ ЭГРИ (НОТЕКИС) ЮЗАЛАРГА ТАЪСИРИНИ АНИҚЛАШДА АМАЛИЁТДА УЧРАЙДИГАН ОДДИЙ ҲОЛЛАР

**Сегмент ва цилиндрик сув тутқич дарвозалар.** Булар қаторига гидротехник иншоотларда кўп учрайдиган, амалда қўлланиладиган сегмент, сектор ва цилиндрик сув тутқич дарвозалар кирди. Масалан, сегментли сув тутқич дарвозанинг  $r$  радиуси  $O$  айланиш ўқига эга. У ҳолда унга тенг таъсир этувчи суюқликнинг  $P$  босим кучи мажбурий равишда дарвозанинг  $O$  айланиш ўқидан ўтади (2.50-расмга қаранг). Босим  $P$  нинг  $AB$  эгри юза билан учрашган нуқтаси босим маркази қўйилган  $D$  нуқтани беради. Шу тенг таъсир этувчи  $P$  босим кучининг горизонтал текислик билан ҳосил қилган  $\alpha$  бурчагини билсак, дарвозанинг  $O$  айланиш



2.50-расм.

ўқидан то босим маркази  $D$  нуқтагача бўлган тик  $z_D$  координатани топамиз

$$z_D = r \sin \alpha. \quad (2.119)$$


**2.14-масала.** Сегментли сув тутқич дарвозага чуқурлиги  $h$  га тенг бўлган сув таъсир қилади. Дарвозанинг эни  $b = 4,0$  м, марказий бурчаги  $\varphi = 45^\circ$  ва радиуси  $r = 2,0$  м. Сув тутқич дарвозанинг айланиш ўқи сув сатҳи текислигида жойлашган. Сувнинг дарвозага бўлган босимини ва босим марказини аниқланг (2.51-расм).

*Ечиш.* Сув тутқич дарвозанинг олдидаги сувнинг чуқурлигини аниқлаймиз:

$$h = r \sin \alpha = 2 \cdot 0,707 = 1,41 \text{ м.}$$

Тенг таъсир этувчи  $P$  босим кучи (2.116) формуладан аниқланади. Горизонтал ташкил этувчисини қуйидаги формуладан аниқлаймиз:

$$\begin{aligned} P_x &= \frac{1}{2} \gamma h^2 b = \\ &= \frac{1}{2} 9810 \cdot 1,41^2 \cdot 4 = \\ &= 3,9 \cdot 10^4 \text{ Н} = \\ &= 3,9 \cdot 10 \text{ кН.} \end{aligned}$$



2.51-расм.

Вертикал ташкил этувчиси эса (2.51-расм)  $ABK$  билан чегараланган суюқлик ҳажмининг оғирлигига тенг, яъни

$$P_z = \gamma V_0 = \gamma (\text{майдон } ABK) b.$$

Бу ерда майдон  $ABK = [(\text{доира майдонининг } \frac{1}{8} \text{ бўлаги}) - \text{майдон } OKB]$

$$= \frac{\pi r^2}{8} - \frac{h^2}{2} = \frac{1}{8} \pi r^2 - \frac{1}{2} h^2 = \frac{1}{8} 3,14 \cdot 2^2 - \frac{1}{2} 1,41^2 = 0,57 \text{ м}^2,$$

$$P_z = 9810 \cdot 0,57 \cdot 4 = 2,23 \cdot 10^4 \text{ Н} = 2,23 \cdot 10 \text{ кН},$$

у ҳолда

$$P = \sqrt{(10^4)^2 (3,9^2 + 2,2^2)} = 10^4 \sqrt{3,9^2 + 2,2^2} = 4,48 \cdot 10^4 \text{ Н} = 4,48 \cdot 10 \text{ кН}.$$

Тенг таъсир этувчи  $P$  кучнинг горизонтал текисликка нисбатан оғиш бурчагини қуйидагича аниқлаймиз.

$$\sin \alpha = \frac{P_z}{P} = \frac{2,23 \cdot 10^4}{4,48 \cdot 10^4} = 0,498,$$

бундан

$$\alpha \simeq 30^\circ.$$


Босим марказининг вертикал  $z_D$  координатаси (2.119) формуладан топилади

$$z_D = r \sin \alpha = 2 \cdot 0,498 = 0,996 \text{ м}.$$

**2.15-масала.** Сегментли сув туткич дарвоза берилган, унинг радиуси  $r = 7,5$  м. Юқори бьефда чуқурлиги  $h = 4,8$  м бўлган сувни тутиб турибди. Дарвозанинг марказий бурчаги  $\varphi = 43^\circ$ . Бу дарвозанинг  $O$  айланиш ўқи вертикал бўйича каналнинг тубидан  $C = 5,8$  м баландликда жойлашган (2.52-расм). Дарвозанинг  $AB$  эгри юзасининг горизонтал текисликка проекцияси  $CB = a = 2,7$  м. Дарвозанинг эни  $b = 6,4$  м. Шу дарвозага таъсир қилаётган сувнинг босим кучини ва босим кучи таъсир этаётган марказни аниқланг.

*Ечиш.* Босим кучининг горизонтал ташкил этувчиси

$$P_x = \frac{1}{2} \gamma h^2 b = \frac{1}{2} 9810 \cdot 4,8^2 \cdot 6,4 = 7,22 \cdot 10^4 \text{ Н} = 7,22 \cdot 10 \text{ кН}.$$



2.52-расм.

Босим кучининг вертикал ташкил этувчиси

$$P_z = \gamma V_0,$$

ёки

$$\begin{aligned} P_z &= \gamma (\text{майдон } ABK + \text{сегмент майдони } AB) b = \\ &= \gamma b \left[ \frac{1}{2} ah + \frac{1}{2} r^2 \cdot \left( \frac{\pi}{180} \varphi - \sin \varphi \right) \right] = \\ &= 9810 \cdot 6,4 \left[ \frac{1}{2} \cdot 2,7 \cdot 4,8 + \frac{1}{2} 7,5^2 \left( \frac{3,14}{180} \cdot 43 - \sin 43 \right) \right] = \\ &= 5,3 \cdot 10^4 \text{ Н} = 5,3 \cdot 10 \text{ кН}. \end{aligned}$$

Босим кучининг тенг таъсир этувчиси:

$$P = 10^4 \sqrt{7,22^2 + 5,3^2} = 8,96 \cdot 10^4 \text{ Н} = 8,96 \cdot 10 \text{ кН}.$$


Босим марказининг вертикал координатаси:

$$z_D = r \sin \alpha = r \cdot \frac{P_z}{P} = 7,5 \frac{5,3 \cdot 10^4}{8,96 \cdot 10^4} = 4,436 \text{ м}.$$

## 2.14-§. СУЮҚЛИҚДА ЖИСМЛАРНИНГ СУЗИШ ҚОНУНИ. АРХИМЕД ҚОНУНИ

Жисмларнинг суюқлик сатҳида сузиш назарияси бизга аввалдан, эрамиздан 287—212 йил илгари маълум бўлган Архимед қонунига асосланади. Бу қонун қуйидагича таърифланади: «Сувга ботирилган жисмга сув томонидан ита-





2.53-расм.

даниб исботлашимиз мумкин. Бунинг учун 2.53- расмда кўрсатилгандек, сувга бутунлай ботирилган ҳар қандай ихтиёрий шаклдаги жисмни олиб, суюқлик қандай куч билан уни ташқарига итариб чиқаришини аниқлаймиз. Сувга бутунлай ботирилган ихтиёрий шаклдаги жисмнинг кундаланг кесимининг майдонини жуда кичик элементар параллелепипедларга бўламиз. Бу параллелепипедларнинг устки ва пастки томонларининг элементар юзаларини текис ва бир хил деб оламиз. У элементар юзларнинг майдони  $\Delta\omega$  бўлсин. У ҳолда ҳар бир параллелепипеднинг устки томонига суюқликнинг элементар босим кучи юқоридан пастга йўналган бўлади:

$$\Delta P_1 = \gamma h_1 \Delta\omega,$$

пастки томонига эса пастдан юқорига тик йўналган бўлади:

$$\Delta P_2 = \gamma h_2 \Delta\omega,$$

бу ерда  $h_1$  ва  $h_2$  — параллелепипеднинг устки ва пастки томонлари элементар майдонлари оғирлик марказларининг сув сатҳига нисбатан жойлашган чуқурликлари. Бундан кўринадики, параллелепипедга нисбатан элементар тенг таъсир этувчи  $\Delta P_2$  босим кучи пастдан юқорига йўналган бўлади:

$$\Delta P_z = \Delta P_2 - \Delta P_1 = (\gamma h_2 - \gamma h_1) \Delta\omega,$$

ёки

$$\Delta P_z = \gamma(h_2 - h_1) \Delta\omega = \gamma h \Delta\omega = \gamma \Delta V.$$

рувчи (кўтарувчи) куч таъсир этади, бу куч пастдан юқорига вертикал йўналган бўлиб, у куч жисм сиқиб чиқарган суюқликнинг оғирлигига тенг». Бу қонунни биз суюқлик босимининг ихтиёрий юзага булган кучларини ҳисоблаш формулаларидан фойда-

бу ерда  $\Delta V$  — асоси  $\Delta \omega$  ва баландлиги  $h$  бўлган элементар параллелепипеднинг ҳажми. Шундай қилиб, элементар параллелепипедга пастдан юқорига вертикал элементар тенг таъсир этувчи  $\Delta P_z$  босим кучи параллелепипеднинг ҳажмига тенг ҳажмли суюқлик оғирлигига тенг. Ҳар бир элементар параллелепипедга пастдан юқорига вертикал элементар тенг таъсир этувчи босим кучларининг йиғиндиси сувга бутунлай ботирилган ихтиёрий шаклдаги бутун жисмга таъсир этувчи тўлиқ босим кучини беради


$$P_z = \Sigma \Delta P_z = \Sigma \gamma \Delta V = \gamma \Sigma \Delta V,$$

ёки


$$P_z = \gamma V, \quad (2.120)$$

бу ерда  $\gamma$  — суюқликнинг солиштирма оғирлиги;  $V$  — сувга ботирилган жисмнинг ҳажми ёки шу жисм сиқиб чиқарган суюқлик ҳажми. Сувга ботирилган жисмга суюқлик босимининг тенг таъсир этувчи кучи шу ҳажмдаги сиқиб чиқарилган суюқликнинг оғирлигига тенг ва у пастдан юқорига вертикал йўналган. Бу, Архимед қонуни номини олган. Архимед қонуни ва унинг аналитик кўриниши (2.120) тенглама бўлиб, у суюқлик сатҳида сузиб юрган жисмга ҳам тааллуқли, фақат бу ҳолда жисмнинг ҳажми  $V$  ни эмас, унинг сувга ботган қисмининг ҳажмини ёки шу сузаётган жисмнинг сувга ботган қисми ҳисобига сиқиб чиқарилган суюқликнинг ҳажмини назарда тутиш керак (2.54-расм). Бу (2.120) тенгламадаги  $P_z$  кўтарувчи куч дейилади.


**Жисмнинг сузиш шарти.** Суюқликка ботирилган жисмга (2.55-расм) икки хил куч таъсир қилади: 1) юқоридан



2.54-расм.



2.55-расм.



2.56-расм.

пастга тик таъсир этувчи  $G$  оғирлик кучи (жисм оғирлиги); 2) пастдан юқорига тик таъсир этувчи  $P_z$  кўтарувчи куч, у жисм сиқиб чиқарган суюқлик оғирлигига тенг. Суюқликка ботирилган жисмнинг  $G$  оғирлик кучи ва уни кўтарувчи  $P_z$  куч бир-бири билан қандай боғланишда бўлишига қараб сузаётган жисм уч хил ҳолатда бўлиши мумкин:

1. Жисмнинг оғирлик кучи уни кўтарувчи кучга тенг бўлган  $G = P_z$  ҳолда жисм суюқликка ботирилган ҳолатда мустақкам, номустақкам ёки бепарқ мувозанатда сузади.

2. Жисмнинг оғирлик кучи уни кўтарувчи кучдан катта  $G > P_z$  бўлганда жисм чўкади.

3. Жисмнинг оғирлик кучи уни кўтарувчи кучдан кичик  $G < P_z$  бўлганда жисм сув сатҳига қалқиб чиқади.

Жисмнинг бир бўлаги суюқликдан чиқиб турса, кўтарувчи куч камаяди, чунки жисм сиқиб чиқарган суюқлик ҳажми камаяди. Камайган кўтарувчи куч  $P'_z = \gamma V'$  жисмнинг оғирлигига тенг бўлса  $P'_z = G$ , сузаётган жисм мувозанат ҳолатда бўлади, бунда жисм сув сатҳида бемалол сузиб юради. Шундай қилиб, жисм суюқлик ичида ёки суюқлик сатҳида сузиб юрган бўлса ҳам, жисмнинг  $G$  оғирлиги уни кўтарувчи  $P_z$  кучга тенг бўлиши шарт, яъни

$$G = P_z \quad (2.121)$$

(2.121) тенглама жисм сузишининг асосий шarti. Бу шарт жисмга қўшимча юк жойланган ҳолда ҳам қўлланилиши мумкин. Бунда жисмнинг оғирлигига қўшимча юк оғирлигини қўшиш керак. Масалан, агар (2.56-расм) жисмнинг оғирлиги  $G$ , қўшимча юк  $Q$  билан бирга суюқлик сатҳида сузиб юрса, у ҳолда жисм сузишининг асосий шarti қуйидагича бўлади:


$$G + Q = P_z \quad (2.122)$$

бу ерда  $P_z$  — кўтарувчи куч, у (2.120) формуладан аниқланади.

## 2.15-§. ЖИСМНИНГ ЧҮКИШ ЧУҚУРЛИГИ ВА УНИ СИҚИБ ЧИҚАРГАН СУВ ҲАЖМИ

Суюқликда сузиб юрган жисмнинг сувга ботган энг пастки нуқтасини чўкиш чуқурлиги деб аталади. Уни  $h$  билан белгилаймиз (2.56-расм). Амалда, пароходда ёки баржаларда тула юк бўлган ҳолдаги чўкиш чуқурлиги унинг ташқи деворининг сирти бўйича периметрининг узунлиги қизил бўёқда горизонтал чизиқ билан белгиланади, бу чизиқ юк ватер чизиғи деб аталади. *Умуман ватер чизиқ деб, сузаётган жисмнинг суюқлик сатҳи билан кесишиш текислигида ҳосил бўлган чизиққа айтилади.* Масалан, 2.56-расмдаги  $m-n$  чизиғи ватер чизиқ деб аталади. (2.120) тенгламадан кўринадикки, сузаётган жисм ҳар хил суюқликда турлича чўкади. Солиштирма оғирлиги кичик бўлган суюқликда чўкиш катта бўлади ва аксинча. Шундай экан, кема дарёда ёки каналларда сузганда денгиз ва океанлардагига қараганда кўпроқ чўкади, чунки  $\gamma_{дарё} < \gamma_{денгиз}$ . Кемага тулиқ юк ортилганда унинг сувга ботган қисмининг ҳажми кеманинг сиқиб чиқарган сув ҳажмига тенг бўлади ва у кеманинг сув сиғими деб аталади ва у пароходнинг асосий характеристикаси ҳисобланади. Амалда кеманинг сиқиб чиқарган сув ҳажми шу кема юк билан тулиқ юкланган ҳолда сиқиб чиқарган суюқлик оғирлиги билан ўлчанади, унинг ўлчов бирлиги — тонна. Масалан, кеманинг сиқиб чиқарган сув ҳажми 10 минг тонна бўлса, у кеманинг қўшимча юк билан бирга сиқиб чиқарган суюқлик оғирлиги 10 минг тоннани ташкил этади.

**Оғирлик маркази.** Сиқиб чиқарилган сув ҳажми (сув сиғими) маркази. Жисмнинг  $G$  (оғирлик кучи) қўйилган нуқта оғирлик маркази дейилади ва у нуқта шартли белги  $D$  ҳарфи билан ифодаланади (2.57-расм). Кўтарувчи куч қўйилган нуқта эса босим маркази ёки сув сиғими маркази дейилади ва  $D'$  ҳарфи билан ифодаланади (2.57-расм). Бу нуқта сузаётган жисм сиқиб чиқарган суюқлик ҳажмининг оғирлик марказида жойлашган. Суюқликда сузаётган жисмнинг



2.57-расм.

оғирлик маркази ҳатто у қия ҳолатда бўлса ҳам ўзгармас бўлади. Сууюқликда сузаётган жисм сиқиб чиқарган сууюқлик ҳажми у қия ҳолатда бўлганда ҳам ўзгармайди, аммо унинг жойи ва шакли ўзгаради, фақат сиқиб чиқарилган сув ҳажми маркази бошқа янги ҳолатга ўтади (2.57-расм). Шундай қилиб, тинч ҳолатдаги сууюқлик сатҳида сузувчи жисм мувозанатда бўлиши учун қуйидаги икки шарт ба-жарилиши керак:


1. Жисм ва унга ортилган юк оғирликлари кўтарувчи кучга тенг бўлиши керак (2.121-тенгламага қаранг).

2. Жисмнинг оғирлик маркази ва сиқиб чиқарилган сув ҳажми маркази бир вертикалда (0–0 вертикалда) ётиши керак (2.55, 2.56- ва 2.58-расмлар).

Юқорида келтирилган (2.120), (2.121), (2.122) формулалардан фойдаланиб, ҳар хил масалаларни ечиш мумкин. Масалан, жисмнинг ва унга қўйилган юкларнинг оғирликлари берилган бўлса, кўтариш кучини аниқлаш мумкин.

**2.16-масала.** Дарёда тўғри тўртбурчакли понтон сузиб юрибди (2.58-расм). Понтон асосининг майдони  $\omega = b \cdot l = 16 \cdot 20 = 320 \text{ м}^2$ . Понтоннинг сиқиб чиқарган сув ҳажмини ва унинг чўкиш чуқурлигини аниқланг. Понтоннинг оғирлиги  $G = 1 \cdot 10^6 \text{ Н}$ , унга қўйилган юкнинг оғирлиги  $Q = 7 \cdot 10^6 \text{ Н}$ .

*Ечиш.* (2.122) формула ёрдамида сиқиб чиқарилган сув ҳажмини аниқлаймиз



$$P_z = G + Q = 1,0 \cdot 10^6 + 7,0 \cdot 10^6 = 8,0 \cdot 10^6 \text{ Н} = 8,0 \cdot 10^3 \text{ кН}.$$

Понтоннинг чўкиш чуқурлигини (2.120) формуладан топамиз (2.58-расм)

$$P_z = \gamma V,$$

$$8,0 \cdot 10^6 = \gamma V.$$

Понтоннинг сувга ботган қисмининг ҳажмини қуйидаги формуладан аниқлаймиз

2.58-расм.

$$V = (b \cdot l) \cdot h = 320 \cdot h,$$

агар  $\gamma = 9810 \text{ Н/м}^3$  бўлса,

$$P_z = \gamma \omega h;$$

$$8,0 \cdot 10^6 = 9810 \cdot 320 h,$$


$$\omega = b \cdot l = 320,$$

бундан понтоннинг чуқиш чуқурлиги

$$h = \frac{P_z}{\gamma \omega} = \frac{P_z}{\gamma(b \cdot l)} = \frac{8,0 \cdot 10^6}{9810(16 \cdot 20)} = 2,55 \text{ м}$$

### 2.16-§. СУЮҚЛИҚДА СУЗАЁТГАН ЖИСМНИНГ ЧАЙҚАЛМАСЛИК ШАРТИ. МЕТОМАРКАЗ

Суюқлик сатҳида сузаётган бир жисмни оламиз. Унинг узунаси бўйича 0-0 симметрик вертикал текислик ўтказамиз (2.59 а- расм). Бу жисм вертикал мувозанат ҳолатда туради. Бирор ташқи куч таъсирида (масалан, шамол таъсирида) бу жисмнинг мувозанат ҳолати бузилади дейлик. Бундай ҳолда суюқлик сатҳида сузувчи жисм ўзининг бошлангич мувозанат ҳолига келиши ҳам, келмаслиги ҳам мумкин. Суюқлик сатҳида сузиб юрган жисм, бирор ташқи куч таъсирида ўзининг мустаҳкам мувозанати ҳолатидан чиқиб кетиб, яна ўша бошлангич мустаҳкам мувозанат ҳолатига қайтиб келса (2.59 а, б-расмлар), бундай жисмлар



2.59-расм.

чайқалмаслик хусусиятига эга бўлиб, уларни мустаҳкам мувозанатдаги жисмлар, яъни жисмнинг устуворлиги (остойчивость) дейилади.

**Метомарказ.** Сууюқликда сузаётган жисм дастлаб мувозанат ҳолатида бўлиб (2.59 а-расм), кейин ташқи куч таъсирида бирор  $\phi$  бурчакка оғиб (2.59 б-расм), мувозанат ҳолати бузилди дейлик, бунда жисмнинг оғирлик маркази  $S$  нуқта ўзгармайди. Сув сиғими маркази  $D$  нуқта эса  $D'$  га сурилади. Янги ҳосил бўлган (2.59 б, в-расмлар) кўтарувчи кучнинг йўналишини жисм оған  $O' - O'$  симметрик ўқ билан учрашгунча давом эттирамирис ва  $M$  нуқтасини оламиз. Бу  $M$  нуқта метомарказ деб аталади.

Шундай қилиб, сузаётган жисмнинг оған ҳолатида янги ҳосил бўлган кўтарувчи кучнинг йўналиши билан симметрик ўқнинг учрашган нуқтаси метомарказ деб аталади. Метомарказни ўрганиш, сузаётган жисмнинг устуворлигини, яъни чайқалмаслик хусусиятини аниқлашда ҳал қилувчи аҳамиятга эга.

## 2.17-§. СУУЮҚЛИКДА СУЗАЁТГАН ЖИСМНИНГ МУВОЗАНАТ ҲОЛАТИ. МУСТАҲКАМ ВА НОМУСТАҲКАМ МУВОЗАНАТ

Сууюқликда сузаётган жисм қуйидаги уч нуқта билан характерланади: оғирлик маркази,  $S$  нуқта, сув сиғими маркази,  $D$  нуқта; метомарказ,  $M$  нуқта.


Жисм мустаҳкам мувозанатда бўлганда  $S$  ва  $D$  нуқталари бир вертикалда жойлашади, жисм оғганда сув сиғими маркази  $D$  сурилади, метомарказ  $M$  эса  $O' - O'$  симметрия ўқи бўйича ўзгаради. Метомарказ жисмнинг  $S$  оғирлик марказига нисбатан уч ҳолатда бўлиши мумкин:

1.  $S$  оғирлик маркази  $M$  метомарказдан пастда жойлашган (2.59 б-расм), бу ҳолда  $P_2$  ва  $G$  кучлар жисмни дастлабки мувозанат ҳолатига қайтаришга ҳаракат қилади — бу мустаҳкам мувозанат дейилади.

2. Жисмнинг  $S$  оғирлик маркази  $M$  метомарказдан юқорида (2.59 в-расм) жойлашган, бунда  $P_2$  ва  $G$  кучлар жисмни кўпроқ оғдиришга ҳаракат қилади — бу номустаҳкам мувозанат дейилади.

3. Жисмнинг  $S$  оғирлик маркази ва  $M$  метомарказ уст-ма-уст тушади, бу бефарқ мувозанат дейилади.

Сузаётган жисмни озгина оғдирсак  $D$  сув сизими маркази бирор айлана бўйича сурилади,  $M$  метомарказдан  $MD'$  радиус бўйича айлана чизилади (2.60-расм). Бу радиус метоцентрик радиус деб аталади ва  $r$  билан ифодаланади. Метомарказ радиуси тушунчасидан фойдаланиб, жисмнинг оғирлик маркази ва жисмнинг нормал ҳолатидаги сув сизими орасидаги  $CD$  узунлигини  $e$  билан ифодалаб, сузаётган жисмнинг мувозанати шартини қуйидагича ёзиш мумкин:



2.60-расм.

$r > e$  бўлса, жисм чайқалмаслик хусусиятига эга, яъни мувозанатда бўлади;

$r < e$  бўлса, жисм чайқалмаслик хусусиятига эга эмас, яъни номувозанатда бўлади;

$r = e$  бўлса, бефарқ мувозанатда бўлади.

Суюқликда сузаётган жисм чайқалмаслик қобилиятига эга бўлиши учун метомарказ радиусининг узунлиги оғирлик маркази билан босим маркази оралиғидан катта бўлиши керак, яъни

$$r > e \quad (2.123)$$


*Амалий машғулот ўтказиш учун гидростатикадан материаллар*

**2.1-масала.** Очиқ туташ идиш икки хил солинғирма оғирликка эга бўлган суюқлик билан тўлдирилган:  $\gamma_1 = 7848 \text{ Н/м}^3$  ва  $\gamma_2 = 11772 \text{ Н/м}^3$ . Бу туташ идишлардаги суюқликларнинг баландлиқлари  $h_1$  ва  $h_2$  бўлса, у идишлардаги суюқлик сатҳларининг фарқи маълум, яъни у  $\Delta h = 0,30 \text{ м}$ , у ҳолда 2.61-расмда кўрсатилгандек  $h_1$  ва  $h_2$  лар аниқлансин.

*Жавоб:*  $h_1 = 0,90 \text{ м}$ ,  $h_2 = 0,60 \text{ м}$ .


**2.2-масала.** Юқори томони сув сатҳидан  $h_1 = 1,0 \text{ м}$  чуқурликда, пастки томони эса  $h_2 = 3,0 \text{ м}$  чуқурликда жой-





2.61-расм.


лашган тик деворга таъсир этувчи сувнинг босим эпюрасини чизинг. Сув фақат бир томондан, яъни чап томондан таъсир этяпти (2.62- расм).




2.62-расм.

**2.3-масала.** 2.63- расмдаги а, б, в шакллар учун гидростатик босим эпюрасини тузинг.


**2.4-масала.** Тик текис деворда доиравий тешик мавжуд, у доиравий шаклдаги сув тутқич дарвоза ёрдамида беркилади ва очилади, унинг диаметри  $d = 1,0$  м. Дарвозанинг маркази сув сатҳидан  $h_c = 4,0$  м чуқурликда жойлаш-



2.63-расм.



2.64-расм.



2.65-расм.


ган. Доиравий сув туткич дарвозага таъсир этаётган суюқликнинг босим кучини ва босим марказини аниқланг (2.64-расм).

*Жавоб:*  $P = 3,14 \cdot 10^4$  Н;  $y_D = 4,02$  м.

**2.5-масала.** Текис сув тутқич дарвоза сувга кўмилган ҳолатда бўлиб, унинг устки томони сув сатҳидан  $h = 2,0$  м чуқурликда жойлашган. Дарвоза тўғри тўртбурчак шаклида, эни  $b = 1,0$  м, баландлиги  $h_{\text{дар}} = 0,5$  м, у горизонтал текислик билан  $45^\circ$  бурчакни ташкил этган ҳолда қия жойлашган. Бу дарвозага таъсир этаётган сувнинг босим кучини ва босим марказини аниқланг. Масалани аналитик ва графоаналитик усулда ечинг (2.65-расм).


*Жавоб:*  $P = 1,09 \cdot 10^4$  Н,  $e = 0,24$  м.

**2.6-масала.** Тик тўғри тўртбурчакли сув туткич дарвозанинг (2.66-расм) эни  $b = 1,5$  м, баландлиги  $h_{\text{дар}} = 2,0$  м. Бу дарвозанинг устки томони сув сатҳидан  $h_1 = 2,0$  м чуқурликда, пастки томони эса  $h_2 = 4,0$  м чуқурликда жойлашган. Бундан ташқари дарвозага пастки бьефдан ҳам сув таъсир этапти, у сувнинг чуқурлиги  $h_{\text{II}} = 2,0$  м. Дарвозага таъсир этаётган босим кучини ва босим марказини аниқланг.



2.66-расм.

Жавоб:  $P = 6,0 \cdot 10^4$   
Н,  $e = 1,0$  м.



2.67-расм.

**2.7-масала.** Секторли сув туткич дарвозага сувнинг босим кучини ва йўналишини аниқланг (2.67-расм). Дарвоза тутиб турган сувнинг чуқурлиги  $h = 3,0$  м,  $\alpha = 45^\circ$ ,  $r = 4,24$  м, дарвозанинг эни  $b = 1,0$  м.


Жавоб:  $P = 4,67 \cdot 10^4$   
Н,  $\beta = 14^\circ 30'$ .

**2.8-масала.** Темирдан ясалган тўғри тўртбурчакли идишнинг (2.68-расм) баландлиги  $h = 1,0$  м, томонлари  $1,5 \times 1,5$  м (устидан кўринишда), оғирлиги  $G = 1,35 \cdot 10^4$  Н. Бу идиш сув сатҳига туширилди ва унга қўшимча  $Q$  юк ортилди, шу ҳолда бу идиш сувда сузиб юрибди. Бу идишнинг сатҳи сув сатҳидан  $h = 0,10$  м баландликда сузиб юриши учун унга ортилган қўшимча юкнинг энг катта оғирлиги қандай бўлиши керак, бу идиш сувга қанча  $h_r$  чуқурликка чўкиши керак?

Жавоб:  $Q = 0,675 \cdot 10^4$  Н;  $h_r = 0,60$  м.

**2.9-масала.** Сувда сузиб юрувчи понтоннинг баландлиги  $h_1 = 0,70$  м, диаметри  $d = 16$  м, деворининг қалинлиги  $\delta = 0,012$  м. Понтон девори материалининг солиштирама оғирлиги (у пўлатдан ясалган)  $\gamma_{\text{пўлат}} = 8,10^4$  Н/м<sup>3</sup> (2.69-расм) бўлса, унинг чайқалмаслик хусусиятини аниқланг.

Жавоб: Понтон чайқалмаслик хусусиятига эга (остойчив).



2.68-расм.



2.69-расм.

## *Такрорлаш учун саволлар*

- 2.1. Гидростатика нима ва унинг вазифаси нималардан иборат?
- 2.2. Нуқтадаги гидростатик босим ва унинг хоссалари қандай?
- 2.3. Пьезометрик баландлик деб нимага айтилади?
- 2.4. Паскаль қонуни қандай ва у амалда қаерда ишлатилади?
- 2.5. Босим кучи ва унинг тенг таъсир этувчиси деб нимага айтилади?
- 2.6.  $P = \gamma h \omega$  даги символларнинг «СИ»да ўлчов бирликларини изоҳлаб беринг?
- 2.7. Текис деворга босим кучининг таъсири ва эпюраси қандай бўлади?

---

## УЧИНЧИ БОБ

# ГИДРОДИНАМИКА АСОСЛАРИ

### 3.1-§. АСОСИЙ ТУШУНЧАЛАР

Гидродинамикада суюқликларнинг ҳаракат қонунлари ўрганилади. Бу ерда муҳандислик гидравликаси масалаларини ечишда, асосан нуқталардаги суюқлик заррачалари  $u$  тезлиги ва  $p$  босимлар миқдорларини аниқлаш билан шуғулланилади. У амалиётда муҳим рол ўйнайди. Гидротехника иншоотлари, мелиорация, энергетика ва бошқа соҳаларда улардаги иншоотларни гидравлик ҳисоблашда гидродинамиканинг асосий тенгламаларидан фойдаланилади. Бу соҳаларда суюқлик ҳаракати билан боғлиқ бўлган кўп масалалар, чунончи, дарё ва каналларда сувнинг ҳаракати, шунингдек, сув таъминоти ва канализация, дренаж қувурларидаги сув ҳаракати, тўғон устидан ошиб ўтаётган сув ҳаракати ва бошқа гидротехник иншоотлар, сув кўтаргичлар ҳамда гидромашиналарда суюқликларнинг ҳаракати, ер ости сувларининг ҳаракати (филтрация) ва бошқалар гидродинамиканинг асосий тенгламалари билан боғлиқ. Суюқликларнинг ҳаракатга келишига уларга ташқаридан қўйилган кучлар: огирлик кучи, ташқи босим кучи, ишқаланиш кучи, Архимед кучи ва бошқалар сабаб бўлади. Гидравликанинг гидродинамика қисмида масалаларни ечаётганда, ташқаридан қўйилган кучлар маълум, яъни уларни берилган деб ҳисоблаб, гидравликада фақат ички кучларни аниқлаш билан шуғулланилади. Бунда асосан ҳаракатдаги суюқлик ичидаги ихтиёрий нуқталарда оқим тезликлари ва босимларнинг ўзгариш қонунлари ўрганилади. Суюқлик ҳаракати пайтида ривожланаётган ички босимларни суюқлик оқимининг бирор кўндаланг кесимининг майдонига нисбатан олсак, бундай босим гидродинамик босим деб аталади. Бу босим гидростатик босим сингари шартли белги  $p$  билан ифодаланади. Гидродинамик босимнинг гидростатик босимдан фарқи шундаки, у фа-

қат координата ўқи бўйича ўзгармай, вақт ўтиши билан ҳам ўзгаради. Гидродинамик босим фақат кўндаланг кесимда гидростатик босим қонунига бўйсунди. Шундай қилиб, суюқлик ҳаракатларини ўрганишда асосан икки хил масалага дуч келамиз.

1. Т а ш қ и м а с а л а — бу ҳолда оқим берилган бўлиб, шу оқим ичидаги қаттиқ жисмга таъсир этаётган кучларни аниқлаш керак.

2. И ч к и м а с а л а — бу ҳолда суюқликка таъсир этувчи ташқи кучлар (чунончи, ҳажмий куч, оғирлик кучи, ишқаланиш кучи ва бошқалар) берилган бўлиб, оқимнинг гидродинамик характеристикасининг ўзгариш қонунлари ўрганилади. Оқимнинг гидродинамик характеристикалари қаторига: а) суюқлик заррачаларининг ҳаракати тезликлари; б) ундаги гидродинамик босимларнинг ўзгариши ва бошқалар кирилади.

Гидравликада асосан, иккинчи, яъни ички масала билан шуғулланилади. Бунда биз нуқтадаги тезлик ва босимларнинг ўзгариш қонунларини ўрганамиз, бу ерда суюқликка ташқаридан таъсир этувчи кучлар берилган деб қабул қиламиз. Суюқлик билан банд бўлган фазонинг ҳар хил нуқтасида  $u$  тезлик ва  $p$  босим ҳар хил бўлади. Бундан ташқари  $u$  ва  $p$  лар фазонинг берилган нуқтасида ҳам вақт ўтиши билан ўзгариб боради. Уни қуйидагича ёзиш мумкин:

$$\left. \begin{aligned} u_x &= f_1(x, y, z, t); \\ u_y &= f_2(x, y, z, t); \\ u_z &= f_3(x, y, z, t); \end{aligned} \right\} \quad (3.1)$$

$$p = f_4(x, y, z, t), \quad (3.2)$$

бу ерда  $u_x$ ,  $u_y$ ,  $u_z$  тезликнинг тўғри бурчакли координата ўқларидаги проекциялар. Агар  $f_1$ ,  $f_2$ ,  $f_3$  ва  $f_4$  функцияларнинг ечимини топганимизда, масалани ечган бўлар эдик. Ҳақиқатан, агар шу функцияларни билсак, биз сув билан банд бўлган фазодаги ҳар бир нуқтада  $u$  тезликларни ва  $p$  босимларни топиб, вақт ўтиши билан уларнинг миқдори ўзгаришини билган бўлар эдик. Амалда эса, бу функциялар ечимини топишнинг иложи йўқ даражада мураккаб. Шунинг учун гидравликада бошқа соддароқ йўл тугилди.

Бу функцияларнинг ечимини топиш гидромеханика фанининг вазифаси. Гидравликада юқорида кўрсатилган масалаларни ечиш учун у функцияларнинг ўрнини босадиган гидромеханиканинг бўлак асосий тенгламалари қабул қилинган, бунда улар ёрдамида ечилган масалалар ҳақиқатга яқинроқ бўлиши керак.

Гидравликада қабул қилинган асосий назарий тенгламалар қуйидагилар:

1) узлуксизлик тенгламаси (суюқлик сарфининг баланс тенгламаси);

2) Д. Бернулли тенгламаси (суюқлик оқимининг солиштирма энергиясининг баланс тенгламаси);

3) ҳаракат миқдорининг гидравлик тенгламаси.

Булардан ташқари муҳандислик гидравликасида масалаларни ечиш учун яна кўшимча тенгламалар мавжуд, улар:

4) текис илгариланма ҳаракатнинг асосий тенгламаси;

5) суюқлик ҳаракати пайтида ишқаланиш таъсирида йўқотилган напор (йўқотилган энергия)ни ҳисоблаш тенгламаси.

Бу асосий учта назарий тенглама гидравликада, яъни суюқликнинг техникавий механикасида асосий назарий база бўлиб ҳисобланади. Бу тенгламаларнинг келиб чиқиш йўллари (суюқликнинг барқарор ҳаракати учун) ҳақида кейинроқ сўз юритамиз ва кенгроқ ёритишга ҳаракат қиламиз. Бунинг учун, аввало, суюқлик ҳаракатининг кинематикасини ўрганиш керак бўлади.

### **3.2-§. СУЮҚЛИК ҲАРАКАТИНИНГ КИНЕМАТИКАСИ**


Суюқлик ҳаракатини ўрганишда қўлланиладиган асосий аналитик усуллар. Ж. Лагранж ва Л. Эйлер усуллари. Гидромеханикада, худди назарий механикадаги каби қаттиқ jismlarнинг ҳаракатини кўргандек, суюқликни ҳаракатга келтирувчи сабабларни ўрганмасдан туриб унинг ҳаракати, бўлажак кўриниши ва шакли ўрганилади. Суюқликни ҳаракатга келтирувчи ташқи кучларни қараб чиқмасдан туриб, суюқлик ҳаракатининг кўриниши ва шаклларини ўрганувчи гидромеханиканинг бир қисми суюқлик ҳаракатининг кинематикаси деб аталади.

**Суюқлик ҳаракатини ўрганишда қўлланиладиган асосий аналитик усуллар.** Суюқликнинг ҳаракатини ўрганишда икки аналитик усул мавжуд: Ж. Лагранж ҳамда Л. Эйлер усуллари.

1. **Ж. Лагранж усули.** Фазодаги бирор элементар майдончада ҳаракат қилаётган суюқликни қараб чиқамиз (3.1-расм). Бу суюқлик ичида ўзгармайдиган  $Ox$ ,  $Oy$ ,  $Oz$  тўғри бурчакли декарт системасидаги координата ўқларини ўтказамиз. Суюқликнинг бир қанча заррачалари ҳаракатини қараб чиқамиз. Масалан,  $M_1$ ,  $M_2$ ,  $M_3$ , ... заррачаларни бошланғич даврда қаралаётган майдоннинг чегарасида жойлашган деб, заррачаларнинг бошланғич координаталарини  $a$ ,  $b$ ,  $c$  шартли белгилар билан белгилаймиз. Вақт ўтиши билан ҳаракатдаги суюқлик заррачалари ўзининг турган ҳолатини ўзгартиради ва уларнинг координаталари энди  $a$ ,  $b$ ,  $c$  ўзгармас координатада бўлмай, ҳар бир дақиқа учун вақт ўтиши билан ўзгарувчан  $x$ ,  $y$ ,  $z$  миқдориди ўтади. Агар суюқлик ҳаракатининг бошланғич координаталари  $a$ ,  $b$ ,  $c$  берилган бўлса,  $x$ ,  $y$ ,  $z$  координаталари вақтга боғлиқ бўлади, яъни  $x$ ,  $y$ ,  $z$  координаталари қуйидагича ёзилади:

$$\left. \begin{aligned} x &= x(a, b, c, t); \\ y &= y(a, b, c, t); \\ z &= z(a, b, c, t). \end{aligned} \right\} \quad (3.3)$$

Бу тенгламадан фойдаланиб, юқорида кўрсатилган суюқлик заррачаларининг ҳаракатлари траекториясини осонгина қуриш мумкин. Кейин шу траектория чизигининг хоҳлаган еридан бирор  $dt$  вақт ичида заррачалар босиб ўтган йўлнинг узунлигини  $ds$  деб белгилаймиз.  $ds$  узунлигининг  $dt$  вақтга нисбати шу траектория бўйича берилган нуқтадаги тезликни беради



3.1-расм.

$$u = \frac{ds}{dt} \quad (3.4)$$



Шу ихтиёрый нуқта учун суюқликнинг ихтиёрый  $M$  зарра-  
часининг тезланишини ҳам аниқлаш мумкин:

$$a = \frac{d^2 s}{dt^2}. \quad (3.5)$$


*Ж. Лагранж усули бўйича тулиқ суюқлик оқимини суюқлик заррачалари ҳаракатлари траекторияларининг йиғиндисини деб қабул қиламиз.* Бу ерда  $x$ ,  $y$ ,  $z$  суюқлик заррачаларининг оқувчи координаталари бўлгани учун  $dx$ ,  $dy$  ва  $dz$  нинг қийматлари  $ds$  ўтилган йўлнинг тегишли координаталарига проекцияларини ташкил этади. Шунинг учун *Ж. Лагранж усулида суюқлик заррачалари тезликларининг  $Ox$ ,  $Oy$ ,  $Oz$  координаталари бўйича ўзгаришини қуйидагича ёзишимиз мумкин:*

$$u_x = \frac{\partial x}{\partial t}; \quad u_y = \frac{\partial y}{\partial t}; \quad u_z = \frac{\partial z}{\partial t}; \quad (3.6)$$

тезланиш эса

$$a_x = \frac{\partial^2 x}{\partial t^2}; \quad a_y = \frac{\partial^2 y}{\partial t^2}; \quad a_z = \frac{\partial^2 z}{\partial t^2}. \quad (3.7)$$

**2. Л. Эйлер усули.** Фазодаги бирор элементар майдончада ҳаракат қилаётган суюқликни қараб чиқамиз (3.2-расм). Л. Эйлер усулида бизни суюқликнинг ихтиёрый бирор заррачасининг ҳаракати ва унинг траекторияси қизиқтирмайди. Балки қаралаётган суюқликнинг ичида бир неча ўзгармас нуқталар, масалан, 1, 2, 3, ... нуқталар белгила-



3.2-расм.

ниб, улар қаралаётган майдончада ўрнаштирилиб («қотириб») қўйилган бўлади. Суюқлик заррачалари ҳаракат қилганда бу 1, 2, 3, ... нуқталар ҳаракат қилмасдан, ўша ўрнатилган жойларида туради. Бу ерда  $x$ ,  $y$ ,  $z$  координаталари суюқлик заррачаларининг оқувчи координаталари эмас, балки шунчаки «қотирилган» нуқталарнинг координаталари (3.2-расм).

Энди  $t_1$  вақт ичидаги тезликларнинг ўзгаришини қараб чиқамиз. Бу вақт ичида 1-нуқтада суюқликнинг ихтиёрий бирор заррачаси  $u_1(t_1)$  тезликка эга бўлади. Шу вақт ичида 2-нуқтада суюқликнинг ихтиёрий бошқа бирор заррачаси  $u_2(t_1)$  тезликка эга бўлади; учинчи нуқтада эса  $u_3(t_1)$  тезликка эга бўлади ва ҳоказо. Булардан кўриниб турибдики,  $t_1$  вақт ичида қандайдир тезликлар векторлари майдони ҳосил бўлади. Кейинги  $t_2$  вақт ичида шу 1, 2, 3 нуқталарда тегишли  $u_1(t_2)$ ,  $u_2(t_2)$ ,  $u_3(t_2)$ , ... тезлик майдонлари ҳосил бўлади. Кўриниб турибдики, *Л. Эйлер усули бўйича тўлиқ оқим берилган вақт ичида ўрнатилган 1, 2, 3 қўзғалмас нуқталарга нисбатан тезлик векторлари майдони билан ўлчанар экан.*

**3. Гидравликада суюқлик ҳаракатларини ўрганишда қўлланиладиган аналитик усул.** Гидравликада, асосан Л. Эйлер усули кенг қўлланилади. Бу усул қўлланганда ҳам шуни назарда тутиш керакки, Л. Эйлер усули билан суюқлик заррачалари ҳаракатини, ўша бир нуқта орқали  $dt$  вақт ичида шу заррача жуда кичкина  $ds$  йўлни босим ўтади, бу заррачанинг берилган нуқта орқали босиб ўтган йўлининг координата ўқларига проекциясини  $dx$ ,  $dy$ ,  $dz$  деб қабул қилсак, нуқтадаги заррача ҳаракат тезлигининг координата ўқларига проекциялари қуйидагича бўлади:

$$u_x = \frac{\partial x}{\partial t}; \quad u_y = \frac{\partial y}{\partial t}; \quad u_z = \frac{\partial z}{\partial t}. \quad (3.8)$$

### 3.3-§. СУЮҚЛИК ОҚИМИНИНГ БАРҚАРОР ВА БЕҚАРОР ҲАРАКАТИ

Вақт ўтиши билан суюқлик ҳаракати оқимининг асосий гидродинамик элементлари  $u$  ва  $p$  нинг ўзгаришига қараб икки кўринишда, яъни барқарор ва беқарор ҳаракат бўлади. Суюқлик ҳаракати вақтида *унинг ихтиёрий нуқтасида оқим тезлиги ва гидродинамик босими ҳар доим ўзгариб туради*, яъни суюқлик заррачасининг ҳаракати фақат координаталарга боғлиқ бўлмасдан, *вақтга ҳам боғлиқ бўладиган ҳаракат беқарор ҳаракат дейилади.* Бу қуйидагича ёзилади

$$\left. \begin{aligned} u &= f_1(x, y, z, t); \\ p &= f_2(x, y, z, t). \end{aligned} \right\} \quad (3.9)$$


Беқарор ҳаракатдаги суюқликка мисоллар: кичик ва катта тешиклардан оқаётган суюқликлар ҳаракати; сувошгичлардан оқиб ўтаётган сув ҳаракати; кенглиги ва чуқурлиги ўзанинг узунлиги бўйича ўзгарадиган дарёлардаги сув ҳаракати. Келтирилган мисолларда сувнинг эркин эгри сатҳи ўзга-риб туради. Бундан ташқари яна қўплаб мисоллар келтириш мумкин, масалан, гидравлик зарба, тўғонлар бузилиб бирдан сув тошиб кетган вақтда, дарёларда баҳорда сув қўпайиши натижасида сув сарфи гидрографларининг гидротехник иншоотлар орқали ўтказиш жараёнларида беқарор ҳаракатларни кузатиш мумкин. Суюқликнинг беқарор ҳаракати пайтида ихтиёрий  $A_1, A_2, A_3$  ва ҳоказо нуқталарда  $\Delta t$  вақт ичида заррачаларнинг тезликлари ва босимлари ўзгаришлари  $A_1(u_1 \neq \text{const}, p_1 \neq \text{const}) \neq A_2(u_2 \neq \text{const}, p_2 \neq \text{const}) \neq A_3(u_3 \neq \text{const}, p_3 \neq \text{const}) \neq \dots$  ва ҳоказо вақт ўтиши билан бири-бирдан фарқ қилади.

*Ҳаракат этаётган суюқлик ичидаги ихтиёрий нуқтада тезлик ва гидродинамик босим вақт ўтиши билан ўзгармаса, бундай ҳаракат барқарор ҳаракат дейилади.* Бу ҳаракатда суюқлик заррачалари оқимдаги  $A$  нуқтадан ўтганда шу заррачаларнинг  $u$  тезликлари ва  $p$  гидродинамик босимлари вақт ўтиши билан ўзгармайди. Бу барқарор ҳаракат аналитик кўринишда қуйидагича ёзилади:

$$\left. \begin{aligned} u &= f_1(x, y, z); \\ p &= f_2(x, y, z). \end{aligned} \right\} \quad (3.10)$$

Бу ҳолда  $A$  нуқтада  $u$  ва  $p$  ўзгармас бўлса, улар кейинги, масалан,  $A_1$  нуқтада бошқа ўзгармас миқдорга эга бўлади. Шундай қилиб, ҳаракатдаги суюқлик заррачалари  $A_1$  нуқтасида  $u_1$  ва  $p_1$  бўлса,  $A_2$  нуқтасида эса  $u_2$  ва  $p_2$  ва ҳоказо бўлади. Суюқликнинг барқарор ҳаракати пайтида ихтиёрий  $A_1, A_2, A_3$  ва ҳоказо нуқталарида  $t_1$  вақтда заррачаларнинг тезликлари ва босимларининг ўзгаришлари  $A_1(u_1 = \text{const}, p_1 = \text{const}) \neq A_2(u_2 = \text{const}, p_2 = \text{const}) \neq A_3(u_3 = \text{const}, p_3 = \text{const})$  ва ҳоказо, ҳар бир нуқталар учун ўзгармас бўлиб, ҳар хил нуқталарда ҳар хил миқдорга эга бўлади. Сув сатҳи ўзгармас бўлганда ундаги оқим кўндаланг кесимининг  $\omega$  майдони ўзгармайдиган каналдаги сув оқимининг ҳаракатини барқарор ҳаракатга мисол қилиб келтириш мумкин.

Гидротехник иншоотларни гидравлик ҳисоблашда, амалда, асосан суюқликнинг барқарор ҳаракати кўп уч-




3.3-расм .

райди. Шунинг учун гидравликада кўпинча барқарор ҳаракат қаралади.

Юқорида кўрсатилган беқарор ва барқарор ҳаракатларни яхши тушуниб олиш учун 3.3- расмда кўрсатилганидек, суюқлик оқимининг ҳаракатини қараб чиқамиз. Расмда ихтиёрий суюқлик оқими  $a_1b_1$  ва  $a_2b_2$  чизиқлари билан чегараланган. Шу чегараланган оқимнинг ичида  $A_1$  нуқтани оламиз, бу нуқта қотирилган (ҳаракат қилмайди), аммо суюқликнинг  $M$  заррачалари шу нуқтадан ўтади деб фараз қилайлик. Масалан, суюқликнинг бир нечта  $M_1, M_2, M_3, \dots$  заррачалари ихтиёрий равишда, ўзининг ҳар хил траекторияси билан ҳаракатланыпти, улар ҳар хил вақт ичида шу  $A_1$  нуқта орқали ўтади дейлик:  $M_1$  заррача  $t_1$  вақтда,  $M_2$  заррача  $t_2$  вақтда ўтади ва ҳоказо.  $M_1$  заррача  $A_1$  нуқтага келиб, бу нуқтада  $t_1$  вақтда  $u_1'$  тезликка эга бўлади.  $M_2$  заррача эса ўша  $A_1$  нуқтага келиб бошқа  $t_2$  вақтда шу нуқтада бошқа  $u_2'$  тезликка эга бўлади.

$A_2$  нуқтада ҳам худди  $A_1$  нуқтадагига ўхшаш ҳодиса рўй беради, аммо  $A_2$  нуқтада мутлақо бошқа  $u$  ва  $\rho$  лар ҳосил бўлади.

3.3 а-расмда беқарор ҳаракатнинг умумий кўриниши келтирилган, унда қуйидаги ҳаракат турларини кўришимиз мумкин:



3.4-расм .

а) ихтиёрий олинган, масалан,  $A_1$  нуқтада оқим тезлиги нисбатан секин ўзгаради, бунда

$$\frac{du_x}{dt}, \frac{du_y}{dt}, \frac{du_z}{dt} \quad (3.11)$$

ларни ҳисобга олмаса ҳам бўлади. Беқарор ҳаракатнинг бу ҳолини секин ўзгарувчан ҳаракат деб аталади.

б) ихтиёрий олинган, масалан,  $A_1$  нуқтада оқим тезлиги нисбатан тез ўзгаради дейлик. Бундай ҳаракат эса, тез ўзгарувчан ҳаракат деб аталади.

Суюқлик ҳаракати барқарор ҳаракат бўлса,  $M_1, M_2, M_3, \dots$  заррачалар ҳар хил вақт ичида  $A_1$  нуқтага келиб, бу нуқтада бир хил тезликка эга бўладилар (бу тезликнинг миқдори ҳам, йўналиши ҳам бир хил бўлади) (3.4-расм). Барқарор ҳаракат учун эса

$$u = f(x, y, z), \quad (3.12)$$

яъни бу ерда  $u$  вақтга боғлиқ эмас, шунинг учун барқарор ҳаракат бўлганда

$$\frac{du_x}{dt} = \frac{du_y}{dt} = \frac{du_z}{dt} = 0. \quad (3.13)$$

Барқарор ҳаракат учун  $A_1$  нуқтадан ўтаётган суюқлик  $M$  заррачаларининг траекториялари (3.4-расм) қуйидагича ҳаракатланади:


1.  $M_1, M_2, M_3, \dots$  заррачалар  $A_1$  нуқтадан ўтса, уларнинг  $A_1$  нуқтадан кейинги траекториялари бир чизиқда бўлади.

2.  $A_1$  нуқтасида заррачаларнинг тезликлари (миқдорлари ва векторлари) бир хил бўлади.


### **Суюқлик ҳаракатлари турларининг классификацияси**

Илгари суюқлик ҳаракатлари кўринишларининг классификацияси берилган эди (суюқлик ҳаракатининг ҳар хил белгиларига асосан). Бу классификация блок шаклида келтирилган (3.5- расм).

Суюқлик ҳаракатининг турларини бундай шаклда келтириш педагоглар, талабалар ва ёш муҳандисларга гидравлика фонини ўзлаштиришда қулай имкониятлар яратади, чунки бу алгоритмик жадвалда бутун курс бўйича учрайдиган суюқлик ҳаракат турларининг номлари ўзининг ташқи белгилари бўйича қисқа ҳолда берилган.



3.5-расм. (давоми 102-бетда)



3.5-расм (давими).


### 3.4-§. ТРАЕКТОРИЯ. ОҚИМ ЧИЗИҒИ. ЭЛЕМЕНТАР ОҚИМ НАЙЧАСИ. СУЮҚЛИКНИНГ ТҮЛИҚ ОҚИМИ

Суюқликнинг ҳаракат қонуларини ўрганиш учун траектория, оқим чизиги, элементар оқим найчаси каби тушунчаларни билиб олиш керак.

**Траектория.** Берилган суюқлик заррачаларининг вақт ўтиши билан босиб ўтган йўлининг изи унинг траекторияси деб аталади. Маълум массадаги ҳаракатдаги суюқликни олиб, ундаги бирор заррачани  $M$  билан белгилаймиз, унинг координаталари  $x, y, z$ , тезлиги  $u$  ва гидродинамик босими  $p$  бўлсин (3.6-расм). Бу заррача  $t_1$  вақт ичида  $A_1$  нуқтага келади, бу ҳолда унинг координаталари  $x_1, y_1, z_1$ , тезлиги  $u_1$  ва гидродинамик босим  $p_1$  бўлади. Шу  $M$  заррача ҳаракатини давом эттирса, у 2, 3 ва ҳоказо нуқталардан ўтиб, унинг координаталари, тезлиги ва гидродинамик босими ўзгариб боради.  $M$  заррачанинг  $A_1, 2, 3$  ва кейинги ўтган йўлининг изи унинг траекторияси деб аталади. Барқарор ҳаракат учун оқим тезлиги ва гидродинамик босим белгиланган  $A_1$  нуқтада ўзгармас, шунинг учун бошқа бир  $N$  заррача  $M$  заррача кетидан шу  $A_1$  нуқтага келса, у ерда худди  $M$  заррача каби тезликка, ўша гидродинамик босимга (ҳам миқдори ва ҳам йўналиши жиҳатидан) эга бўлади.  $A_1$  нуқтадан кейинги 2, 3 нуқталарда тезлик ва гидродинамик босим ўзгармагандек,  $A_1$  нуқтадан кейин ҳам  $N$  заррача 2, 3 нуқталарда ўша  $M$  заррача траекторияси билан ҳаракат қилади. Шундай қилиб, барқарор ҳаракатда суюқлик заррачалари узоқ вақт ичида ўзгармас траектория чизиги йўналишида ҳаракатланади. Беқарор ҳаракатда эса заррачанинг  $u$  тезлиги ҳам, унинг миқдори ҳам, йўналиш бўйича ўзгаргани учун унинг траекторияси вақт ўтиши билан тинимсиз ўзгаради. Шунинг учун юқорида кўрсатилган беқарор ҳаракатда  $N$  заррачанинг траекторияси биринчи  $M$  заррача траекторияси бўйича, яъни  $A_1, 2, 3$  чизиги йўналишида ҳаракатланмайди.


**Оқим чизиги.** Буни ўрганиш учун барқарор ва беқарор ҳаракатларни қараб чиқамиз.

*Барқарор ҳаракатда оқим чизиги вақт ўтиши билан ўзгар-*



3.6-расм






3.7-расм.

мас траекторияни англатиб, шу йўл узунлиги бўйича суюқлик зарралари бирин-кетин ҳаракатланади. Мисол учун 3.6- расмдаги  $N-M-A_1-2-3$  чизиғини олайлик.



Беқарор ҳаракатда биз бирор суюқлик массасининг ҳаракатини кузатиб турибмиз дейлик (3.7- расм). Шу массанинг ихтиёрий нуқтасидаги тезликнинг ҳам миқдори, ҳам йўналиши ҳар хил. Бу суюқлик массасининг ичида ихтиёрий 1 нуқта олиб,  $t$  вақт ичида шу нуқтадаги  $u_1$  тезликнинг миқдорини ва йўналиш векторини қурамиз. Бу вектор устига 1-нуқтадан жуда кичик  $\Delta S^*$  масофа оралиқда 2- нуқтани олиб, унинг  $u_2$  тезлигини, ўша  $t$  вақт ичидаги векторини қурамиз. Кейин 2- векторнинг йўналиши бўйича 2- нуқтадан жуда кичик  $\Delta S$  масофа оралиғида 3- нуқтани қўямиз ва ўша жойдан  $u_3$  вектор тезлигини қурамиз ва ҳоказо. Агар  $\Delta S$  оралиқни камайтириб борсак ва у нолга интилса, бу 1, 2, 3 ва ҳоказо синиқ чизиқлар берилган 1- нуқтадан ўтказилган эгри чизиқ шаклини ҳосил қилади. Бу эгри чизиқ оқим чизиғи деб аталади. Шундай қилиб, оқим чизиғи деб шундай эгри чизиққа айтиладики, у ҳаракатдаги суюқлик ичидаги қатор нуқталар орқали ўтказилган бўлиб, шу нуқталардаги ўтказилган тезлик векторлари берилган вақт ичида шу эгри чизиққа уринма бўлади.



3.8-расм.

Бу ерда оқим чизиғи ва траектория тушунчаларининг фарқини ажрата билиш керак. Траектория фақат суюқлик заррасининг бир аниқ вақт ичида босиб ўтган йўлининг изини кўрсатади. Оқим чи-


\* Бу элементар жуда кичик  $\Delta S$  масофа  $t$  вақт ичида олинган нуқталардаги ўрталаштирилган  $\bar{u}$  тезлик векторларининг миқдорларига тенг.



3.9-расм.

зиғи эса бирор элементар  $\Delta t$  вақт ичида оқим характеристикасини беради, шу оқим чизиғи устида ётган ҳар хил суюқлик заррачаларини боғловчи бўлиб, уша заррачаларни шу дақиқадаги тезликларининг йўналишини кўрсатади. Барқарор ҳаракатда суюқлик заррачаларининг траекторияси ва оқим чизиғи бир хил бўлади (бир-бирининг устига тушади). Беқарор ҳаракатда эса, траектория ва оқим чизиғи бир хил бўлмайди (бир-бирининг устига тушмайди). Оқим чизиғини ва траекторияни лабораторияда суюқлик ҳаракати вақтида кузатиш мумкин. Бунинг учун ҳаракат қилаётган суюқликка майда заррача, сувдан бошқача модда (жисм) ёки суюқлик (у сув ичида эримаслиги керак, унинг зичлиги тажриба ўтказилаётган суюқликнинг зичлигига тенг бўлиши шарт) юбориб, унинг ҳаракат траекторияси киносурат ёки фотосуратга олиш ёрдамида аниқланади. Кинога олаётганда, қисқа вақт ичида кўп миқдорда ҳаракатланувчи заррачаларнинг босиб ўтган йўллари олинган расмда кўриниб турган оқим чизиғи бўлади. 3.8-расмдаги пластинкада оқиб ўтаётган суюқлик оқим чизиғи ҳолати кўрсатилган. Агар кинога олаётганда узоқ вақт ичида кам миқдорда ҳаракатланувчи суюқлик заррачаларини расмга туширилса, у ҳолда расмдаги узун излар заррачаларнинг ўтган йўлининг изини, яъни унинг траекториясини ифодалайди (3.9 а ва 3.9 б-расм).

**Элементар оқим найчаси.** 3.10-расмда кўрсатилган суюқлик оқими ичида 1-нуқтани тайинлаб, у нуқта атрофида элементар  $\Delta\omega$  кичик майдончани ажратамиз, бу  $\Delta\omega$  майдонча  $N$  чегара чизиғи билан чегараланган. Шу  $\Delta\omega$  майдонча  $N$  чизиғи билан чегараланган майдон атрофидаги ҳамма нуқталардан оқим чизиғини ўтказамиз. Бу ҳолда ҳажмий бир тўда оқим чизиғини оламиз, у бизга элементар оқим найчасини беради. Бундан келиб чиқадики, *элементар оқим найчаси суюқлик оқимининг бир қисми бўлиб, у ҳаракат қилаётган суюқлик ичида берк  $N$  чегара чизиғидаги нуқталар орқали ўтказилган оқим чизиқлари билан чегараланган.*



3.10-расм.

Барқарор ҳаракат учун элементар оқим найчаси куйидаги уч хоссага эга.

1. Биринчи хоссаси. Оқим чизиғи барқарор ҳаракат бўлганда вақт ўтиши билан ўзининг


шаклини ўзгартирмагани учун (3.6- расм) элементар оқим найчасининг шакли ҳам вақт ўтиши билан ўзгармайди.

2. **Иккинчи хосса си.** Элементар оқим найчасининг сиртини оқим чизиқлари ташкил этгани учун суюқлик заррачалари бирин-кетин унинг узунлиги бўйича сурилиб юрар экан, у ҳолда найча сирти орқали суюқлик ташқаридан ичкарига (яъни қаратаётган элементар оқим найчасининг ичига ташқаридан, бошқа оқим найчасидан) ўтиши мумкин эмас. Худди шундай ичкаридан ташқарига ҳам чиқиши мумкин эмас, чунки оқимнинг тезлик векторлари ҳар доим оқим чизиғига уринма ҳолда бўлади.

3. **Учинчи хосса си.** Оқим тезлиги  $u$  ва гидродинамик босим  $p$  миқдорлари элементар оқим найчасининг кўндаланг кесими  $\Delta\omega$  майдончасининг ҳар бир нуқтаси учун бир хил, яъни  $\Delta\omega$  майдончаси бўйича  $u = \text{const}$ ,  $p = \text{const}$  деб ҳисоблаш мумкин, чунки бу элементар майдонча ниҳоятда кичик бўлиб, нолга интилади. Маълумки,  $\Delta\omega$  элементар майдонча нолга интилганда, майдончанинг ўрнида нуқта ҳосил бўлади. У ҳолда бу  $\Delta\omega$  майдончада  $u$  ва  $p$  майдончанинг периметри бўйича ўзгармас деб олинади. Шунини айтиб ўтиш керакки, элементар оқим найчасининг узунлиги бўйича  $u$  тезлик ва  $p$  босимнинг миқдорлари, умуман олганда ўзгариши мумкин.

**Суюқликнинг тўлиқ оқими.** Суюқликнинг тўлиқ оқими деб, амалда қаттиқ девор билан чегараланган тизимда ҳаракат қилаётган суюқлик ҳажмига (массасига) айтилади. Масалан, қувур, канал, дарё ва бошқа ўзанларда ҳаракатланаётган сув. Бошқача қилиб айтганда, ҳар хил тезликда ҳаракатланувчи суюқликнинг тўлиқ оқими — элементар оқим найчаларининг йиғиндисидан ташкил топади. Бундай маънода тушунтириш гидродинамикада назарий жиҳатдан суюқлик ҳаракатларини ўрганиш ва уларнинг натижаларини амалда қўллаш қулайлиги жиҳатидан асосий рол ўйнайди.

**Текис ўзгарувчан ҳаракат.** Қатор элементар оқим найчаларидан тузилган суюқликнинг тўлиқ оқимини ўрганаётганда, асосан элементар оқим найчаларининг бир-бирига параллел бўлмаганлиги сабабли, оқимнинг назарий изланишларда мураккаблашганлигини айтиб ўтиш мақсадга мувофиқ. Шундай экан, уни соддалаштириш учун гидродинамикада текис ўзгарувчан ҳаракат тушунчаси киритилади. Суюқликнинг ҳаракатида оқим найчалари ўзларининг йўналишлари бўйича бир-биридан жуда кичик  $\theta$  бурчак ва жуда кичик эгрилик, яъни жуда катта бурилиш радиуси  $r$  ни ҳосил қиладиган ҳаракати, суюқликнинг текис ўзгарувчан ҳаракати дейилади (3.11- расм). Суюқликларнинг бундай



3.11-расм.


ҳаракати суюқлик оқим найчалари тахминан бир-бирига параллел бўлган ҳолда, диаметри ўзгармас бўлган қувурлар, узунлиги бўйича кўндаланг кесими ўзгармас бўлган каналларда, дарёларнинг айрим участкаларида учрайди. Текис ўзгарувчан ҳаракат бўлган пайтда суюқлик оқими ўзининг қуйидаги хоссаси билан характерланади:

1) суюқлик оқимининг кўндаланг кесими текис ва оқимнинг ўқиға нормал бўлади;

2) суюқлик оқимининг кўндаланг кесими текислигида гидродинамик босимнинг тақсимланиши гидростатиканинги асосий қонуниға бўйсунди;

3) солиштирма потенциал энергия (яъни суюқликнинг бирлик оғирлигиға нисбатан олинган потенциал энергияси) ихтиёрий горизонтал таққослаш  $0-0$  текислигиға нисбатан олинган бўлиб, оқим кўндаланг кесимининг ҳамма нуқталари учун бир хил.

Бу ҳоқсаларни исботлаймиз. Текис ўзгарувчан ҳаракатнинг биринчи хоссаси тўғридан-тўғри шу текис ўзгарувчан ҳаракат тушунчасидан келиб чиқади. Бу ҳол параллел йўналган ҳаракат туриға жуда яқин бўлиб, унда ўз-ўзидан маълумки, оқимнинг кўндаланг кесими текис ҳамда оқим ўқиға тик бўлади. Текис ўзгарувчан ҳаракатнинг иккинчи хоссасини қуйидагича исботлаш мумкин. Оқим найчалари бир-бириға нисбатан параллел ҳаракат қилаётган суюқлик ичида ниҳоятда кичик  $a-b-c-d$  параллелепипедни ажратиблиб, унинг мувозанат ҳолатини қараб чиқамиз. Биз ажратибли олган параллелепипедға таъсир этаётган ва уни мувозанат ҳолатида сақлаб турувчи кучлар (параллелепипеднинг  $G$  оғирлик кучи, параллелепипедға алоқаси бўлган, уни ўраб турган ташқи суюқлик заррачаларининг  $P_1, P_2, P_3, P_4$



3.12-расм .

босим кучлари,  $mj$  инерция кучи)ни ўрнига қўйсак, шу қаралётган ҳолат учун юқорида айтилган биринчи хоссага асосан, бу  $mj$  куч оқимнинг кўндаланг кесими юзасига нормал йўналган бўлади (3.12-расм). Агар юқорида келтирилган кучларнинг вертикал ўққа проекциясини олсак ва унинг мувозанат тенгламасини ёзсак, у ҳолда


$$P_3 + G = P_4, \quad (3.14)$$

ёки

$$P_4 - P_3 = G, \quad (3.15)$$

бундан, инерция кучи (3.14), (3.15) тенгламаларга кирмаганини кўрамиз, демак, оқимнинг кўндаланг кесими майдонидаги ниҳоятда кичик суюқлик ҳажмининг мувозанат ҳолати шу тинч ҳолатдаги суюқликдаги шундай кичик суюқлик ҳажмининг мувозанатидан фарқ қилмайди. Бундан тегис ўзгарувчан ҳаракатдаги оқимнинг кўндаланг кесимининг майдони бўйича гидродинамик босимнинг тақсимланиши тинч ҳолатдаги суюқликдаги горизонтал босимнинг тақсимланишидан фарқ қилмаслиги кўриниб турибди. Учинчи хосса иккинчи хоссасининг натижасидан келиб чиқади. Гидростатикадан маълумки (2.1-§ га қаранг), нуқтадаги  $p$  гидростатик босим ва унинг ўрнини аниқловчи  $z$  вертикал координатасининг йиғиндиси ўша нуқтага нисбатан ўзгармас бўлади (тинч ҳолатдаги суюқликнинг бутун ҳажми бўйича):

$$\frac{p}{\gamma} + z = \text{const}. \quad (3.16)$$



3.13- расм.

Текис ўзгарувчан ҳаракат учун оқимнинг фақат кўндаланг кесими майдони бўйича гидродинамик босимнинг тақсимланиши гидростатик босимнинг тақсимланиши қонунига бўйсунди:

$$\frac{p}{\gamma} + z = \text{const} \text{ (оқимнинг берилган кўндаланг кесими майдони бўйича),} \quad (3.17)$$

бу ерда  $z$  — вертикал координата, яъни  $O-O$  горизонтал таққослаш текисликка нисбатан ҳаракатдаги суюқлик ичида қаралаётган нуқта жойлашган баландлик (3.13-расм);  $p$  — шу нуқтадаги гидродинамик босим.

Хулоса қилиб айтганда, текис ўзгарувчан ҳаракатдаги оқимнинг кўндаланг кесимининг майдонидаги ихтиёрӣ нуқтага нисбатан  $\frac{p}{\gamma}$  ва  $z$  нинг йиғиндиси ўзгармас бўлади (3.13-расм), масалан,  $A-A$  кўндаланг кесим учун

$$\left(\frac{p}{\gamma} + z\right)_{A-A} = \text{const}, \quad B-B \text{ кўндаланг кесим учун}$$

$\left(\frac{P'}{\gamma} + z'\right)_{B-B} = \text{const}$  ва бошқа кўндаланг кесимлар учун,


унинг ўзининг миқдори  $\left(\frac{P}{\gamma} + z\right)_{n-n} = \text{const}$ , аммо шуни айтиб ўтиш керакки, оқимнинг ҳар хил кўндаланг кесимлари учун бу йиғиндилар ҳар хил бўлади.

### 3.5-§. СУЮҚЛИК ОҚИМИНИНГ ГИДРАВЛИК ЭЛЕМЕНТЛАРИ. ОҚИМНИНГ КўНДАЛАНГ КЕСИМИ БЎЙИЧА ЎРТАЧА ТЕЗЛИГИ. СУЮҚЛИК ОҚИМИНИНГ ҲАЖМИЙ САРФИ

**Оқимнинг кўндаланг кесими майдонининг гидравлик элементлари.** Суюқлик оқимининг ҳаракати ўрганилаётганда оқимнинг кўндаланг кесим майдонининг қуйидаги асосий гидравлик элементлари назарда тутилади: оқимнинг кўндаланг кесими майдони; ўзанининг ҳўлланган (кўндаланг кесими бўйича) периметрининг узунлиги; гидравлик радиуси ва бошқалар.





**1. Оқимнинг кўндаланг кесими.** Оқимнинг кўндаланг кесими деб, суюқликнинг оқим чизиқларига тик ўтказилган текислик ёрдамида кесиб ўтган юзага айтилади ва у юза оқимнинг ичида жойлашган бўлиб, жонли кесим дейилади ва  $\omega$  билан ифодаланadi.

Умуман оқимнинг кўндаланг кесими бироз эгри чизиқли юзадан иборат бўлади (3.14 а- расм), фақат текис ўзгарувчан ҳаракат учун оқимнинг кўндаланг кесими текис юзали текисликдан иборат бўлади (3.14 б-расм). Шунинг учун кўпинча амалий гидравликада, текис ўзгарувчан ҳаракатдаги оқимларда, оқимнинг кўндаланг кесими деб, суюқликнинг ҳаракат йўналишига нормал бўлган оқим-



3.14-расм.





3.15-расм .

нинг текис кўндаланг кесимига айтилади. Гидравликада оқимнинг кўндаланг кесими майдони шартли равишда  $\omega$  ҳарфи билан ифодаланади. 3.15- расмга nisbatan оқимнинг кўндаланг кесими майдони:

а) трапеция шаклидаги ўзан учун

$$\omega = (b + mh) h; \quad (3.18)$$

б) тўғри тўртбурчак шакли ўзан учун

$$\omega = b h; \quad (3.19)$$

в) учбурчак шакли ўзан учун

$$\omega = \frac{B h}{2}; \quad (3.20)$$

г) доира шаклидаги ўзанлар (масалан, қувурлар) учун бу қувурларда суюқлик ҳаракати напорли бўлган ҳолда

$$\omega = \frac{\pi D^2}{4}; \quad (3.21)$$

Ихтиёрий шаклдаги қувурларда суюқлик ҳаракати напорсиз бўлса, бундай қувурлар (дренаж қувурлари, туннеллар ва бошқалар) каналлаштирилган қувурлар деб аталади. Булар гидравлик нуқтаи назардан очиқ ўзанлар қаторига киради ва уларнинг кўндаланг кесим майдонлари шаклларига қараб юқорида келтирилган (3.18), (3.19), (3.20), (3.21) ва бошқа формулалар ёрдамида ҳисобланади.

**2. Ўзан кўндаланг кесимининг ҳўлланган периметри.** Ҳўлланган периметр деб ўзаннинг кўндаланг кесими бўйича ҳаракатдаги суюқлик билан ҳўлланган периметрининг узунлигига айтилади. Ўзан кўндаланг кесимининг ҳўлланган периметри узунлиги  $\chi$  ҳарфи билан ифодаланади. Бу тўшунчадан келиб чиқадики, очиқ ўзанлар (канал, дарё ва бошқалар) учун унинг кўндаланг кесимининг ҳўлланган периметри ўзан кўндаланг кесимларининг шаклларига боғлиқ. Масалан, трапеция шаклли (3.15а-расм) ўзан (канал) учун унинг ҳўлланган периметрининг узунлиги

$$\chi = AB + BC + CD; \quad (3.22)$$

тўғри тўртбурчакли ўзан (канал) учун (3.15 б-расм)

$$\chi = AB + BC + CD; \quad (3.23)$$

учбурчакли ўзан (канал) учун (3.15 в -расм)

$$\chi = AB + BC; \quad (3.24)$$

доира шаклли ўзан (қувур) учун (3.15 г-расм)

$$\chi = \pi D. \quad (3.25)$$

Юқорида келтирилган мисоллардан кўринадики, очиқ ўзанларда (3.15-расм) уларнинг кўндаланг кесимлари бўйича ҳўлланган периметрларининг узунлиги  $\chi$  ўзанларнинг геометрик кўндаланг кесими билан мослашмайди. Напорли қувурларда эса унинг ҳўлланган периметри қувурнинг геометрик периметри билан мослашади. Шундай қилиб, очиқ ўзанларда уларнинг кўндаланг кесими майдони оқимнинг кўндаланг кесими майдонидан фарқ қилади. Шунинг учун гидротехник иншоотларни гидравлик ҳисоблаш пайтида берилган ўзандаги оқимнинг кўндаланг кесимининг

майдони билан ўзанининг кўндаланг кесими майдони орасидаги фарққа катта эътибор бериш керак.

**3. Гидравлик радиус.** Оқимнинг кўндаланг кесими майдонининг шу кесимдаги ўзанининг ҳўлланган периметрига нисбати гидравлик радиус деб аталади. Гидравлик радиус  $R$  шартли белги билан ифодаланади ва қуйидагича ёзилади:

$$R = \frac{\omega}{\chi}. \quad (3.26)$$

*Гидравлик радиуснинг физик маъноси.* Бу гидравлик элемент ўзан кўндаланг кесимининг шаклини ва ўзанининг деворлари ҳамда тубининг гадир-будурликларини (микро- ва макро шакллари) қиёсан ифодалайди, чунки  $\omega$  ва  $\chi$  ўзанлардаги (унинг деворидаги ва тубидаги) нотекисликларнинг микро- ва макро шаклларини характерловчи параметрлари ҳисобланади.

**3.1-масала.** Трапеция шаклидаги каналнинг кўндаланг кесими бўйича (3.16 а, б-рasm) сув сатҳининг кенглиги  $AD = B = 4,0$  м, тубининг эни  $BC = b = 1,0$  м, каналдаги сувнинг чуқурлиги  $h = 1,0$  м берилган. Шунга кўра, каналнинг гидравлик радиусини аниқланг.

*Ечиш.* Оқимнинг кўндаланг кесими майдони

$$\omega = \frac{1}{2}(B + b)h = \frac{1}{2}(4 + 1)1 = 2,5 \text{ м}^2.$$

Каналнинг ҳўлланган периметрининг узунлиги

$$\chi = |AB| + |BC| + |CD| = 1,8 + 1,0 + 1,8 = 4,6 \text{ м};$$



бунда

$$AB = CD = \sqrt{\left[\frac{1}{2}(B - b)\right]^2 + h^2} = \sqrt{\left[\frac{1}{2}(4 - 1,0)\right]^2 + 1,0^2} = 1,8 \text{ м};$$
$$BC = b = 1,0 \text{ м}.$$

Гидравлик радиус

$$R = \frac{\omega}{\chi} = \frac{2,5}{4,6} = 0,54 \text{ м}.$$

Бу масаланинг бошқачароқ ечимини таҳлил қиламиз:



3.16-расм.

Трапеция шаклдаги канал учун оқимнинг кўндаланг кесимининг майдони

$$\omega = (b + mh)h = 2,5 \text{ м}^2,$$

бу ерда  $m$  — канал ён деворининг нишаб коэффициентини. Масаллада  $m$  берилмаган. Шунга қарамасдан, каналнинг кўндаланг кесими учун берилган бошқа гидравлик элементларининг миқдорлари асосида  $m$  ни аниқлаш мумкин (чизма усулини қўллаш йўли билан). 3.16-расмдан  $m = 1,5$ , у ҳолда

$$\omega = (b + mh)h = (1,0 + 1,5 \cdot 1,0)1,0 = 2,5 \text{ м}^2,$$

трапеция шакли канал учун унинг ҳўлланган периметрининг узунлиги

$$\chi = b + 2h\sqrt{1 + m^2} = 1,0 + 2 \cdot 1,0\sqrt{1,0 + 1,5^2} = 4,6 \text{ м}.$$

Гидравлик радиус

$$R = \frac{\omega}{\chi} = \frac{2,5}{4,6} = 0,54 \text{ м}.$$

**3.2-масала.** Доира шакли қувур берилган, унинг ички диаметри  $d = 0,5$  м. Бу қувурда суюқлик оқимининг ҳаракати напорли. Гидравлик радиусни аниқланг.

*Ечиш.* Доира шакли қувурнинг кўндаланг кесимининг майдони

$$\omega = \frac{\pi d^2}{4} = \frac{3,14 \cdot 0,5^2}{4} = 0,196 \text{ м}^2.$$

Ҳўлланган периметрининг узунлиги

$$\chi = \pi d = 3,14 \cdot 0,5 = 1,57 \text{ м.}$$

Гидравлик радиус

$$R = \frac{\omega}{\chi} = \frac{0,196}{1,57} = 0,125 \text{ м.}$$

**4. Суюқликнинг ҳажмий сарфи.** *Суюқликнинг ҳажмий сарфи деб, вақт бирлиги ичида ўзанинг берилган кўндаланг кесимидан ўтган суюқлик ҳажмига айтилади.* Гидравликада суюқликнинг ҳажмий сарфи  $Q$  билан, элементар оқим найча учун суюқликнинг ҳажмий сарфи эса  $dQ$  билан белгиланади.  $Q$  нинг ўлчов бирлиги

$$|Q| = \frac{L^3}{T}. \quad (3.27)$$

Агар суюқликнинг тўлиқ оқимини элементар оқим найчаларидан ташкил топган десак, у ҳолда суюқликнинг тўлиқ оқими учун унинг ҳажмий сарфи, шу элементар оқим найчаларининг ниҳоятда кичик кўндаланг кесимидан ўтаётган суюқликнинг ҳажмий сарфларининг йиғиндисидан иборат

$$Q = \int_{\omega} dQ. \quad (3.28)$$

Агар элементар оқим найчасининг ниҳоятда кичик кўндаланг кесим майдонини  $d\omega$ , шу элементар оқимнинг тезлигини  $u$  билан белгиласак, унда барқарор ҳаракатдаги элементар оқим найчасининг хоссасини назарда тутган ҳолда, элементар оқим найчасининг кўндаланг кесимидан ўтаётган суюқликнинг ҳажмий сарфини қуйидагича ёзиш мумкин:

$$dQ = u d\omega. \quad (3.29)$$

Бу ҳолда суюқликнинг тўлиқ ҳажмий сарфи қуйидагича бўлади

$$Q = \int_{\omega} dQ = \int_{\omega} u d\omega. \quad (3.30)$$

Маълумки, ҳатто барқарор ҳаракатдаги оқимнинг кўндаланг кесими майдони бўйича ҳар хил нуқталарда, улар-

нинг тезликлари ҳар хил бўлганлиги сабабли ҳамда шу кўндаланг кесим бўйича тезликларнинг тақсимланиш қонуни аниқ ишлаб чиқилмагани учун суюқликнинг тўлиқ ҳажмий сарфини (3.30) тенгламадан аниқлаш қийин ва у тенгламадан гидравлик масалаларни ечишда, фақат назарий усулда, оқим ҳаракатини ўрганишда фойдаланилади. Амалда эса, суюқликнинг тўлиқ ҳажмий сарфини аниқлашда берилган оқимнинг кўндаланг кесимидаги ўртача тезлиги тушунчасидан фойдаланилади, чунки оқим тезлиги оқимнинг кўндаланг кесимидаги ҳар хил нуқталарда ҳар хил бўлади, масалан,

$$u_1 \neq u_2 \neq u_3 \dots \quad (3.31)$$

**5. Тўлиқ оқимнинг кўндаланг кесимининг майдони бўйича ўртача тезлиги.** *Тўлиқ оқимнинг берилган кўндаланг кесимининг майдони бўйича ўртача тезлиги вақт бирлиги ичида берилган кўндаланг кесимдан ўтган сув ҳажмининг шу ўзандаги оқимнинг кўндаланг кесими майдонига бўлган нисбати га айтилади.* Бошқача қилиб айтганда  $v$  ўртача тезлик ҳажмий сув сарфи  $Q$  нинг кўндаланг кесим майдони  $\omega$  га нисбати бўлади.

Тўлиқ оқимнинг берилган кўндаланг кесими бўйича ўртача тезлиги гидравликада  $v$  шартли белги билан ифодаланган ва унинг ўлчов бирлиги

$$|v| = \frac{L}{T}. \quad (3.32)$$

Бу тенгламадан ҳар бир элементар оқим найчасидаги ҳақиқий оқим тезлиги  $u$  ни тўлиқ оқимнинг кўндаланг кесими бўйича ўртача тезлиги  $v$  билан алмаштирсак, у ҳолда

$$Q = \int_{\omega} u d\omega = v \int_{\omega} d\omega = v\omega, \quad (3.33)$$

ёки


$$Q = v\omega, \quad (3.34)$$

яъни берилган кўндаланг кесимда суюқликнинг ҳажмий сарфи оқимнинг кўндаланг кесими майдонини унинг ўртача тезлигига кўпайтмасига тенг. (3.33) тенгламадан оқимнинг ўртача тезлиги

$$v = \frac{Q}{\omega} \quad (3.35)$$

Шуни айтиб ўтиш керакки, оқимнинг ўртача тезлиги  $v$  тушунчаси фақат элементар оқим найчалари (худди шундай, оқим чизиқлари) параллел бўлган ва текис ўзгарувчан ҳаракат учун қўлланилади. Юқоридаги (3.34) ва (3.35) тенгламалар гидравликада зарур ҳамда улар гидротехника, сув таъминоти ва канализация, гидромашина, гидрометрия, мелиорация, ўзан жараёнларини ўрганишда кенг қўламда қўлланилади ва муҳим формулалардан бири ҳисобланади. Шу сабабли бу тенгламаларни талабалар жуда яхши ўрганиши шарт, чунки у гидродинамиканинг асосий тенгламаларидан бири.

**6. Оқимнинг кўндаланг кесимининг майдони бўйича ўрта-лаштирилган  $u$  тезликларнинг тақсимланиш энюраси.** Бунинг учун трапеция шакли каналдаги суюқлик оқимини қараб чиқамиз (3.17-расм). Бу ерда  $M-N$  — оқимнинг кўндаланг кесимларидан бири. I, II, III, IV ва V шу  $M-N$  кўндаланг кесимдаги тезликни ўлчайдиган вертикаллар (3.17 б-расм). Шулардан III вертикал 3.17 а-расмдаги  $M-N$  вертикал бўлади, чунки 3.17 б-расмдаги III вертикал ва 3.17 а-расмдаги  $M-N$  вертикаллар каналнинг узунлиги бўйича  $O-O$  ўқидан олинган. Ҳозир шу вертикал  $M-N$  ёки III ни қараб чиқамиз ва у вертикал учун оқимнинг чуқурлиги бўйича нуқтадаги ўрталаштирилган тезликларнинг тақсимланиш энюрасини қуриб, оқимнинг шу вертикалдаги ўртача тезлигини топамиз.  $M-N$  ёки III вертикалда ҳар хил чуқур-



3.17-расм.

ликда 1, 2, 3, 4 нуқталарни олиб, улардаги  $u_1, u_2, u_3, u_4$  тезлик векторларини 3.17-расмда кўрсатилганидек бажарамиз (бу тезликлар лаборатория шароитида тезлик ўлчайдиган асбоблар — X. Пито трубки, микровертушка ва бошқалар, дала шароитида эса пукаклар, вертушкалар ва бошқа асбоблар ёрдамида гидрометрия қоидаларига асосан ўлчанади). Шу 1, 2, 3, 4 нуқталардаги  $u_1, u_2, u_3, u_4$  тезлик векторларининг охириларини эгри чизик билан бирлаштириб, парабола шаклини ҳосил қиламиз, бу бизга шу вертикал бўйича нуқталардаги  $u$  тезликларнинг тақсимланиш характерини кўрсатади. Бу шакл берилган  $M-N$  ёки III вертикал учун қурилган тезликларнинг тақсимланиш эпюраси деб аталади (3.17 а-рasm). Табиатда кўндаланг кесимларнинг ҳар хил вертикаллари учун тезликнинг тақсимланиш эпюраси бир хил бўлмайди. Каналнинг ўқидан унинг қирғоқларига яқинлашган сари оқимнинг тезлиги камайиб боради. Шунинг учун оқимнинг кўндаланг кесимида бир неча вертикаллар тайинлаб, уларда юқорида кўрсатилган усулда бошқа вертикал I, II, IV, V лар учун ўртача оқим тезлигини аниқлаймиз. Шу вертикалларнинг ҳар бири учун уларнинг ўрталаштирилган тезликларидан тўлиқ оқимнинг кўндаланг кесими бўйича (унинг эпюрасини чизиб) оқимнинг тезлиги  $v$  ни ва суюқликнинг ҳажмий сарфини\* аниқлаймиз.

**3.3-масала.** Каналдаги оқимнинг кўндаланг кесими майдони  $\omega = 4,0 \text{ м}^2$  ва оқимнинг ўртача тезлиги  $v = 0,85 \text{ м/с}$  берилган. Суюқликнинг ҳажмий сарфини аниқланг.

*Ечиш.*  $Q = v \cdot \omega = 0,85 \cdot 4,0 = 3,40 \text{ м}^3/\text{с}.$

**3.4-масала.** Пулат қувурда сув сарфи  $Q = 0,25 \text{ м}^3/\text{с}$ , ва унинг кўндаланг кесимининг майдони  $\omega = 0,60 \text{ м}^2$  бўлса, ундаги оқимнинг ўртача тезлигини аниқланг.

*Ечиш.*  $v = \frac{Q}{\omega} = \frac{0,25}{0,60} = 0,42 \text{ м/с}.$

---

\* Бундан буён соддалаштириш мақсадида «суюқликнинг ҳажмий сарфи» ўрнига «сув сарфи» деб юргизамиз.



### 3.6-§. СУЮҚЛИК ОҚИМИНИНГ УЗЛУКСИЗЛИК ТЕНГЛАМАСИ


**Умумий тушунча.** Гидравликада асосан суюқлик оқими ичида узилиш ҳодисалари (жараёнлари) бўлмайдиган оқимлар ўрганилади, яъни оқим шундай бўлиши керакки, у ҳаракат қилаётган ўзанда ичидаги ҳамма бўшлиқлар суюқлик билан зич тўлдирилган бўлиши керак. Гидродинамикада бундай зич суюқлик оқимининг ҳаракатини ифодаловчи тенглама узлуксизлик тенгламаси деб аталади. Шу сабабли гидромеханикада суюқлик деган сўзнинг ўрнига узлуксиз муҳит сўзи ишлатилади. Бу ҳол ҳақиқатга анча яқинроқ келса керак, чунки фазодаги суюқлик оқими ҳаракатининг ихтиёрий нуқтасида суюқлик зарчасини учратиш мумкин. Аввало, узлуксизлик тенгламасини оқимнинг элементар найчаси учун ишлаб чиқамиз ва олинган натижани тўлиқ оқим учун татбиқ этамиз.

#### А. Элементар оқим найчаси учун узлуксизлик тенгламаси

Суюқликнинг элементар оқим найчасини (3.18-расм) олиб, унда 1–1 ва 2–2 кўндаланг кесимларни тайинлаймиз. Элементар оқим найчаси 1–1 кўндаланг кесими майдонини  $d\omega_1$ , ўша кесимдаги оқим тезлигини  $u_1$ , сув сарфини  $dQ_1$  ва худди шунингдек, 2–2 кесим учун  $d\omega_2$ ,  $u_2$ ,  $dQ_2$  деб ифодаласак, (3.29) тенгламага асосан

$$\left. \begin{aligned} dQ_1 &= u_1 d\omega_1; \\ dQ_2 &= u_2 d\omega_2. \end{aligned} \right\} \quad (3.36)$$

Барқарор ҳаракатдаги элементар оқим найчасининг хоссасига асосан, биринчидан, элементар оқим найчаси орқали ўтаётган сув сарфи вақт ўтиши билан ўзгармайди



3.18-расм

ва иккинчидан, элементар оқим найчасининг ён деворларининг сирти орқали суюқлик ичкарига кирмайди ва ичкаридан ташқарига чиқмайди, бундан ташқари бу суюқлик сиқилмайди, яъни  $\rho = \text{const}$ . Бундан келиб чиқадики, элементар оқим найчаси орқали вақт ўтиши билан 1–1 кўндаланг кесимидан кирган суюқлик ҳажми, унинг 2–2 кўндаланг кесимидан чиққан суюқлик ҳажмига тенг, у ҳолда қуйидаги шарт бажарилиши керак

$$dQ_1 dt = dQ_2 dt, \quad (3.37)$$

ёки

$$dQ_1 = dQ_2, \quad (3.38)$$

(3.36) тенгламадан

$$u_1 d\omega_1 = u_2 d\omega_2. \quad (3.39)$$


Демак, оқимнинг узунлиги бўйича 1–1 ва 2–2 кўндаланг кесимлари ихтиёрий бўлгани сабабли (3.39) тенгламани бошқа ихтиёрий кесимлар учун ҳам ёзиш мумкин

$$u_1 d\omega_1 = u_2 d\omega_2 = \dots = u d\omega = dQ = \text{const}, \quad (3.40)$$

ёки

$$dQ = u d\omega. \quad (3.41)$$

Бу (3.40) тенглама элементар оқим найчаси учун узлуксизлик тенгламаси деб аталади. (3.40) ва (3.41) тенглама-



3.19-расм.

лардан кўришиб турибдики, ихтиёрий элементар оқим найчасидан ўтаётган элементар сув сарфининг миқдори барқарор ҳаракатдаги оқим учун ўзгармас бўлади.

### Б. Тўлиқ оқим учун узлуксизлик тенгламаси

Тўлиқ суюқлик оқимини қатор элементар оқим найчаларга бўлсак (3.19-расм), ихтиёрий бирор элементар оқим найчаси учун (3.40) тенгламага асосан,

$$u_1 d\omega_1 = u_2 d\omega_2 = \dots, \quad (3.42)$$

(3.42) тенгламанинг икки томонини оқимнинг кўндаланг кесими бўйича элементар майдонларини алоҳида кўшиб чиқсак, у ҳолда

$$\int_{\omega_1} u_1 d\omega_1 = \int_{\omega_2} u_2 d\omega_2 = \dots, \quad (3.43)$$

(3.43) тенгламага асосан

$$\int_{\omega_1} u_1 d\omega_1 = v_1 \omega_1; \quad (3.44)$$

$$\int_{\omega_2} u_2 d\omega_2 = v_2 \omega_2 \quad (3.45)$$

бўлади, у ҳолда (3.43) тенгламадан

$$v_1 \omega_1 = v_2 \omega_2 = \dots = v \omega = Q; \quad (3.46)$$

яъни

$$Q_1 = Q_2 = \dots = Q = \text{const.} \quad (3.47)$$

(3.47) тенгламадан кўринадикки, суюқлик сарфининг миқдори тўлиқ оқимнинг кўндаланг кесими бўйича барқарор ҳаракат учун ўзгармас бўлади. (3.46) тенгламани такроран ёзамиз:

$$v_1 \omega_1 = v_2 \omega_2 = \dots = v \omega = Q = \text{const.} \quad (3.48)$$

(3.48) тенгламадан кўринадикки, барқарор ҳаракат пайтида ҳам оқимнинг кўндаланг кесими ва ундаги ўртача тезлик оқимнинг узунлиги бўйича ўзгаришига қарамай, сув сарфи, яъни  $\omega$  кўндаланг кесим майдонининг шу кўндаланг кесим бўйича оқимнинг  $v$  ўртача тезлигига кўпайт-

маси ҳар хил ихтиёрий кесимларда бир хил ўзгармасдан қолади. (3.48) тенгламадан қуйидаги нисбатларни оламиз:

$$\frac{v_1}{v_2} = \frac{\omega_2}{\omega_1}. \quad (3.49)$$

(3.49) тенглама қуйидагича ўқилади: оқимнинг ихтиёрий икки кўндаланг кесимидаги ўртача тезликларнинг нисбати шу икки кўндаланг кесим майдонларининг нисбатига тескари пропорционал.

**3.5-масала.** Кўндаланг кесими узунлиги бўйича ўзгарувчан (икки хил диаметрли) напорли қувур берилган. Оқимнинг биринчи кўндаланг кесимидаги  $v_1$  ўртача тезлигини аниқланг. Қувурнинг биринчи кўндаланг кесимидаги диаметри  $d_1=200$  мм, иккинчи кўндаланг кесимидаги диаметри  $d_2=100$  мм, шу иккинчи кесимдаги оқимнинг ўртача тезлиги  $v_2=1,0$  м/с.

*Ечиш.* Қувурнинг иккала кўндаланг кесимларининг майдони:

$$\omega_1 = \frac{\pi d_1^2}{4}; \quad \omega_2 = \frac{\pi d_2^2}{4}. \quad (3.50)$$

(3.50) ни (3.49) га қўйсак,

$$\frac{v_1}{v_2} = \frac{d_2^2}{d_1^2}, \quad (3.51)$$

яъни доиравий қувур учун иккала кесимлардаги оқим тезликларининг нисбати қувурнинг ўша кесимларидаги диаметрларининг квадратлари нисбатларига тескари пропорционал. (3.51) тенгламадан қувурнинг биринчи кўндаланг кесимидаги оқимнинг ўртача тезлиги қуйидагича

$$v_1 = v_2 \cdot \frac{d_2^2}{d_1^2},$$


ёки уларнинг ўрнига  $d_1$ ,  $d_2$ ,  $v_2$  қийматларини қўйиб чиқсак,

$$v_1 = 1,0 \cdot \frac{0,10^2}{0,20^2} = 0,25 \text{ м/с.}$$

### 3.7-§. СУЮҚЛИК ОҚИМИНИНГ УЗЛУКСИЗЛИК ТЕНГЛАМАСИНИНГ ДИФФЕРЕНЦИАЛ ШАКЛДАГИ КЎРИНИШИ

Суюқлик оқимининг узлуксизлик тенгламасининг аналитик шарти қуйидаги муҳокамадан келиб чиқиши мумкин. Агар оқим сиқилмайдиган узлуксиз муҳит бўлса, вақт ўтиши билан унинг массаси кўпаймайди ва камаймайди. Фазода элементар параллелепипед шаклидаги суюқлик оқимини оламиз (3.20-расм), унинг ҳамма қирраларида ихтиёрый йўналишда узлуксиз равишда суюқлик оқади. Қаралаётган параллелепипед суюқликка лиқ тўла бўлгани учун параллелепипед ичидаги суюқлик массасининг миқдори вақт ўтиши билан мутлоқ ўзгариши мумкин эмас. Параллелепипеднинг уз,  $zx$ ,  $xy$  координата текисликларига параллел бўлган қирралари орқали кираётган ҳамда чиқиб кетаётган суюқлик массасининг миқдорини кузатамиз. Бунинг учун аввало, параллелепипеднинг  $dy$ ,  $dz$  қирраси орқали кирган суюқлик массасининг миқдорини қараб чиқамиз: фараз қилайлик, шу қирраси орқали кираётган суюқликнинг тезлиги  $v_x$  (вектори эса шу текисликка нормал) бўлсин ва унинг қаршисидаги қиррасидан чиқиб кетаётган суюқлик тезлиги  $v_x + \frac{\partial v_x}{\partial x} dx$  бўлсин (3.20-расм). Суюқликнинг зичлигини  $\rho$  билан белгилаб, фақат уз текислигига параллел бўлган қирраси орқали вақт бирлиги ичида параллелепипед ичидан ўтган суюқлик массаси миқдорининг ўзгаришини оламиз. У қуйидагича ёзилади:

$$\rho v_x dy dz - \rho \left( v_x + \frac{\partial v_x}{\partial x} dx \right) dy dz = -\rho \frac{\partial v_x}{\partial x} dx dy dz. \quad (3.52)$$



3.20-расм .

Худди шу йўл билан параллелепипед ичидан ўтиб,  $zx$  ва  $xy$  текислигига параллел бўлган параллелепипед қирраларидан вақт бирлиги ичида ўтган суюқлик массасининг ўзгаришини аниқлаймиз:

$zx$  текислигига нисбатан

$$-\rho \frac{\partial v_y}{\partial y} dx dy dz; \quad (3.53)$$

$xy$  текислигига нисбатан

$$-\rho \frac{\partial v_z}{\partial z} dx dy dz. \quad (3.54)$$

Суюқлик ҳаракатининг узлуксиз муҳит шартига биноан, параллелепипедга, унинг қирраларидан оқиб кираётган ва оқиб чиқаётган суюқликлар массасининг миқдори ўзгармайди (қўшилмайди ҳам, камаймайди ҳам); у ҳолда юқорида келтирилган суюқлик массалари [(3.52), (3.53), (3.54) тенгламалар]нинг йиғиндиси нолга тенг бўлади, яъни

$$-\rho dx dy dz \left( \frac{\partial v_x}{\partial x} + \frac{\partial v_y}{\partial y} + \frac{\partial v_z}{\partial z} \right) = 0. \quad (3.55)$$

(3.55) тенгламадан  $(-\rho dx dy dz)$  нолга тенг бўлмайди, у ҳолда қавс ичи нолга тенг бўлади

$$\frac{\partial v_x}{\partial x} + \frac{\partial v_y}{\partial y} + \frac{\partial v_z}{\partial z} = 0. \quad (3.56)$$

Бу тенглама суюқлик оқимининг узлуксизлик тенгламаси шартини ифодаловчи аналитик кўриниши. Бу тенгламани 1755 й. Л. Эйлер ишлаб чиққан. Бундан ташқари узлуксизлик шarti суюқлик сарфининг ўзгармас шarti ёки узлуксиз муҳит шarti деб аталади.

Агар йиғинди

$$\frac{\partial v_x}{\partial x} + \frac{\partial v_y}{\partial y} + \frac{\partial v_z}{\partial z} \quad (3.57)$$

нолга тенг бўлмаса, напорли қувурнинг кўндаланг кесими суюқлик билан зич бўлмаган бўлар эди, яъни тўлиқ оқимининг бирон бир элементар оқим найчалари ўзининг шаклини ўзгартириб ёки бирор томонга сурилиб, тўлиқ оқимининг ичига бирор бир бошқа суюқлик миқдорини олиши

мумкин эди. Аmmo бу элементар оқим найчасининг бирор томонга сурилиб, оқим ичига суюқлик қабул қилиш имконияти мутлақо бўлмагани учун ҳамда оқимнинг узлуксизлик шартини бажаргани учун, дивергенция деган гидродинамик тушунчани қабул этишга тўғри келди, бу қисқартирилган ҳолда қуйидагича ифодаланади:

$$\operatorname{div} v. \quad (3.58)$$

Агар

$$\frac{\partial v_x}{\partial x} + \frac{\partial v_y}{\partial y} + \frac{\partial v_z}{\partial z}, \quad (3.59)$$

йиғиндини

$$\frac{\partial v_x}{\partial x} + \frac{\partial v_y}{\partial y} + \frac{\partial v_z}{\partial z} = \operatorname{div} v, \quad (3.60)$$

шартли белги билан ифодаласак, у ҳолда суюқлик ҳаракатининг узлуксиз муҳит шартига асосан

$$\operatorname{div} v = 0. \quad (3.61)$$

### 3.8-§. СУЮҚЛИК ОҚИМИНИНГ БАРҚАРОР ТЕКИС ВА НОТЕКИС ИЛГАРИЛАНМА ҲАРАКАТИ. НАПОРЛИ ВА НАПОРСИЗ ҲАРАКАТ

Юқорида биз суюқлик оқими ҳаракатининг икки кўринишини, яъни беқарор ва барқарор ҳаракатларни қараб чиққан эдик. Қуйида ҳар бир ҳаракатни алоҳида қараб чиқамиз. Суюқлик оқимининг барқарор ҳаракати ўз навбатида яна икки хил кўринишдаги ҳаракатга, яъни барқарор текис илгариланма ва барқарор нотекис илгариланма ҳаракатларга бўлинади.

#### Суюқлик оқимининг барқарор текис илгариланма ҳаракати

Суюқлик ҳаракати пайтида оқимнинг  $\omega$  кўндаланг кесими майдони ва шу кесим бўйича оқимнинг  $v$  ўртача тезлиги ҳамда сувнинг чуқурлиги  $h$  вақт ўтиши билан ўзаниннинг узунлиги бўйича ўзгармаса, бундай ҳаракат барқарор текис илгариланма ҳаракат дейилади. Барқарор текис илгариланма ҳаракатда оқимнинг кўндаланг кесими майдо-

ни текис бўлади, яъни  $\omega = \text{const}$  ва ҳамма кўндаланг кесимлардаги тегишли нуқталарда оқимнинг уртача тезликлари бир хил бўлади. Унда барча кесимлар учун фақат тезликларнинг тақсимланиш эпюралари майдонлари бир хил бўлиб қолмай, уларнинг шакллари ҳам бир хил бўлади. Бундай ҳаракат учун


$$\left. \begin{aligned} v &= \text{const} \text{ (оқимнинг узунлиги бўйича)} \\ h &= \text{const} \text{ (оқимнинг узунлиги бўйича)} \end{aligned} \right\} (3.62)$$

### Суюқлик оқимининг барқарор нотекис илгариланма ҳаракати

Суюқликнинг барқарор нотекис илгариланма ҳаракати пайтида оқимининг  $\omega$  кўндаланг кесими майдони ва  $v$  ўртача тезлиги ўзан узунлиги бўйича ўзгаради, оқимнинг тегишли нуқталаридаги тезликлари эса бир-бирларига тенг бўлмайди:  $u_1 \neq u_2 \neq \dots$  (3.21 а, б-расм). Бундай ҳаракат барқарор нотекис илгариланма ҳаракат дейилади. Бунда

$$\left. \begin{aligned} v &\neq \text{const} \text{ (оқимнинг узунлиги бўйича)} \\ h &\neq \text{const} \text{ (оқимнинг узунлиги бўйича)} \end{aligned} \right\} (3.63)$$

Очиқ ўзанларда бирор гидротехник иншоот қурилганда суюқлик оқимининг чуқурлиги унинг узунлиги бўйича ортиб ёки камайиб борган ҳоллардаги ҳаракати барқарор нотекис илгариланма ҳаракатга мисол бўлиши мумкин. 3.21 а-расмда барқарор нотекис илгариланма ҳара-



3.21-расм .



катнинг шундай ҳолати курсатилган. Унда 1–1, 2–2 ва оқим узунлиги бўйича бошқа ихтиёрний кесимларда тезликларнинг тақсимланиш эпюраси майдонлари  $\omega'$  бири-бирига тенг бўлади:  $\omega'_1 = \omega'_2 = \omega'_3 = \dots$ , аммо бу кўндаланг кесимлардаги сувнинг чуқурлиги бўйича тегишли нуқталардаги ўргалаштирилган тезликлари  $u_1, u_2, \dots$  ўзаро тенг бўлмайди. Тезлик эпюраси майдонларининг бири-бирига тенг бўлишига сабаб, улар суюқликнинг сарфини ифода қилади. Чунки барқарор ҳаракат учун  $Q = \text{const}$  бўлади. Шунга қарамадан, тезликларнинг тақсимланиш эпюраси шакли оқимнинг узунлиги бўйича ўзгариши мумкин. Шунинг учун ҳам бундай ҳаракат суюқлик оқимининг барқарор нотекис илгариланма ҳаракати дейилади (3.21 а ва 3.21 б-расм).

### **Суюқлик оқимининг напорли ва напорсиз ҳаракати**

Суюқликка таъсир этувчи ва уни ҳаракатга келтирувчи ташқи кучга боғлиқ бўлган ҳамма суюқлик оқимлари напорли ва напорсиз ҳаракатларга бўлинади. *Суюқлик оқими ташқи манбадан таъсир этаётган атмосфера босимидан катта босим кучи таъсирида ҳаракатга келса, бундай ҳаракат оқимнинг напорли ҳаракати дейилади.* Ташқи манбалар қаторига гидравлик машиналар, минорали сув ҳавзалари ва бошқалар кириши мумкин (иккинчи бобга қаранг). Суюқликнинг напорли ҳаракати пайтида фақат қувурларда уларнинг кўндаланг кесимлари суюқлик билан лиқ тўлган бўлиши керак. Амалда суюқликларнинг напорли ҳаракати бу — сувнинг водопровод қувуридаги ҳаракати, гидроэлектростанциянинг напорли қувуридаги сувнинг ҳаракати ва бошқалар.

*Оқимнинг напорсиз ҳаракати деб, суюқликнинг фақат эркин тушиши тезлашиши таъсиридаги ҳаракатига айтилади.* Бундай ҳаракатлар суюқликларнинг сатҳлари очиқ бўлиши билан характерланади. Бу очиқ сув сатҳларига илгарилан маълум ва ўзгармас бўлган атмосфера босими таъсир этади. Суюқликларнинг напорсиз ҳаракатларига сувнинг дарё, канал, дренаж қувурларидаги ва бошқа очиқ ўзандардаги ҳаракатини мисол қилиб келтириши мумкин. *Суюқликнинг қаттиқ девор билан чегараланмаган ҳолдаги оқими эркин оқим деб айтилади.* Эркин оқимга мисол тариқасида ўт ўчирувчиларининг матодан ясалган қувурларининг охи-

рида жойлашган тор тешикли брандспойтдан (катта тезликда чиқадиган суюқлик учун мосланган қурилма) отилиб чиқадиган суюқлик ҳаракатини келтириш мумкин.

### 3.9-§. ГОРИЗОНТАЛ ЖОЙЛАШГАН ҚУВУРДА ИДЕАЛ СУЮҚЛИКНИНГ ЭЛЕМЕНТАР ОҚИМ НАЙЧАСИ ҲАРАКАТИ УЧУН Д. БЕРНУЛЛИ ТЕНГЛАМАСИ

Физиканинг асосий қонуни бўлган энергиянинг сақланиш қонуни суюқликнинг оқим ҳаракатини урганишда катта аҳамиятга эга. Д. Бернулли тенгламаси эса ҳаракатдаги суюқлик энергиясининг сақланиш қонунини ифодаловчи аналитик кўринишидир. Шунинг учун Д. Бернулли тенгламаси гидродинамиканинг асосий тенгламаларидан бири ҳисобланади, яъни гидравликага суюқликнинг ҳаракат қонунини ўрганиш қисмининг асоси бўлиб кирган. Идеал суюқлик ҳаракати учун энергиянинг сақланиш қонунининг умумий кўриниши қуйидагича ёзилади:

$$\text{кинетик энергия} + \text{потенциал энергия} = \text{const.} \quad (3.64)$$

Назарий механикадан маълумки, барқарор текис илгариланма ҳаракат қилаётган жисмнинг кинетик энергияси  $\frac{M u^2}{2}$ ; бу ерда  $M$  — ҳаракатдаги жисмнинг массаси;  $u$  — барқарор текис илгариланма ҳаракат қилаётган суюқлик оқими кўндаланг кесимининг майдони бўйича ўртача тезлиги. Назарий механикадан шунингдек маълумки, барқарор текис илгариланма ҳаракатдаги жисмнинг массаси (бу ерда суюқ жисм массаси назарда тутилади) унга қўйилган кучнинг тезланишга нисбатига тенг. Бу ерда оғирлик кучи вақт бирлиги ичида ўзанин берилган кўндаланг кесими орқали оқиб ўтаётган ҳажм бирлигига қаратилганда (В. Н. Евреинов «Гидравлика». —Л. 1930, 70-б.).

$$M = \frac{\gamma}{g}, \quad (3.65)$$

бунда  $\gamma$  — ҳажм бирлигидаги суюқлик оғирлиги;  $g$  — эркин тушиш тезланиши. Бундай ҳолда кинетик энергия:

$$\frac{M u^2}{2} = \frac{\gamma u^2}{2g}. \quad (3.66)$$

Горизонтал жойлашган қувурда ҳаракат қилаётган суюқликларнинг потенциал энергияси ўзанинг деворига ва оқим ичидаги суюқлик заррачаларига таъсир этаётган босим орқали ифодаланadi. Ҳақиқатан ҳам суюқликнинг ҳажм бирлигига нисбатан потенциал энергияси  $\gamma h$  га тенг. Ўз ўрнида  $\gamma h = p$  босимга тенг:

$$p = \gamma h. \quad (3.67)$$

Шунинг учун потенциал энергияни суюқликнинг ҳажм бирлиги ичида, унинг деворининг бирлик майдонидаги босими деб қабул қилса бўлади. Бундай босим суюқлик ҳаракати пайтидаги гидродинамик босим деб аталади. Шундай қилиб, (3.64) формула ўрнига унинг ифодаларини қўйиб чиқсак:

$$\frac{\gamma u^2}{2g} + p = \text{const}. \quad (3.68)$$

Бу тенгламанинг иккала томонини  $\gamma$  га бўлсак, у ҳолда

$$(I) \quad \frac{u^2}{2g} + \frac{p}{\gamma} = H = \text{const} \text{ (белги)}. \quad (3.69)$$


(3.69) тенглама горизонтал жойлашган қувурда идеал суюқликнинг элементар оқими найчаси ҳаракати учун Д. Бернулли тенгламаси. Бунда  $H$  напор деб аталади. У, шу горизонтал ўзанда идеал суюқлик оқими учун кинетик ва потенциал энергияларнинг йиғиндисидан ташкил топган.

### 3.10- §. НОГОРИЗОНТАЛ ЖОЙЛАШГАН ҚУВУРДА ИДЕАЛ СУЮҚЛИКНИНГ ЭЛЕМЕНТАР ОҚИМ НАЙЧАСИ ҲАРАКАТИ УЧУН Д. БЕРНУЛЛИ ТЕНГЛАМАСИ


Нишаб қувурда унинг ҳар бир ихтиёрий кўндаланг кесими учун ҳавзадаги суюқликнинг сатҳига нисбатан жойлашини бир хил эмас; бунинг учун (3.69) тенглама кўринишида

$$\frac{u^2}{2g} + \frac{p}{\gamma} = H = \text{const} \quad (3.70)$$

ёзиш учун нишаб қувурнинг ҳар хил кўндаланг кесимларида напорнинг қийматини ҳар хил олиш керак (3.22- ва



3.22-расм



3.23-расм

3.23-расмлар). Масалан, 3.22-расмдан қувурнинг нишаби  $i > 0$  бўлганда 1–1 кесим учун унинг пасайиши  $H + z_1$ ; 2–2 кесим учун  $H + z_2$ ; 3–3 кесим учун  $H + z_3$  ва ҳоказо; бунда  $H$  қувурнинг бошланғич нуқтасидан то ҳавзадаги суюқликнинг сатҳигача бўлган баландлик. Шу тарзда нишаб қувурнинг ҳар хил ихтиёрий кўндаланг кесими учун Д. Бернулли тенгламаси ҳар хил ёзилади; масалан, 1–1 кесим учун

$$\frac{u_1^2}{2g} + \frac{p_1}{\gamma} + z_1 = H + z_1; \quad (3.71)$$

2–2 кесим учун

$$\frac{u_2^2}{2g} + \frac{p_2}{\gamma} + z_2 = H + z_2; \quad (3.72)$$

3–3 кесим учун

$$\frac{u_3^2}{2g} + \frac{p_3}{\gamma} + z_3 = H + z_3; \quad (3.73)$$

ва ҳоказо.

Агар қувурнинг нишаби  $i < 0$  бўлса (3.23-расм), у ҳолда Д. Бернулли тенгламаси қуйидаги кўринишда бўлади:

1–1 кесим учун:

$$\frac{u_1^2}{2g} + \frac{p_1}{\gamma} + z_1 = H - z_1; \quad (3.74)$$

2—2 кесим учун

$$\frac{u_2^2}{2g} + \frac{p_2}{\gamma} - z_2 = H - z_2; \quad (3.75)$$

3—3 кесим учун


$$\frac{u_3^2}{2g} + \frac{p_3}{\gamma} - z_3 = H - z_3; \quad (3.76)$$

ва ҳоказо.

Амалда эса ҳар хил ҳодисага дуч келишимиз мумкин, масалан, қаралаётган қувурнинг узунлиги бўйича унинг нишаби ҳам  $i > 0$ , ҳам  $i < 0$  ва ҳам  $i = 0$  (горизонтал) бўлиши мумкин. Бундай ҳолда қувурнинг ҳар хил кўндаланг кесимлари учун Д. Бернулли тенгламасининг ўнг томонидаги иккинчи ҳади ва чап томонидаги учинчи ҳади ҳам мусбат, ҳам манфий ва ҳам нол бўлиши мумкин. Бу ҳолда амалда Д. Бернулли тенгламасини қўллаш анча мураккаб-лашади. Бунинг учун суюқлик напорини ва Д. Бернулли тенгламасидаги бошқа ҳадларни ихтиёрий шартли горизонтал  $O-O$  таққослаш текисликка нисбатан (шартли горизонтал текислик  $O-O$  таққослаш текислиги деб аталади) ва у текисликни ўзаннинг тубидан олинса, мақсадга мувофиқ бўлади, аммо амалда шундай масалалар учрайдики, унинг ечимини олиш учун  $O-O$  таққослаш текислигини фақат ўзаннинг тубидан эмас, балки бошқа жойлардан олишга тўғри келади. Ечилаётган масалаларнинг шартига қараб,  $O-O$  таққослаш текислиги қаердан олиниши аниқланади. Горизонтал  $O-O$  таққослаш текислигини шундай жойдан олиш керакки, бунда Д. Бернулли тенгламасидаги ҳадларнинг кўпчилиги қисқариб кетсин (3.24-расм). Ўзаннинг нишаби  $i > 0$  ёки  $i < 0$  бўлишидан қатъи назар, ногоризонтал жойлашган қувурда идеал суюқликнинг оқими учун Д. Бернулли тенгламаси қуйидаги умумий кўринишда бўлади

$$\frac{u^2}{2g} + \frac{p}{\gamma} + z = H, \quad (3.77)$$

бу ерда  $\frac{p}{\gamma}$  — пьезометрик баландлик, м;  $z$  — геодезик баландлик, м. Ихтиёрий ҳолатда жойлашган қувурда ҳаракат



3.24-расм.

қилаётган идеал суюқлик учун Д. Бернулли тенгламасини куйидаги кўринишда ёзиш мумкин:

$$\frac{u^2}{2g} + \frac{p}{\gamma} + z = H = \text{const}, \quad (3.78)$$


ёки икки кесим учун

$$\frac{u_1^2}{2g} + \frac{p_1}{\gamma} + z_1 = \frac{u_2^2}{2g} + \frac{p_2}{\gamma} + z_2 \quad (3.79)$$

Назарий механика нуқтаи назаридан Д. Бернулли тенгламасининг маъноси кинетик энергиянинг ўзгариш қонунидан келтириб чиқарилган ҳолда аниқланади. Шунинг учун Д. Бернулли тенгламасини келтириб чиқаришда назарий механика фанида маълум бўлган кинетик энергиянинг ўзгариш теоремасини қўлаймиз.

Назарий механикадан маълумки, ҳаракатдаги суюқликнинг маълум бир қисқа вақт ўтиши билан кинетик энергияси ( $KЭ$ )нинг ўзгариши  $\delta\left(\frac{Mu^2}{2}\right)$  шу элементар  $\delta t$  вақт ичида суюқликка таъсир этаётган кучлар бажарган ишларининг йиғиндисига тенг.

Кинетик энергиянинг ўзгариши қаралаётган ҳаракатдаги суюқликнинг икки ҳолатидаги кинетик энергиясининг фарқидан аниқланади (3.25-расм): 1) суюқликнинг бошланғич вақтдаги кинетик энергияси, яъни оқимнинг 1-1 ва 2-2 кўндаланг кесими билан чегараланган оралик-



3.25-расм

даги холи учун; 2)  $\delta t$  вақт ўтиши билан 1–1 ва 2–2 кесим оралиқдаги суюқлик 1–1 кесимдан 2–2 кесимга ўтган ҳолатдаги кинетик энергияси (3.25-расмда бу ҳолат пунктир билан кўрсатилган). Шу кинетик энергиянинг ўзгаришини  $\delta(KЭ)$ , яъни  $KЭ$  2–2... 2'–2' ва  $KЭ$  1–1... 1'–1' ҳажмларнинг кинетик энергиясининг фарқи орқали ифодалаш мумкин, чунки 1'–1' ... 2–2 суюқлик ҳажмининг иккала вақтдаги иккала ҳолатининг кинетик энергияси бир хил бўлади. Оқимнинг 2–2 ... 2'–2' кўндаланг кесимлараро ҳажмдаги суюқликнинг кинетик энергияси

$$\frac{\gamma}{g} \delta Q \delta t \frac{u_2^2}{2}, \quad (3.80)$$

бунда  $\frac{\gamma}{g} \delta Q \delta t$  —  $\delta t$  элементар вақт ичида оқиб ўтган суюқлик массаси;  $\delta Q$  — элементар суюқлик сарфи, оқимнинг узуксизлик шартига биноан  $\delta Q = \text{const}$ . 1–1 ... 1'–1' кўндаланг кесимлараро ҳажмдаги суюқликнинг кинетик энергияси

$$\frac{\gamma}{g} \delta Q \delta t \frac{u_1^2}{2}. \quad (3.81)$$

Шунинг учун  $\delta t$  элементар вақт ичида кинетик энергиянинг ўзгариши

$$\frac{\gamma}{g} \delta Q \delta t \frac{u_2^2}{2} - \frac{\gamma}{g} \delta Q \delta t \frac{u_1^2}{2}, \quad (3.82)$$

ёки

$$\frac{\gamma}{g} \delta Q \delta t \left( \frac{u_2^2}{2} - \frac{u_1^2}{2} \right), \quad (3.83)$$

ёки

$$\gamma \delta Q \delta t \left( \frac{u_2^2 - u_1^2}{2g} \right). \quad (3.84)$$

$\delta t$  элементар вақт ичида оқимнинг 1–1 ва 2–2 кўндаланг кесимидаги суюқликнинг бўлагига таъсир этаётган кучларнинг бажарган ишлари қуйидагилардан иборат:

1)  $z_1$  баландлиги ҳолатидан  $z_2$  баландлиги ҳолатига ўтган суюқлик ҳажмининг оғирлик кучининг бажарган иши (3.25-расм);

2) оқимининг 1–1 ва 2–2 кўндаланг кесимлари майдончаларига таъсир этувчи гидродинамик босим кучларининг бажарган иши;

3) оқимнинг 1–1 ва 2–2 кесим оралигида суюқлик ҳаракатига қувур деворининг кўрсатган қаршилик кучининг бажарган иши;

4) оқимнинг 1–1 ... 2–2 бўлган ён деворларининг юзасига таъсир этувчи ташқи гидродинамик босим кучининг бажарган иши;

5) оқимнинг 1–1...2–2 бўлагининг ичидаги ички босим кучларининг бажарган иши.

Биз қарайтган суюқлик идеал суюқлик бўлгани учун 3-бандда келтирилган қаршилик кучи нолга тенг бўлади; 4-бандда келтирилган ён деворларнинг юзасига таъсир этувчи ташқи гидродинамик босим кучининг бажарган иши ҳам нолга тенг, чунки улар ҳаракатдаги суюқликнинг 1–1 ва 2–2 кесимларига тик йўналган; 5-банддаги ички босим кучларининг бажарган ишлари ҳам нолга тенг, чунки бу кучлар қўшалок куч бўлиб, бири-бирига қарама-қарши йўналган ҳамда улар миқдор жиҳатдан бири-бирига тенг. Шунинг учун бу қўшалок кучларнинг бажарган ишлари йиғиндиси ҳам нолга тенг бўлади. Шундай қилиб, юқорида кўрсатилган бандлардан 1 ва 2-бандларни қараб чиқаримиз.

1. Оғирлик кучининг бажарган иши. Бу  $\delta t$  элементар вақт ичида оқиб ўтган суюқликнинг оғирлигининг вертикал бўйича ўтган йўлига, яъни  $z_1 - z_2$  кўпайт-



масига тенг (3.25- расм). Шундай экан, оғирлик кучининг бажарган иши (ОКБИ) қуйидагича бўлади:

$$\text{ОКБИ} = \gamma \delta Q \delta t (z_1 - z_2). \quad (3.85)$$

2. 1-1 ва 2-2 кўндаланг кесимларнинг майдонига таъсир этувчи оқимнинг гидродинамик босим кучининг бажарган иши. Бу қуйидагича аниқланади:

а) оқимнинг 1-1 кўндаланг кесимининг майдончасига таъсир этаётган босим кучи  $P_1 = p_1 \delta \omega_1$  (бу ерда  $p_1$  — 1-1 кесимнинг майдонига таъсир этаётган гидродинамик босим); б) оқимнинг 2-2 кесимининг майдонига таъсир этаётган гидродинамик босим кучи  $P_2 = -p_2 \delta \omega_2$  (бу ерда манфий белги шу 2-2 кесимда суюқликнинг сиқилишини ифодалайди). 1-1 кесимнинг  $\delta t$  элементар вақт ичида заррача босиб ўтган йўлининг узунлиги  $u_1 \delta t$  га тенг; 2-2 кесимнинг шу  $\delta t$  вақт ичида заррача босиб ўтган йўли эса  $u_2 \delta t$  бўлади. Гидродинамик босим кучининг бажарган иши (ГБКБИ) қуйидагига тенг:

$$\text{ГБКБИ} = p_1 \delta \omega_1 u_1 \delta t - p_2 \delta \omega_2 u_2 \delta t, \quad (3.86)$$

ёки

$$\text{ГБКБИ} = p_1 (\delta \omega_1 u_1) \delta t - p_2 (\delta \omega_2 u_2) \delta t, \quad (3.87)$$

ёки

$$\text{ГБКБИ} = [p_1 (\delta \omega_1 u_1) - p_2 (\delta \omega_2 u_2)] \delta t. \quad (3.88)$$

Узлуксизлик тенгламасидан

$$\delta \omega_1 u_1 = \delta \omega_2 u_2 = \dots = \delta \omega \cdot u = \delta Q. \quad (3.89)$$

(3.89) тенгламани (3.88) тенгламага қўйсак, гидродинамик босим кучининг бажарган иши

$$\text{ГБКБИ} = \delta Q \delta t (p_1 - p_2). \quad (3.90)$$

Суюқлик ҳаракатини, кинетик энергиясининг ўзгариш назарисига асосан, идеал суюқлик учун

$$\frac{\gamma}{g} \delta Q \delta t \left( \frac{u_2^2 - u_1^2}{2} \right) = \gamma \delta Q \delta t (z_1 - z_2) + \delta Q \delta t (p_1 - p_2), \quad (3.91)$$

тенгламанинг иккала томонини  $\gamma \delta Q \delta t$  га бўлсак, яъни оқимнинг кўндаланг кесим майдонидан  $\delta t$  элементар вақт ичида ўтган суюқлик ҳажмини оғирлик бирлигига нисбатан оламиз. У ҳолда (3.91) тенглама қуйидагича ёзилди

$$\frac{u_2^2 - u_1^2}{2g} = (z_1 - z_2) + \frac{p_1 - p_2}{\gamma}, \quad (3.92)$$

ёки ҳар бир кесим учун ўзининг ифодаларини алоҳида ёзиб чиқсак,

$$\frac{u_1^2}{2g} + \frac{p_1}{\gamma} + z_1 = \frac{u_2^2}{2g} + \frac{p_2}{\gamma} + z_2. \quad (3.93)$$

Олинган 1–1 ва 2–2 кесимлар ихтиёрий бўлгани учун тенгламани қуйидагича ёзиш мумкин:

$$\frac{u^2}{2g} + \frac{p}{\gamma} + z = \text{const} \quad (\text{оқимнинг узунлиги бўйича}) \quad (3.94)$$

Бу (3.94) тенглама юқорида келтирилган Д. Бернулли тенгламаси бўлиб, уни Д. Бернулли 1738 йилда ишлаб чиққан. Бу тенглама идеал суюқликнинг элементар оқим найчаси ҳаракати учун олинган. Д. Бернулли тенгламасида қуйидагиларга катта эътибор бериш керак:

1) учала ҳадларнинг, яъни суюқликнинг ихтиёрий нуқтасида ҳаракатланаётган заррачанинг тезлиги, ундаги гидродинамик босим ва унинг вертикал координаталари бўйича ҳолатининг ўзаро боғланишини ўрнатувчи суюқлик ҳаракати тенгламаси Д. Бернулли тенгламаси деб аталади. Айнан шу хоссаси учун Д. Бернулли тенгламаси гидравликада асосий ўрин тутди;

2) идеал суюқлик учун учала ҳадининг йиғиндиси, берилган элементар оқим найчаси ҳаракати учун ўзгармас миқдор ҳисобланади;

3) ҳар хил элементар оқим найчаси ҳаракати учун учала ҳадлар ҳар хил миқдорга эга бўлади;

4) шу учала ҳад  $u$ ,  $p$ ,  $z$  лардан истаган иккитаси маълум бўлса, Д. Бернулли тенгламасидан фойдаланиб, учинчи ҳадини аниқлаш мумкин.

(3.94) тенгламани, яъни Д. Бернулли тенгламасини худди шундай кўринишда Л. Эйлернинг дифференциал тенгламасидан ҳам олиш (чиқариш) мумкин. Гидромеханика-

да маълум бўлган Л. Эйлер тенгламаси Д. Бернулли тенгламаси чоп этилгандан кейин ишлаб чиққанига қарамай, математик усулда исботлаш учун кўпинча Д. Бернулли тенгламаси Л. Эйлернинг дифференциал тенгламаси орқали чиқарилган, чунки бу усул содда бўлгани учун Д. Бернулли тенгламасининг умумий кўринишини чиқариб олиш жуда осон. Мазкур усул ёрдамида Д. Бернулли тенгламасини ишлаб чиқиш қуйида келтирилади. Юқорида келтирилганидек тинч ҳолатдаги суюқликнинг дифференциал тенгламаси Л. Эйлер томонидан 1775 йили ишлаб чиқилган [(2.14) формулага қаранг].

Агар шу суюқликнинг ҳажм бирлигидаги массаси ташқи кучлар таъсирида ўзининг тинч ҳолатини йўқотиб, ҳаракатга келса, яъни бирон-бир тезланишга эга бўлса, у ҳолда ташқи кучларнинг қийматлари билан суюқликнинг ҳажм бирлигидаги массасининг  $F = Mu$  қаршилиги орасидаги фарқ бизга ўша ҳаракатга келтирувчи кучни беради. У ҳолда биз идеал суюқликнинг дифференциал кўринишдаги ҳаракат тенгламасини оламыз (суюқликнинг ҳажм бирлигидаги массасига нисбатан):

$$\left. \begin{aligned} \phi_x - \frac{1}{\rho} \frac{\partial p}{\partial x} &= \frac{du_x}{dt}, \\ \phi_y - \frac{1}{\rho} \frac{\partial p}{\partial y} &= \frac{du_y}{dt}, \\ \phi_z - \frac{1}{\rho} \frac{\partial p}{\partial z} &= \frac{du_z}{dt}. \end{aligned} \right\} \quad (3.95)$$

Бу (3.95) тенглама Л. Эйлернинг гидродинамик тенгламаси дейилади ёки суюқликнинг ҳаракат тенгламаси (суюқлик ҳаракатининг динамик мувозанат тенгламаси) деб аталади.

Агар идеал суюқликдан реал суюқликка ўтадиган бўлсак, у ҳолда (3.95) тенгламага янги ҳад киритиш лозим бўлади, у ишқаланиш кучини назарда тутувчи ҳад бўлиб, суюқликнинг бирлик массасига нисбатан олинган бўлади.

Д. Бернулли тенгламасини келтириб чиқариш учун (3.95) тенгламадан фойдаланамиз. Бунинг учун шу тенгламаларнинг икки томонини:

биринчисини  $dx$  га кўпайтирамиз

$$\phi_x dx - \frac{1}{\rho} \frac{\partial p}{\partial x} dx = \frac{du_x}{dt} dx, \quad (3.96)$$

иккинчисини  $dy$  га кўпайтирамиз

$$\phi_y dy - \frac{1}{\rho} \frac{\partial p}{\partial y} dy = \frac{du_y}{dt} dy; \quad (3.97)$$

учинчисини  $dz$  га кўпайтирамиз

$$\phi_z dz - \frac{1}{\rho} \frac{\partial p}{\partial z} dz = \frac{du_z}{dt} dz. \quad (3.98)$$

(3.96), (3.97) ва (3.98) тенгламаларни қўшиб чиқсак

$$\begin{aligned} \phi_x dx + \phi_y dy + \phi_z dz - \frac{1}{\rho} \left( \frac{\partial p}{\partial x} dx + \frac{\partial p}{\partial y} dy + \frac{\partial p}{\partial z} dz \right) = \\ = \frac{du_x}{dt} dx + \frac{du_y}{dt} dy + \frac{du_z}{dt} dz. \end{aligned} \quad (3.99)$$

Суюқлик заррачасининг  $dt$  элементар вақт ичида босган  $dx$  йўли унинг шу  $x$  ўқи бўйича йўналган тезлиги  $u_x$  нинг ўтган вақт  $dt$  га кўпайтмасига тенг

$$dx = u_x dt, \quad (3.100)$$

у ҳолда

$$\frac{du_x}{dt} dx = \frac{du_x}{dt} u_x dt, \quad (3.101)$$

деб ёзишимиз мумкин. (3.101) тенгламанинг ўнг томони-ни  $dt$  га қисқартирсак, у ҳолда  $x$  ўқи бўйича тенгламани ёзамиз

$$\frac{du_x}{dt} dx = u_x du_x = d\left(\frac{u_x^2}{2}\right). \quad (3.102)$$

Худди шундай усулда  $y$  ва  $z$  ўқлари бўйича тенгламаларни оламиз:

$y$  ўқи бўйича

$$\frac{du_y}{dt} dy = u_y dy = d\left(\frac{u_y^2}{2}\right); \quad (3.103)$$

$z$  ўқи бўйича

$$\frac{du_z}{dt} dz = u_z dz = d\left(\frac{u_z^2}{2}\right). \quad (3.104)$$

Агар суюқлик заррачаларининг ҳаракат тезликларини фазола  $u$  орқали ифодаласак, унинг координата ўқларига проекциялари  $u_x$ ,  $u_y$ ,  $u_z$  бўлади, у ҳолда ўз-ўзидан маълумки

$$u^2 = u_x^2 + u_y^2 + u_z^2. \quad (3.105)$$

Шунинг учун юқорида келтирилган йиғинди (3.99) тенгламадан

$$\frac{du_x}{dt} dx + \frac{du_y}{dt} dy + \frac{du_z}{dt} dz = \frac{1}{2} d(u_x^2 + u_y^2 + u_z^2) = \frac{1}{2} d(u^2). \quad (3.106)$$

Шундай экан, (3.99) тенгламадан  $\phi_x dx + \phi_y dy + \phi_z dz$  нинг кўриниши бирор функциянинг  $W$  тулик дифференциали, яъни

$$\phi_x dx + \phi_y dy + \phi_z dz = dW. \quad (3.107)$$

Бизга маълумки, гидродинамик босим оқимда ихтиёрӣй олинган кўндаланг кесим учун гидростатик босим қонунига бўйсунди

$$p = f(x, y, z), \quad (3.108)$$

вақтга боғлиқ бўлмайди. Шунини назарда тутган ҳолда (3.99) тенгламадан қўйидагини оламиз

$$\frac{1}{\rho} \left( \frac{\partial p}{\partial x} dx + \frac{\partial p}{\partial y} dy + \frac{\partial p}{\partial z} dz \right), \quad (3.109)$$

ва уни қўйидаги кўринишда ёзамиз

$$\frac{1}{\rho} \left( \frac{\partial p}{\partial x} dx + \frac{\partial p}{\partial y} dy + \frac{\partial p}{\partial z} dz \right) = \frac{1}{\rho} dp. \quad (3.110)$$

(3.106), (3.107), (3.110) ларни (3.99)га ўринларига қўйиб чиқсак

$$dW - \frac{1}{\rho} dp = \frac{1}{2} du^2, \quad (3.111)$$

бундан

$$dW - \frac{1}{\rho} dp - \frac{1}{2} du^2 = 0, \quad (3.112)$$

ёки

$$\frac{1}{2} du^2 + \frac{1}{\rho} dp - dW = 0, \quad (3.113)$$

яъини

$$\frac{u^2}{2} + \frac{p}{\rho} - W = \text{const.} \quad (3.114)$$

Агар ҳаракатдаги суюқлик заррачаларига фақат оғирлик кучи таъсир этса, у ҳолда

$$W = -gz, \quad (3.115)$$

бунда  $g$  — эркин тушиш тезланиши. Дарҳақиқат  $z$  ўқи вертикал юқорига йўналгани учун  $W$  функция қўйилагича бўлади

$$\frac{\partial W}{\partial x} = \phi_x = 0; \quad \frac{\partial W}{\partial y} = \phi_y = 0; \quad \frac{\partial W}{\partial z} = \phi_z, \quad (3.116)$$

бунда  $\phi_x$ ,  $\phi_y$ ,  $\phi_z$  — суюқликнинг ҳажм бирлигидаги масса-сига таъсир этувчи кучлар бўлиб,  $x$ ,  $y$ ,  $z$  координата ўқлари бўйича йўналган бўлади. Шундан  $\phi_z = -1 \cdot g$  бўлади, у ҳолда юқоридаги (3.107) тенглама

$$dW = \phi_x dx + \phi_y dy + \phi_z dz, \quad (3.117)$$

$$\phi_x = 0; \quad \phi_y = 0; \quad \phi_z = -1 \cdot g \quad (3.118)$$

бўлгани ҳолда (3.117) тенглама қўйилагича ёзилади

$$dW = -gdz, \quad (3.119)$$

бундан

$$W = -gz. \quad (3.120)$$

(3.120) ни (3.114) га қўйсак қўйилагича бўлади:

$$\frac{u^2}{2} + \frac{p}{\rho} + gz = \text{const.} \quad (3.121)$$

(3.121) тенгламанинг икки томонини  $g$  га булсак,

$$\frac{u^2}{2g} + \frac{p}{\rho g} + \frac{1}{g} gz = \text{const.} \quad (3.122)$$

ва  $\gamma = \rho g$  ни назарда тутсак, у ҳолда (3.122) тенглама қўйилагича ёзилади:

$$\frac{u^2}{2g} + \frac{p}{\gamma} + z = \text{const.} \quad (3.123)$$

Бу (3.123) тенглама юқорида энергиянинг сақланиш қонунидан аналитик усулда олинган Д. Бернулли тенгламаси. Бу ерда шуни айтиб ўтиш керакки, Л. Эйлернинг дифференциал тенгламасини интеграллаганда фақат оғирлик кучи қабул қилинган эди

$$dW = -gdz, \quad (3.124)$$

бошқа кучлар эътиборга олинмаган эди, масалан, суюқликнинг қовушоқлик кучи қабул қилинмаган эди, шунинг учун (3.123) тенглама

$$\frac{u^2}{2g} + \frac{p}{\gamma} + z = \text{const}$$

фақат идеал суюқлик учун қўлланилиши мумкин. Навье-Стокс 1823 йилда Л. Эйлернинг бу тенгламасини [(3.95) тенгламага қаранг] суюқликнинг қовушоқлик хусусиятини ифодаловчи қўшимча ҳад, динамик қовушоқлик коэффициентини билан тўлдирган. Шундан кейин (3.95) тенгламалар қуйидагича ёзилди

$$\phi_x - \frac{1}{\rho} \frac{\delta p}{\delta x} = \frac{du_x}{dt} - N_x, \quad (3.125)$$

бунда

$$N_x = v \left( \frac{\partial^2 u_x}{\partial x^2} + \frac{\partial^2 u_x}{\partial y^2} + \frac{\partial^2 u_x}{\partial z^2} \right), \quad (3.126)$$

бу ерда  $v$  — кинематик қовушоқлик коэффициентини.

(3.125) тенглама фақат  $x$  ўқи учун ёзилган. Худди шу усулда  $y$  ва  $z$  ўқлари учун қуйидаги тенгламаларни оламыз:

$$\phi_y - \frac{1}{\rho} \frac{\delta p}{\delta y} = \frac{du_y}{dt} - v \left( \frac{\partial^2 u_y}{\partial x^2} + \frac{\partial^2 u_y}{\partial y^2} + \frac{\partial^2 u_y}{\partial z^2} \right); \quad (3.127)$$

$$\phi_z - \frac{1}{\rho} \frac{\delta p}{\delta z} = \frac{du_z}{dt} - v \left( \frac{\partial^2 u_z}{\partial x^2} + \frac{\partial^2 u_z}{\partial y^2} + \frac{\partial^2 u_z}{\partial z^2} \right). \quad (3.128)$$

Бу (3.125), (3.127), (3.128) тенгламалар Навье — Стокс тенгламаси дейилади.

### 3.11-§. Д. БЕРНУЛЛИ ТЕНГЛАМАСИДАГИ УЧАЛА ҲАДЛАРИНИНГ МАЪНОСИ

#### А. Гидравлик маъноси

1)  $\frac{u^2}{2g}$  ҳади — гидравликада тезлик напорининг баландлиги, унинг ўлчов бирлиги,

$$\frac{u^2}{2g} = \frac{L^2}{T^2} : \frac{L}{T^2} = L,$$

бунда  $L$  — узунлик рамзи (символи),  $T$  — вақт рамзи (символи);

2)  $\frac{p}{\gamma}$  ҳади — гидравликада нуқтадаги гидродинамик босимга жавоб берувчи пьезометрик баландликни англатади. Бундан буён  $\frac{p}{\gamma}$  пьезометрик баландлик деб аталади. Унинг ўлчов бирлиги, м;

3)  $z$  ҳади — координата, қаралаётган элементар оқимнинг кўндаланг кесимидаги ихтиёрий олинган нуқтанинг ўрни, ихтиёрий олинган горизонтал  $O-O$  таққослаш текислигидан элементар оқимнинг кўндаланг кесими марказигача бўлган баландлик, у геодезик баландлик деб аталади. Унинг ўлчов бирлиги, м.

Д. Бернулли тенгламасидаги учала ҳаднинг йиғиндиси гидродинамик напор деб аталади ва  $H'_e$  шартли белги билан белгиланади:

$$\frac{u^2}{2g} + \frac{p}{\gamma} + z = H'_e \quad (3.129)$$

Д. Бернулли тенгламасининг биринчи ҳади  $\frac{u^2}{2g}$  — тезлик напорининг баландлиги суюқликнинг напорли ва напорсиз ҳаракатлари учун қуйидагича ўлчанади:

1. Напорли ҳаракат учун:  $\frac{u^2}{2g}$  нинг миқдори қувурга ўрнатилган икки пьезометр (шишадан ясалган най-



ча) ёрдамида улчанади: биринчиси  $\Pi_1$  — икки томони очик тўғри найча, иккинчиси  $\Pi_2$  — икки томони очик, лекин пастки томони  $90^\circ$  бурилган найча бўлиб, у оқим тезлигини ўлчайдиган нуқтада, масалан,  $A$  нуқтасида оқим йўналишига қарши ўрнатилган бўлади, чунки тезлик вектори  $\vec{u}$  шу найчанинг очик тешигига тўғри йўналган бўлиши керак. 3.26- расмдан кўриниб турибдики, сувнинг сатҳи  $\Pi_2$  найчадан  $\Pi_1$  найчага қараганда юқори жойлашган, уларнинг фарқи тезлик напори дейилади ва у қуйидагича ёзилади:

$$h_u = \frac{u^2}{2g} \quad (3.130)$$

Шу найчалар ёрдамида  $h_u$  ни ўлчаб, қаралаётган  $A$  нуқтадаги  $u$  тезликни аниқлаймиз:

$$u = \sqrt{2gh_u}. \quad (3.131)$$


(3.131) тенглама тезликни напор орқали аниқлаш тенгламаси, у, биринчи марта Э. Торичелли томонидан 1643 йили кичик тешикдан оқиб чиқаётган суюқликни ўрганишда, тажриба йўли билан олинган. Д. Бернулли эса Э. Торичелли тенгламасини назарий йўл билан исботлади ва уни амалда қўллаш йўлларини кўрсатди. Д. Бернулли тенгламасидаги биринчи ҳад  $X$ . Пито трубкаси ёрдамида тўғридан-тўғри ўлчаниши мумкин. Бу асбобни Х. Пито исми олим ихтиро қилгани учун (бу суюқлик тезлигини ўлчайдиган асбоб) унинг

номи билан юргизиладиган бўлди. Бу асбоб Х. Пито найчаси деб аталади, у биринчи марта 1732 йилда ишлатилган (3.26- расм).

(3.131) тенглама назарий бўлиб, амалда қуйидагича ёзилади:


$$u = \varphi \sqrt{2gh_u}, \quad (3.132)$$

бунда  $\varphi$  — тезлик коэффициенти, у Х. Пито найчасини текширишда (тарировка қилишда) келиб чиқади,  $\varphi < 1,0$ .



3.26-расм

2. Напорсиз ҳаракат учун. Очиқ ўзанларда  $\frac{u^2}{2g}$  нинг миқдори гидрометрик найча ёрдамида ўлчанади. Гидрометрик найчанинг ишлаш принципи Х. Пито найчасиникидек бўлиб (бир оз бошқачароқ кўринишда бўлади), найчанинг диаметри  $d=1,0$  см (3.27- расм), пастки томони тўғри бурчак билан букилган, иккала томони очиқ. Агар шу гидрометрик найчанинг эгилган томонининг охирини, масалан,  $A$  нуқтага, оқим йўналишига қарши кўйилса, иккинчи очиқ томонида сув ўзанидаги сув сатҳидан кўтарилиб туради. Шу найчада суюқлик маълум баландликка кўтарилади (ўзандаги сув сатҳидан юқори), бу найчадаги суюқликнинг баландлиги очиқ ўзандаги суюқликнинг ҳаракат тезлигига боғлиқ (3.27- расм).



3.27-расм.

$$h_u = \frac{u^2}{2g}. \quad (3.133)$$

(3.133) дан  $A$  нуқтадаги тезлик


$$u = \sqrt{2gh_u}. \quad (3.134)$$

Тезликни ўлчаш асбобини тарировка этиш коэффициентини назарда тутсак, у ҳолда

$$u = \varphi \sqrt{2gh_u}. \quad (3.135)$$

## Б. Геометрик маъноси

3.28- расмда келтирилган идеал суюқликнинг элементар оқим найчасини қараб чиқамиз. Унда оқимнинг 1—1 ва 2—2 кўндаланг кесимларини оламиз, улар горизонтал  $O-O$  таққослаш текислигидан  $z_1$  ва  $z_2$  баландликда жойлашган, шу кесимларда элементар оқим найчасининг ичида



3.28-расм.

$a_1$  ва  $a_2$  нуқталарни белгилаб, уларга  $\Pi_1$ ,  $\Pi_2$  пьезометрлар ўрнатамиз. Суюқлик бу пьезометрларда, масалан,  $b_1$  ва  $b_2$  нуқтагача баландликка кўтарилди, шу  $b_1$  ва  $b_2$  нуқталардан юқорига тезлик напорини қўйиб чиқсак,  $c_1$  ва  $c_2$  нуқталарни ҳосил қиламиз. Энди элементар оқим найчасининг  $S$  ўқи бўйича қатор  $a$  нуқталари ( $a'$ ,  $a''$ ,  $a'''$ ...) ни тайинлаймиз, шу нуқталарга тегишли қатор  $b$  нуқталари ( $b'$ ,  $b''$ ,  $b'''$ ...) ни ва  $c$  нуқталари ( $c'$ ,  $c''$ ,  $c'''$ ...) ни белгилаймиз (3.28-расм). Қуйида тўртта тушунтириш берамиз.

1.  $P-P$  чизиги  $b$  нуқталари  $b'$ ,  $b''$ ,  $b'''$ ... дан ўтказилган бўлиб, элементар оқим найчасининг ўқиға нисбатан

$\frac{P}{\gamma}$  баландликда жойлашган, у,  $P-P$  чизиги, пьезометрик чизиқ деб аталади. У эгри чизиқ бўлиб, элементар оқим найчасининг  $s$  ўқи бўйича ўрнатилган (3.28-расмда)  $a$  нуқталари  $a'$ ,  $a''$ ,  $a'''$ , ... дан юқорида жойлашган.

2.  $E-E$  чизиги  $c$  нуқталари  $c'$ ,  $c''$ ,  $c'''$ ... дан ўтказилган бўлиб,  $P-P$  чизигидан юқорида тезлик напори  $\frac{u^2}{2g}$  ба-

дандлигида жойлашган бўлади. У,  $E—E$  чизиги, напор чизиги деб аталади. Напор чизиги ҳам эгри чизиқ бўлиб, элементар оқим найчасининг ўқи бўйича ўрнатилган (3.28-расмда)  $a$  нуқталар  $a'$ ,  $a''$ ,  $a'''$ , ... дан юқорида Х. Пито найчадаги суюқликнинг сатҳларидан ўтказилган чизиқ.

3. Пъезометрик нишаб. Элементар оқим найчасининг пъезометрик нишаби  $J'$  деб, берилган кундаланг кесимда  $P—P$  пъезометрик чизиқнинг элементар баландлиги  $d\left(\frac{p}{\gamma} + z\right)$  нинг унинг элементар узунлиги  $ds$  га нисбатига айтилади

$$J' = -\frac{d}{ds}\left(\frac{p}{\gamma} + z\right). \quad (3.136)$$

4. Тўлиқ напор  $H'_e$ . Тўлиқ напор Д. Бернулли тенгламасидаги учала ҳаднинг йиғиндиси бўлиб, қуйидагича ёзилади

$$\frac{u^2}{2g} + \frac{p}{\gamma} + z = H'_e. \quad (3.137)$$

Тўлиқ напор нишаби гидравлик нишаб деб аталади

$$\frac{d}{ds}\left(\frac{u^2}{2g} + \frac{p}{\gamma} + z\right) = \frac{d}{ds} H'_e = J'_e. \quad (3.138)$$

Идеал суюқликлар учун  $E—E$  напор чизиги  $O—O$  таққослаш текислигига параллел текисликда ётади, яъни

$$H'_e = \text{const} \text{ (оқимнинг узунлиги бўйича).}$$

## В. Энергетик маъноси

Маълумки, Д. Бернулли тенгламасининг учала ҳади йиғиндиси тўлиқ напорни, бошқача қилиб айтганда, тўлиқ солиштирма энергияни беради [(3.137) тенгламага қаранг]. Энди бу учала ҳадни энергетик нуқтаи назардан қараб чиқамиз. Тўлиқ напорнинг энергетик тушунчасини қуйидагича ёзиш мумкин.

$$\underbrace{\frac{u^2}{2g}}_{\text{Солиштирма КЭ}} + \underbrace{\frac{\rho}{\gamma}}_{\text{Солиштирма БЭ}} + \underbrace{z}_{\text{Солиштирма ХЭ}} = \underbrace{H'_e}_{\text{Тўлиқ СЭ}} \quad (3.139)$$

Шундай қилиб,  $H'_e$  нинг миқдорини ҳаракатдаги суюқликнинг тўлиқ солиштирма энергияси деб қараш керак. Д. Бернулли тенгламасига асосан тўлиқ солиштирма энергия идеал суюқлик учун элементар оқим найчаси узунлиги бўйича ўзгармас бўлади. Бундан кўринадики, Д. Бернулли тенгламаси идеал суюқлик ҳаракати учун энергиянинг сақланиш қонунини ифодалайди.

### 3.12- §. ЎЗАНДА РЕАЛ СУЮҚЛИКНИНГ ЭЛЕМЕНТАР ОҚИМ НАЙЧАСИ ҲАРАКАТИ УЧУН Д. БЕРНУЛЛИ ТЕНГЛАМАСИ

Идеал суюқлик қовушоқлик хусусиятига эга бўлмагани учун суюқлик ҳаракати жараёнида ишқаланиш кучи нолга тенг бўлади, яъни ишқаланиш кучи ҳосил бўлмайди. Реал суюқлик қовушоқлик хусусиятига эга бўлгани сабабли у суюқлик ҳаракат жараёнида ишқаланиш кучи борлиги билан характерланади. Реал суюқлик оқимида унинг механик энергиясининг бир қисми ишқаланиш кучини енгиш жараёнида иссиқликка айланиб, йўқ бўлиб кетади. Агар элементар оқим найчасининг 1—1 ва 2—2 кесимлараро ҳаракатида суюқликнинг оғирлик (ҳажмий) бирлигига сарфланган механик энергиясини  $h'_f$  билан белгиласак, у ҳолда реал суюқликнинг элементар оқим найчаси учун Д. Бернулли тенгламаси қуйидагича ёзилади:

$$\frac{u_1^2}{2g} + \frac{p_1}{\gamma} + z_1 = \frac{u_2^2}{2g} + \frac{p_2}{\gamma} + z_2 + h'_f, \quad (3.140)$$

бунда  $h'_f$  — ишқаланиш натижасида йўқотилган солиштирма энергия (напор). Бу  $h'_f$  миқдор тўлиқ йўқотилган напор деб аталади.

Шундай қилиб, реал суюқликнинг элементар оқим найчаси учун (3.140) Д. Бернулли тенгламасини олдик. Энди (3.140) тенгламадан фойдаланиб, реал суюқликнинг тўлиқ оқимини қараб чиқамиз. Бундай масалани ечиш учун, аввало элементар оқим найчасидан тўлиқ оқимга ўтишда қўлланиладиган икки қўшимча ҳолни қараб чиқамиз, улар: оқимнинг кўндаланг кесими майдони бўйича нуқтадаги босимларнинг ва ўрталаштирилган тезликларнинг нотекис тақсимланиши ва уларнинг суюқлик массасининг ҳаракат миқдорига ва кинетик энергиясига таъсири.

### 3.13- §. ОҚИМНИНГ КўНДАЛАНГ КЕСИМИНИНГ МАЙДОНИ БўЙИЧА БОСИМЛАРНИНГ НОТЕКИС ТАҚСИМЛАНИШИ (БИРИНЧИ ҚўШИМЧА ҲОЛ)

Бу ерда суюқликнинг барқарор ҳаракатини қараб чиқамиз. Суюқликка таъсир этаётган ҳажмий кучлардан бири — оғирлик кучини қабул қиламиз. Маълумки, текис ўзгарувчан ҳаракат учун оқимнинг кўндаланг кесими текис бўлади (3.4-§, 1- банд). Текис ўзгарувчан суюқлик ҳаракатини расмда кўрсатилгандек оламиз ва унда икки кўндаланг кесим 1—1 ва 2—2 ни белгилаб, уларнинг ихтиёрий нуқталарига пьезометрлар ўрнатамиз. Бу ҳолда берилган кесимнинг (масалан, 1—1 кесим) ихтиёрий олинган барча нуқталарига ўрнатилган пьезометрлардаги сув сатҳи бир текисликда жойлашган бўлади. Шу 1—1 кесимнинг ҳар хил нуқталари учун  $z$  ва  $\frac{p}{\gamma}$  ларнинг миқдорлари ҳар хил қийматга эга, аммо уларнинг йиғиндиси ўзгармас:

$$\frac{p}{\gamma} + z = \text{const} \quad (\text{оқимнинг қаралаётган кўндаланг кесими учун}), \quad (3.141)$$

бу шарт фақат текис ўзгарувчан ҳаракатга ёки параллел оқимли ҳаракатга тегишли.

Бошқа кўндаланг кесим (масалан, 2—2 кесим) да  $\frac{p}{\gamma} + z$  йиғиндиси ўзгармас, аммо миқдори бошқача бўлади. (масалан, 1—1 кесим) га нисбатан бошқача бўлади.


Шуни эслатиб ўтиш керакки, юқорида «Гидростатика» қисмида  $\frac{p}{\gamma} + z$  ни потенциал напор деб  $H$  билан белгиланган эдик (тинч ҳолатдаги суюқлик учун).

$$\frac{p}{\gamma} + z = \text{const} \text{ (сўвнинг тўлиқ ҳажми бўйича)}. \quad (3.142)$$

Бу (3.142) тенглама гидростатиканинг қонуни. Бундан кўринадикки, гидростатиканинг қонуни гидродинамикада оқимнинг фақат кўндаланг кесимига тегишли. Бошқача қилиб айтганда суюқликнинг параллел оқимли ва текис ўзгарувчан ҳаракати пайтида оқимнинг берилган кўндаланг кесими бўйича босимларнинг тақсимланиши гидростатиканинг қонунига бўйсунди. Бу биринчи қўшимча ҳол бўлади.

**3.14- §. Оқимнинг кўндаланг кесимининг майдони бўйича нуқталардаги ўрталаштирилган тезликларнинг нотекис тақсимланишини суюқлик массасининг ҳаракат миқдори ( $Q_M$ ) ва кинетик энергияси ( $KЭ$ )га таъсири (иккинчи қўшимча ҳол)**

Кўндаланг кесими текис бўлган икки ҳар хил оқим схемасини қараб чиқамиз:  $a$  схема (3.29- расм) да ҳақиқий оқимнинг  $AB$  кўндаланг кесими бўйича нуқталардаги ўрталаштирилган тезликларнинг нотекис тақсимланиши ва  $b$  схема (3.29- расм) да шартли (расчетный) оқимнинг  $A'B'$  кўндаланг кесими бўйича тезликлар текис тақсимланган, яъни  $A'B'$  вертикали бўйича нуқталардаги ўрталаштирилган тезликлар бир хил бўлиб, ўртача тезликка тенг  $u = v$  (иккала кўндаланг кесимнинг ўлчамлари ва у кесимлардан ўтаётган сўв сарфлари бир-бирига тенг).



3.29- расм.

$dt$  вақт ичида  $AB$  кўндаланг кесимдан ўтаётган суюқлик  $M$  массасининг ҳаракат миқдорини  $\chi M(M)$  билан ва кинетик энергиясини  $KЭ(M)$  билан ифодалаймиз (3.29 расм  $a$  схемага қаранг), шу  $dt$  вақт ичида  $A'B'$  кўндаланг кесимдан ўтаётган суюқлик  $M$  массасининг ҳаракат миқдорини  $[\chi M(M)]_{\text{ўрта}}$  ва кинетик энергиясини  $[KЭ(M)]_{\text{ўрта}}$  билан ифодалаймиз (3.29 расм  $b$  схемага қаранг). Мақсад  $a$  ва  $b$  схемалар учун ҳисобланган  $\chi M(M)$  ва  $KЭ(M)$  қийматларини солиштириб кўриш. Бошқача қилиб айтганда, биз шу берилган кўндаланг кесимлар  $AB$  ва  $A'B'$  да сувнинг чуқурлиги бўйича нуқталардаги ўрталаштирилган тезликларнинг нотекис тақсимланишини (3.29 расм  $a$  схема) суюқлик  $M$  массасининг  $\chi M$  ва  $KЭ$  га (3.29 расм  $b$  схема) таъсирини ўрганиб чиқиш.

Масалани ҳал этиш учун қуйидаги нисбатларнинг қийматларини аниқлашимиз керак бўлади:

$$\frac{\chi M(M)}{[\chi M(M)]_{\text{ўрта}}} \quad \text{ва} \quad \frac{KЭ(M)}{[KЭ(M)]_{\text{ўрта}}}.$$

Юқорида қўйилган масалани қараб чиқиш учун ва унинг ечими аниқ бўлиши учун сув сарфи, тезлик, ҳажм ва массаларини ҳисоблаш формулаларини қуйидаги кўринишда келтирамиз:

$$dQ = u d\omega; \quad Q = \int_{\omega} u d\omega = v \omega; \quad (3.143)$$

$$dV = dQ dt; \quad V = dt \int_{\omega} u d\omega = v \omega dt; \quad (3.144)$$

$$dM = \rho dV = \rho u d\omega dt; \quad (3.145)$$

$$M = \rho dt \int_{\omega} u d\omega = \rho v \omega dt. \quad (3.146)$$

Бунда  $d\omega$  — кўндаланг кесим майдонидаги элементар майдонча;  $v$  — ўртача тезлик;  $V$  —  $dt$  вақт ичида кўндаланг кесимдан ўтган сув ҳажми;  $M$  — шу сув ҳажмининг массаси.

1. Оқимнинг кўндаланг кесими бўйича тезликларнинг нотекис тақсимланишини суюқлик  $M$  массасининг ҳаракат миқдори  $\chi M$  га таъсири.

Суюқлик массаси  $dM$  нинг ҳақиқий ҳаракат миқдори:

$$\chi M(dM) = u dM = \rho u^2 d\omega dt. \quad (3.147)$$



Суюқлик массаси  $M$  нинг ҳақиқий ҳаракат миқдори:

$$\chi M(M) = \int_{(\omega)} \chi M(dM) = \rho dt \int_{(\omega)} u^2 d\omega. \quad (3.148)$$

Булар  $a$  схема (3.29- расм) учун, яъни ҳақиқий суюқлик оқими учун олинган. Энди суюқлик массаси  $M$  нинг «ўртача» шартли ҳаракат миқдори  $b$  схема (3.29- расм) учун:

$$[\chi M(M)]_{\text{ўрта}} = vM = v(\rho v \omega dt) = \rho v^2 \omega dt. \quad (3.149)$$

Шуниси муҳимки,

$$\chi M(M) > [\chi M(M)]_{\text{ўрта}} \quad (3.150)$$

(3.148) тенгламанинг (3.149) тенгламага нисбатини олсак:

$$\frac{\chi M(M)}{[\chi M(M)]_{\text{ўрта}}} = \frac{\int u^2 d\omega}{v^2 \omega} = \alpha_0 \text{ белги.} \quad (3.151)$$

(3.151) ни қуйидагича ёзишимиз мумкин:

$$\int_{(\omega)} u^2 d\omega = \alpha_0 v^2 \omega \quad (3.152)$$

$$\chi M(M) = \alpha_0 [\chi M(M)]_{\text{ўрта}} = \alpha_0 \rho v^2 \omega dt = \alpha_0 \rho v Q dt. \quad (3.153)$$

Бунда  $\alpha_0$  — суюқлик массаси  $M$  нинг ҳақиқий ҳаракат миқдорининг «ўртача» ҳаракат миқдорига нисбати ёки ҳаракат миқдорининг ўзгаришини ифодаловчи коэффициент, у Ж. Буссинеск коэффициенти деб аталади. Унинг қиймати  $\alpha_0 = 1,03 \div 1,05$ .

2. Оқимнинг кундаланг кесими бўйича тезликларни нотекис тақсимланишининг суюқлик массаси  $M$  нинг кинетик энергияси  $KЭ$  га таъсири.

Суюқлик массаси  $dM$  нинг ҳақиқий кинетик энергияси  $KЭ$ :

$$KЭ(dM) = \frac{u^2}{2} dM = \frac{1}{2} \rho u^3 d\omega dt. \quad (3.154)$$

Суюқлик массаси  $M$  нинг ҳақиқий кинетик энергияси:

$$KЭ(M) = \frac{1}{2} \rho dt \int_{\omega} u^3 d\omega. \quad (3.155)$$

Суюқлик массаси  $M$  нинг «ўртача» шартли кинетик энергияси:

$$[KЭ(M)]_{\text{ўрта}} = \frac{Mv^2}{2} = \frac{1}{2} \rho v^3 \omega dt. \quad (3.156)$$

Шуниси муҳимки, бу ерда

$$KЭ(M) > [KЭ(M)]_{\text{ўрта}}. \quad (3.157)$$

(3.155) тенгламанинг (3.156) тенгламага нисбатини олсак, у ҳолда

$$\frac{KЭ(M)}{[KM(M)]_{\text{ўрта}}} = \frac{\int_{\omega} u^3 d\omega}{v^3 \omega} = \alpha \text{ (белги)}. \quad (3.158)$$

(3.158) тенгламадан


$$\int_{\omega} u^3 d\omega = \alpha v^3 \omega; \quad (3.159)$$

$$KЭ(M) = \alpha [KЭ(M)]_{\text{ўрта}} = \alpha \frac{1}{2} \rho v^3 \omega dt. \quad (3.160)$$

Бунда  $\alpha$  суюқлик массаси  $M$  нинг ҳақиқий кинетик энергиясининг «ўртача» кинетик энергиясига нисбати ёки кинетик энергиясининг ўзгаришини ифодаловчи коэффициент, у Г. Кориолис коэффициенти деб аталади. Унинг қиймати  $\alpha=1,10\div 1,15$ .

### 3.15- §. ЎЗАНДАГИ РЕАЛ СУЮҚЛИКНИНГ ТЎЛИҚ ОҚИМИ УЧУН Д. БЕРНУЛЛИ ТЕНГЛАМАСИ

Бу ерда напорли қувурлар ва очиқ ўзанлар учун суюқликнинг тўлиқ оқимини қараб чиқамиз. Маълумки, реал суюқликларда ишқаланиш кучи мавжуд. Унинг таъсирида



3.30-расм.

суюқликнинг тўлиқ солиштирма энергияси  $H_e$  оқимнинг узунлиги бўйича камайиб боради. Шу сабабли

$$H_{e_1} > H_{e_2} > \dots > H_{e_n}, \quad (3.161)$$

бунда 1, 2, 3, ...  $n$  — кесимларнинг номерларини билдиради (3.30- расм). Юқорида айтилган фикрлар ва киритилган икки қўшимча ҳоллар асосида суюқликнинг тўлиқ оқими учун солиштирма энергиянинг баланс тенгламаси (Д. Бернулли тенгламаси)ни қуйидагича ёзиш мумкин:

$$\frac{\alpha_1 v_1^2}{2g} + \frac{p_1}{\gamma} + z_1 = \frac{\alpha_2 v_2^2}{2g} + \frac{p_2}{\gamma} + z_2 + h_f, \quad (3.162)$$

бунда

$$h_f = H_{e_1} - H_{e_2}, \quad (3.163)$$

$h_f$  — тўлиқ йўқотилган напор, бу ички ва ташқи ишқаланиш кучларининг таъсирида суюқлик оқимнинг ўртача бирлик ҳажм оғирлигининг биринчи кўндаланг кесимдан

иккинчи кўндаланг кесимгача ўтиш учун тўлиқ йўқотилган напор (энергия). Реал суюқликнинг тўлиқ оқими учун Д. Бернулли тенгламасининг геометрик маъноси (3.162) тенгламага нисбатан қуйидагича (3.30- расм):  $P-P$  пьезометрик чизиқ (кўп ҳолларда у эгри чизиқ кўринишда бўлади) ва  $E-E$  напор чизиғи, реал суюқликнинг тўлиқ оқими учун  $E-E$  чизиғи, идеал суюқлик оқимидан фарқли ўлароқ, горизонтал жойлашмайди. Бу  $E-E$  чизиғи оқим узунлиги бўйича ҳар доим пасайиб боради, масалан, 1—1 кесимдан 2—2 кесимгача, бу пасайиш шу оралиқдаги йўқотилган напор  $h_f$  ни беради.  $E-E$  напор чизиғининг бирон-бир элементар миқдорга пасайишини қуйидагича ёзиш мумкин

$$dH_e = d\left(\frac{\alpha v^2}{2g} + \frac{p}{\gamma} + z\right), \quad (3.164)$$

унинг элементар узунлик  $ds$  га нисбати *гидравлик нишаб* деб аталади ва  $J_e$  шартли белги билан белгиланади:

$$J_e = -\frac{dH_e}{ds}; \quad (3.165)$$

ёки

$$J_e = \frac{d}{ds}\left(\frac{\alpha v^2}{2g} + \frac{p}{\gamma} + z\right); \quad (3.166)$$

ёки

$$J_e = -\frac{dh_f}{ds}. \quad (3.167)$$

Бу гидравлик нишаб  $J_e$  умуман оқимнинг узунлиги бўйича ўзгарувчан, ammo ҳар доим  $J_e > 0$ , фақат идеал суюқлик оқими учун  $J_e = 0$ . *Пьезометрик нишабга* келсак, бу  $P-P$  чизиғидан олиниб, тўлиқ оқим учун  $J$  билан белгиланиб, қуйидагича ёзилади:

$$J = -\frac{d}{ds}\left(\frac{p}{\gamma} + z\right). \quad (3.168)$$


3.30- расмдан биз суюқлик ҳаракати пайтида тўлиқ гидродинамик жараёнларни кўришимиз ва қуйидаги хулосага

келишимиз мумкин: а)  $P-P$  чизиги билан суюқлик оқимининг ўқи  $S$  оралиғи шакли оқим узунлиги бўйича босим напори  $\frac{p}{\gamma}$  нинг ўзгаришини беради; б)  $P-P$  билан  $E-E$  чизиқлари оралиғи шакли тезлик напори  $\frac{\omega v^2}{2g}$  энюрасининг ўзгаришини билдиради, бундан келиб чиқадики, у, оқим узунлиги бўйича тезликнинг ўзгариш характерини кўрсатади; в)  $P-P$  чизиги билан  $O-O$  таққослаш текислиги чизиги оралиғи, шакли оқим узунлиги бўйича потенциал напор энюрасининг ўзгаришини беради; г)  $E-E$  чизиги билан  $O-O$  таққослаш текислиги оралиғи шакли оқим узунлиги бўйича тулиқ напор энюрасининг ўзгаришини беради. Д. Бернулли тенгламаси оқимнинг ихтиёрий икки кўндаланг кесимининг гидродинамик элементларининг боғланишини ифодалайди.

### 3.16- §. Д. БЕРНУЛЛИ ТЕНГЛАМАСИНИ АМАЛДА ҚЎЛЛАШ ШАРТЛАРИ ВА ШУ ТЕНГЛАМА АСОСИДА ИШЛАБ ЧИҚИЛГАН ГИДРАВЛИК АСБОБЛАР


Д. Бернулли тенгламаси ёрдамида гидравликада кўпдан-кўп муҳандислик гидравликасига оид масалалар ечилади. Бу амалий масалалар суюқликнинг қувурларда ва очиқ ўзанлардаги ҳаракатини ҳисоблашни ўз ичига олади. Шундай экан, Д. Бернулли тенгламасини амалда тўғри қўллаш учун уни қўлланиш шартларини билишимиз зарур (Буларда иккита асосий шарти бир вақтда бажарилиши лозим). Улар қуйидагича:

**1. Биринчи шарти.** Юқорида Д. Бернулли тенгламаси текис ўзгарувчан ҳаракат ва параллел чизиқли ҳаракатлар учун олинганлиги сабабли, фақат шундай оқимлар учун қўлланилиши мумкин деб қабул қилган эдик. 3.31-расмни қараб чиқсак, унда Д. Бернулли тенгламасини фақат 1—1 ва 7—7 кесимлар учун қўллаш мумкин, 2—2 ва 3—3 кесимлар учун эса мутлақо мумкин эмас, чунки у жойларда ҳаракат тез ўзгарувчан бўлиши мумкин (Унинг кўндаланг кесимининг майдони текис бўлмайди, эгри бўлади).




3.31-расм.

**2. Иккинчи шarti.** Д Бернулли тенгламасида гидродинамик босим  $p$  ва  $z$ , яъни  $\frac{p}{\gamma} + z$  ни оқимнинг иккала кўндаланг кесими майдонининг хоҳлаган нуқтасидан олишимиз мумкин. Шу иккала I—I ва II—II кесимларда нуқталарни ҳар хил жойлардан олишимиз мумкин. Агар 3.32-расмдаги I—I кесимда  $p$  билан  $z$  ни қувурдаги оқимнинг ўқидан олсак, II—II кесимда пастки деворга яқин жойдан, III—III кесимда эса, юқори деворга яқин жойдан олсак, у ҳолда уччала кесим учун ҳам Д. Бернулли тенг-



3.32-расм.



3.33-рasm.


ламасини қўллаш мумкин. Амалда масалалар ечимини соддалаштириш маъносида Д. Бернулли тенгламасидаги ҳадларни қувур уқидаги нуқталарга нисбатан (3.32- расмдаги I—I кесимга қаранг), очиқ ўзанларда эса, сув сатҳидаги нуқталарга ёки ўзан тубидаги нуқталарга нисбатан олинади (3.32- расмга қаранг).

Д. Бернулли тенгламаси асосида ишлаб чиқилган гидравлик асбоблар. Д. Бернулли тенгламаси асосида қўлаб асбоблар ишлаб чиқилган, улардан: пьезометрли сув ўлчагич асбоби (Г. Б. Вентури асбоби 3.33- расм), сувпулкагич насос, инжектор ва бошқалар. Мисол учун, пьезометр сув ўлчагич асбобнинг кўринишини чизмада келтирамиз. Бу асбоб, амалда, гидрометрияда ва сув қувурларида, сув сарфини ўлчашда кенг қўлланилади. Бу асбоб қувурларда суюқлик оқимининг тезлиги ва сарфини ўлчашда ишлатилади.

### 3.17- §. ЎЗАНЛАРДА НАПОРЛИ ВА НАПОРСИЗ БАРҚАРОР ТЕКИС ВА НОТЕКИС ИЛГАРИЛАНМА ҲАРАКАТ УЧУН $P-P$ ПЬЕЗОМЕТРИК ВА $E-E$ НАПОР ЧИЗИҚЛАРИНИНГ ШАКЛЛАРИ ТЎҒРИСИДА УМУМИЙ КЎРСАТМАЛАР

1. Суюқликнинг барқарор текис илгариланма ҳаракати. Бу ерда напорли ва напорсиз ҳаракатни қараб чиқамиз.

**Напорли ҳаракат.** 3.34- расмда кўрсатилгандек, доиравий қувурнинг  $D$  диаметри ва  $l$  узунлиги берилган. Қувурда барқарор текис илгариланма ҳаракат бўлгани учун қувурнинг ҳар бир узунлик бирлигида йўқотилган напор бир хил, шундай экан, у ҳолда  $E-E$  напор чизиғининг нишаби ҳам ҳар бир узунлик бирлигида бир хил бўлади.



3.34-расм.

$$J_e = \text{const} \text{ (оқимнинг узунлиги бўйича)}. \quad (3.169)$$

Бундан шундай хулоса чиқадики, ўзанда барқарор текис илгариланма ҳаракат бўлса,  $E-E$  напор чизиги ногоризонтал тўғри чизиқ бўлади. Барқарор текис илгариланма ҳаракат учун

$$\frac{\alpha v^2}{2g} = \text{const} \text{ (оқимнинг узунлиги бўйича)}, \quad (3.170)$$

бу ҳолда  $P-P$  пьезометрик чизиқ ҳам ногоризонтал тўғри чизиқ бўлиб,  $E-E$  напор чизигига параллел бўлади:  $P-P \parallel E-E$ . Напор чизигининг пасайиши, унинг узунлиги бўйича йўқотилган напорни беради.


Барқарор текис илгариланма ҳаракат учун  $P-P$  пьезометрик чизиқнинг пасайиши ҳам, ўша йўқотилган напорни беради, бундан кўринадики,

$$a = h_f \quad (3.171)$$

Напорли текис илгариланма ҳаракат бўлса

$$J_e = J = \frac{h_f}{l} = \frac{a}{l}. \quad (3.172)$$





3.35-расм.


**Напорсиз ҳаракат.** 3.35- расмда кўрсатилганидек, очиқ ўзанлардаги (канал, дарё ва бошқалар) напорсиз ҳаракатларда  $P-P$  пьезометрик чизиқ, сувнинг сатҳи билан бир чизиқда ётади. Бу ерда барқарор текис илгариланма ҳаракат бўлгани учун  $E-E$  сув сатҳига (яъни  $P-P$  чизигига) параллел бўлади, у ҳолда

$$J_e = J = J_{\text{сுவ сатҳи}} = i_{\text{туби}} = \frac{h_f}{l} = \frac{a}{l}, \quad (3.173)$$

бунда  $J_e$  — гидравлик нишаб,  $E-E$  чизиғидан олинади;  
 $J$  — пьезометрик нишаб,  $P-P$  чизиғидан олинади;  
 $i_{\text{туби}}$  — ўзан туби нишаби, ўзан туби чизиғидан олинади;  
 $h_f$  — йўқотилган напор,  $E-E$  чизиғидан олинади;  
 $a$  — йўқотилган напор, сув сатҳидан олинади, фақат очиқ ўзанда суюқлик ҳаракати текис илгариланма ҳаракат бўлганда.

2. Суюқликнинг барқарор нотекис илгариланма ҳаракат (3.36- расм). Бу ерда фақат очиқ ўзандаги напорсиз суюқлик оқимини келтирамыз. Бу ҳолда

$$J_e \neq J_{\text{сுவ сатҳи}} = J \neq i. \quad (3.174)$$



3.36-расм.

*Амалий машғулот ўтказиш учун гидродинамикадан материаллар. Услубий характерга эга бўлган масалаларнинг ечилиш усуллари намуна сифатида келтирилган*

**3.1- масала.** Горизонтал жойлашган қувурда сувнинг сарфини аниқланг. Қувур пьезометрли сув ўлчагич билан таъминланган (3.33- расм). Қувурларнинг ички диаметрлари  $D=0,10$  м,  $d=0,05$  м, пьезометр кўрсаткичларининг фарқи  $\Delta h=0,5$  м.

*Ечиш.* Оқимнинг I—I ва II—II кўндаланг кесимларида қувурнинг ўқида жойлашган нуқталарга нисбатан Д. Бернулли тенгламасини ёзамиз. Кейин қуйидаги тартибда масалани ечамиз.

1. Оқимнинг берилган иккала кўндаланг кесими I—I ва II—II ни Д. Бернулли тенгламаси билан бирлаштирамиз. Бу ҳолда шундай кесмаларни олиш керакки, уларда иложи борича кўпроқ гидродинамик элементлар берилган бўлиши керак. Шу ерда Д. Бернулли тенгламасидан ташқари яна қўшимча, узлуксизлик тенгламасини ҳам қўллашга тўғри келади<sup>1</sup>.

2. Ихтиёрий горизонтал O—O таққослаш текислигини оламиз. Бу текисликни ихтиёрий дейишимиз сабаби, уни шундай жойда белгилаш керакки, унда Д. Бернулли тенгламасидаги  $z_1$ ,  $z_2$  ва бошқа кўпчилик ҳадлар нолга айлан-

<sup>1</sup> Агар ноаниқ ҳадлар сони тенгламалар сонидан кўп бўлса, у ҳолда гидродинамиканинг бошқа асосий тенгламаларини қўллаш керак бўлади.

син (бундай усулда Д. Бернулли тенгламасини қўллаш ҳар бир муҳандис ва талабаларнинг қобилияти ва билим даражасига боғлиқ).

3. Д. Бернулли тенгламаси тўлиқ кўринишда ёзилади [(3.162) тенгламага қаранг].

4. (3.162) тенгламадаги ҳар бир ҳадларнинг қийматларини масалада берилган шартларга биноан аниқлаб чиқарамиз.

5. Аниқланган ҳадларни (3.162) тенгламага қўйиб, уни ҳисоблаш учун қулай ҳолга келтирамиз.

6. Аниқларини бир томонга, ноаниқларини иккинчи томонга ўтказиб, масалани ечамиз. Қувурнинг кенг жойида I—I кесимни ва унинг тор жойида II—II кесимни, горизонтал O—O таққослаш текислигини қувурнинг ўқидан олиб, шу ўқда жойлашган нуқталар учун Д. Бернулли тенгламасини ёзамиз

$$\frac{\alpha_1 v_1^2}{2g} + \frac{p_1}{\gamma} + z_1 = \frac{\alpha_2 v_2^2}{2g} + \frac{p_2}{\gamma} + z_2 + h_f. \quad (3.175)$$

Масаланинг берилган шартига асосан  $z_1 = z_2 = 0$ , қувурда оқим ҳаракати текис ўзгарувчан бўлгани учун Г. Кориолис коэффициентини иккала кесим учун  $\alpha_1 \approx \alpha_2 = 1,0$  деб, I—I ва II—II кесим оралиғидаги йўқотилган напор  $h_f$  ни эса нолга тенг деб қабул қиламиз\*). Берилганларга асосан Д. Бернулли тенгламасини қуйидаги кўринишда ёзамиз:

$$\frac{\alpha_1 v_1^2}{2g} + \frac{p_1}{\gamma} = \frac{\alpha_2 v_2^2}{2g} + \frac{p_2}{\gamma}. \quad (3.176)$$

ёки

$$\left( \frac{p_1}{\gamma} - \frac{p_2}{\gamma} \right) = \left( \frac{\alpha_2 v_2^2}{2g} - \frac{\alpha_1 v_1^2}{2g} \right). \quad (3.177)$$

3.33- расмдан кўринадики,

$$\frac{p_1}{\gamma} - \frac{p_2}{\gamma} = \Delta h. \quad (3.178)$$

\* Бундай қилиб олишга ҳақимиз бор, чунки I—I ва II—II кесим оралиғи жуда ҳам кичик. Бу ерда  $h_f$  нинг миқдори бошқа ҳадларнинг миқдорига нисбатан ниҳоятда кичик. Шунга қарамасдан масаланинг ечилиши охирида  $h_f$  нинг қийматини аниқлаймиз.

Агар (3.177) тенгламанинг чап томони  $\Delta h$  га тенг экан, у ҳолда унинг ўнг томони ҳам  $\Delta h$  га тенг бўлиши шарт, у ҳолда

$$\frac{\alpha_2 v_2^2}{2g} - \frac{\alpha_1 v_1^2}{2g} = \Delta h. \quad (3.179)$$

Бу ерда бир тенгламада икки номаълум ҳосил бўлди. Номаълум  $v_1$  ва  $v_2$  ларни аниқлаш учун оқимнинг узлуксизлик тенгламасидан фойдаланамиз

$$v_1 \omega_1 = v_2 \omega_2, \quad (3.180)$$

бунда

$$\omega_1 = \frac{\pi D^2}{4}; \quad \omega_2 = \frac{\pi d^2}{4}. \quad (3.181)$$

(3.181) тенгламани (3.180) тенгламага қўйсак:

$$\frac{v_2}{v_1} = \frac{\omega_1}{\omega_2} = \frac{D^2}{d^2}. \quad (3.182)$$

(3.182) тенгламани  $v_2$  га нисбатан ечсак:

$$v_2 = v_1 \frac{D^2}{d^2}. \quad (3.183)$$

$v_2$  ни (3.183) тенгламадан (3.179) тенгламага қўйсак, қуйидагини оламиз:

$$\Delta h = \frac{v_1^2}{2g} \left( \frac{D^4}{d^4} - 1 \right). \quad (3.184)$$

(3.184) тенгламадан  $v_1$  ни аниқлаймиз

$$v_1 = \sqrt{\frac{1}{\left(\frac{D^4}{d^4} - 1\right)}} \sqrt{2g} \sqrt{\Delta h}. \quad (3.185)$$

Суюқлик сарфи узлуксизлик тенгламасидан

$$Q = v_1 \omega_1, \quad (3.186)$$

қуйидагини оламиз:

$$Q = \frac{\pi D^2}{4} \sqrt{\frac{2g}{\left(\frac{D^4}{d^4} - 1\right)}} \sqrt{\Delta h}. \quad (3.187)$$

Берилган пьезометрли сув ўлчагич асбоби учун (3.187) тенгламадан унинг ўзгармас қисмини  $A$  билан белгиласак

$$\frac{\pi D^2}{4} \sqrt{\frac{2g}{\left(\frac{D^4}{d^4} - 1\right)}} = A. \quad (3.188)$$

Натижада сув ўлчагич ёрдамида суюқлик оқимининг сарфини ҳисоблаш учун қуйидаги содда формулани оламиз

$$Q = A\sqrt{\Delta h}. \quad (3.189)$$

Шуни назарда тутиш керакки, масалани ечишда пьезометрли сув ўлчагичда йўқотилган напор эътиборга олинмаган (юқорида уни нолга тенг деб олинган) эди. Энди йўқотилган напорни эътиборга олсак, пьезометрли сув ўлчагич учун суюқлик сарфини ҳисоблайдиган формула қуйидагича бўлади:

$$Q = \mu A\sqrt{\Delta h}, \quad (3.190)$$

бу ерда  $\mu$  — сув сарфи коэффиценти, пьезометрли сув ўлчагич учун  $\mu=0,980-0,985$ ;  $\mu$  ни 0,98 деб қабул қилиб, (3.190) тенгламадан суюқлик сарфини аниқлаймиз;  $A$  — пьезометрли сув ўлчагич коэффиценти, у (3.188) назарий формула ёрдамида ҳисобланади. Амалда эса, асосан коэффицент  $A$  тажриба ўтказиш усули билан аниқланади. Бунинг учун (3.188) тенгламадан берилган пьезометрли сув ўлчагичнинг ўзгармас ҳади  $A$  ни ҳисоблаймиз.

$$A = \frac{\pi D^2}{4} \sqrt{\frac{2g}{\left(\frac{D^4}{d^4} - 1\right)}} = \frac{3,14 \cdot 0,10^2}{4} \sqrt{\frac{2 \cdot 9,81}{\left(\frac{0,10^4}{0,05^4} - 1\right)}} = 0,0090 \frac{\text{м}^{2,5}}{\text{с}}.$$

Пьезометрли сув ўлчагич коэффициентлари ва қувурдаги суюқлик сарфи (3.190) тенгламадан аниқланади:

$$Q = \mu A \sqrt{\Delta h} = 0,98 \cdot 0,009 \sqrt{0,5} = 0,00624 \frac{\text{м}^3}{\text{с}}.$$

**3.2- масала.** Пьезометрли сув ўлчагич уланган қувурдан ўтаётган суюқлик сарфини аниқланг (3.33- расмга қаранг). Пьезометр кўрсаткичларининг фарқи  $\Delta h = 1,2$  м. Қувурнинг пьезометр ўрнатилган I—I ва II—II кўндаланг кесим май-

донларининг нисбати  $\frac{\omega_1}{\omega_2} = 12,0$ . Биринчи кесимдаги оқим кўндаланг кесимининг майдони —  $\omega_1 = 0,000314$  м<sup>2</sup> ва суюқлик сарфи коэффициентлари  $\mu = 0,92$ .


*Жавоб.*  $Q = 0,0117$  м<sup>3</sup>/с.

**3.3- масала.** Насос қудуқдан сувни кўтариш учун, уни сўриб оладиган баландлиги  $h_s$  (сув сатҳидан насос ўқига-ча)ни аниқланг. (3.37- расм). Насоснинг сув тортиш қобилияти суюқлик сарфи билан ифодаланади, яъни  $Q = 0,030$  м<sup>3</sup>/с; насоснинг сўрувчи қувурининг диаметри  $d = 0,15$  м. Насоснинг ўзи ҳосил қиладиган вакуум  $p_v = 0,68$  атмосфера ва сўрувчи қувурдаги йўқотилган напор  $h_{f_j} = 1,0$  м.


*Жавоб.*  $h_s = 5,65$  м.

**3.4- масала.** Горизонтал жойлашган, кетма-кет уланган ҳар хил диаметрли қувур орқали сув ҳавзадан оқиб чиқади (3.38- расм). Суюқлик сарфи  $Q$  ҳамда қувурнинг I—I ва II—II кесимларида оқимнинг ўртача тезликларини  $v_1$  ва  $v_2$  ҳамда гидродинамик босимларини аниқланг. Идишдаги суюқликларнинг напори  $H = \text{const}$ , суюқликнинг сарфи ҳам  $Q = \text{const}$ . Берилган миқдорлар:  $H = 2,0$  м,  $d_1 = 0,075$  м,  $d_2 = 0,25$  м,  $d_3 = 0,10$  м,  $v_1 = v_0 = 0$ ,  $v_3 = 6,27$  м/с,  $p_3 = p_a$ .

*Жавоб.*  $Q = 0,0492$  м<sup>3</sup>/с,  $v_1 = 11,10$  м/с,  $v_2 = 1,0$  м/с,  $p_1 = 5,591 \cdot 10^4$  Па,  $p_2 = 11,72 \cdot 10^4$  Па.



3.37-расм.



3.38-расм.

### Такрорлаш учун саволлар

- 3.1. Гидродинамика тушунчаси ва амалиётда унинг ўрни қандай?
- 3.2. Барқарор ва беқарор ҳаракат нима? Оқим чизиғи ва траектория қандай ўлчанади?
- 3.3. Оқим найчаси ва гулиқ оқим нима?
- 3.4. Оқимнинг қўндаланг кесими майдони, гидравлик радиусни тушунтириб беринг.
- 3.5. Текис ва потекис илгариланма, напорли ва напорсиз ҳаракат қандай бўлади?
- 3.6. Узлуксизлик тенгламаси деб нимага айтилади?
- 3.7. Бернулли тенгламаси, унинг гидравлик ва энергетик маъноси қандай?
- 3.8. Бернулли тенгламасини қўллаш шарти қандай?

## ГИДРАВЛИК ҚАРШИЛИКЛАР ВА СУЮҚЛИК ОҚИМИНИНГ БАРҚАРОР ҲАРАКАТИ ПАЙТИДА ИШҚАЛАНИШ ТАЪСИРИДА ЙЎҚОТИЛГАН НАПОР

### 41- §. АСОСИЙ ТУШУНЧАЛАР

Ўзанларда суюқлик ҳаракати пайтида оқимга тескари йўналган ҳолда ишқаланиш кучлари пайдо бўлади, улар гидравлик ишқаланиш деб аталади. Юқорида айтилганидек, шу гидравлик ишқаланишни камайтириш учун ҳаракатдаги суюқликнинг солиштирма энергияси сарфланади, уни йўқотилган солиштирма энергия ёки йўқотилган напор деб аталади. Биз юқорида Д. Бернулли тенгламасини келтириб чиқараётганда, ана шу йўқотилган солиштирма энергияни, яъни йўқотилган напорни назарда тутган эдик. Шундай қилиб, суюқлик оқимининг йўқотилган солиштирма энергияси ёки йўқотилган напор ўша гидравлик ишқаланиш кучини ифодалайдиган ўлчам бўлади. Асосий мақсадга ўтишдан илгари гидравлик ишқаланишлар ва улар натижасида йўқотилган энергия тўғрисида қисқа тушунча бериб ўтамиз. Гидравлик ишқаланишлар икки хил кўринишда бўлади.

1. Ўзаннынг узунлиги бўйича гидравлик ишқаланиш.


2. Маҳаллий гидравлик ишқаланиш.

Ўзаннынг узунлиги бўйича гидравлик ишқаланиш ўзаннынг узунлигига ва унинг ғадир-будурлигига ҳамда оқимнинг ҳаракат тартиби: ламинар ёки турбулент бўлишига боғлиқ. Маҳаллий гидравлик ишқаланиш эса, масалан, қувурнинг кенгайиши, торайиши, ундаги жўмрак, қувурнинг бурилиши ва бошқа маҳаллий қаршилиқлар таъсирида пайдо бўлади. Улар тайинли бир жойда бўлиб, ўзаннынг узунлигига боғлиқ бўлмайди.

Йўқотилган напор (йўқотилган солиштирма энергия) ҳам гидравлик ишқаланиш каби икки хил кўринишда бўлади.

1. Ўзаннынг узунлиги бўйича йўқотилган напор (энергия), у оқимнинг узунлиги бўйича гид-





4.1-расм.

Суюқлик ҳаракати пайтида тўлиқ йўқотилган напорни назарий, ҳам тажриба усулида ўрганилади. Биз бу ерда асосан тажриба усули тўғрисида тўхталиб ўтамиз. Бунинг учун Д. Бернулли тенгламасидан  $h_f$  ни аниқлаймиз (4.1-расм)

$$h_f = \left( \frac{\alpha_1 v_1^2}{2g} + \frac{p_1}{\gamma} + z_1 \right) - \left( \frac{\alpha_2 v_2^2}{2g} + \frac{p_2}{\gamma} + z_2 \right). \quad (4.2)$$

Бу тенгламадан кўринадики,  $h_f$  ни аниқлаш учун оқимнинг 1—1 ва 2—2 кесимлар оралиғидаги иккала кесимдаги гидродинамик напорлари баландлигини ўлчаб оламиз

$$H_{e_1} = \frac{\alpha_1 v_1^2}{2g} + \frac{p_1}{\gamma} + z_1; \quad (4.3)$$

$$H_{e_2} = \frac{\alpha_2 v_2^2}{2g} + \frac{p_2}{\gamma} + z_2. \quad (4.4)$$

Бу гидродинамик напорларнинг фарқини

$$H_{e_1} - H_{e_2} = h_f \quad (4.5)$$

ҳисоблаб чиқсак, бу фарқ бизга 1—1 ва 2—2 кесимлар оралиғидаги масофада тўлиқ йўқотилган напорни беради. Агар қаралаётган ўзан нишабга эга бўлиб, ундаги суюқлик ҳара-

равлик ишқаланиш натижасида пайдо бўлади ва  $h_f$  билан белгиланади.

2. Маҳаллий қаршиликлар таъсирида йўқотилган напор, у  $h_f$  билан белгиланади.

Тўлиқ йўқотилган напор, юқоридаги икки бандда кўрсатилган йўқотилган напорларнинг йиғиндисига тенг, яъни

$$h_f = h_f + \sum h_{f_i}. \quad (4.1)$$

кати текис илгариланма ҳаракат бўлса, яъни  $v_1 = v_2 = v = \text{const}$  ва  $\alpha_1 = \alpha_2 = \alpha$ , у ҳолда тўлиқ йўқотилган напор қуйидагича аниқланади (4.2-расм)


$$h_f = \left( \frac{p_1}{\gamma} + z_1 \right) - \left( \frac{p_2}{\gamma} + z_2 \right). \quad (4.6)$$

Бундан келиб чиқадики, ногоризонтал ўзанда суюқлик ҳаракати текис илгариланма бўлса, икки ихтиёрий кесим оралиғида йўқотилган напор шу кесимлардаги пьезометрик баландлик билан қаралаётган нуқтанинг ҳолат баландлигининг йиғиндиларининг айирмасига тенг.


Агар ўзан горизонтал бўлса,  $z_1 = z_2 = z$ , у ҳолда (4.6) тенглама қуйидаги кўринишни олади (4.3-расм)

$$h_f = \frac{p_1}{\gamma} - \frac{p_2}{\gamma}, \quad (4.7)$$


яъни икки кесим орасида йўқотилган напор (ўзан горизонтал ҳолда бўлиб, ундаги суюқлик ҳаракати текис илгариланма бўлса) шу иккита кесимдаги пьезометрик баландликлар айирмасига тенг. Суюқлик оқимининг ҳаракати пайтида напорнинг йўқолиши суюқликнинг қовушоқлиги ва ўзан деворларининг ғадир-будурлигига боғлиқ. Маълумки, суюқликнинг ҳаракат тартиби унинг қовушоқлик хоссасига боғлиқ. Шундай экан, очиқ ўзанларда (4.4 ва 4.5-расмлар) ва напорли қувурларда суюқлик ҳаракати пайтида йўқотилган напорни ўрганаётганда ҳаракат тартибларига алоҳида эътибор бериш керак, чунки йўқотилган напор асосан юқорида айтилгандек О. Рейнольдс сони  $Re$  ва ўзанининг ғадир-будурлигига боғлиқ.




4.2-расм.



4.3-расм.



4.4- расм.




4.5- расм.

#### 4.2- §. РЕАЛ СУЮҚЛИК ОҚИМИНИНГ ИККИ ХИЛ ҲАРАКАТ ТАРТИБИ: ЛАМИНАР ВА ТУРБУЛЕНТ ҲАРАКАТ. О. РЕЙНОЛЬДС СОНИ ВА УНИНГ КРИТИК МИҚДОРИ

Гидравлик ишқаланишни тажрибада ўрганиш натижалари шуни кўрсатдики, суюқлик оқими пайтида йўқотилган напор (энергия), шу оқим қандай тартибда (ламинарми ёки турбулентми) ҳаракатланишига боғлиқ. Ламинар ҳаракатда суюқлик қатлам-қатлам бўлиб оқиб, шу суюқлик заррачалари босиб ўтган йўллари нинг излари бир-бирига нисбатан параллел бўлади. Ламинар сўзи лотин тилидан олинган бўлиб, lamina — қатлам маъносини (4.6 а, 4.6 б- расмлар) англатади. Табиатда суюқлик оқимининг ламинар ҳаракати, асосан, ер ости суюқликлари ҳаракатида, ингичка капилляр найчалар ичидаги суюқлик ҳаракатида ва катта қовушоқликка эга бўлган суюқликлар, масалан, нефть, вазелин ва ҳар хил ёғлар ҳаракатида учрайди. Турбулент ҳаракат деб, суюқлик оқими қатлам-қатлам бўлиб оқиши бузилиб, шу суюқлик заррачалари босиб ўтган йўллари нинг излари жуда мураккаб шаклда бўлиб, бир-бирига чалкашиб ўралиб кетадиган ҳаракатга айтилади. Турбулент сўзи лотин тилидан олинган бўлиб, turbulentus — тартибсиз деган маънони билдиради (4.6 а, 4.6 в- расмлар).

Табиатдаги барча суюқлик ҳаракати асосан турбулент ҳолатда бўлади. Суюқлик оқимининг ламинар ва турбулент ҳаракатини биринчи марта рус олими Д. И. Менделеев 1880 йилда айтиб ўтган. Кейинчалик Д. И. Менделеевнинг фик-



4.6-расм.


рини англиз физиги О. Рейнольдс тажрибада 1883 йили тасдиқлади. О. Рейнольдс биринчи бўлиб шу ҳаракат тартибларининг хоссаларини тажрибада тушунтириб берди. Суюқликнинг ҳаракат тартибини аниқловчи шартнинг физик характеристикаларини назарий ва тажрибавий усуллар ёрдамида ишлаб чиқди.

**О. Рейнольдс тажрибалари.** О. Рейнольдс суюқликнинг ҳаракат тартибини тажрибада ўрганиш учун махсус қурилма ишлаб чиққан ва бу қурилма О. Рейнольдс қурилмаси деб аталди (4.6а- расм). Қурилмада *A* идишга *T* қувур уланган бўлиб, бу қувур шишадан<sup>\*)</sup> ясалган, унинг охирида *Ж* жўмрак ўрнатилган. *A* идишнинг устида кичкина *Б* идишча жойлашган, бу идишдан *М* найчаси ёрдамида *T* қувурнинг кириш қисми орқали бўёқ юборилади, бўёқнинг солиштирма оғирлиги сувнинг солиштирма оғирлиги билан бир хил. *T* қувурнинг охиридаги *Ж* жўмракни очиш ва ёпиш билан *T* қувурда оқимнинг ҳаракат *v* тезлиги ва *Q* суюқлик сарфи ўзгартирилади. Энди тажриба ўтказиш усулига ўтсак, у қуйидагича: шишадан ясалган *T* қувурда ҳаракат қилаётган суюқлик оқимида *М* найча

<sup>\*)</sup> Тажриба ўтказаяётганда суюқлик ичига юборилаётган бўёқ ҳаракати ташқаридан кўриниб туриши учун шиша қувур олинади.

орқали буюқ юборайлик. Бу пайтда буюқ  $T$  қувурда ҳаракатланаётган суюқлик оқими ичида, шу суюқлик билан аралашмасдан оқим заррачаларининг ҳаракатланаётган чизигидек алоҳида ҳаракатланса (4.6 б- расм), бундай ҳаракат ламинар ҳаракат деб аталади. Буюқ шу суюқлик билан аралашиб, оқим ичидаги буюқ чизиги кўринмай кетса, бундай ҳаракат турбулент ҳаракат деб аталади (4.6 в- расм). Агар шиша қувурдаги  $J$  жўмракни аста очсак,  $A$  идишдан суюқлик оқиб чиқа бошлайди.  $T$  қувурда унинг кўндаланг кесими бўйича қандайдир ўртача  $v$  тезлик пайдо бўлади, бу пайтда сув сарфига ва қувурнинг кўндаланг кесимига тегишли  $A$  идишда сув сатҳи ўзгармас, яъни  $H = \text{const}$  бўлиши керак. Энди  $M$  найчанинг  $N$  жўмрагини бир оз очсак,  $T$  қувурга буюқ ўта бошлайди ва ундаги суюқлик оқими ичида ингичка тўғри чизиқли, атрофдаги суюқликлардан яққол ажралиб турадиган оқим чизигини ҳосил қилади. Бундан кўринадики, буюқ атрофдаги суюқликлар билан аралашмаган ҳолда ҳаракат қиляпти. Бошланишда шундай хаёлга келамизки, шу буюқдан ҳосил бўлган оқим чизиги (элементар оқим найчаси) худди шу  $T$  қувурнинг ичида қотиб қолгандек туюлади (4.6 б- расм). Бундай ҳаракат ламинар ҳаракат деб аталади. Агар шу тартибда  $T$  қувурдаги суюқлик ичида буюқдан тагин бир неча элементар оқим найчаларини ташкил этсак, унда улар бўлак-бўлак элементар оқим найчаси шаклида атрофдаги суюқлик массалари билан аралашмасдан, алоҳида ҳаракат қилади. Шундай қилиб  $T$  шиша қувурда ҳамма суюқлик бўлак-бўлак ва қаватма-қават ҳолда бир-бири билан ва атрофдаги бошқа суюқликлар билан аралашмасдан ўз ҳолича ҳаракат қилаверади, унда оқим чизиги тўғри чизиқли шаклда бўлиб, узунлиги бўйича ўзгармайди. Агар  $J$  жўмракни яна озгина очсак, унда  $v$  тезлик ва  $Q$  сув сарфи кўпаяди. Бошланишда сифат жиҳатидан бу ҳодиса ҳеч ўзгармайди. Олдингидек бўлган оқим найчаси атрофдаги суюқликлар билан аралашмасдан ўз ҳолича ҳаракат қилаверади. Аммо шу жўмракни очишда давом эттириб бораверсак, бирдан қандайдир бир элементар вақт ичида бўялган оқим найчаси қийшай бошлайди, шунда оқим чизиги илон изи бўлиб қолади. Элементар оқим найчаси эса тебрана бошлайди. Бу ҳодиса фақат фазода ихтиёрий нуқтадаги вектор тезлигининг вақт ўтиши билан тўхтамасдан ўзгаргани сабабли рўй бериши мумкин. Шу тез-

ликлар бетўхтов ўзга-ришларининг кучайи-ши натижасида бўялган элементар оқим найча-си атрофидаги суюқлик массаси билан аралаша бошлайди ва оқим чи-зиқлари жуда ҳам ки-чик вақт ичида ўз шак-лини йўқотиб, бутун  $T$  қувурдаги оқимнинг кўндаланг кесими бўйича майда гирдоб-



4.7-расм.

чалар кўринишига айланиб кетадилар ва тартибли ва тар-тибсиз равишда ҳаракатлана бошлайдилар (4.6в- расм). Бундай ҳаракат турбулент ҳаракат деб аталади. Агар шу юқорида ўтказилган тажрибани тескари йўналишда так-рорласак, яъни  $J$  жўмракни (у тўлиқ очилганидан кей-ин) секин-аста беркита бошласак, у ҳолда турбулент ҳара-катдан ламинар ҳаракатга ўтиш ламинар ҳаракатдан тур-булент ҳаракатга ўтишга қараганда анча кичик тезликда таъминланади. Шундай қилиб «ўтиш зонаси» вужудга ке-лади. Бу «ўтиш зонасида» тартиб характери мустақкам эмас ва бирор кутилмаган омил таъсирида ламинар ҳаракат турбулентга ўтиши ёки турбулент ҳаракат ламинарга ўти-ши мумкин. Бундан шундай хулоса келиб чиқадики, су-юқлик оқимининг ҳаракати пайтида йўқотилган напор ҳара-кат тартибининг тезликларига боғлиқ экан. Бундай таж-рибалар натижаларини чизмада кўрсатиш мақсадида куй-идаги боғланиш графигини қараб чиқамиз (4.7- расм):

$$\lg h_f = f(\lg v) \quad (4.8)$$

4.7-расмда ордината ўқига  $\lg h_f$ , абсцисса ўқига  $\lg v$  миқ-дорларини қўйиб чиқсак, чизмада бир-бири билан кеси-шувчи иккита тўғри чизиқ ҳосил бўлади. Бундай тўғри чи-зиқларнинг тенгламаси қуйидагича бўлади

$$\lg h_f = \lg k + m \lg v. \quad (4.9)$$

Бу ерда  $m = \operatorname{tg}\theta$ ;  $\theta$  —  $ab$  ва  $bc$  тўғри чизиқларнинг абсцис-са ўқи билан ташкил этган бурчак. (4.9) тенгламадан

$$h_j = k v^m, \quad (4.10)$$

бу ерда  $k$  — ўзаннинг ўлчамларини ва суюқликнинг ҳаракат турларини ифодаловчи коэффициент;  $m$  — даража кўрсаткич, суюқлик оқимининг ўртача тезлигини йўқотилган напор (солиштирма энергия)га таъсирини ифодалайди.  $\lg h_j = f(\lg v)$  графикдан (4.7-расм) қуйидаги хулосани оламиз:

1)  $ab$  тўғри чизиқ суюқликнинг ламинар ҳаракатини ифодалайди;  $ab$  тўғри чизиқ абсцисса ўқи билан  $\theta_1 = 45^\circ$  бурчакни ташкил этади. У ҳолда  $m = \operatorname{tg}\theta_1 = \operatorname{tg}45^\circ = 1,0$  га тенг; ламинар ҳаракатда ўзаннинг узунлиги бўйича  $h_j$  йўқотилган напор оқим тезлигининг биринчи даражали кўрсаткичига тўғри пропорционал, яъни  $h_j = k_1 v^m$ , бу ерда  $m = 1$ ;

2)  $bc$  тўғри чизиғи суюқликнинг турбулент ҳаракатини ифодалайди;  $bc$  тўғри чизиғи абсцисса ўқи билан  $\theta_2$  ( $\theta_2 > 45^\circ$ ) бурчакни ташкил этади; (4.10) формулада  $m \gg 1$ ; турбулент ҳаракатда оқимнинг узунлиги бўйича йўқотилган напор  $h_j$ ,  $v$  тезликнинг  $m$  даража кўрсаткичига тўғри пропорционал, яъни  $h_j = k_2 v^m$ , бу ерда  $m = 1,75 \div 2,0$ .

О. Рейнольд с сони ва унинг критик миқдори. Юқорида кўрсатилганидек, суюқликнинг ҳаракат тартиби ундаги оқимнинг узунлиги бўйича йўқотилган напор (энергия)га таъсир этади. Тажрибалардан маълумки, суюқликнинг ҳаракат тартиблари суюқликнинг  $\mu$  қовушоқлигига, унинг  $\rho$  зичлигига, оқимнинг кўндаланг кесими бўйича ўртача  $v$  тезлигига ва ўзаннинг геометрик ўлчамлари  $l$  га боғлиқ. Бу ерда  $l$  ўзаннинг геометрик ўлчамлари деб, ўзаннинг (ёки оқимнинг) бирор характерли геометрик элементи, масалан, доиравий қувур учун — унинг  $D$  диаметри, очиқ ўзан учун суюқлик оқимининг  $h$  чуқурлиги ёки унинг  $R$  гидравлик радиуси қабул қилинган. Оқимнинг ҳаракат тартибини характерловчи, ўлчам бирлигига эга бўлмаган, тўртта  $\mu$ ,  $\rho$ ,  $v$ ,  $l$  параметрдан ташкил этилган комплекс сон аниқланган. Шу тўртта параметрнинг бир-бирига боғлиқлигидан шундай ўлчам бирлигига эга бўлмаган ҳамда суюқлик ҳаракати қонунидаги бирор маънони тушунтирадиган бир комплекс сон тузиш керак. Бундай комплекс сон қуйидагича ёзилади

$$\frac{vl}{\mu/\rho}, \quad (4.11)$$

бунда  $\frac{\mu}{\rho} = \nu$  — кинематик қовушоқлик коэффициенти, уни (4.11) тенгламага қўйсак, у ҳолда комплекс сон қўйидаги кўринишда бўлади

$$\frac{vl}{\nu}, \quad (4.12)$$

Юқорида бажарилган тажрибалар ва тажриба ўтказилган қурилма ҳамда (4.12) комплекс сон  $O$ . Рейнольдс томонидан ихтиро этилган. Шунинг учун у сон  $O$ . Рейнольдс сони дейилади ва  $O$ . Рейнольдс номининг биринчи икки ҳарфи билан белгиланади

$$Re = \frac{vl}{\nu}, \quad (4.13)$$

бу ерда  $l$  ўрнига қандай миқдор олинганига қараб  $Re$  белгига тегишли индекс қўйилади. Масалан,  $l$  ўрнига қувурда унинг  $D$  диаметри қабул этилса

$$Re_D = \frac{vD}{\nu}; \quad (4.14)$$

агар гидравлик радиус  $R = \frac{\omega}{\chi}$  қабул этилса

$$Re_R = \frac{vR}{\nu}; \quad (4.15)$$

очиқ ўзанларда сувнинг  $h$  чуқурлиги қабул этилса

$$Re_h = \frac{vh}{\nu}, \quad (4.16)$$

ва ҳоказо.

Шуни эслатиб ўтиш керакки, фақат қувурдаги суюқлик оқими ҳаракатини гидравлик ҳисоблашда  $O$ . Рейнольдс сонининг  $Re$  белгисида  $D$  индекси қўйилмасдан ёзилиши мумкин

$$Re = \frac{vD}{\nu}.$$

Қувурдан бошқа ҳар хил ўзанлар учун  $Re$  белгисида тегишли индекслар қўйилади. Суюқликнинг ҳаракатини до-иравий гидравлик силлиқ қувурларда ўрганиш натижасида ўрнатилган  $O$ . Рейнольдс сонининг қиймати  $Re \leq 2320$



Бўлса, у ҳолда суюқлик ҳаракати мутлақо ламинар ҳаракат бўлади. Очиқ ўзанлар учун эса О. Рейнольдс сони  $Re \leq 580$  бўлганда суюқлик оқимининг ҳаракати ламинар бўлади. Бунни исботлаш учун қувурнинг  $D$  диаметрини унинг  $R$  гидравлик радиуси билан алмаштирсак кифоя, масалан,

$$Re_D = \frac{vD}{\nu} = \frac{v(4R)}{\nu} = 4 \frac{vR}{\nu} = 4 Re_R;$$

$Re_D = 4 Re_R = 2320$ , унда  $Re_R = \frac{1}{4} Re_D = \frac{2320}{4} = 580$ . Бу  $Re_D = 2320$  сони О. Рейнольдснинг критик сони деб аталади ва  $(Re_D)_{кр}$  шартли белги билан белгиланади

$$(Re_D)_{кр} = \frac{v_{кр} D}{\nu}. \quad (4.17)$$

*Шу критик ҳолга тегишли оқимнинг ўртача тезлиги критик тезлик деб аталади*

$$v_{кр} = \frac{(Re_D)_{кр} \cdot \nu}{D}. \quad (4.18)$$


Янги тушунча киритамиз:

1) агар  $Re_D < (Re_D)_{кр} = 2320$  бўлса, ҳаракат ламинар бўлиши шарт;

2) агар  $Re_D > (Re_D)_{кр} = 2320$  бўлса, ҳаракат турбулент бўлади.

Юқорида келтирилган гидродинамиканинг асосий тенгламалари, чунончи узлуксизлик тенгламаси, Д. Бернулли тенгламаси, текис илгариланма ҳаракатнинг асосий тенгламаси суюқлик оқимининг ламинар ва турбулент ҳаракатлари учун баробар қўлланилаверади. Аммо, Д. Бернулли тенгламасидаги  $h_f$  тўлиқ йўқотилган напор эса, ламинар ҳаракат учун бошқа, турбулент ҳаракат учун бошқа формулалар орқали аниқланади, чунки ҳар хил ҳаракат тартиби учун оқимнинг ўртача тезликларининг даража кўрсаткичлари ҳар хил бўлади. Масалан, юқорида тушунтирилганидек, ламинар ҳаракат учун  $m$  даража кўрсаткичи фақат 1,0 га тенг, яъни  $m = 1$  (4.7-расм, *ab* чизик); турбулент ҳаракат учун шу даража кўрсаткич  $m = 1,75 \div 2,0$  (4.7-расм, *bc* чизик). Амалий гидравликада О.Рейнольдс сонининг

шу 2320 критик қий-  
мати асос деб қабул  
қилинган. Аммо таж-  
риба пайтида қурил-  
мага «идеал» шароит  
туғдириб бериб, яъни  
қурилмага ташқари-  
дан таъсир этадиган  
омилларни мутлақо  
йўқ қилиб,  $T$  жўм-  
ракни шундай эҳти-  
ётлик билан очиб



4.8-расм

борсак, яъни қувурдаги ламинар ҳаракатни  $v_{кр}$  критик тез-  
лигидан бирор (табиий) критик  $v'_{кр}$  тезликка «чўзиб» олиб  
борсак, бу ерда  $v'_{кр} > v_{кр}$  бўлади, у ҳолда Рейнольдс сон-  
нинг қандайдир бошқа критик  $(Re)_{кр}'$  миқдорини оламиз.  
Бу ламинар ҳаракат шу критик тезликлар оралиғида мус-  
таҳкам эмас, чунки тажрибага ташқаридан бирор омил таъ-  
сир этса, ламинар ҳаракат шу ондаёқ бузилиб кетиб, тур-  
булент ҳаракатга айланиши мумкин. Суюқлик оқимининг  
 $v'_{кр}$  тезлигини юқори критик тезлик деб аталади ва  
 $(v'_{кр})_{юқори}$  орқали белгиланади. Энди юқорида айтилганлар-  
ни 4.8- расм орқали тушунтирамиз. Расмда ордината ўқи  
бўйича  $v$  тезлик қўйилган. Агар биз шу ордината ўқи бўйи-  
ча пастдан юқорига ҳаракат қилсак, яъни  $v$  тезликни кат-  
талаштириб борсак, у ҳолда ламинар ҳаракат тезлик  $v'_{кр}$   
бўлгунча давом этиб, тезлик  $v'_{кр}$  бўлганда турбулент  
ҳаракатга ўтади; агар ордината ўқи бўйича юқоридан пастга  
ҳаракат қилсак, яъни тезликни камайтириб борсак, тез-  
лик  $v'_{кр}$  бўлганда турбулент ҳаракат ламинар ҳара-  
катга ўтади, бу ерда  $v_{кр}$  тезлик пастки критик тез-  
лик деб аталади ва  $(v_{кр})_{пастки}$  билан белгиланади. Тезликлар  
зонаси —  $(v_{кр})_{пастки} < v < (v'_{кр})_{юқори}$  кўринишда бўлса, бундай зона  
номустаҳкам зона ёки «алмашиш» \* зонаси деб аталади. Шу  
тезликларга тегишли  $Re_0$ . Рейнольдс сонлари суюқлик

\* «алмашиш» сўзининг маъноси бу — зонада бир шароитда вақт ўти-  
ши билан ҳам ламинар, ҳам турбулент ҳаракат мавжуд булиши мумкин,  
бундай жараён қурилмадаги ўтказилаётган тажрибанинг муҳимлигига,  
яъни аниқлик даражасига боғлиқ.

оқимининг тезликларига қараб қуйидагича номланади: масалан,  $v_{кр}$  га тегишли  $Re_{кр}$  сони — *пастки критик О. Рейнольдс сони* дейилади ва  $(Re_{кр})_{пастки}$  орқали белгиланади;  $v'_{кр}$  га тегишли  $Re'_{кр}$  — *юқори критик О. Рейнольдс сони деб аталади* ва  $(Re'_{кр})_{юқори}$  билан белгиланади. Гидравликада, амалий ҳисоб-китобларда бу  $v_{кр} < v < v'_{кр}$  тезликлар зонасида суюқлик ҳаракати турбулент ҳаракатда бўлади деб қабул қилинади.

**4.1-масала.** Қувурнинг диаметри  $D = 0,01$  м, унда  $1,0$  м/с тезликда текис илгариланма ҳаракат қилаётган суюқликнинг ҳаракат тартибини аниқланг. Суюқликнинг ҳарорати  $T^{\circ}C = 20^{\circ}C$ .

*А. Суюқлик оқимининг ҳаракат тартибини аниқлаймиз.*

1. Қувурда с у в ҳаракат қиляпти (унинг кинематик қовушоқлик коэффиценти  $\nu = 1,01 \cdot 10^{-6}$  м<sup>2</sup>/с, 1.2-жадвалга қаранг)

$$Re_D = \frac{vD}{\nu} = \frac{1,0 \cdot 0,01}{1,01 \cdot 10^{-6}} = 10000 \gg 2320,$$

бундан кўринадики, суюқлик оқимининг ҳаракат тартиби — *турбулент*.

2. Қувурда газсимон суюқлик ҳаракат қиляпти (унинг кинематик қовушоқлик коэффиценти  $\nu = 15 \cdot 10^{-6}$  м<sup>2</sup>/с)

$$Re_D = \frac{1,0 \cdot 0,01}{15 \cdot 10^{-6}} = 670 < 2320.$$

Бу ҳолатда газсимон суюқлик ҳаракатининг тартиби — *ламинар*.

3. Қувурда нефть ҳаракат қиляпти (унинг кинематик қовушоқлик коэффиценти  $\nu = 80 \cdot 10^{-6}$  м<sup>2</sup>/с)

$$Re_D = \frac{1,0 \cdot 0,01}{80 \cdot 10^{-6}} = 125 \ll 2320,$$

бу шароитда эса суюқлик оқимининг ҳаракат тартиби — *мутлақо ламинар*.

Б. Суюқлик оқимининг критик тезлиги,  $v_{кр}$  ни, яъни бир тартибдан иккинчи тартибга ўтишдаги чегара тезлиги  $v_{кр}$  ни аниқлаймиз (юқорида берилган шартларга биноан).

1. С у в учун

$$v_{кр} = (Re_D)_{кр} \frac{v}{D} = 2320 \frac{1,01 \cdot 10^{-6}}{0,01} = 0,232 \text{ м/с.}$$

2. Г а з учун

$$v_{кр} = 2320 \frac{15 \cdot 10^{-6}}{0,01} = 3,48 \text{ м/с.}$$

3. Н е ф т ь учун


$$v_{кр} = 2320 \frac{80 \cdot 10^{-6}}{0,01} = 18,56 \text{ м/с.}$$

Бундан кўриниб турибдики, бир хил шароитда ҳар хил суюқликлар ўзини ҳар хил тутар экан. Бу амалиётда, гидротехник ва бошқа иншоотлар (қувур, канал ва бошқалар) ни гидравлик ҳисоблашда катта аҳамиятга эга.

#### **4.3- §. СУЮҚЛИК ОҚИМИНИНГ БАРҚАРОР ТЕКИС ИЛГАРИЛАНМА ҲАРАКАТИНИНГ АСОСИЙ ТЕНГЛАМАСИ**

Юқорида кўрсатилганидек реал суюқликларнинг ҳаракати пайтида ишқаланиш кучи пайдо бўлади. Суюқлик ҳаракатида шу ишқаланиш кучи қанча кўп бўлса, йўқотилган напор  $h_f$  шунча кўп бўлади. Суюқликдаги ишқаланиш кучи билан йўқотилган напор орасида маълум боғланиш мавжуд. Бу боғланишни барқарор текис илгариланма ҳаракат учун суюқлик оқимининг текис илгариланма ҳаракатининг асосий тенгламаси деб аталади. Куйида бу тенгламани қараб чиқамиз.

Бу ерда оқимнинг узунлиги бўйича йўқотилган напор (энергия) билан суюқлик оқими ҳаракати пайтида ҳосил бўладиган ишқаланиш кучи орасидаги боғланиш тенгламасини келтириб чиқарамиз. Бунинг учун қувурдаги суюқлик оқимининг напорли ҳаракатини қараб чиқамиз (4.9-расм). Қувур (диаметрининг) марказидан оқим йўналиши бўйича  $S$  ўқини белгилаймиз. Суюқлик оқими бўйича 1–1 ва 2–2 кесимларини олиб, улар оралигини  $l$  билан белгилаймиз. Су-



4.9-расм.

юқлик оқими ҳаракати текис илгариланма бўлгани учун икки кесим ўртасида пьезометрик чизик тўғри чизик бўлиб, унинг пасайиши  $\Delta h$  ни, узунлик  $l$  га нисбати йўқотилган напор  $h_1$  ни беради. Суюқлик оқимининг 1-1 ва 2-2 кесимлар оралиғидаги бўлагига таъсир этувчи барча ташқи кучларни аниқлаб чиқамиз. Шундан кейин, суюқлик оқимининг ҳаракати, барқарор текис илгариланма бўлганлигини назарда тутган ҳолда, унга таъсир этувчи кучларни  $S$  ўқиға, проекцияларининг йиғиндисини нолга тенг деб оламиз. Шундай қилиб текис илгариланма ҳаракатнинг асосий тенгламасини оламиз.

Доиравий қувурда  $l$  оралиғида суюқлик оқимининг текис илгариланма ҳаракатини қараб чиқамиз (4.9-расм), бунинг учун қуйидаги шартли белгиларни қабул қиламиз:  $D$  — қувурнинг диаметри;  $\omega$  — оқимнинг кўндаланг кесими юзасининг майдони;  $v$  — оқимнинг кўндаланг кесимидаги ўртача тезлик;  $\chi$  — ҳўлланган периметрининг узунлиги;  $R$  — гидравлик радиус;  $\tau_0$  — оқимнинг қувур девори билан ишқаланган юзасининг бирлик майдонига тўғри келган кучланиш;  $T_0$  — шу оқим бўлагигадаги умумий юзага тўғри келган қувурнинг ҳўлланган периметри бўйича ишқаланиш кучи;  $h_1$  — оқимнинг узунлиги бўйича йўқотилган напор;  $\beta$  — қувурнинг (ўқи бўйича) горизонтал текисликка нисбатан бурчаги.

1. Оқимнинг ажратилган бўлагига, яъни оқимнинг 1-1 ва 2-2 кесимлар орасидаги суюқлик ҳажмига таъсир қилувчи кучлар:

а) қаралаётган суюқлик оқимининг 1–1 ва 2–2 кесимлар оралиғидаги бўлагининг оғирлик кучи

$$G = \gamma \omega l; \quad (4.19)$$

унинг  $S$  ўқиға проекцияси

$$G_s = \gamma \omega l \sin \beta. \quad (4.20)$$

4.9-расмдаги чизмадан

$$l \sin \beta = z_1 - z_2. \quad (4.21)$$

(4.21) тенгламани (4.20) тенгламага қўйсак

$$G_s = \gamma \omega (z_1 - z_2); \quad (4.22)$$

б) суюқлик оқимининг 1–1 ва 2–2 кўндаланг кесимларидаги босим кучлари

$$P_1 = p_1 \omega_1; \quad P_2 = p_2 \omega_2, \quad (4.23)$$

бу ерда  $p_1$  ва  $p_2$  — оқимнинг 1–1 ва 2–2 кўндаланг кесимларининг оғирлик марказига қўйилган гидродинамик босимлар;  $\omega_1 = \omega_2 = \omega$  — оқимнинг 1–1 ва 2–2 кўндаланг кесимларининг майдони; оқимнинг узунлиги бўйича қувурнинг диаметри ўзгармас бўлгани учун  $D = \text{const}$  ва қувурдаги ҳаракат текис илгариланма бўлган ҳолда унинг ихтиёрий кўндаланг кесими майдонининг юзаси ўзгармас, яъни  $\omega = \text{const}$  бўлади. Бу кучларнинг  $S$  ўқиға проекцияси  $P_{1s}$  ва  $P_{2s}$ ;

в) ташқи ишқаланиш кучи —  $T_0$ . Бу қувурнинг ички девори томонидан оқимнинг сиртқи юзасига нисбатан қўйилган ишқаланиш кучи, у оқимга қарши йўналган, унинг  $S$  ўқиға проекцияси ўзгармас бўлади.

Бундан ташқари яна ички ишқаланиш кучи мавжуд. Бу кучлар қўшалок, бир-бирига тенг ва қарама-қарши йўналган бўлгани учун уларнинг йиғиндиси нолга тенг

$$\Sigma T = 0. \quad (4.24)$$

2. Барча кучларнинг  $S$  ўқиға проекциялари йиғиндиси нолга тенг:

$$G_S + P_{1S} + (-P_{2S}) + (-T_{0S}) = 0. \quad (4.25)$$

(4.25) тенгламага (4.22) тенглама ва (4.23) тенгламадан қийматларини келтириб қўйсак

$$\gamma \omega (z_1 - z_2) + p_1 \omega_1 - p_2 \omega_2 - T_0 = 0. \quad (4.26)$$

(4.26) ни  $\gamma \omega$  га бўлиб чиқсак, шунингдек  $\omega_1 = \omega_2 = \omega$  ни назарда тутсак

$$(z_1 - z_2) + \frac{p_1 - p_2}{\gamma} - \frac{T_0}{\gamma \omega} = 0 \quad (4.27)$$

ёки

$$\left( z_1 + \frac{p_1}{\gamma} \right) - \left( z_2 + \frac{p_2}{\gamma} \right) = \frac{T_0}{\gamma \omega}. \quad (4.28)$$

4.9-расмдан кўринадики, (4.28) тенгламанинг чап томони оқимнинг узунлиги бўйича  $h_f$  йўқотилган напорга тенг

$$\left( z_1 + \frac{p_1}{\gamma} \right) - \left( z_2 + \frac{p_2}{\gamma} \right) = h_f. \quad (4.29)$$

Шундай экан, (4.28) тенгламанинг ўнг томони ҳам оқимнинг узунлиги бўйича йўқотилган напорга тенг бўлади

$$h_f = \frac{T_0}{\gamma \omega}, \quad (4.30)$$

бу ерда  $T_0$  — умумий (қувурнинг тўлиқ периметри бўйича) ишқаланиш кучи

$$T_0 = \chi l \tau_0, \quad (4.31)$$

бунда  $\tau_0$  — қувурнинг ички деворидаги ўртача уринма кучланиш. (4.31) тенгламани (4.30) тенгламага қўйсак

$$h_f = \frac{\chi l}{\omega} \cdot \frac{\tau_0}{\gamma}, \quad (4.32)$$

ёки

$$\frac{h_l}{l} = R \cdot \frac{\tau_0}{\gamma}, \quad (4.33)$$

бу ерда

$$\frac{\omega}{\chi} = R; \quad \frac{h_l}{l} = J. \quad (4.34)$$

$$\frac{\tau_0}{\gamma} = RJ. \quad (4.35)$$

(4.35) тенглама суюқлик оқими *барқарор текис илгариланма ҳаракатининг асосий тенграмаси деб аталади*. (4.32) ёки (4.35) тенграмалар (4.34) тенграмани назарда тутган ҳолда, суюқлик оқимининг текис илгариланма ҳаракати пайтида ички ва ташқи ишқаланиш кучларининг бажарган иши таъсирида йўқотилган напорни ифодалайди. (4.35) тенграмани қуйидагича ёзиш мумкин:

$$\frac{\tau_0}{\rho} = g RJ, \quad (4.36)$$

бу ерда  $gRJ$  нинг ўлчов бирлиги иккинчи даражали тезликнинг ўлчов бирлигига тенг. Гидродинамикада  $\sqrt{gRJ}$  динамик тезлик деб аталади (ишқаланиш гезлиги деб ҳам аталади) ва  $v_*$  билан белгиланади


$$v_* = \sqrt{gRJ} = \sqrt{\frac{\tau_0}{\rho}}. \quad (4.37)$$

#### 4.4-§. ЛАМИНАР ҲАРАКАТДАГИ ОҚИМНИНГ КўНДАЛАНГ КЕСИМИ МАЙДОНИ БўЙИЧА НУҚТАЛАРДАГИ ўРТАЛАШТИРИЛГАН ТЕЗЛИКЛАРНИНГ ТАҚСИМЛАНИШИ

Бунинг учун доиравий қувурдаги напорли ҳаракатни қараб чиқамиз (4.10-расм). Маълумки, оқим ҳаракати ламинар бўлганда суюқлик заррачалари бир-бирига параллел ҳолатда ҳаракат қилади. Қувурнинг радиуси  $r$  бўлса, қувур ўқидан  $y$  ораликда жойлашган  $M$  ихтиёрий нуқтадаги  $u$  тезликни аниқлаймиз. Бунинг учун  $M$  нуқта орқали радиуси  $y$  га тенг бўлган доиравий сатҳ ясаймиз.

1. Текис илгариланма ҳаракат тенграмаси (4.35) га асосан радиуси  $y$  га тенг бўлган қувурдаги суюқлик оқими учун (4.36) дан қуйидаги тенграмани ёзамиз:





4.10- расм.

$$\frac{\tau_0}{\rho} = gR'J = g \frac{y}{2} J, \quad (4.38)$$

бунда

$$R' = \frac{\omega'}{\chi'} = \frac{\pi y^2}{2\pi y} = \frac{y}{2}. \quad (4.39)$$

## 2. Ньютон қонунига асосан ишқаланиш кучи

$$\tau = -\nu\rho \frac{du}{dy}. \quad (4.40)$$

Бу ерда манфий белги қувурнинг ўқидан деворгача тезликнинг камайиб боришини билдиради (ёки кучланишнинг кўпайиб боришини кўрсатади). (4.40) тенгламани (4.38) тенгламага қўйиб, уни интеграллаб чиққандан кейин ламинар ҳаракатнинг  $AB$  кесимдаги (4.10а-расм) тезликларининг тақсимланиши эпюраси тенгламасини оламиз

$$u = \frac{1}{4} \frac{g}{\nu} J(r^2 - y^2). \quad (4.41)$$

(4.41) формуладан кўринадики,  $ACB$  чизиғи оқимнинг кўндаланг кесими бўйича нуқталардаги ўрталаштирилган тезликларнинг тақсимланиш эпюраси парабола қонуни бўйича бажарилар экан. Агар  $y = 0$  деб олсак,  $u$  ҳолда (4.41) тенгламадаги тезлик энг катта қийматга эга бўлади

$$u_{\max} = \frac{1}{4} \frac{g}{\nu} Jr^2. \quad (4.42)$$

(4.42) формуладан кўринадикки,  $u_{\max}$  тезлик қувур уқида жойлашган бўлади. Ламинар ҳаракатда тезликнинг оқимнинг кўндаланг кесими бўйича тақсимланиш эпюраси учун  $\alpha_0 \simeq 1,33$  ва  $\alpha \simeq 2$  қийматларга эга бўлади. (4.40) тенгламадан  $\tau$  уринма кучланиш оқимнинг кўндаланг кесимининг радиуси бўйича тўғри чизиқ қонуни бўйича тақсимланади (4.10а-расм).  $\tau$  нинг қиймати қувурнинг уқида  $\tau = 0$  бўлади, унинг энг катта қиймати  $\tau_{\max}$  деворга жуда яқин жойда бўлади. Гидравликада деворга яқин жойдаги кучланиш  $\tau_0$  белги билан ифодаланади, у  $\tau_0 = \tau_{\max}$  бўлади. Очиқ ўзанлар учун ҳам шу усулни қўллаш мумкин, яъни (4.41) тенгламани олиш мумкин. Очиқ ўзанда ҳам, оқимнинг кўндаланг кесими юзаси майдони бўйича нуқталардаги ўрталаштирилган тезликларнинг тақсимланиши ҳам парабола қонунига бўйсунди:

$$u = \frac{\gamma}{2\mu} y(2h - y) = \frac{g}{2\nu} y(2h - y), \quad (4.43)$$

аммо бунда тезликнинг энг катта қиймати  $u_{\max}$  сув сатҳида бўлади (4.10б-расм), яъни  $y = h$ , у ҳолда

$$u_{\max} = \frac{g}{2\nu} h^2. \quad (4.44)$$

#### 4.5-§. СУЮҚЛИК ОҚИМИНИНГ ЛАМИНАР ҲАРАКАТИ ПАЙТИДА ЎЗАННИНГ УЗУНЛИГИ БЎЙИЧА ЙЎҚОТИЛГАН НАПОР

**Суюқликнинг сарфини аниқлаш.** 4.10-расмга асосан, қувурда ҳаракат қилаётган суюқлик оқимининг сарфини топамиз. Бунинг учун кўндаланг кесимнинг радиуси  $y$  бўлган элементар  $d\omega$  майдонидан ўтаётган элементар суюқлик сарфи  $dQ$  ни аниқлаймиз

$$dQ = u d\omega; \quad (4.45)$$

бу ерда

$$d\omega = 2\pi y dy.$$

(4.41) тенгламани (4.45) тенгламага қўйсақ

$$dQ = \frac{1}{4} \frac{g}{v} J (r^2 - y^2) 2\pi y dy. \quad (4.46)$$

(4.46) тенгламани оқимнинг кўндаланг кесими юзаси майдони бўйича интеграллаб қуйидагини оламиз

$$Q = \frac{\pi}{2} \frac{g}{v} J \int_{y=0}^{y=r} (r^2 - y^2) y dy = \frac{\pi}{8} \frac{g}{v} J \cdot r^4 = \frac{\pi}{128} \frac{g}{v} J \cdot D^4. \quad (4.47)$$

ёки

$$Q = AJD^4, \quad (4.48)$$

бу ерда  $A$  — суюқликнинг турига боғлиқ коэффициент

$$A = \frac{\pi}{128} \cdot \frac{g}{v}. \quad (4.49)$$

Суюқлик оқимининг кўндаланг кесими юзаси майдони бўйича (узлуксизлик тенгламасидан) ўртача тезлигини аниқлаймиз

$$v = \frac{Q}{\omega} = \frac{\pi}{128} \frac{g}{v} JD^4 \cdot \frac{1}{\frac{\pi D^2}{4}} = \frac{1}{32} \frac{g}{v} JD^2, \quad (4.50)$$

бунда

$$J = \frac{h_l}{l}, \quad (4.51)$$

(4.51)ни (4.50)га қўйсак:

$$v = \frac{1}{32} \frac{g}{v} \frac{h_l}{l} \cdot D^2. \quad (4.52)$$

(4.52) ни  $h_l$  га нисбатан ечсак, Ж. Пуазейл формуласи келиб чиқади

$$h_l = 32 \frac{v}{g} \frac{l}{D^2} v. \quad (4.53)$$

(4.48) формула Ж. Пуазейлнинг назарий формуласи бўлиб, 1840 йилда ишлаб чиқилган.

(4.53) формула оқим ҳаракати ламинар бўлганда ундаги йўқотилган напор (энергия)ни ҳисоблаш формуласи. Бу (4.53) формуладан кўринадикки, ламинар ҳаракат учун йўқотилган напор:

1. Суюқликнинг физик хоссаларига боғлиқ;  $\gamma$ ,  $\rho$ ,  $\nu$ .

2. Оқимнинг б и р и н ч и даражали ўртача тезлигига тўғри пропорционал

$$h_l : v.$$

3. Ўзан туби ва деворининг гадир-будурлигига боғлиқ эмас.

4. (4.53) формула амалда қуйидаги кўринишга келтириб қўлланилади

$$h_l = 32 \frac{\nu}{g} \frac{v}{D^2} l = 32 \frac{\nu}{D} \frac{l}{D} \frac{v}{g} \frac{2}{2} \frac{v}{v} = 64 \frac{\nu}{Dv} \frac{l}{D} \frac{v^2}{2g}, \quad (4.54)$$


бундан

$$h_l = \lambda_D \frac{l}{D} \frac{v^2}{2g}. \quad (4.55)$$

Бу ерда  $\lambda_D$  — гидравлик ишқаланиш коэффиценти фақат доиравий қувурдаги суюқлик ҳаракати ламинар бўлганида қуйидаги формуладан фойдаланиш мумкин

$$\lambda_D = 64 \frac{\nu}{Dv} = \frac{64}{\frac{Dv}{\nu}} = \frac{64}{\text{Re}_D}. \quad (4.56)$$

(4.56) тенгламадаги ўзгармас 64 сони фақат доиравий шаклдаги ўзанлар (масалан, напорли қувур) учун олинган бўлиб, бошқа шаклдаги ўзанлар учун ўзгаради ва бошқа ўзгармас қийматга тенг бўлади. Бунда  $\lambda$  — гидравлик ишқаланиш коэффиценти:  $\lambda = f(\text{Re})$ ,  $\text{Re}_D$  — О. Рейнольдс сони.



4.11-расм.

#### 4.6-§. ТУРБУЛЕНТ ҲАРАКАТНИ ҲИСОБЛАШ МОДЕЛИ. ТУРБУЛЕНТ ҲАРАКАТДАГИ ОҚИМ КЎНДАЛАНГ КЕСИМИНИНГ МАЙДОНИ БЎЙИЧА НУҚТАЛАРДАГИ ЎРТАЛАШТИРИЛГАН ТЕЗЛИКЛАРНИНГ ТАҚСИМЛАНИШИ


Турбулент ҳаракатдаги оқимнинг кўндаланг кесими юзаси майдони бўйича нуқталардаги ўрталаштирилган тезликларнинг тақсимланиши ламинар ҳаракатдагидан катта фарқ қилади. Турбулент ҳаракатдаги оқимда нуқталардаги тезликлар миқдори ва йўналиши бўйича доимо ўзгариб туради, бу ҳол қандайдир бирон вақт ичида тезликнинг ўрталаштирилган миқдори атрофида рўй беради. Бу ҳодиса тезликнинг нульсацияси деб аталади.

*Фазодаги берилган нуқтада бирон бир қисқа вақт ичида ҳаракатдаги суюқлик заррачасининг  $u_a$  ҳақиқий тезлиги бир зумдаги маҳаллий тезлик ёки актуал тезлик деб аталади. Бу  $u_a$  тезлик ҳам миқдори, ҳам йўналиши бўйича ўзгаради (4.11-расм).*

4.12а- расмдаги 1-1 кўндаланг кесим чизмасида  $A$  нуқтасини ва  $d\omega$  элементар майдончасини белгилаб  $A$  нуқтаси орқали ўтаётган актуал тезликларни қараб чиқамиз (4.11-расмга қаранг).  $A$  нуқтасида  $A_x$  ва  $A_y$  ўқлар орқали  $u_a$  тезлик векторининг ташкил этувчиларини  $u_{ax}$  ва  $u_{ay}$  билан ифодалаймиз.

1.  $u_a$  актуал тезликни  $A_x$  ўқи бўйича ташкил этувчиси  $u_{ax}$  қуйидагича характерланади:

а) у ҳар доим ўзгармас йўналишида бўлади;



4.12-расм.

б) вақт ўтиши билан унинг миқдори ўзгарувчан бўлади.

Бундан буён бу ташкил этувчилар  $u_{ax}$  ва  $u_{ay}$  ни тегишлича: *горизонтал ва вертикал* ташкил этувчилар деб юритилади. Вақт ўтиши билан фазодаги  $A$  нуқтада  $u_{ax}$  нинг ўзгаришини ўрганамиз. 4.12а-расмда  $A$  нуқтадаги  $u_a$  актуал тезликнинг горизонтал ташкил этувчиси  $u_{ax}$  кўрсатилган. 4.12б- расмда эса шу актуал тезликнинг горизонтал ташкил этувчисининг пульсацияси графиги келтирилган. Актуал тезликнинг вертикал ташкил этувчисининг пульсацияси графиги 4.13-расмда келтирилган.

Актуал тезликнинг пульсацияси табиатда кўп учрайди, масалан, очиқ ўзанлар тубидаги ўсимликларнинг мураккаб тебранма ҳаракатлари тезлик пульсацияси натижасида ҳосил бўлади; Пито найчасидаги сув сатҳининг тебраниши; пьезометрлардаги сув сатҳининг тебраниши ва ҳоказо; бу найчалардаги сув сатҳларининг бир кўтарилиб — бир тушиб туриши ҳам тезлик пульсацияси натижалари ҳисобланади.

#### 4.7-§. ЎРТАЛАШТИРИЛГАН МАҲАЛЛИЙ ТЕЗЛИК. ЛАМИНАР ҲАРАКАТ ҚАТЛАМЧАСИ. ГИДРАВЛИК СИЛЛИҚ ВА ҒАДИР-БУДУР ЎЗАН ДЕВОРИ

**Ўрталаштирилган маҳаллий тезлик.** 4.12б- расмда  $A$  нуқтасини олиб, узоқ  $t$  вақт ичида ундаги  $u_{ax}$  тезлик миқдо-

рини ўрталаштирамиз: унинг учун  $u_a$  тезлик пульсацияси графигида (4.126-рasm)  $AB$  тўғри горизонтал чизиқ утказамиз. Унда тўғри тўртбурчакли  $ABCD$  майдон ( $\Omega_{ABCD}$ ) ва тезлик пульсацияси графигида эгри чизиқ билан чегараланган  $A'B'CD$  шаклли майдон ( $\Omega_{A'B'CD}$ ) ҳосил бўлади. Бу майдонлар ўзаро тенг, яъни

$$\Omega_{ABCD} = \Omega_{A'B'CD}. \quad (4.57)$$

У ҳолда  $t_1$  вақт ичида шу  $A$  нуқтадаги ўрталаштирилган горизонтал ташкил этувчи тезлик  $\bar{u}_1$  ни; худди шу усулда  $t_2$  вақт учун  $\bar{u}_2$  ни;  $t_3$  учун  $\bar{u}_3$  ва ҳоказоларни оламиз. Бу олган тезликларимиз  $\bar{u}_1, \bar{u}_2, \bar{u}_3, \dots$  фазонинг бирор берилган нуқтасида вақт ўтиши билан ўрталаштирилган маҳаллий тезлик деб аталади. Шу тариқа бошқа нуқталар учун, масалан,  $B$  нуқтаси учун (4.11-рasmга қаранг) ўрталаштирилган маҳаллий тезликларни олиш мумкин. Агар шу ўрталаштирилган маҳаллий тезликлар, бирор-бир нуқта учун вақт ўтиши билан ўзгармас бўлса, бундай ҳаракат барқарор ҳаракат деб аталади (4.126-рasmга қаранг), у ҳолда


$$\bar{u}_1 = \bar{u}_2 = \bar{u}_3 = \dots = \bar{u}_n = \text{const} \text{ (вақт ўтиши билан)}. \quad (4.58)$$

Агар шу ўрталаштирилган маҳаллий тезликлар, бирор-бир нуқта учун вақт ўтиши билан ўзгарувчан бўлса (ҳам миқдори, ҳам йўналиши бўйича) бундай ҳаракат беқарор ҳаракат деб аталади, у ҳолда

$$\bar{u}_1 \neq \bar{u}_2 \neq \bar{u}_3 \neq \dots \text{ (вақт ўтиши билан)}. \quad (4.59)$$

Агар 4.126-рasmда кўрсатилганидек, вақт ўтиши билан нуқтадаги тезликларнинг ўзгаришини графигида  $u = f(t)$  деб олсак, у ҳолда берилган нуқтада ўрталаштирилган маҳаллий тезликнинг аналитик кўриниши қуйидагича ёзилади:

$$\bar{u} = \frac{1}{T} \int_0^T u dt, \quad (4.60)$$



4.13-расм.

яъни  $\bar{u}$  — асоси  $T$  бўлган тўғри тўртбурчакнинг баландлигига тенг (4.126- расм). Бу тўғри тўртбурчакнинг майдони, шу 4.126- расмдаги эгри чизиқ орқали ҳосил қилинган майдонга тенг. Берилган  $A$  нуқтадаги ҳақиқий актуал тезликнинг горизонтал ташкил этувчиси  $u_{ax}$  билан унинг ўрталаштирилган маҳаллий тезлиги  $\bar{u}$  ўртасидаги фарқ горизонтал ташкил этувчи тезликнинг пульсацияси деб аталади:

$$u_{ax} = \bar{u} + u'_x. \quad (4.61)$$

Тезликнинг вертикал ташкил этувчисининг пульсациясини қараб чиқсак (4.13- расм), унда суюқликнинг барқарор ҳаракати учун  $t$  вақт ичида  $d\omega$  элементар майдончадан пастига ва юқорига ўтган сувнинг ҳажми  $dV$  ўзаро тенг бўлади

$$dV \uparrow = dV \downarrow, \quad (4.62)$$

бундан келиб чиқадики, актуал тезликнинг вертикал ташкил этувчисининг ўрталаштирилган маҳаллий тезлиги

$$\bar{u}_y = 0, \quad (4.63)$$


вертикал ташкил этувчи тезликнинг пульсацияси

$$u_{ay} = \bar{u}_y + u'_y = 0 + u'_y = u'_y. \quad (4.64)$$


Бундан кўринадики, суюқлик оқимининг нуқтадаги актуал тезлигининг вертикал ташкил этувчиси унинг тезлик пульсациясига тенг:



а) қадвр



б) очик узун



4.14-расм.

$$u_{ay} = u'_y. \quad (4.65)$$

**Ламинар ҳаракат қатламчаси.** Суюқлик оқимининг турбулент ҳаракати пайтида суюқликнинг ўзан туби (девори) билан учрашган жойида (девор қандай бўлишидан — силлик ёки ғадир-будурлигидан қатъи назар) жуда ҳам юпқа ламинар ҳаракат қатламчаси ҳосил бўлади. Бу қатламчада унинг қалинлиги бўйича тезликларнинг тақсимланиши тўғри чизик қонунига бўйсунди. Бу қатламча 4.14-расмда келтирилган.

Бу ерда  $\delta$  — ламинар ҳаракат қатламчасининг қалинлиги, унинг ўлчами мм.дан ҳам кичик бўлади. Мазкур қатламчани Л. Прандтль ихтиро этган. Бу билан табиатнинг яна бир қонуни кашф этилган, яъни гидравликада турбулент оқимининг кўндаланг кесими юзасининг майдони бўйича нуқталардаги ўрталаштирилган тезликларнинг тақсимланиши соҳасида шу пайтгача маълум бўлмаган янгилик яратди. Бу янгилик гидро- ва аэродинамикада улкан аҳамиятга эга.


**Гидравлик силлик ва ғадир-будур ўзан девори.** 4.15-расмдан кўриниб турибдики,

$$\delta > \bar{\Delta}, \quad (4.66)$$

бу ҳолда ўзан девори гидравлик силлик бўлади (4.15а-расм). Агар

$$\delta < \bar{\Delta} \quad (4.67)$$

бўлса, ўзан девори ғадир-будур ҳисобланади (4.15б-расм). Бу ерда  $\bar{\Delta}$  — ўзан девори ғадир-будурлиги-



4.15-рasm.

нинг ўртача геометрик баландлиги,  $\bar{\Delta} = f(d_n, \nu, \dots)$ ;  $\delta$  — ламинар ҳаракат қатламчасининг қалинлиги. Шунинг айтиб ўтиш керакки, О. Рейнольдс сони катталашини билан ламинар қатламчанинг қалинлиги кичиклашиб боради, аммо ҳар доим нолдан катта бўлади. Бунда, силлиқ ва ғадир-будур тушунчаси нисбий тушунча бўлиб, берилган бирор деворнинг ўзгармас ғадир-будурлиги учун О. Рейнольдс сонининг катта-кичиклигига қараб силлиқ ( $Re$  сони кичик бўлган ҳолда,  $Re < Re_{кр}$ ) ва ғадир-будур бўлиши мумкин ( $Re$  сони катта бўлганда,  $Re \gg Re_{кр}$ ).

#### 4.8- §. ОҚИМ КЎНДАЛАНГ КЕСИМИНИНГ МАЙДОНИ БЎЙИЧА НУҚТАЛАРДАГИ ЎРТАЛАШТИРИЛГАН ТЕЗЛИКЛАРНИНГ ТАҚСИМЛАНИШ ФОРМУЛАЛАРИ

Турбулент ҳаракат учун оқимнинг кўндаланг кесими юзасининг майдони бўйича тезликларнинг тақсимланиш тенгламалари кўп. Улар назарий ва тажрибавий йўллар билан олинган. Бу тенгламалар ярим назарий, ярим эмпирик ҳисобланади. Улар қуйидагилар:

А. Логарифм қонуни асосида олинган тезликларнинг тақсимланиш формулалари, улардан:

а) гидравлик силлиқ девор учун

1. Л. Прандтль формуласи

$$\frac{v_{\max} - v}{v_*} = \frac{1}{\kappa} \ln \frac{r}{r-y}, \quad (4.68)$$

бу ерда  $v_* = \sqrt{gRJ}$  — динамик тезлик, бошқача қилиб айтганда, уринма ишқаланиш тезлиги  $v_* = \sqrt{\frac{\tau_0}{\rho}}$ ;  $\kappa^{*1}$  — Карманнинг универсал ўзгармас коэффициентиди. Карманнинг тажрибаси бўйича  $\kappa = 0,36-0,435$ ; Л. Прандтль тажрибаси бўйича  $\kappa = 0,435$ ; охириги изланишларга қараганда, масалан: Г. А. Гуржиенко тажрибаси бўйича  $\kappa = 0,440$ ; А. Ю. Умаров тажрибаси бўйича  $\kappa = 0,46$ ; И. Никурадзе тажрибаси бўйича  $\kappa = 0,40$ ; Г. В. Железняков тажрибаси бўйича  $\kappa = 0,54$  ва ҳоказо. Ф. А. Шевелев тажрибаси бўйича эса,  $\kappa$  ўзгарувчан бўлиб, масалан, қувурнинг диаметрига боғлиқ

$$\kappa = \frac{0,337}{d^{0,08}}. \quad (4.69)$$

## 2. Л. Прандтль ва И. Никурадзе формуласи

$$\frac{u}{v_*} = 5,75 \lg \frac{(r-y)v_*}{\nu} + 5,5, \quad (4.70)$$

бу ерда  $r$  — қувурнинг радиуси;  $y$  — қувурнинг ўқидан тезлик ўлчанаётган нуқтагача бўлган масофа;  $v_* = \sqrt{\frac{\tau_0}{\rho}}$  — муҳим белги, барқарор текис илгариланма ҳаракатнинг асосий тенгламасидан қуйидагича олинади:

$$\frac{\tau_0}{\gamma} = \frac{\tau_0}{\rho g} = RJ; \quad (4.71)$$

$$v_* = \sqrt{\frac{\tau_0}{\rho}} = \sqrt{gRJ}, \quad (4.72)$$

б) гадир-будур девор учун

### 1. Л. Прандтль формуласи

$$\frac{u}{v_*} = 5,75 \lg \frac{r-y}{\Delta} + A_w, \quad (4.73)$$

\*) Гидравлика фанида Карман коэффициенти жаҳон миқдосида юнон алфавитда каппа ҳарфи билан ифодаланган, дарсликда унинг ўрнига кирил алфавитидаги к (кичик «ка») ҳарфи ишлатилган, чунки компьютерда шундай қабул қилинган.

бунда  $\Delta$  — ғадир-будурликнинг ўртача геометрик баландлиги;  $A_{\text{III}}$  — ўзан туби ғадир-будурлигининг микро- ва макрошаклига боғлиқ коэффициент (микрошакли ғадир-будур ўзан учун  $A_{\text{III}}=8,5$ ).

2. А. Д. Альтшул формуласи

$$\frac{u}{u_{\text{max}}} = 1 - 2 \left[ \frac{\lg \frac{r}{y}}{\frac{0,975}{\sqrt{\lambda}} + 1,35} \right], \quad (4.74)$$

бу ерда  $u$  — қувурнинг ўқидан то тезлик  $u$  ўлчанаётган нуқтагача бўлган оралик;  $r$  — қувурнинг радиуси;  $u_{\text{max}}$  — тезликнинг энг катта (максимал) миқдори,  $u$  қувур ўқида жойлашган бўлади;  $\lambda$  — гидравлик ишқаланиш коэффициенти.

Б. Даража кўрсаткич функцияси кўринишида олинган тезликларнинг тақсимланиш формуллари, улардан:

а) гидравлик силлиқ девор учун

1. Карман формуласи (1921 й.)

$$u = u_{\text{max}} \left( 1 - \frac{y}{r} \right)^{\frac{1}{m}}, \quad (4.75)$$

бу ерда  $r$  — қувурнинг радиуси;  $y$  — қувур ўқидан то тезлик ўлчанаётган нуқтагача бўлган масофа;  $\frac{1}{m}$  — даража кўрсаткичи, у О. Рейнольдс сонига боғлиқ. А. Д. Альтшул даража кўрсаткичи  $\frac{1}{m}$  ни

$$\frac{1}{m} = 0,90\sqrt{\lambda} \quad (4.76)$$

деб қабул қилган.

Очиқ ўзанлар учун тезлик тенгламасининг умумий кўриниши қуйидагича:

$$\frac{u_{\text{max}} - u}{v_*} = \frac{1}{\kappa} \lg \left( \frac{h}{y} \right), \quad (4.77)$$

ёки

$$u = u_{\text{max}} - \frac{v_*}{\kappa} \lg \left( \frac{h}{y} \right). \quad (4.78)$$

## 2. А. М. Латиненков формуласи

$$u = u_{\max} \left( \frac{y}{h} \right)^m, \quad (4.79)$$

$\frac{1}{m}$  — даража кўрсаткичи, уни Г. В. Железняков формуласидан аниқлаш мумкин

$$m = \frac{C_b}{\sqrt{g}} \left( \frac{2\sqrt{g}}{\sqrt{g} + C_b} + 0,30 \right), \quad (4.80)$$

бунда  $C_b$  — вертикалдаги А. Шези коэффициентлари.

б) гадир-будур девор учун

3. А. Ю. Умаров формуласи, микро- ва макрошаклли гадир-будурликлар учун

$$\frac{u}{u_{\max}} = \left( \frac{y}{h} \right)^n, \quad (4.81)$$

бунда  $\frac{1}{n} = m$  — даража кўрсаткичи, у гидравлик ишқаланиш коэффициенти  $\lambda$  га боғлиқ

$$m = \frac{\sqrt{\lambda}}{0,596}. \quad (4.82)$$

(4.82) тенгламани (4.81) тенгламага қўйсак

$$\frac{u}{u_{\max}} = \left( \frac{y}{h} \right)^{\frac{\sqrt{\lambda}}{0,596}}, \quad (4.83)$$

Макрошаклли гадир-будурликлар учун (В. С. Кнороз ва А. Ю. Умаров назарияси ҳамда тажрибалари бўйича)

$$\frac{u}{u_{\max}} = \left( \frac{y}{h} \right)^{\frac{1}{5}}, \quad (4.84)$$

бу ерда  $y$  — ўзан тубидан то тезлик ўлчанаётган нуқтагача бўлган масофа;  $u_{\max}$  — максимал тезлик (очиқ ўзан учун  $u_{\max}$

сув сатҳига яқин чуқурликда бўлади);  $h$  — суюқлик оқимининг чуқурлиги.

#### 4.9- §. ТУРБУЛЕНТ ҲАРАКАТДАГИ СУЮҚЛИК ОҚИМИНИНГ УЗУНЛИГИ БЎЙИЧА ЙЎҚОТИЛГАН НАПОР. ДАРСИ–ВЕЙСБАХ КОЭФФИЦИЕНТИ. ГИДРАВЛИК ИШҚАЛАНИШ КОЭФФИЦИЕНТИ

Юқорида айтилганидек, ўзанининг узунлиги бўйича йўқотилган напор (горизонтал напорли қувурда текис илгариланма турбулент ҳаракат бўлганда) оралиги  $l$  га тенг бўлган оқимнинг икки, 1–1 ва 2–2 кўндаланг кесимида ўрнатилган пьезометрлар кўрсаткичларининг фарқига тенг (4.3- расмга қаранг):

$$\frac{p_1}{\gamma} - \frac{p_2}{\gamma} = h_f. \quad (4.85)$$

Агар ногоризонтал напорли қувурда текис илгариланма турбулент ҳаракат бўлса, йўқотилган напор (4.6) формуладан аниқланади.

Агар ҳаракат барқарор нотекис бўлса, у ҳолда  $h_f$  (4.2) ёки (4.5) тенгламадан аниқланади. Бу ерда  $h_f$  — суюқлик ҳаракати пайтида тўлиқ йўқотилган напор, у икки кўринишдаги йўқотилган напор йиғиндисидан ташкил топган

$$h_f = h_{f1} + \Sigma h_{f2}, \quad (4.86)$$

бу ерда  $h_{f1}$  — ўзанининг узунлиги бўйича ишқаланиш натижасида йўқотилган напор (энергия), у Дарси–Вейсбах формуласидан аниқланади:

$$h_{f1} = \lambda \frac{l}{D} \cdot \frac{v^2}{2g}, \quad (4.87)$$

ёки

$$h_{f1} = \lambda \frac{l}{4R} \cdot \frac{v^2}{2g}, \quad (4.88)$$

бунда  $\lambda$  — ўзанининг узунлиги бўйича гидравлик ишқаланиш коэффиенти;  $l$  — ўзанининг қаралаётган бўлагининг

узушлиги;  $R$  — гидравлик радиус;  $\Sigma h_j$  — маҳаллий қаршиликлар таъсирида маҳаллий йўқотилган напор, масалан, маҳаллий қаршиликларга қўйидагилар киради: ўзанинг узушлиги бўйича бирдан кенгайиши ва торайиши, жўмрак, тирсак ва ҳоказо

$$\Sigma h_j = \Sigma \xi_j \frac{v^2}{2g}, \quad (4.89)$$

бунда  $\xi_j$  — маҳаллий қаршилик коэффициенти,  $\Sigma \xi_j$  — унинг йигиндиси. (4.87), (4.88) ва (4.89) тенгламалардан кўришиб турибдики, турбулент ҳаракатдаги оқимда тўлиқ йўқотилган напор, оқимнинг кўндаланг кесими бўйича ўртача тезлигининг иккинчи даражасига тўғри пропорционал. Оқимнинг узушлиги бўйича йўқотилган напорни (4.88) тенгламадан ҳисоблаш учун гидравлик ишқаланиш коэффициентининг қийматини аниқлаш керак, бу узлуксиз муҳит механикасининг энг мураккаб муаммоларидан бири ҳисобланиб, шу кунгача ҳали тўлиқ назарий ечими топилмаган. Гидродинамикада ҳозирча бу муаммо асосан, тажриба усулида ҳал қилинмоқда. Бу соҳада А. Н. Патрашев, И. И. Леви, А. П. Загжда, В. С. Кнороз, В. Н. Гончаров, А. Д. Альтшул ва бошқалар кўп иш қилишган, умуман улар гидравлика ва гидродинамика соҳасида йирик олимлар ҳисобланадилар, уларнинг гидравликада кўрсатган хизматлари ва бажарган ишларининг натижалари аллақачондан бери амалда қўлланма бўлиб келяпти. Масалан, Р. Тейлор, Карман, Л. Прандтль, Ф. Форхгеймерларнинг оқимнинг кўндаланг кесими бўйича тезликларининг тақсимланиш тенгламаси, ламинар ҳаракат қатламчаси назарияси шунга далилдир. Шунингдек Л. Прандтль ва И. Никурдзе, Кольбрук, И. И. Леви, Г. А. Мурин, В. С. Кнороз, В. Н. Гончаров, А. П. Зегжда, А. Ю. Умаров ва бошқаларнинг барча зона ва қаршилик областлари учун ишлаб чиқилган гидравлик ишқаланиш коэффициентини аниқлаш номограммалари ва ўзан ғадир-будурлигини аниқлаш усуллари шулар жумласидандир.

Юқорида кўрсатилган олимларнинг тажрибаларидан кўринадики, оқим ҳаракати пайтида унинг узушлиги бўйича йўқотилган напор кўп сабабларга боғлиқ экан, масалан, оқимнинг ўртача тезлигига, оқимнинг кўндаланг кесими-

нинг майдонини гидравлик элементларига, суюқликнинг қовушоқлигига ва зичлигига, ўзан туби ва деворларининг микро- ва макрошаклли гадир-будурлигига, қаралаётган ўзаннинг узунлигига ва ҳоказо. Шу тажрибаларни назарда тутган ҳолда, текис илгариланма ҳаракатнинг асосий тенгламасидан  $\frac{\tau_0}{\rho}$  ни тезлик напори орқали қуйидагича ифодалаш мумкин, у ҳолда

$$\tau_0 = \frac{\lambda}{4} \frac{v^2}{2g}, \quad (4.90)$$

бу ерда  $\frac{\lambda}{4}$  — эмпирик пропорционаллик коэффициент. (4.90) тенгламани (4.35) тенглама билан солиштирсак

$$RJ = \frac{\lambda}{4} \cdot \frac{v^2}{2g}, \quad (4.91)$$

бунда  $J = \frac{h_l}{l}$  ни назарда тутсак, у ҳолда оқимнинг барқарор текис илгариланма ҳаракати учун унинг узунлиги бўйича йўқотилган напор тенгламасини умумий кўринишда оламиз

$$h_l = \lambda \frac{l}{4R} \cdot \frac{v^2}{2g}, \quad (4.92)$$

бу ерда  $l$  — қаралаётган оқимнинг узунлиги;  $R$  — гидравлик радиус. Доиравий қувур учун  $D = 4R$ , у ҳолда (4.92) тенгламани қуйидагича ёзамиз:

$$h_l = \lambda \frac{l}{D} \cdot \frac{v^2}{2g}. \quad (4.93)$$

(4.92) ва (4.93) тенгламалар Дарси – Вейсбах тенгламаси деб аталади. Бу ерда  $\lambda$  — ўлчам бирлигига эга бўлмаган физик аниқ коэффициент, гидравликада  $\lambda$  гидравлик ишқаланиш коэффициенти деб аталади, қолган ҳадлари маълум. Доиравий қувурдаги напорли, ламинар ҳаракат учун юқорида назарий йўл билан (4.56) тенглама олинган. Қуйида турбулент ҳаракат учун  $\lambda$  ни ҳисоблаш тенгламаларини келтирамиз. Кейинги вақтларда қатор



олимлар томонидан  $\lambda$  ни ҳисоблаш формулалари, умуман, унинг О. Рейнольдс сонига ва ўзанинг ғадир-будурлигига боғлиқ эканлиги исботланган:

$$\lambda = f \left( \text{Re}, \frac{R}{\Delta}, \xi \right). \quad (4.94)$$

Напорли турбулент ҳаракат учун қуйида  $\lambda$  ни ҳисоблаш формулаларини келтирамиз:

а) гидравлик силлиқ девор учун:

1. Л. Прандтль формуласи (1932 й)

$$\frac{1}{\sqrt{\lambda_D}} = 2 \lg(\text{Re}_D \sqrt{\lambda_D}) - 0.80. \quad (4.95)$$

2. Х. Блазиус формуласи (1913 й.)

$$\lambda = \frac{0.3164}{\text{Re}_D^{0.25}}, \quad (4.96)$$


б) ғадир-будур девор учун  $\lambda$  ни ҳисоблаш формулалари юқорида номлари зикр этилган олимлар томонидан ишлаб чиқилган.

Қуйида улардан айримларини, яъни амалда татбиқ этиладиганларини келтирамиз.

#### 4.10- §. ҚУВУРЛАРДА СУЮҚЛИК ОҚИМИНИНГ НАПОРЛИ ХАРАКАТИ

**И. Ниқурадзе тажрибаси (1933 й.).** И. Ниқурадзе биринчи бўлиб диаметри  $D$  бўлган оддий доиравий қувурда тажриба ўтказган. Қувурда оралиғи  $l$  бўлган 1–1 ва 2–2 кесимларда  $\Pi_1$  ва  $\Pi_2$  пьезометрлар ҳамда  $Ж$  жўмрак ўрнатилган (4.16-расм).  $Ж$  жўмрак ёрдамида қувурдаги суюқлик ҳаракатининг  $v$  тезлигини хоҳлаганча ўзгартириш мумкин. Аммо ҳар бир қувурда ҳосил этилган тезликни ўлчаш учун ўрнатилган  $\Pi_1$  ва  $\Pi_2$  пьезометрлар ёрдамида ўша қувурнинг  $l$  узунлиги бўйича йўқотилган напор  $h_f$  аниқланган. Бунда И. Ниқурадзе гидравлик ишқаланиш коэффициентини (4.93) тенгламага асосан қуйидагича қулай ҳолга келтирган:

$$\lambda = \frac{h_f}{l} 2g \frac{D^3}{v^2} \frac{1}{\text{Re}_D^2}. \quad (4.97)$$




4.16-расм.

Тажрибада  $h_p$ ,  $v$ ,  $\nu$  ларни ўлчаб,  $\lambda$  ни (4.97) тенглама ёрдамида ҳисоблаган. Мазкур тажрибалар доиравий қувурда, унинг ички периметри сатҳи тенг заррачали текис жойлашган (ёпиштирилган) қумлардан ташкил топган гадир-будурликлардан иборат узанда ўтказилган. И. Никурадзе қурилмасидаги гадир-будурликлар бир хил ўлчамдаги қумлардан иборат бўлиб, улар қувурнинг ички деворига бири-бирига нисбатан бир хил оралиқда бир текис баландликда жойлашган. Буни И. Никурадзе ўз мақоласида қуйидагича тушунтиради: диаметри  $d = 0,80$  мм бўлган бир ўлчамли қумни олиш учун икки хил, диаметри  $d_1 = 0,78$  ва  $d_2 = 0,82$  мм ли элакдан қум аралашмасини элаб ўтказган. Бошқа тажрибада ишлатилган қумларнинг диаметрларини ҳам худди шундай усулда элаб олган. Ўзининг тажрибаларидан олинган натижаларни И. Никурадзе алоҳида номограммага туширган (4.17-расмга қаранг), бунда ордината ўқига  $\lg(100\lambda_p)$ , абсциссалар ўқига эса  $\lg Re_p$  миқдорлари қўйилган. Шу номограммада қатор эгри ва тўғри чизиқлар мавжуд, уларнинг ҳар бири аниқ бир нисбий гадир-будурликка эга, яъни

$$\left(\frac{k}{r_0}\right), \quad (4.98)$$

бу ерда  $k$  — абсолют гадир-будурлик, И. Никурадзе буни қувурнинг ички сатҳи юзасининг ҳақиқий геометрик характеристикаси, яъни шу қувурнинг ички деворига ёпиштирилган қумларнинг геометрик баландлиги этиб қабул




4.17-расм.

қилган,  $k = \frac{d}{2}$  (4.16-расм);  $r$  — қувурнинг радиуси. Бу номограмма (4.17-расм) бизга гидравлик ишқаланиш коэффициенти  $O$ . Рейнольдс сонига ва ўзанинг нисбий ғадирбудурлигига боғлиқлигини яққол кўрсатади:

$$\lambda = f\left(\text{Re}, \frac{r}{k}\right). \quad (4.99)$$

Бундан ташқари И. Никуралдзе ўз тадқиқотларида график тузиш ёрдамида яна бошқа муҳим бир натижани олади. Бу графикнинг координаталари қуйидагича:  $\frac{1}{\sqrt{\lambda}} - 2 \lg \frac{r}{k}$  ва  $\lg \frac{v_* k}{\nu}$  (4.18-расм). Бу график (4.18-расм)да зона ва қаршилик областларининг чегаралари аниқланган. И. Никуралдзе номограммаси (4.17-расм) жуда қулай шаклда бўлиб, суюқлик ҳаракати пайтида йўқотилган напор тўғрисидаги муаммони умумлаштирган ва у қуйидаги натижаларни яққол кўрсатган:

1) гидравлик ишқаланиш коэффициенти  $\lambda$  умумий кўринишда  $O$ . Рейнольдс сони ва  $\frac{r}{k}$  ўзан деворининг ғадирбудурликларига боғлиқ;



4.18-расм.

2) суюқлик ҳаракатининг хусусий ҳоллари мавжуд эканлигини ҳисобга олсак, у ҳолда ҳар бир хусусий ҳол учун гидравлик ишқаланиш коэффициенти фақат  $Re$  га ёки фақат  $\frac{r}{k}$  га боғлиқ бўлади;

3) аниқ бир-бири билан боғлиқ бўлган  $\lambda$  ва  $Re$  лар учун зона ва областлар мавжуд, улар учун  $h_f$  йўқотилган напор  $v$  ўртача тезликнинг  $m$  даражасига тўғри пропорционал

$$h_f \propto v^m; \quad (4.100)$$

бу ерда  $m$  — даража кўрсаткичи, ҳар бир зона ва областлар учун мутлақо аниқ миқдор,  $m = 1 \dots 2$ . И. Никурадзе нограммасидан фойдаланиб (4.17-расм), чапдан ўнгга биринчи тўғри чизиқни I билан белгилаймиз, бу Ж. Пуазейлнинг назарий (4.56) тенгламасини тасдиқлайди (расмдаги 1–2–3 чизиқ), уни ламинар ҳаракатнинг тўғри чизиғи дейилади ёки Ж. Пуазейл тўғри чизиғи дейилади: иккинчи тўғри чизиқ II, бу Х. Блазиуснинг назарий (4.96) тенгламасини тасдиқлайди (расмдаги 2–4–5 чизиқ), бу чизиқ Х. Блазиус тўғри чизиғи дейилади. И. Никурадзе графигининг барча майдонини учта зонага бўлиш мумкин.

**Биринчи зона.** Бу зона ламинар ҳаракат зонаси дейилади (4.17-расмдаги 1–2–3 тўғри чизиқ ёки I тўғри чизиқ, бу Ж. Пуазейл чизиғи дейилади). Бу зона учун:

а) О. Рейнольдс сони  $Re_{кр}$  дан кичик;

б) йўқотилган напор ўзанининг гадир-будурлигига боғлиқ эмас, чунки ҳар хил гадир-будурликларга тегишли  $\lambda = f(Re)$  эгри чизиқлар келиб шу ламинар ҳаракатни ифодаловчи 1–2–3 тўғри чизиққа қўшиляпти. Бу зона I да  $\lambda$  Ж. Пуазейл формуласи (4.56) ёрдамида ҳисобланади. Бунда 64 сони фақат доиравий шаклдаги қувур учун олинган. Бошқа шаклдаги қувурлар учун 64 сони ўрнига бошқа ўзгармас сон олинади;

в) йўқотилган напор оқим тезлигининг биринчи даражасига тўғри пропорционал

$$h_f \propto v^m, \quad \text{бу ерда } m = 1. \quad (4.101)$$

**Иккинчи зона.** Бу зонани номуустаҳкам зона ёки «алмашиш» зонаси дейилади (4.17-расмда III ва IV вертикалларнинг оралиғи). 4.17-расмда C зонага қаранг. Бу зонада ламинар ҳаракат турбулент ҳаракатга ўтиши мумкин ва аксинча, турбулент ҳаракат ламинар ҳаракатга ўтиши мумкин. Бу ерда О. Рейнольдс сони  $1000 \div 2320$  дан то  $4000 \div 40000$  гача бўлиши мумкин. Бу зона «ўтувчи зона» бўлиб қолмасдан, унда ҳам ламинар (1–2–3 чизиқ), ҳам турбулент ҳаракат (5–4–2 чизиқ) пайдо бўлиши мумкин. Шунинг учун бу зонани «алмашиш» зонаси деб атайдилар. Бу ҳолиса 4.2-§ да муфассал ёритилган (4.8-расм).

**Учинчи зона.** Бу зона турбулент ҳаракат зонаси дейилади. У IV вертикалдан ўнг томонда жойлашган. Бу зона ўз ҳолича учта областга бўлинади.

Биринчи област — ўзан девори гидравлик силлиқ област; 4.17-расмдаги 2–4–5 тўғри чизиғи ёки II чизиқ, кўпинча бу Х. Блазиус чизиғи деб аталади. Бу областда:

а) йўқотилган напор оқим тезлигининг 1,75 даража кўрсаткичига тўғри пропорционал

$$h_f \propto v^m, \quad \text{бунда } m = 1,75. \quad (4.102)$$

б)  $h_f$  йўқотилган напор фақат  $Re$  га боғлиқ, гадир-будурликка боғлиқ эмас. Л. Прандтль ва Х. Блазиус тенгламаларига қаранг [(4.95) ва (4.96) тенгламалар].

$$h_f = f(Re). \quad (4.103)$$

Узан девори гидравлик силлиқ деган тушунчани шартли тушунча деб қараш керак, чунки қандайдир бирон ўзига хос шароитда ҳар бир ғадир-будур узаннинг девори ўзини силлиқ «тутади». Бу ҳол 4.17 ва 4.18-расмларда, номограммада исботланган. Бундай шароитда ўзанларда ўтказилган тажрибалардаги ғадир-будурлик гидравлик силлиқ девор учун олинган қаршилик қондасига бўйсунди. Ўзандаги оқим тубида ламинар ҳаракат қатламчаси мавжудлиги буни тўла тасдиқлади.

Иккинчи област — ўзан девори гидравлик силлиқ областидан тўлиқ ғадир-будур областга ўтиш, яъни иккинчи даражали қаршилик областига ўтиш области, у 4.17-расмдаги туғри чизиқ (II ёки 2–4–5) чизиқ билан АВ туғри чизиги уртасида жойлашган (D областига қаранг). Бу ерда йўқотилган напор, формуласидаги, гидравлик шикаланиш коэффиценти О. Рейнольдс сонига ҳамда нисбий ғадир-будурликка боғлиқ

$$\lambda = f\left(\text{Re}, \frac{r_0}{k}\right). \quad (4.104)$$

Бу ўтиш областида чизиқлар эгри бўлиб, О. Рейнольдс сони ўсиши билан ва ламинар ҳаракат қатламчасининг қалинлиги юпқаланиб борган сари ғадир-будурликлар шу ламинар қатламчадан юқорига кутарилаверади, у ҳолда бу эгри чизиқлар II ёки 2–4–5 туғри чизиқдан ажралаётган чоғида озгина пасайиб, кейин кутарила бошлайди. Бундай кутарилишга сабаб узан туби деворидаги ғадир-будурлик оқим тубидаги ламинар қатламчадан кутарилиб  $\Delta > \delta$  бўлиб қолгани учун гидравлик қаршиликнинг кўпайгани натижасидадир.

Учинчи област — узан девори тўлиқ ғадир-будур област, яъни иккинчи даражали қаршилик области, (кўпаб адабиётларда бу област автомодел области деб юритилади). Бу област АА чизигидан унга жойлашган (4.17-расмда E областига қаранг). Бу областида:

а) йўқотилган напор оқим тезлигининг иккинчи даражасига туғри пропорционал

$$h_f \propto v^m, \quad \text{бунда } m = 2; \quad (4.105)$$

б) гидравлик ишқаланиш коэффициентини  $\lambda$  О. Рейнольдс сонига боғлиқ эмас, шунинг учун 4.17-расмда АА тўғри чизигидан ўнг томондаги  $\frac{h_f}{k}$  гадир-будурликларга тегишли ҳамма горизонтал чизиқлар тўғри ва горизонтал ўққа параллел;

в)  $h_f$  ва  $\lambda$  фақат нисбий гадир-будурликка боғлиқ

$$\lambda = f\left(\frac{r}{k}\right). \quad (4.106)$$

*И. Никурадзе тажрибаларидан шундай хулоса келиб чиқадики, иншоотларни гидравлик ҳисоблашда қандай суюқлик бўлишидан қатъи назар, гидравликанинг формулаларини бир хилда қўллаш мумкин экан.* И. Никурадзе номограммасидан келиб чиқиб йўқотилган напорни ҳисоблашда фақат сувни эмас, умуман суюқликлар (сув, нефть, ёғ ва бошқалар, аномал суюқликлардан ташқари) ни назарда тутиш керак, уларнинг ҳаракати, ўлчов бирлиги бўлмаган комплекс О. Рейнольдс сонининг аниқ миқдори билан характерланади. И. Никурадзенинг гадир-будур ўзанлар учун ишлаб чиққан формулалари ва уларнинг қўлланиш чегараларини келтирамиз.

А. Ўзан девори гидравлик силлиқ области учун қўлланиш чегараси

$$\lg \frac{v_* k}{\nu} < 0,55,$$

гидравлик қаршилик коэффициентини ҳисоблаш формуласи

$$\frac{1}{\sqrt{\lambda}} = 2 \lg(\text{Re} \sqrt{\lambda}) - 0,80. \quad (4.107)$$

Б. Ўтиш области учун:

биринчи қўлланиш чегараси

$$0,55 < \lg \frac{v_* k}{\nu} < 0,85,$$

а) ҳисоблаш формуласи

$$\frac{1}{\sqrt{\lambda}} = 1,18 + 2 \lg \frac{r}{k} + 1,13 \lg \frac{v_* k}{v}; \quad (4.108)$$

иккинчи қўлланиш чегараси

$$0,85 < \lg \frac{v_* k}{v} < 1,15,$$

б) ҳисоблаш формуласи

$$\frac{1}{\sqrt{\lambda}} = 2 \lg \frac{r}{k} + 2,14. \quad (4.109)$$

В. Ўзан девори тўлиқ ғадир-будур бўлган ҳол, яъни иккинчи даражали қаршилиқ области учун қўлланиш чегараси

$$\lg \frac{v_* k}{v} > 1,83,$$

ҳисоблаш формуласи

$$\frac{1}{\sqrt{\lambda}} = 2 \lg \frac{r}{k} + 1,74. \quad (4.110)$$

Ишлаб чиқилган формулаларни амалда қўллаш ва уларни бошқа формулалар билан таққослаш осон бўлиши учун гидравлик ишқаланиш коэффициентини ҳамда О. Рейнольдс сонини қувурнинг  $D$  диаметри ва  $r$  радиуси орқали ифодаламасдан, улар ўрнини  $R$  гидравлик радиус билан алмаштириб, И. Никурадзе формулаларини бошқача кўринишда ёзамиз.

А. Ўзан девори гидравлик силлиқ области учун

$$\frac{1}{\sqrt{\lambda_R}} = 4,0 \lg(\text{Re}_R \sqrt{\lambda_R}) + 2,0. \quad (4.111)$$

Б. Ўтиш области учун

а) 
$$\frac{1}{\sqrt{\lambda_R}} = 4,0 \lg \frac{R}{k} + 5,48; \quad (4.112)$$



$$б) \quad \frac{1}{\sqrt{\lambda}} = 4,0 \lg \frac{R}{k} + 6,82 - 1,17 \lg \frac{v \cdot k}{\nu} \quad (4.113)$$

В. Ўзан девори тўлиқ ғадир-будур бўлганда, яъни иккинчи даражали қаршилиқ области учун

$$\frac{1}{\sqrt{\lambda}} = 4,0 \lg \frac{R}{k} + 4,68. \quad (4.114)$$

**Кольбрук тажрибаси** (1938 й.). Унинг бу тажрибалари напорли қувурда ўтказилган, унинг ички девори ҳар хил ўлчамли ғадир-будурликлардан иборат, яъни қувурнинг ички деворига диаметри ҳар хил бўлган қум ёништирилган. Кольбрук ўз тажрибасидан олган натижалари асосида суюқлик ҳаракатининг барча зона ва қаршилиқ областлари учун универсал формула ишлаб чиққан (4.19-расмга қarang)


$$\frac{1}{\sqrt{\lambda}} = -2 \lg \left( \frac{k_s}{3,7d} + \frac{2,51}{\text{Re} \sqrt{\lambda}} \right). \quad (4.115)$$

бунда  $k_s$  — қувур деворининг эквивалент ғадир-будурлиги.

Масалан, О. Рейнольдс сони чексизга интилса  $\text{Re} \rightarrow \infty$  Кольбрук формуласи И. Никурадзенинг (4.110) тенгламасига айланади. О. Рейнольдс сони кичик бўлса, қавс ичидаги биринчи қиймат иккинчисига қараганда жуда кичик бўлади, у ҳолда (4.115) формула И. Никурадзенинг (4.107) тенгламаси кўринишини олади (гидравлик силлиқ девор учун). Кейинги пайтларда Кольбрук формуласи амалда кенг кўламда қўлланиб, гидравлик ишқаланиш коэффициентини ҳисоблашда асос бўлди. Бунга мисол тариқасида А. Д. Альтшул формуласини келтириш мумкин:

$$\lambda = 0,11 \left[ \frac{k_s}{d} + \frac{68}{\text{Re}} \right]^{0,25}, \quad (4.116)$$

бундан кўриниб турибдики, (4.116) тенглама Кольбрук формуласининг хусусий ҳоли.



4.19-расм


Иккинчи даражали қаршилик области учун (4.115) формула (Кольбрук формуласи) соддалашади ва Л. Прандтль формуласи кўринишида бўлади

$$\lambda = \frac{0,25}{\left[ \lg \left( \frac{k_s}{3,7d} \right) \right]^2}. \quad (4.117)$$

Гадир-будур очик ўзанларда барқарор текис илгариланма турбулент ҳаракатдаги суюқликлар учун гидравлик ишқаланиш коэффициентини қараб чиқамиз.

#### 4.11-§. ОЧИҚ ЎЗАНЛАРДА СУЮҚЛИК ОҚИМИНИНГ НАПОРСИЗ ҲАРАКАТИ

**А. П. Зегжда тажрибаси (1935 й.).** А. П. Зегжда биринчи бўлиб ўзининг тажрибаларини гадир-будур очик ўзанда ўтказган. Бунда ўзан туби ва деворларининг гадир-будур-




4.20-расм.

лиги унга бир хил қум-тошларни ёпиштириш йўли билан ҳосил қилинган. А. П. Зегжда тажрибаларида ламинар ва турбулент ҳаракатлар ҳар хил ғадир-будурликларда ўрганилган. Шуниси эътиборга сазоворки, А. П. Зегжда тажрибаларида ғадир-будурликлар баландлиги  $k_z$  алоҳида гидравлик усулда, бошқалардан мутлақо фарқли ҳолда аниқланган. А. П. Зегжда ҳам ўзининг очиқ ўзанларда ўтказган тажрибалар натижаларини И. Никурадзе сингари номограмма шаклида ордината ўқига  $\lg(\lambda_R \cdot 10^3)$ , абсцисса ўқига  $\lg Re_R$  ни қўйиб, ажойиб бир график ҳосил қилган (4.20-расм). А. П. Зегжда графигида ҳам И. Никурадзе номограммасидек, ўша тўртта кўринишдаги тўғри чизиқ — I, II, III, IV чизиқлар мавжуд; учта зона ва учта область ва уларнинг чегаралари тасдиқланган (4.21-расм).

Шундай қилиб, А. П. Зегжда ўз тажрибаларининг натижаси асосида барча зона ва областлар учун тузилган номограммадан фойдаланиб қуйидаги тенгламаларни ишлаб чиққан.

А. Турбулент ҳаракат зонасидаги гидравлик силлиқ девор области учун

$$\frac{1}{\sqrt{\lambda_R}} = 4,0 \lg(\text{Re}_R \sqrt{\lambda_R}) + 2,0. \quad (4.118)$$



4.21-расм.

Б. Турбулент ҳаракат зонасидаги ўтиш  
области учун

$$а) \quad \frac{1}{\sqrt{\lambda_R}} = 4,0 \lg \frac{R}{k} + 5,75; \quad (4.119)$$

$$б) \quad \frac{1}{\sqrt{\lambda_R}} = 4,0 \lg \frac{R}{k} + 9,65 - 4,0 \lg \left( \frac{v_* k}{\nu} \right)^{0,81}. \quad (4.120)$$


В. Ўзан девори тўлиқ ғадир-будур бўлган  
ҳол, яъни иккинчи даражали қаршилик обла-  
сти учун

$$\frac{1}{\sqrt{\lambda_R}} = 4,0 \lg \frac{R}{k} + 4,25. \quad (4.121)$$

И. Никурадзе тажрибаларидан олинган натижаларни  
А. П. Зегжда тажрибалари натижалари билан таққосласак,  
иккала ҳолда ҳам номограммалар кўриниши шаклан бир-  
бирига ўхшаш (4.17 ва 4.20-расмлар). Барча зона ва област-  
лар учун ишлаб чиқилган тенгламалар бир-биридан жуда  
кам фарқ қилади. А. П. Зегжда фикрича, бу фарқ тажриба  
пайтида очик ўзанларда ўлчанган гидравлик элементлар  
аниқлигига нисбатан паст даражада бўлгани (очик ўзанда

қувурга нисбатан сувнинг сатҳи текис бўлмаганлиги) сабабли рўй бериши мумкин. Бундан ташқари И. Никурадзе тажрибасида ғадир-будурликни ҳосил қилиш учун бир хил ўлчамли қумлар ишлатилган. А. П. Зегжда тажрибасида эса бу қум-тошлар И. Никурадзе қурилмасидагидек деярлик бир хил ўлчамли бўлмаган.

**А. Ю. Умаров тажрибаси** (1962 й.). А. Ю. Умаров биринчи бўлиб тажрибаларини очиқ ўзанларда қум-тошларнинг ҳаракати пайтида ўтказган. Бу тажрибалар туби қум-тошлардан иборат ғадир-будур очиқ ўзанларда ўтказилган. Шу тарзда кўплаб тажрибалар лабораторияда ва дала шароитларида, табиий ўзанларда, дарёларда ва каналларда ўтказилган. Уларнинг А. П. Зегжда тажрибаларидан фарқи шундаки, А. П. Зегжда тажриба ўтказётган ўзанга ғадир-будурлик ҳосил қилиш учун қумлар ёпиштирилган, яъни бу ғадир-будурлик суюқлик ҳаракати таъсирида ҳаракатланмаган. А. Ю. Умаров тажрибаларида эса қум-тошлар ўзан тубига ҳам бириктирилган (ёпиштирилган), ҳам бириктирилмаган (ёпиштирилмаган), бириктирилмаганлари тажриба пайтида ҳаракатда бўлган. Албатта, қум-тошлар ҳаракатда бўлган ҳолда тажрибалар шундай эҳтиёткорлик билан ўтказилганки, ундаги ўлчанган гидравлик элементлар ҳаракат жараёнларида кинолентага олинган. Кейин бу тажрибаларни хонада экранга тушириш усули билан оқимнинг барча гидродинамик элементлари ўлчаб олинган ва ҳисоблаб чиқилган. Тажриба пайтида ўзанда барқарор текис илгариланма турбулент ҳаракат ташкил этилган, шу онда қум-тошларни ўзи билан юрғизиб келаётган суюқлик оқимининг ҳаракати динамик мувозанатда бўлган. Буни, ўзанга берилаётган қум-тошларнинг ҳажм миқдори билан ўзан охиридаги ҳавзага тушаётган қум-тошлар ҳажм миқдорининг бири-бирига тенглиги шарти исботлайди. Бу ерда  $\bar{\Delta}$  ғадир-будурликнинг баландлиги ўзанда унинг ҳажмини ўлчаш усули билан аниқланади (микрошаклли ғадир-будурлик учун — 4.22-расм, макрошакллиги учун — 4.23-расм). Худди шу ҳажмий усул билан очиқ ўзандаги сувнинг  $h$  чуқурлиги ҳам ўлчанган. Бу ҳажмий усул А. Ю. Умаров усули бўлиб, бошқалардан мутлақо фарқ қилади (4.22-расм). Олинган натижаларни бошқа олимларнинг, масалан, И. Никурадзе, А. П. Зегжда, В. С. Кнороз, И. К. Никитин ва бошқаларнинг тажрибалари натижалари билан таққослаймиз.



4.22-расм.

Бунинг учун барча гидравлик элементларни, чунончи, гадир-будурликларни бир тизимга келтириш зарур. Масалан, И. Никурадзе тажрибасида гадир-будурликнинг баландлиги қуйидагича қабул қилинган

$$k_i \approx \frac{d}{2}. \quad (4.122)$$


А. П. Зегжда тажрибасида эса гадир-будурлик махсус гидравлик усулда олинган

$$\left. \begin{array}{l} k_i \gg d \text{ — майда қум учун, } d < 1,0 \text{ мм} \\ k_i \leq d \text{ — йирик қум учун, } d \geq 2,0 \text{ мм} \end{array} \right\} \quad (4.123)$$

А. Ю. Умаров тажрибасида бутунлай янги, ҳажмий усул қўлланилган; ўзанининг тубига ёпиштирилган текис гадир-будурлик учун (микрошаклли гадир-будурлик)  $\bar{\Delta}$  қуйидагича олинади,

$$\bar{\Delta} \approx \frac{d}{2}. \quad (4.124)$$

Ўзан тубига ёпиштирилган гадир-будурликни аниқлашда В. Н. Гончаров, И. И. Леви, А. П. Зегжда, И. Никурадзе,




4.23-расм.

В. С. Кнороз, И. К. Никитин, А. Ю. Умаров тажрибаларини бир тизимга келтириб (4.22-расм), кейин ўзаро таққосланган.

Микро- ва макрошакли ўзанлар учун  $\bar{\Delta}$  ни А. Ю. Умаров формуласидан аниқлаш мумкин, у қуйидагича:

$$\lg \bar{\Delta} = \lg h - 0,287 [2,045 + (\lambda_h^{0,5})^{-1}]. \quad (4.125)$$

Формулаларни солиштираётганда ғадир-будурликларни бир тизимга келтириб, хоҳлаган ифодани (масалан,  $k_1$ ,  $k$ , ёки  $\bar{\Delta}$  ва бошқалар) ҳисоблаш асоси деб олиш мумкин. 4.22-расмдан фойдаланиб, ҳар бир олимнинг қабул қилган ғадир-будурликларининг баландлигини ифодаловчи шартли белгиларини бир тизимга келтириш керак. Бу расмдаги чизма, агар ўзан тубидаги ғадир-будурлик фақат тўғри текисликда бўлса, бундай ғадир-будурлик тўғри текисликнинг микрошакли ғадир-будурликлари дейилади. Агар ғадир-будурлик ўзаннинг тубига ёпиштирилмаган бўлиб, у ҳаракатланса, ўзан тубида йирик нотекисликлар, қум пушталари пайдо бўлади, бундай ғадир-будурликлар макрошакли ғадир-будурликлар дейилади. Бундай ғадир-будурликлар ўзаннинг ювилиш тезлиги ва су-




4.24-расм.

юқликнинг қум-тошлар билан юкланиш дарожиси (концентрация)га боғлиқ. Бу ҳолда ғадир-будурлик баландлиги 4.23-расмдаги номограммадан олинади. А. Ю. Умаровнинг очиқ ўзанда ўтказган тажрибалари натижалари асосида номограмма тузилган (4.24-расм). Унда ордината ўқи бўйича

$\lg(\lambda_h \cdot 10^3)$  ва абсцисса ўқи бўйича  $\lg Re_h$  қўйилган. Энди бошқа олимларнинг тажрибалари натижаларини 4.24-расмдаги номограммага қўйиб чиқамиз. Масалан, А. П. Зегжда В. Н. Гончаров, И. В. Егизаров, В. С. Кнороз, К. Ф. Артомонов, З. Н. Нуриддинов ва бошқаларнинг тажрибалари натижаларини ишлаб чиқиб, юқорида айтилган усулда уларни бир тизимга келтириб, 4.24-расмдаги номограммага қўйдик. Бу ерда ҳар хил муаллифларнинг ишларини, шу 4.22 ва 4.23-расмлардаги чизма графиклар ёрдамида бир тизимга келтириб, ундан кейин уларнинг қийматларини номограммага қўйсақ (4.24-расм), тегишли зона ва областлар, ҳатто уларнинг чегаралари ҳам А. П. Зегжда номограммасига жуда ўхшашлиги аниқланди. Бу номограммада ҳам А. П. Зегжданики каби I, II, III, IV ва AA тўғри чизиқлари мавжуд; I тўғри чизиқ ламинар ҳаракатни ифодалайди, бу ерда  $\lg Re_h = 2,92$ , яъни  $Re_h = 830$ ; II тўғри чизиқ ўзан девори гидравлик силлиқ девор областни кўрсатади; AA тўғри чизиқнинг ўнг томони ўзан девори тўлиқ ғадир-будур, яъни иккинчи даражали қарши-





4.25-расм.

лик области дейилади. Иккинчи даражали қаршилик области учун А. Ю. Умаров томонидан гидравлик ишқаланиш коэффициентини аниқловчи тенглама ишлаб чиқилган. у қуйидагича (4.25-расм)

$$\frac{1}{\sqrt{\lambda_h}} = 3,48 \lg \frac{h}{\Delta} + 2,08. \quad (4.126)$$

(4.126) тенгламадан гидравлик ишқаланиш коэффициенти

$$\lambda_h = \left[ 3,48 \lg \left( \frac{3,96h}{\Delta} \right) \right]^2, \quad (4.127)$$

бундан кўринадики, А. П. Зегжда ва А. Ю. Умаров тенгламалари очиқ ўзан шароитида олинган бўлиб, структураси жиҳатидан И. Никурадзенинг напорли қувур, И. И. Леви ва В. С. Кнорознинг, Б. Ф. Снишенконинг макрошаклли ғадирбудур очиқ ўзан учун олинган тенгламалари билан бир хил, фарқи фақат гидравлик радиусда. Мутлақ геометрик ғадирбудурликнинг қийматини аниқлаш ёки ўлчаш қийин бўлгани учун ва ғадирбудурлик турлари классификацияси бўлмагани сабабли  $\bar{\Delta}$  билан  $\lambda$  ўртасида боғланувчи жадвал ёки шкалани ҳозирча тузишнинг иложи йўқ. Аммо шунга қарамасдан, очиқ ўзанлар учун А. П. Зегжда, В. С. Кнороз ва А. Ю. Умаровларнинг гидравлик ишқаланиш коэффициентини ҳисоблаш учун ишлаб чиққан тенгламалари микро-

ва макрошаклли ғадир-будур очиқ ўзанларни, масалан, дар-ёларни, каналларни ва бошқа гидротехник иншоотларни гидравлик ҳисоблашда амалий аҳамиятга эга.

#### 4.12-§. ИККИНЧИ ДАРАЖАЛИ ҚАРШИЛИК ОБЛАСТИ УЧУН ЎЗАННИНГ УЗУНЛИГИ БЎЙИЧА ЙЎҚОТИЛГАН НАПОР.

##### А. ШЕЗИ ФОРМУЛАСИ. СУВ САРФИ МОДУЛИ.

##### ТЕЗЛИК МОДУЛИ

Гидротехник иншоотларни лабораторияда тажрибада ўрганиш жараёнида, уларни лойиҳалаш чоғида, суюқлик ҳаракатлари ҳодисалари ва жараёнлари иккинчи даражали қаршилик областига қарашли деб қабул қилинади ва шу областга тегишли тенгламалардан фойдаланилади. Бунинг учун О. Рейнольдс сони критик О. Рейнольдс сонидан катта, яъни  $Re > Re_{кр}$  бўлиши керак (4.2-§, 4.8-расмга қаранг). Иншоотларни гидравлик ҳисоблашда иккинчи даражали қаршилик областига қарашли тенгламалардан фойдаланилса ҳисоблаш анча соддалашади, чунки бу областда бир неча миқдорларнинг моделлаш масштаб коэффициентлари бирга тенг бўлади, масалан,  $\alpha_x = \alpha_c = \alpha_z = 1,0$ , бу дегани, иккинчи даражали қаршилик областида, гидравлик ишқаланиш коэффициенти  $\lambda$  ва А. Шези коэффициенти  $C$  тўғридан тўғри ҳеч қандай қўшимча кўпайтмасиз моделдан аслига ўтказилаверади. Бошқа областларда эса бундай қилиш мумкин эмас, чунки бу ерда  $v$  оқим тезлиги қийматлари ва ғадир-будурликлари баландликлари ўзгарувчан бўлади. Бу ўзгарувчанлик

ўша иккинчи даражали бўлмаган областларда  $\lambda = f\left(Re, \frac{h}{\Delta}\right)$  бўлади,  $Re$  сони эса, вақт ўтиши билан ўзгариб боради, натижада  $\lambda$  ҳам ўзгаради. Иккинчи даражали қаршилик областида эса  $\lambda$  миқдори О. Рейнольдс сони  $Re$  га боғлиқ эмас, шундай экан, бу ерда, оқим тезлигини билмасдан туриб ҳам  $\lambda$  ни аниқлашимиз мумкин. Бундан ташқари, айрим тажрибалар натижалари ўтиш областига тегишли бўлиб қолиши мумкин. Шунга қарамасдан кўпинча, ҳисобкитобда иккинчи даражали қаршилик областига тааллуқли тенгламалардан фойдаланилади. Юқорида кўрсатилган нуқсон ғадир-будурликни аниқлаётгандаги камчиликлар-

га қараганда унчалик сезиларлик эмас, унга эътибор бермасам ҳам бўлади, чунки ғадир-будурлик кўрсаткичи тайёр жадвалдан олинади. У жадвалдаги миқдор ўзанинг сифатига қараб эмас, балки юзаки олинган. Бу ўз ўрнида жуда катта муаммоки, ҳозирча ғадир-будурликларни ўлчаш усуллари ишлаб чиқилмаган, борлари эса табиатдаги жараёнларни аниқ тушунтириб бермайди. Ҳозирча ғадир-будурликнинг баландлигини уларнинг ўзанда жойланишига қараб: микрошаклли ғадир-будур учун 4.22-расм ёки макрошаклли ғадир-будур учун 4.23-расм ёрдамида аниқлаш мумкин. Юқоридагиларни назарда тутиб, бундан буён фақат иккинчи даражали қаршилиқ областига қарашли напорли ва напорсиз, барқарор текис илгариланма ҳаракатларни қараб чиқамиз.

**А. Шези формуласи.** А. Шези формуласини олиш учун (4.92) формуласини қуйидагича кўчириб ёзамиз:

$$v = \sqrt{\frac{8g}{\lambda}} \cdot \sqrt{R \frac{h_f}{l}}, \quad (4.128)$$

ёки

$$v = C \sqrt{RJ}, \quad (4.129)$$

бу ерда  $v$  — оқимнинг кўндаланг кесими юзасининг майдони бўйича ўртача тезлиги;  $R$  — гидравлик радиуси;  $J$  — пьезометрик нишаб;  $C$  — А. Шези коэффиценти.

(4.129) формула А. Шези формуласи деб аталади. (4.128) ва (4.129) формулаларни солиштириб,  $C$  ни оламиз (напорли қувурлар учун)

$$C = \sqrt{\frac{8g}{\lambda}}. \quad (4.130)$$

(4.130) ва (4.131) формуладан  $\lambda$  ни топамиз,

$$\lambda = \frac{8g}{C^2}. \quad (4.131)$$

(4.130) ва (4.131) формулалар доиравий напорли қувур учун гидравлик ишқаланиш коэффиценти  $\lambda$  нинг А. Шези коэффиценти  $C$  билан боғланишини кўрсатади. Бундан кўринадикки,  $\lambda$  ни билсак,  $C$  ни аниқлаш жуда осон бўлади.

Иккинчи даражали қаршилик областада  $\lambda$  фақат нисбий ғадир-будурликка боғлиқ (Re га боғлиқ эмас), унда  $C$  ҳам фақат нисбий ғадир-будурликка боғлиқ бўлади.

**А. Шези тенгламасидан келиб чиқадиган формулалар.**

А. Шези формуласи (4.129)дан қуйидаги муҳим формулаларни олиш мумкин:

$$J = \frac{v^2}{C^2 R}; \quad (4.132)$$

$$h_l = J \cdot l = \frac{v^2}{C^2 R} l; \quad (4.133)$$

$$Q = v\omega = \omega C \sqrt{RJ}, \quad (4.134)$$

бу ерда  $l$  — оқимнинг қаралаётган бўлагининг узунлиги. Сув сарфи модули

$$(I) \quad \omega C \sqrt{R} = K; \quad (4.135)$$

бундан (4.134) формулани қуйидагича кўчириб ёзамиз

$$Q = K \sqrt{J}, \quad (4.136)$$

текис илгариланма ҳаракат учун

$$(II) \quad K = \frac{Q}{\sqrt{J}}. \quad (4.137)$$

(4.137) формуладан

$$J = \frac{Q^2}{K^2}, \quad (4.138)$$

у ҳолда (4.133) формуладан

$$h_l = J l = \frac{Q^2}{K^2} l. \quad (4.139)$$

Тезлик модули

$$(I) \quad C \sqrt{R} = W \text{ (белги)}, \quad (4.140)$$

бундан (4.129) формулани қуйидагича кўчириб ёзамиз

$$v = W\sqrt{J}, \quad (4.141)$$

текис илгариланма ҳаракат учун

$$(II) \quad W = \frac{v}{\sqrt{J}}. \quad (4.142)$$

(4.142) формуладан

$$J = \frac{v^2}{W^2}, \quad (4.143)$$

у ҳолда

$$h_l = JI = \frac{v^2}{W^2} l. \quad (4.144)$$

Амалда қувурни ва очиқ ўзанларни гидравлик ҳисоблашда иккинчи даражали қаршилик соҳаси учун сув сарфи модули  $K$  ва тезлик модули  $W$  тушунчалари кенг қўлланилади.

#### 4.13- §. А. ШЕЗИ КОЭФФИЦИЕНТИНИ ҲИСОБЛАШ УЧУН ЭМПИРИК ФОРМУЛАЛАР

(4.129) формуладан А. Шези коэффицентини аниқлаймиз

$$C = \frac{v}{\sqrt{RJ}}. \quad (4.145)$$

А. Шези коэффицентини аниқловчи формулалар кўп, улар ҳар хил муҳитда ҳар хил шароитда яратилган. Бу ерда, асосан, амалиётда кўпроқ қўлланиладиган формулаларни келтираемиз.

1. Гангилье–Куттер формуласи

$$C = \frac{23 + \frac{1}{n}}{1 + 23 \frac{n}{\sqrt{R}}}, \quad (4.146)$$

бу ерда  $n$  — узан деворининг ғадир-будурлигини ифода-  
ловчи коэффицент.

2. Маннинг формуласи

$$C = \frac{1}{n} R^{\frac{1}{6}}. \quad (4.147)$$

3. Н. Н. Павловский формуласи

$$C = \frac{1}{n} R^y. \quad (4.148)$$

бу ерда

$$y = 2,5\sqrt{n} - 0,13 - 0,75\sqrt{R}(\sqrt{n} - 0,10).$$

Н. Н. Павловский фикрича даража кўрсагкичи у ни қуйи-  
дагича содда шаклга келтириш мумкин:

а) агар  $R < 1,0$  м бўлса, у ҳолда  $y \simeq 1,5\sqrt{n}$ ;

б) агар  $R > 1,0$  м бўлса, у ҳолда  $y \simeq 1,3\sqrt{n}$ .

4. Х. Базен формуласи (1897 й.)

$$C = \frac{87}{1 + \frac{n}{R}}. \quad (4.149)$$

5. И. А. Агроскин формуласи (1949 й.)

$$C = 17,72(k + \lg R), \quad (4.150)$$

бу ерда  $k = 0,056/n$ .

6. А. Д. Альтшул формуласи

$$C = 25 \left[ \frac{R}{(80n)^6 + \frac{0,025}{\sqrt{RJ}}} \right]^{\frac{1}{6}}. \quad (4.151)$$

Ғадир-будурликни ифодаловчи коэффи-  
циенти бўлмаган янги формулалар.

## 7. А. Д. Альтшул формуласи

$$C = 25 \left[ \frac{R}{k_s + \frac{0,025}{\sqrt{RJ}}} \right]^6, \quad (4.152)$$

бу ерда  $k_s$  — эквивалент гадир-будурлик.

8. А. Ю. Умаров формуласи (1967 й). Микро- ва макро-шаклли гадир-будурликлар учун

$$C = \left[ 4,92 \lg \left( \frac{h}{\bar{\Delta}} \right) + 2,94 \right] \sqrt{g}, \quad (4.153)$$

бу ерда  $\bar{\Delta}$  — микро- ва макрошаклли гадир-будурликнинг ўртача геометрик баландлиги, (4.124) ва (4.125) формулалардан олинади (4.22- ва 4.23-расмларга қаранг).

$$\lg \bar{\Delta} = \lg h - 0,287 \left[ 2,045 + \frac{1}{\sqrt{\lambda_h}} \right]. \quad (4.154)$$


### 4.14-§. МАҲАЛЛИЙ ҚАРШИЛИКЛАР ТАЪСИРИДА ЙЎҚОТИЛГАН НАПОР. Ж. Ш. БОРДА ФОРМУЛАСИ

Сув ўтказгич қувурларнинг қайси бирида сув оқса, ўша жойда ҳар хил маҳаллий тўсиқлар — торайиш, кенгайиш, диафрагма, жўмак ва ҳоказолар, қўшимча қаршиликларни келтириб чиқаради. Маҳаллий қаршиликлар бор ерда (шу оралиқда) оқим ўз энергиясининг бир бўлагини йўқотади. Шу оралиқнинг узунлиги жуда қисқа бўлганлиги учун уни маҳаллий гидравлик қаршилик дейилади. Маҳаллий қаршиликларнинг кўринишлари жуда кўп ва ҳар хил, аммо уларнинг ҳаммаси учун умумий кўрсатма мавжуд.

Агар қувур қисқа бўлиб, маҳаллий қаршиликлар кўп бўлса, у ҳолда маҳаллий қаршиликлар учун йўқотилган напор ўзанининг узунлиги бўйича йўқотилган напордан анча катта бўлади. Бу ҳолда маҳаллий қаршиликлар муҳим аҳамиятга эга бўлади ва улар ҳар томонлама ўрганилади.

## Маҳаллий йўқотилган напор

Амалда маҳаллий қаршиликлар таъсирида йўқотилган напор  $h_j$  ни одатда икки пьезометрлар кўрсаткичларининг фарқлари билан ўлчанади. Бу пьезометрларнинг бири маҳаллий қаршиликнинг олдига, иккинчиси эса унинг орқасига ўрнатилган бўлади. Масалан, жўмрак Ж ни олсак, у тўғри қувурда ўрнатилган, яъни қувурнинг диаметри жўмрак Ж дан олдин ва ундан кейин ҳам бир хил ( $D = \text{const}$ ), унда



4.26-расм.

ги пьезометрлар 4.26-расмда кўрсатилган. Маҳаллий йўқотилган напор тезлик напори орқали ифодаланади

$$h_j = \xi_j \frac{v^2}{2g}, \quad (4.155)$$

бу ерда  $\xi_j$  — маҳаллий қаршилик коэффициенти;  $v$  — оқимнинг ўртача тезлиги (маҳаллий қарши-

ликдан кейинги). Бу формула Ж. Вейсбах формуласи деб аталади. Бу ерда шуни эслатиб ўтиш керакки, ҳар бир маҳаллий қаршиликнинг ўз коэффициенти  $\xi$  бўлади, улар тажриба усулида аниқланади. Агар қувурнинг бирор-бир бўлагига бир неча маҳаллий қаршиликлар, масалан, кириш (қувурга), бурилиш, жўмрак, чиқиш (қувурдан) мавжуд бўлса, у ҳолда умумий маҳаллий қаршилик коэффициенти ҳар бир маҳаллий қаршилик коэффициентларининг йиғиндисига тенг, яъни








$$\xi = \xi_{\text{кириш}} + \xi_{\text{бурилиш}} + \xi_{\text{жўмрак}} + \xi_{\text{чиқиш}}, \quad (4.156)$$



у ҳолда маҳаллий йўқотилган напор:

$$h_j = \xi_j \frac{v^2}{2g} = (\xi_{\text{кириш}} + \xi_{\text{бурилиш}} + \xi_{\text{жўмрак}} + \xi_{\text{чиқиш}}) \frac{v^2}{2g}. \quad (4.157)$$

Ҳар хил маҳаллий қаршилик шакллари учун маҳаллий қаршилик коэффициентлари 4.1-жадвалда келтирилган.




Маҳаллий қаршиликнинг номи	Шакли	Маҳаллий қаршилик коэффициенти
Кириш (уткир қиррали қувурга)		$\xi_{\text{кириш}} = 0.50$
Кириш (саниқ қиррали қувурга)		$\xi_{\text{кириш}} = 0.20 \div 0.25$
Кириш (силлиқланган қувурга)		$\xi_{\text{кириш}} = 0.05 \div 0.10$
Тирсак (доиравий қувурда) $R_T \geq 2D$ $R_T = (3 \div 7)D$		$\xi_{\text{тир}} = 0.50$ $\xi_{\text{тир}} = 0.30$
Жумрак ( $\alpha=30^\circ$ )		$\xi_* = 5.0 \div 7.0$
Жумрак (Вентил)		$\xi_* = 1.0 \div 3.0$
Жумрак (Задвижка) $h = D$ $h = \frac{D}{2}$		$\xi_* = 1.0$ $\xi_* = 2.0$

Маҳаллий қаршиликнинг номи	Шакли	Маҳаллий қаршилик коэффициенти																								
Сурувчи қувурдаги сим түр		$\xi_{\text{с. түр}} = 5,0 \div 7,0$																								
Бирдан кенгайиш $h_{\text{г.к}} = \xi_{\text{г.к}} \frac{v^2}{2g}$		$\xi_{\text{г.к}} = \left( \frac{D^2}{d^2} - 1,0 \right)^2$																								
Бирдан тарайиш $h_{\text{г.м}} = \xi_{\text{г.м}} \frac{v^2}{2g}$ $\xi_{\text{г.м}} = f \left( \frac{\omega}{\Omega} \right)$		<table border="1"> <tr> <td><math>\omega/\Omega</math></td> <td>0,1</td> <td>0,2</td> <td>0,3</td> <td>0,4</td> <td>0,5</td> </tr> <tr> <td><math>\xi_{\text{г.м}}</math></td> <td>0,47</td> <td>0,42</td> <td>0,38</td> <td>0,34</td> <td>0,30</td> </tr> <tr> <td></td> <td>0,6</td> <td>0,7</td> <td>0,8</td> <td>0,9</td> <td>1,0</td> </tr> <tr> <td></td> <td>0,25</td> <td>0,2</td> <td>0,15</td> <td>0,10</td> <td>0,05</td> </tr> </table>	$\omega/\Omega$	0,1	0,2	0,3	0,4	0,5	$\xi_{\text{г.м}}$	0,47	0,42	0,38	0,34	0,30		0,6	0,7	0,8	0,9	1,0		0,25	0,2	0,15	0,10	0,05
$\omega/\Omega$	0,1	0,2	0,3	0,4	0,5																					
$\xi_{\text{г.м}}$	0,47	0,42	0,38	0,34	0,30																					
	0,6	0,7	0,8	0,9	1,0																					
	0,25	0,2	0,15	0,10	0,05																					
Чиқиш (қувурдан каналга)		$\xi_{\text{чиқиш}} = 1,0$																								

### Қувурнинг тез кенгайиши. Ж. Ш. Борда формуласи. Қувурдан каналга чиқиш шакли

Қувурнинг тез кенгайган шаклида маҳаллий қаршилик таъсирида йўқотилган напорни  $D$ . Бернулли тенгласи ва ҳаракат миқдорининг гидравлик тенгласини қўллаб, назарий усулда ҳисоблаш мумкин. Бунинг учун керакли математик ўзгартиришларни амалда бажариб, гидродинамикада кенг маълум бўлган Ж. Ш. Борда тенгласини олиш мумкин (4.27-расм). Бу формула қуйидагича

$$h_j = \frac{(v_1 - v_2)^2}{2g}, \quad (4.158)$$



4.27-расм.

бу ерда  $v_1$  — напорли қувурнинг кенгайишдан олдинги кўндаланг кесимдаги тезлик;  $v_2$  — кенгайишдан кейинги кўндаланг кесимдаги тезлик. Бу тезликларнинг фарқи ( $v_1 - v_2$ ) маҳаллий қаршиликлар таъсирида йўқотилган тезлик бўлади. Шундай экан, (4.158) тенглама қуйидагича ўқилади: Қувурнинг тез кенгайишида йўқотилган напор йўқотилган тезликка жавоб берувчи тезлик напорига тенг. Маҳаллий қаршиликни ҳисоблашда унинг, яъни маҳаллий қаршиликнинг олдидаги тезликни қабул қилсак, яъни

(4.158) формуладан  $\frac{v_1^2}{2g}$  ни қавсдан ташқарига чиқарсак, у ҳолда

$$h_j = \left(1 - \frac{v_2}{v_1}\right)^2 \frac{v_1^2}{2g}, \quad (4.159)$$

ёки

$$h_j = \left(1 - \frac{\omega_1}{\omega_2}\right)^2 \frac{v_1^2}{2g}. \quad (4.160)$$

$$\left(1 - \frac{\omega_1}{\omega_2}\right)^2 = \xi'_j \quad (4.161)$$

билан белгиласак, у ҳолда

$$h_j = \xi'_j \frac{v_1^2}{2g}. \quad (4.162)$$

Худди шу усулда, маҳаллий қаршиликнинг орқасидаги тезликни қабул қилсак, у ҳолда қавсдан ташқарига  $\frac{v_2^2}{2g}$  ни чиқариб,  $\xi_j''$  маҳаллий қаршилик коэффициентини топамиз ва йўқотилган напорни аниқлаймиз:

$$h_i'' = \xi_j'' \frac{v_2^2}{2g}. \quad (4.163)$$

*Амалий машғулот ўтказиш учун гидродинамикадан материаллар*

**4.2-масала.** Напорли қувурда суюқликнинг турбулент ҳаракати пайтида унинг узунлиги бўйича йўқотилган напорни аниқланг. Қувурнинг узунлиги  $l = 800$  м, ундаги суюқлик сарфи  $Q = 0,10$  м<sup>3</sup>/с. Қувур пўлатдан ясалган бўлиб, диаметри  $D = 0,25$  м ва гадир-будурлигининг ўртача баландлиги  $\bar{\Delta} = 0,0013$  м.

*Ечиш.* Қаралаётган масаладаги берилган миқдорлар иккинчи даражали қаршилик соҳасида ётади деб фараз қиламиз, у ҳолда йўқотилган напор  $A$ . Шези формуласи  $v = C\sqrt{RJ}$  дан фойдаланиб қуйидагича аниқланади:

$$h_i = \frac{v^2}{C^2 R} l,$$

бу ерда

$$J = \frac{h_i}{l}.$$

Бунда  $v$  узлуксизлик тенгламасидан аниқланади:

$$v = \frac{Q}{\omega} = \frac{0,10}{\pi \frac{D^2}{4}} = \frac{0,10}{\frac{3,14 \cdot 0,25^2}{4}} = 2,04 \text{ м/с},$$

бу ерда

$$R = \frac{D}{4} = \frac{0,25}{4} = 0,0625 \text{ м}.$$

И. И. Агроскин формуласидан  $C$  ни аниқлаймиз

$$C = 17,72 (k_{\text{ш}} + \lg R) = 50,2 \text{ м}^{0,5}/\text{с}$$

бунда

$$h_l = \frac{v^2}{C^2 R} l = \frac{2,04^2}{50,2^2 \cdot 0,0625} \cdot 800 = 21,14 \text{ м.}$$

Масаланинг бошланишида биз суюқлик ҳаракати жараёнларини иккинчи даражали қаршилик соҳасига қарашли деб ҳисобни бошлаган эдик. Энди ҳақиқатан ҳам шундайми ёки йўқми эканини текшираемиз. Бунинг учун  $O$ . Рейнольдс сонини ҳисоблаймиз

$$Re_D = \frac{vD}{\nu} = \frac{2,04 \cdot 0,25}{1,31 \cdot 10^{-6}} = 389313,$$

бу ерда сувнинг ҳарорати  $T^\circ \text{C} = 10^\circ \text{C}$  бўлгани учун 1.2-жадвалдан  $\nu = 1,31 \times 10^{-6} \text{ м}^2/\text{с}$  бўлади. Энди шундай  $O$ . Рейнольдс сонини аниқлашимиз керакки (у чегаравий  $O$ . Рейнольдс сони дейилади), у чегаравий  $Re_{\text{чегара}}$  сонидан катта бўлса, у ҳолда бизнинг масала иккинчи даражали қаршилик соҳасига қарашли бўлади, яъни ўзан девори тўлиқ гадир-будур


$$Re_{\text{чегара}} = 21,6C \frac{D}{\Delta} = 21,6 \cdot 50,2 \frac{0,25}{0,0013} = 208523,$$

яъни

$$Re_D = 389313 > Re_{\text{чегара}} = 208523.$$

Бу тенгсизликдан шундай хулоса чиқадики, берилган масалада қаралаётган суюқлик ҳаракати ҳақиқатан ҳам иккинчи даражали қаршилик областида экан. Бундан кўринадикки, масалани ечишда биз тўғри йўл тутганмиз.

**4.3-масала.** Трапеция шаклли бетондан ясалган канал учун  $A$ . Шези коэффициентини аниқланг. Канал ўлчамлари қуйидагича: тубининг кенглиги  $b = 5,0 \text{ м}$ ; ундаги сувнинг чуқурлиги  $h = 2,0 \text{ м}$ ; канал ёнбош деворининг нишаби  $m = 1,0$  (4.28-расм).



4.28- расм.

*Ечиш.* Бу ҳаракат иккинчи даражали қаршилик облас-  
тига тегишли деб фараз қиламиз:

$$\omega = (b + mh)h = (5 + 1,0 \cdot 2) \cdot 2 = 14,0 \text{ м}^2;$$

$$\chi = b + 2h\sqrt{1 + m^2} = 5 + 2 \cdot 2 \cdot \sqrt{1,0 + 1,0^2} = 10,66 \text{ м};$$

$$R = \frac{\omega}{\chi} = \frac{14,0}{10,66} = 1,31 \text{ м}.$$

Берилган бетонли канал учун  $n = 0,012$ ;  $\frac{1}{n} = 83,3$  ёки  $k_{\text{ш}} = 4,75$ .

А. Шези коэффициентини бир неча формулалар ёрдамида  
ҳисоблаймиз.

1. Гангилье–Кутгер формуласи (1869 й.)

$$C = \frac{23 + \frac{1}{n}}{1 + 23 \frac{n}{\sqrt{R}}} = \frac{23 + \frac{1}{0,012}}{1 + 23 \frac{0,012}{\sqrt{1,31}}} = 85,6 \text{ м}^{0,5}/\text{с}.$$

2. Маннинг формуласи (1890 й.)

$$C = \frac{1}{n} R^{\frac{1}{6}} = \frac{1}{0,012} \cdot 1,31^{\frac{1}{6}} = 87,0 \text{ м}^{0,5}/\text{с}.$$

3. Ф. Форхгеймер формуласи (1923 й.)

$$C = \frac{1}{n} R^{0,20} = \frac{1,0}{0,012} \cdot 1,31^{0,20} = 87,9 \text{ м}^{0,5}/\text{с}.$$

4. Н. Н. Павловский формуласи (1930 й.)

$$C = \frac{1}{n} R^{\nu} = \frac{1}{n} R^{1,3\sqrt{n}} = 83,3 \cdot 1,31^{0,136} = 86,4 \text{ м}^{0,5}/\text{с}.$$

бу ерда

$$R > 1,0, \text{ демак } y \simeq 1,3\sqrt{n}.$$

5. X. Базен формуласи (1897 й.)

$$C = \frac{87}{1 + \frac{n}{\sqrt{R}}} = \frac{87}{1,0 + \frac{0,012}{\sqrt{1,31}}} = 86,6 \text{ м}^{0,5}/\text{с}.$$

6. И. И. Агроскин формуласи (1949 й.)

$$C = 17,72(k_{\text{ш}} + \lg R) = 17,72(4,75 + 0,117) = 86,2 \text{ м}^{0,5}/\text{с}.$$

7. А. Д. Альтшул формуласи (1954 й.)

$$C = 25 \left[ \frac{R}{(80n)^6} + \frac{0,025}{\sqrt{RJ}} \right]^{1/6} = 87,7 \text{ м}^{0,5}/\text{с}.$$

8. А. Ю. Умаров формуласи (1967 й.)

$$C = \left[ 4,92 \lg \left( \frac{h}{\Delta} \right) + 2,94 \right] \sqrt{g} = 85,75 \text{ м}^{0,5}/\text{с}$$

бу ерда бетон учун  $\bar{\Delta} = 0,10 \cdot 10^{-4} \text{ м}$ .

**4.4-масала.** 4.29-расмдаги  $N$  қувурда ҳаракатланаётган сувнинг сарфи  $Q$  ни ва ундаги оқим тезлигини аниқланг. Берилган:  $H = 0,48 \text{ м}$ ;  $D = 0,15 \text{ м}$  ва  $l = 50 \text{ м}$ .

*Ечиш.* Қувур  $N$  даги сув ҳаракати пайтида йўқотилган напор


$$H = h_{\text{с.тўр}} + h_{1-2} + h_{\text{чикши}}$$

1. Тўрдаги маҳаллий қаршилик таъсирида йўқотилган напор

$$h_{\text{с.тўр}} = \xi_{\text{с.тўр}} \frac{v^2}{2g},$$

бу ерда

$$\xi_{\text{с.тўр}} = 5,0,$$



4.29- расм.

$$h_{c \text{ гур}} = 5,0 \frac{v^2}{19,62}.$$

2. Йўқотилган напор  $h_{1-2}$  ни тезлик модули орқали аниқлаймиз, чунки бу масала иккинчи даражали қаршилиқ областига тегишли

$$h_{1-2} = \frac{v^2}{W^2} l,$$

бу ерда  $W = \frac{v}{\sqrt{J}}$  қийматини жадвалдан гидравлик маълумотномадан аниқлаймиз,  $D = 0,15$  м бўлган қувур учун  $W = 9,58$  м/с. Шундай қилиб йўқотилган напор

$$h_{1-2} = \frac{v^2}{W^2} l = \frac{v^2}{9,58} \cdot 50.$$

3. Қувур  $N$  дан чиқишда йўқотилган напор

$$h_{\text{чиқиш}} = \xi_{\text{чиқиш}} \frac{v^2}{2g} = 1,0 \frac{v^2}{19,62}.$$

Булардан келиб чиқадики

$$H = h_{c \text{ гур}} + h_{1-2} + h_{\text{чиқиш}} = v^2 \left( \frac{5,0}{19,62} + \frac{50,0}{9,53^2} + \frac{1,0}{19,62} \right) = 0,857 v^2.$$



$H$  нинг қийматини ўрнига қўйиб, юқоридаги тенгламани ечамиз

$$\begin{aligned} H &= 0,857 v^2, \\ 0,48 &= 0,857 v^2, \end{aligned}$$

бундан


$$v = \sqrt{\frac{0,48}{0,857}} = 0,75 \text{ м/с.}$$

Энди сув сарфини аниқлаймиз

$$Q = v\omega = \frac{\pi D^2}{4} v = \frac{3,14 \cdot 0,15^2}{4} \cdot 0,75 = 0,0132 \text{ м}^3/\text{с.}$$

**4.5-масала.**  $A$  насос  $K$  қудуқдан сарфи  $Q = 0,020 \text{ м}^3/\text{с}$  га тенг бўлган сувни каналга кўтариб беради (4.30-расм). Насоснинг  $C$  сўриш қувурининг узунлиги  $l = 30 \text{ м}$ , диаметри  $D = 0,20 \text{ м}$ . Қувурнинг букилиш радиуси  $r_k = 0,26 \text{ м}$ . Сўриш қувурининг бошида тўр ва қопқоқ мавжуд. Насоснинг сўриш баландлигини аниқланг. Бу ерда вакуум  $H_v = 6 \text{ м}$  сув устунига тенг.

*Ечиш.* Масалани Д. Бернулли тенгламаси ёрдамида ечамиз. Бунинг учун (4.30-расм) асосан икки ихтиёрий кўндаланг кесим ва ихтиёрий  $O-O$  таққослаш текислигини қабул қиламиз. Биринчи кўндаланг кесим 1-1 ни қудуқдаги сув сатҳидан, иккинчи кўндаланг кесим 2-2 ни эса сўриш қувури охиридан оламиз. Таққослаш текислиги  $O-O$  ни



4.30- расм.

биринчи кўндаланг кесимдан оламиз. Қудуқ  $K$  да оқим тезлигини нолга тенг деб қабул қиламиз. Д. Бернулли тенгламасини ёзамиз:

$$\frac{\alpha_1 v_1^2}{2g} + \frac{p_1}{\gamma} + z_1 = \frac{\alpha_2 v_2^2}{2g} + \frac{p_2}{\gamma} + z_2 + h_f.$$

Масаланинг шартига асосан  $v_1 \simeq 0$ ;  $v_2 = v$ ;  $p_1 = p_k$ ;  $z_1 = 0$ ;  $p_2 = p_{\text{насос}}$ ;  $z_2 = H$ .

$$\frac{p_k}{\gamma} = \frac{\alpha v^2}{2g} + \frac{p_{\text{насос}}}{\gamma} + H + h_f, \quad (\text{А})$$

бу ерда  $p_k$  — қудуқдаги сув сатҳига таъсир этувчи (барометрик) атмосфера босими;  $p_{\text{насос}}$  — насосдаги босим;  $v$  — қувурдаги ўртача тезлик;  $h_f$  — сўрувчи қувурдаги барча қаршиликлар учун йўқотилган напор. Бу ерда

$$\frac{p_k}{\gamma} - \frac{p_{\text{насос}}}{\gamma} = H_v. \quad (\text{Б})$$

(Б) ни (А) га қўйиб,  $H_v$  га нисбатан ечсак

$$H_v = H + \frac{\alpha v^2}{2g} + h_f, \quad (\text{В})$$

ўртача тезликнинг узлуксизлик тенгламасидан

$$v = \frac{Q}{\omega} = \frac{Q}{\frac{\pi D^2}{4}} = \frac{0,020}{\frac{8,14 \cdot 0,20^2}{4}} = 0,64 \text{ м/с},$$

у ҳолда

$$\frac{v^2}{2g} = \frac{0,64^2}{19,62} = 0,02 \text{ м}.$$

Сўрувчи қувурдаги сув ҳаракати пайтида ундаги қаршиликларнинг таъсирида умумий йўқотилган напорни аниқлаймиз

$$h_f = h_l + \Sigma h_j.$$

1. Сўрувчи қувур бошидаги тўр ва қопқоқ маҳаллий қаршилиги таъсирида йўқотилган напор

$$h_{c \text{ гур}} = \xi_{c \text{ гур}} \frac{v^2}{2g}.$$

Гидравлик маълумотномадан тўр учун маҳаллий қаршилик коэффициентини оламиз

$$\xi_{\text{гур}} = \frac{2,20}{\sqrt{D}} = \frac{2,20}{\sqrt{2,20}} = 4,90.$$

2. Қувурнинг учала тирсаги учун ( $\xi_{\text{тирсак}} = 0,20$ ):

$$\Sigma \xi_{\text{тирсак}} = \xi_2 + \xi_3 + \xi_4 = 0,60; \quad \frac{D}{r_k} = \frac{0,20}{0,26} = 0,77;$$

$$\Sigma h_{\text{тирсак}} = h_2 + h_3 + h_4 = \Sigma \xi_{\text{тирсак}} \frac{v^2}{2g} = 0,60 \frac{v^2}{2g}.$$

3. Ўзанининг узунлиги бўйича йўқотилган напор  $h_j = il$ , бу ерда  $i = 0,0031$ , у гидравлик маълумотномадан  $Q$  билан  $D$  нинг қийматларига қараб олинади. Шундай қилиб

$$\begin{aligned} h_j &= h_l + \Sigma h_j = il + h_{c \text{ гур}} + \Sigma h_{\text{тирсак}} = \\ &= il + \frac{v^2}{2g} (\xi_{\text{гур}} + \Sigma \xi_{\text{тирсак}}) = 0,20 \text{ м.} \end{aligned}$$

$H_v$ ,  $h_f$  ва  $\frac{v^2}{2g}$  нинг қийматларини (В) тенгламага қўйиб чиқсак, у ҳолда  $6 = H + 0,02 + 0,20$ , бундан  $H = 6 - 0,02 - 0,2 = 5,78$  м.

### Такрорлаш учун саволлар

- 4.1. Ҳаракат тартиби (ламинар ва турбулент ҳаракат) нима?
- 4.2. Гидравлик қаршилик (йўқотилган напор ва унинг турлари) қандай?
- 4.3. Напорли қувурларда ва очиқ ўзанларда йўқотилган напор (энергия) ни ҳисоблаш усуллари ва И. Никурадзе, А. П. Зегжда ва А. Ю. Умаров тажрибалари нималардан иборат?
- 4.4. Ғадир-будурлик критерияси нима?
- 4.5.  $h_j$  ва  $\lambda$  учун ҳисоблаш формулалари қандай ёзилади?
- 4.6. Маҳаллий йўқотилган напор нима?

## НАПОРЛИ ҚУВУРЛАРДА СУЮҚЛИКНИНГ БАРҚАРОР ҲАРАКАТИ

### Асосий тушунчалар

Суюқликнинг барқарор текис илгариланма турбулент ҳаракатини доиравий цилиндрик напорли қувурларда ўрганамиз. Бундан ташқари суюқлик ҳаракатини иккинчи даражали қаршилик областига тегишли деб оламиз. Қувурнинг ички диаметрини  $D$ , унинг узунлигини  $l$  билан белгиласак, у ҳолда қувурдаги суюқлик оқимининг кўндаланг кесими майдонининг гидравлик элементлари қуйидагича:

$$\omega = \frac{\pi D^2}{4}; \quad \chi = \pi D; \quad R = \frac{\omega}{\chi} = \frac{D}{4}. \quad (5.1)$$

Напорли қувурдаги суюқлик оқимининг ҳаракатларини ўрганишда гидродинамиканинг асосий тенгламаларидан фойдаланилади (III бобга қаранг).

### 5.1-§. НАПОРЛИ ҚУВУРЛАРДА СУЮҚЛИК ҲАРАКАТИ ПАЙТИДА ЙЎҚОТИЛГАН НАПОРНИ ҲИСОБЛАШ ФОРМУЛАЛАРИ

Напорли қувурдаги суюқлик ҳаракатининг икки хил ҳолатини алоҳида-алоҳида қараб чиқамиз:

1. **Биринчи ҳол.** Қувурнинг узунлиги бўйича йўқотилган напор  $h_f$  га нисбатан маҳаллий қаршилик учун йўқотилган напор  $\Sigma h_f \approx 5\%$  дан кам бўлса, амалда маҳаллий қаршиликлар таъсирида йўқотилган напорнинг йиғиндиси нолга тенг  $\Sigma h_f \approx 0$  деб олинади ва бу ерда фақат қувурнинг узунлиги бўйича йўқотилган напор  $h_f$  устида гап боради. Бунда қувурнинг узунлиги бўйича  $h_f$  йўқотилган напор сув сарфи  $K$  модули орқали ҳисобланади, чунки қувурдаги қаралаётган суюқликнинг напорли ҳаракати иккинчи дара-

жали қаршилик областига, яъни қувур девори тўлиқ гадир-будур бўлган ҳолга жавоб беради. (4.139) формуладан иккинчи даражали қаршилик области учун  $h_l$  ни аниқлаймиз

$$h_l = \frac{Q^2}{K^2} l, \quad (5.2)$$

бу ерда

$$\frac{Q^2}{K^2} = J.$$

Сув сарфи модули  $K$  доиравий напорли қувур учун

$$K^2 = C^2 \omega^2 R = C^2 \left( \frac{\pi D^2}{4} \right)^2 \cdot \frac{D}{4} = C^2 \frac{\pi^2}{64} D^5, \quad (5.3)$$

бу ерда

5.1-жадвал

$$C = \sqrt{\frac{8g}{\lambda}} = f\left(\frac{R}{\Delta}\right). \quad (5.4)$$

Бундан кўринадики, чўян, пўлат, темирдан ясалган доиравий қувурлар учун  $K$  сув сарфи модули фақат қувурнинг диаметри билан унинг девори гадир-будурлиги  $\bar{\Delta}$  га боғлиқ. Агар қувурларнинг аниқ  $\bar{\Delta}$  гадир-будурлиги берилган бўлса, у ҳолда қувур учун  $K$  сув сарфи модули фақат унинг диаметрига боғлиқ. Шундай экан, қуйида 5.1, 5.2, 5.3-жадвалларда  $K$  ва  $\lambda$  нинг миқдорлари келтирилган.

5.1-жадвалда гадир-будурлиги  $\Delta = (0,1 \div 0,15)$  мм (иккинчи даражали

$\lambda$	$K$ , м <sup>3</sup> /с	$D$ , мм
0,0242	0,0125	50
0,0220	0,0361	75
0,0208	0,0762	100
0,0200	0,1352	125
0,0191	0,2193	150
0,0172	0,4749	200
0,0165	0,8475	250
0,0161	1,352	300
0,0156	2,019	350
0,0151	2,863	400
0,0148	3,878	450
0,0145	5,096	500
0,0141	8,169	600
0,0136	12,251	700
0,0132	17,324	800
0,0128	23,627	900
0,0125	31,102	1000

қаршилик областига қарашли) бўлган янги битумланган пўлат қувур учун  $K$  сув сарфи модуллари ва  $\lambda$  гидравлик ишқаланиш коэффицентлари нинг қийматлари келтирилган.

5.2-жадвалда ҳам худди 5.1-жадвалдагидек  $K$  ва  $\lambda$  ларнинг қийматлари келтирилган бўлиб, бу ерда фақат янги пўлат қувур битумланмаган, унинг гадир-будурлиги  $\Delta = (0,25 \div 1,0)$  мм.

5.3-жадвалда ҳам 5.1 ва 5.2-жадваллардагидек  $K$  ва  $\lambda$  нинг қийматлари ишлатилган қувурнинг гадир-будурлиги  $\Delta = (1,0 \div 1,5)$  мм учун келтирилган.

Бу жадваллардан фойдаланиб, (5.2) формуладан  $h_f$  ни осонгина ҳисоблаб чиқариш мумкин. Бундан ташқари, агар

5.2-жадвал

$\lambda$	$K,$ м <sup>3</sup> /с	$D,$ мм
0,410	0,0096	50
0,0350	0,0284	75
0,0320	0,0614	100
0,0300	0,1106	125
0,0280	0,1814	150
0,0255	0,3914	200
0,0240	0,7020	250
0,0230	1,128	300
0,0224	1,6848	350
0,0215	2,394	400
0,0209	3,261	450
0,0206	4,283	500
0,0200	6,8605	600
0,0192	10,259	700
0,0185	14,543	800
0,0178	20,035	900
0,0170	26,704	1000

5.3-жадвал

$\lambda$	$K,$ м <sup>3</sup> /с	$D,$ мм
0,0530	0,0084	50
0,0470	0,0247	75
0,0416	0,0539	100
0,0380	0,0982	125
0,0356	0,1606	150
0,0323	0,3464	200
0,0300	0,6272	250
0,0284	1,0178	300
0,0270	1,5346	350
0,0257	2,1955	400
0,0250	2,0809	450
0,0242	3,954	500
0,0232	6,415	600
0,0224	9,531	700
0,0218	13,487	800
0,0212	18,297	900
0,0207	24,175	1000

$h_p$ ,  $l$ ,  $K$  қийматлари маълум бўлса, (5.2)дан сув сарфини ҳисоблаш мумкин ва ҳоказо.

2. Иккинчи ҳол. Бу ерда маҳаллий қаршиликлар учун йўқотилган напор йигиндиси  $\Sigma h_f$  нинг миқдори қувурнинг узунлиги бўйича йўқотилган напор  $h_f$  нинг миқдорига яқин. Шунинг учун қувурларни гидравлик ҳисоблашда  $\Sigma h_f$  эътиборга олинади ҳамда  $h_f$  (берилган масала шарти иккинчи даражали қаршилик областида бўлишидан қатъи назар) Дарси–Вейсбах формуласидан аниқланади:


$$h_f = \lambda \frac{l}{D} \frac{v^2}{2g}, \quad (5.5)$$

бунда  $\lambda$  — гидравлик ишқаланиш коэффиценти, у 4.9-§ даги формулалардан аниқланади ёки пўлат қувурлар учун 5.1, 5.2, 5.3-жадваллардан олинади. Маҳаллий қаршиликлар учун йўқотилган напорга келсак, унинг ҳар бири алоҳида Ж. Вейсбах формуласи (4.155) ёрдамида ҳисобланади:


$$h_j = \xi_j \frac{v^2}{2g}. \quad (5.6)$$

### **5.2- §. ЙЎҚОТИЛГАН НАПОРЛАРНИ ҚЎШИБ ЧИҚИШ. ТЎЛИҚ ИШҚАЛАНИШ КОЭФФИЦИЕНТИ. ҚИСҚА ВА УЗУН ҚУВУРЛАР ТУШУНЧАСИ**

5.1 ва 5.2- расмларда икки хил қувур ва ҳар хил қаршиликлар (маҳаллий ва оқимнинг узунлиги бўйича) келтирилган, масалан, тизза, жўмрак, тирсак (бурилиш), тез кенгайиш ва ҳоказо. 5.1-расмда қувурнинг диаметри унинг узунлиги бўйича бир хил, яъни ўзгармас, 5.2- расмда эса қувурнинг диаметри унинг узунлиги бўйича ҳар хил, яъни ўзгарувчан. Бу маҳаллий қаршиликларнинг оралиги етарли даражада узун, яъни  $(20-30)D$  дан катта, шунинг учун маҳаллий қаршиликларнинг бир-бирига таъсири йўқ. У ҳолда 1-1 кесимдан 2-2 кесимгача бўлган ораликда тўлиқ йўқолган напор қўйидагича бўлади:



5.1- расм.



5.2- расм.

$$h_f = h_l + \Sigma h_j. \quad (5.7)$$

(5.7) тенгламадаги ҳадларнинг, яъни йўқотилган напорларнинг ҳар бирини бўлак-бўлак қараб чиқамиз.

1. Маҳаллий қаршиликлар таъсирида йўқотилган напорлар йиғиндиси

$$\Sigma h_j = h_{\text{тиза}} + h_{\text{жумрак}} + h_{\text{тирсак}} + h_{\text{тез кенгайиш}}. \quad (5.8)$$

Ж. Вейсбах формуласига асосан бу маҳаллий қаршиликлар таъсирида йўқотилган напорлар қуйидагича

$$\left. \begin{aligned} h_{\text{тиза}} &= \xi_{\text{тиза}} \frac{v^2}{2g}; & h_{\text{тирсак}} &= \xi_{\text{тирсак}} \frac{v^2}{2g}; \\ h_{\text{жумрак}} &= \xi_{\text{жумрак}} \frac{v^2}{2g}; & h_{\text{тез кенгайиш}} &= \xi_{\text{тез кенгайиш}} \frac{v^2}{2g}. \end{aligned} \right\} \quad (5.9)$$

Бундан келиб чиқадики,

$$\Sigma h_j = (\xi_{\text{тиза}} + \xi_{\text{жумрак}} + \xi_{\text{тирсак}} + \xi_{\text{тез кенгайиш}}) \frac{v^2}{2g}, \quad (5.10)$$

ёки умуман олганда

$$\Sigma h_j = \Sigma \xi_j \frac{v^2}{2g}. \quad (5.11)$$

2. Қувурнинг узунлиги бўйича йўқотилган напор. Бу (5.5) формуладан аниқланади. Белги киритамиз:



$$\lambda \frac{l}{D} = \xi_l \text{ (белги)}. \quad (5.12)$$

(5.12) тенгламани (5.5) тенгламага қўйсак

$$h_l = \xi_l \frac{v^2}{2g}, \quad (5.13)$$

бунда  $\xi_l$  — ўзаннинг узунлиги бўйича ишқаланиш коэффиценти. (5.13)дан кўриниб турибдики,  $h_l$  ни ҳам тезлик напори орқали ифодалаш мумкин экан.

3. Тўлиқ йўқотилган напор  $h_f$  ни аниқлаш учун (5.13) ва (5.11) ни (5.7)га қўйиб чиқамиз

$$h_f = h_l + \Sigma h_j = \xi_l \frac{v^2}{2g} + \Sigma \xi_j \frac{v^2}{2g}, \quad (5.14)$$

ёки

$$h_f = (\xi_l + \Sigma \xi_j) \frac{v^2}{2g}. \quad (5.15)$$

Белги киритамиз

$$(\xi_l + \Sigma \xi_j) = \xi_f \quad (5.16)$$

(5.16)ни назарда тутган ҳолда (5.15)ни кўчириб ёзамиз.

$$h_f = \xi_f \frac{v^2}{2g} \quad (5.17)$$

(5.17) формула тўлиқ йўқотилган напорни ҳисоблаш формуласи. Бунда  $\xi_f$  — тўлиқ ишқаланиш коэффиценти.

Шундай қилиб, уч хил ишқаланиш коэффицентини олдик:

а) маҳаллий йўқотилган напор  $h_j$  ни аниқлаш учун, маҳаллий қаршилик коэффиценти —  $\xi_j$ ;

б) ўзаннинг узунлиги бўйича йўқотилган напор  $h_l$  ни аниқлаш учун, унинг узунлиги бўйича қаршилик коэффиценти —  $\xi_l$ ;

в) тўлиқ йўқотилган напор  $h_f$  ни аниқлаш учун, тўлиқ қаршилик коэффициентини —  $\xi_f$ .

Бу қувур диаметри ўзанинг узунлиги бўйича ўзгармас, яъни  $D = \text{const}$  бўлган ҳолда олинган натижалар (5.1-расм). Энди қувур диаметри унинг узунлиги бўйича ўзгарувчан  $D \neq \text{const}$  бўлган ҳолни қараб чиқамиз.

Қувур диаметри унинг узунлиги бўйича ўзгарувчан  $D \neq \text{const}$  бўлган ҳолда, (5.10) ва (5.15) формулаларнинг шартини қандай бажаришимиз керак. Бу саволга жавоб бериш учун, масалан, икки маҳаллий қаршилик учун йўқотилган напорни, улардан бирини тез кенгайиш қаршилиги учун  $v_1$  тезлик орқали ва иккинчисини жўмрак қаршилиги учун  $v_2$  тезлик орқали ифодалаймиз (5.2-расм)

$$\Sigma h_f = \xi'_{\text{тез кенгайиш}} \frac{v_1^2}{2g} + \xi'_{\text{жумрак}} \frac{v_2^2}{2g}, \quad (5.18)$$

бу ерда, биринчи маҳаллий қаршилик учун йўқотилган напорни  $v_2$  тезлик орқали ҳам ифодалаш мумкин. Бунинг учун узлуксизлик тенгласидан фойдаланамиз,

$$v_1 \omega_1 = v_2 \omega_2 = \dots \text{const},$$

бундан

$$v_1 = v_2 \frac{\omega_2}{\omega_1}. \quad (5.19)$$

Энди (5.18) тенгламадан, (5.19) тенгламани назарда тутган ҳолда, қуйидагини оламиз:

$$\xi'_{\text{тез кенгайиш}} \frac{v_1^2}{2g} = \xi'_{\text{тез кенгайиш}} \left( \frac{\omega_2}{\omega_1} \right)^2 \frac{v_2^2}{2g} = \xi''_{\text{тез кенгайиш}} \frac{v_2^2}{2g}. \quad (5.20)$$

бунда

$$\xi''_{\text{тез кенгайиш}} = \xi'_{\text{тез кенгайиш}} \left( \frac{\omega_2}{\omega_1} \right)^2. \quad (5.21)$$

(5.21) тенгламани (5.20) тенгламага қўйсак,

$$\xi'_{\text{тез кенгайиш}} \frac{v_1^2}{2g} = \xi''_{\text{тез кенгайиш}} \frac{v_2^2}{2g}. \quad (5.22)$$

(5.22) тенгламани (5.18) га қўйиб, озгина ўзгартириш киритсак

$$\sum h_j = \xi_{\text{тез кенгайиш}}'' \frac{v_2^2}{2g} + \xi_{\text{жумрак}}'' \frac{v_2^2}{2g} = (\xi_{\text{тез кенгайиш}}'' + \xi_{\text{жумрак}}'') \frac{v_2^2}{2g}, \quad (5.23)$$

бунда

$$\xi_{\text{тез кенгайиш}}'' + \xi_{\text{жумрак}}'' = \xi_j'',$$

ёки

$$\sum h_j = \xi_j'' \frac{v_2^2}{2g}. \quad (5.24)$$

Бундан кўришиб турибдики, қувурнинг диаметри ҳар хил бўлишига қарамай барча маҳаллий йўқотилган напорларни аниқ бир тезлик орқали ифодалаш мумкин экан, фақат унинг коэффициентини тегишли кўндаланг кесим майдонларининг нисбатига кўпайтириш керак.


**Узун ва қисқа қувурлар тушунчаси.** Агар сув ўтказувчи қувурлар учун  $\sum h_j$  миқдори  $h_j$  миқдорига нисбатан жуда кичик (3–5% дан кичик) бўлса, бундай қувурлар узун қувур ҳисобланади, у ҳолда

$$h_j = h_l. \quad (5.25)$$

Агар  $\sum h_j$  миқдори ҳисобга оладиган даражада катта бўлса, яъни  $\sum h_j \simeq h_l$  бўлса, бундай қувурлар қисқа қувур дейилади. Бундан ташқари қисқа ва узун қувурлар, унинг диаметрига ва узунлигига қараб ажратилади. Масалан, диаметри 200–500 мм бўлсаю, узунлиги 200÷1000 м дан катта бўлса, улар узун қувурлар қаторига киритилади. Акс ҳолда улар қисқа қувурлар ҳисобланади.

### 5.3- §. ЎЗГАРМАС ДИАМЕТРЛИ ОДИЙ ҚИСҚА ҚУВУР

Қувурнинг узунлиги бўйича шохобчалари бўлмасдан, якка ўзи бўлса, бундай қувур оддий қувур дейилади. Уларни гидравлик ҳисоблаш учун қувурдаги суюқликнинг оқимини барқарор ҳаракатда деб, унинг тезлигини вақт ўтиши билан ўзгармас деб,



5.3- расм.

$$v = \text{const} \text{ (оқимнинг узунлиги бўйича)}, \quad (5.26)$$

ҳамда  $A$  ва  $B$  идишлардаги сув сатҳининг фарқи ўзгармас деб

$$z = \text{const}, \quad (5.27)$$

қабул қилиб, қувурдаги сув сарфи миқдорини аниқлаймиз (5.3-расм). Бунинг учун Д. Бернулли тенгламасини узлуксизлик тенгламаси билан бирга қўллаб масаланинг ечимини оламиз.\*

**1. Суюқликнинг бир идишдан иккинчи идишга оқиб чиқиши.**

Бунинг учун 5.3-расмдагидек  $A$  ва  $B$  идишни бирлаштирувчи оддий қисқа қувур оламиз. Унда:

а) иккита 1-1 ва 2-2 кесимлар белгилаймиз. 1-1 кесим  $A$  идишдаги сув сатҳида, 2-2 кесим эса  $B$  идишдаги сув сатҳида жойлашган. Бу кесимларда босим  $p = p_a$  ва тезликлар  $v_A = v_B = 0$  маълум;

б) горизонтал  $O-O$  таққослаш текислигини белгилаймиз, у,  $B$  идишдаги сув сатҳида, яъни 2-2 кесимда жойлашган. Бунда  $z_2 = 0$  бўлади;

в) Д. Бернулли тенгламасини ёзамиз

\* Кесимларни ва 0-0 таққослаш текислигини шундай тайинлаш керакки, унда Д. Бернулли тенгламасидаги кўпчилик ҳадлар миқдори нолга айлانسин, бу қўйилган масала шартига ва уни ечаётган талаба ва муҳандиснинг маҳоратига (билимига) боғлиқ.

$$\frac{\alpha_1 v_1^2}{2g} + \frac{p_1}{\gamma} + z_1 = \frac{\alpha_2 v_2^2}{2g} + \frac{p_2}{\gamma} + z_2 + h_f; \quad (5.28)$$

г) (5.28) тенгламадаги ҳар бир ҳад миқдорини 5.3-расмга асосан аниқлаймиз:

$$\left. \begin{aligned} z_1 &= Z; v_1 = v_A \approx 0; p_1 = p_a; \alpha_1 = \alpha_2 = \alpha = 1, 0; \\ z_2 &= 0; v_2 = v_B \approx 0; p_2 = p_a. \end{aligned} \right\} \quad (5.29)$$

бунда  $Z - A$  ва  $B$  идишлардаги сув сатҳларининг фарқи;

д) (5.29) ни (5.28) га қўйиб чиқсак, қуйидагини оламиз

$$Z = h_f. \quad (5.30)$$

Бундан кўринадики,  $A$  ва  $B$  идишдаги сув сатҳларининг фарқи қувурдаги тулиқ йўқотилган напорга сарфланар экан. Тулиқ йўқотилган напорни  $h_f$  қувурдаги оқим тезлиги  $v$  орқали ифодалаб, (5.17) формуладан

$$h_f = \xi_f \frac{v^2}{2g}, \quad (5.31)$$

бунда  $\xi_f$  — қувурдаги тулиқ ишқаланиш коэффиценти. (5.31) ни (5.30) га қўйсак

$$Z = \xi_f \frac{v^2}{2g}. \quad (5.32)$$

(5.32) ни  $v$  га нисбатан ечсак


$$v = \frac{1}{\sqrt{\xi_f}} \sqrt{2gZ}. \quad (5.33)$$

Сув сарфи

$$Q = v\omega = \frac{\pi D^2}{4} \frac{1}{\sqrt{\xi_f}} \sqrt{2gZ}. \quad (5.34)$$

## 2. Суюқликнинг бир идишдан атмосферага оқиб чиқиши.

$A$  идишга уланган оддий қисқа қувур орқали атмосферага оқиб чиқаётган суюқликни қараб чиқамиз. Юқорида-



5.4- расм.

ги шартларни сақлаб қолиб (барқарор ҳаракат  $v = \text{const}$ ,  $H = \text{const}$ , бунда  $H$  —  $A$  идишдаги сув сатҳининг 2–2 кўндаланг кесими марказидан баландлиги), қувурдаги сув сарфи миқдорини аниқлаймиз. Бунда ҳам, юқоридагидек, қувурдаги суюқлик ҳаракатини гидравлик ҳисоблашда Д. Бернулли ва узлуксизлик тенгламаларини бирга қўллаймиз. Масаланинг шarti ва ундаги 1–1 ва 2–2 кесимлар,  $O-O$  таққослаш текислиги чизмада кўрсатилган (5.4-расм).  
Д. Бернулли тенгласини ёзамиз:

$$\frac{\alpha_1 v_1^2}{2g} + \frac{p_1}{\gamma} + z_1 = \frac{\alpha_2 v_2^2}{2g} + \frac{p_2}{\gamma} + z_2 + h_f, \quad (5.35)$$

ундаги ҳадлар миқдорларини 5.4-расмдан оламиз:

$$\left. \begin{aligned} z_1 &= H; v_1 = v_A \approx 0; p_1 = p_a; \alpha_1 = \alpha_2 = \alpha \approx 1, 0; \\ z_2 &= 0; v_2 = v; p_2 = p_a. \end{aligned} \right\} \quad (5.36)$$

(5.35) га (5.36) даги миқдорларни қўямиз

$$H = h_f + \frac{v^2}{2g}. \quad (5.37)$$

Юқорида кўрсатилгандек  $h_f$  ўрнига (5.17) тенгламадан фойдалансак

$$H = \xi_f \frac{v^2}{2g} + \frac{v^2}{2g}. \quad (5.38)$$

(5.38) тенгламани ўртача тезлик  $v$  га нисбатан ечсак

$$v = \frac{1}{\sqrt{1+\xi_f}} \sqrt{2gH}. \quad (5.39)$$

Сув сарфи

$$Q = v\omega = \frac{\pi D^2}{4} \frac{1}{\sqrt{1+\xi_f}} \sqrt{2gH}. \quad (5.40)$$

**3. Хулоса.** (5.34) ва (5.40) формулаларни қуйидагича кўчириб ёзиш мумкин

$$Q = \mu_{\text{кувур}} \omega \sqrt{2gZ}; \quad (5.41)$$

$$Q = \mu_{\text{кувур}} \omega \sqrt{2gH}, \quad (5.42)$$

бу ерда  $\mu_{\text{кувур}}$  — қувурдаги сув сарфи коэффициенти, у қуйидагича аниқланади:

а)  $A$  ва  $B$  ҳавзани қувур билан бирлаштирган ҳолда, (5.41) формуладан

$$\mu_{\text{кувур}} = \frac{1}{\sqrt{\xi_f}} = \frac{1}{\sqrt{\xi_l + \Sigma \xi_j}} = \frac{1}{\sqrt{\frac{\lambda l}{D} + \Sigma \xi_j}}; \quad (5.43)$$

б) сувнинг  $A$  ҳавзадан қувур орқали атмосферага чиқиб кетаётган ҳолда (5.42) формуладан

$$\mu_{\text{кувур}} = \frac{1}{\sqrt{1+\xi_f}} = \frac{1}{\sqrt{1+\frac{\lambda l}{D} + \Sigma \xi_j}}. \quad (5.44)$$

(5.41) ва (5.42) формулалардан фойдаланиб, қисқа, узунлиги бўйича диаметри ўзгармас бўлган оддий қувурларни гидравлик ҳисоблаш мумкин. Оддий қисқа, диаметри ўзгармас қувурлар қаторига сифон, насоснинг сўриш қувири, дюкердаги горизонтал сув ўтказгич қисқа қувурлар ва бошқалар кирди.

#### 5.4- §. ОДДИЙ УЗУН ҚУВУРЛАРНИ ГИДРАВЛИК ҲИСОБЛАШ

Узун қувурларни гидравлик ҳисоблашда юқорида айтилгандек, маҳаллий қаршилиқлар таъсирида йўқотилган напорлар эътиборга олинмайди, ундан ташқари  $E-E$  напор чизиғи,  $P-P$  пьезометр чизиғи билан бирлашади (5.5-расм) ва бир чизиқни ташкил этади (чунки қувур узун бўлганда унинг тезлик напори  $\frac{v^2}{2g}$  жуда кичик бўлади, шунинг учун уни эътиборга олмаса ҳам бўлади).

**1. Суюқликнинг бир идишдан иккинчи идишга оқиб чиқиши.**


$A$  ва  $B$  ҳавзалардаги сув сатҳларининг фарқи  $Z$  йўқотилган напорларнинг  $h_1$ ,  $h_2$ ,  $h_3$  йигиндисига тенг:

$$Z = h_1 + h_2 + h_3. \quad (5.45)$$

Узун қувурлар учун йўқотилган напор  $h_l$  (5.2) формуладан аниқланади. (5.45) га (5.2) дан  $h_l$  нинг қийматларини қўйиб чиқсак

$$Z = \frac{Q^2}{K_1^2} l_1 + \frac{Q^2}{K_2^2} l_2 + \frac{Q^2}{K_3^2} l_3. \quad (5.46)$$

бунда  $K_1$ ,  $K_2$ ,  $K_3$  — 1, 2 ва 3-қувурларда сув сарфи модуллари;  $l_1$ ,  $l_2$ ,  $l_3$  — ўша 1, 2, 3-қувурларнинг узунликлари;  $Q$  — сув сарфи, 1, 2, 3 қувурлар учун  $Q$  ўзгармас (бир хил). (5.46) ни  $Q$  га нисбатан ечсак, икки ҳавзани бирлаштирувчи ихтиёрий диаметрли узун қувур учун сув сарфи формуласини оламиз



5.5- расм.



$$Z = Q^2 \sum \frac{1}{K^2},$$

бундан

$$Q = \sqrt{\frac{Z}{\sum \frac{1}{K^2}}}. \quad (5.47)$$

Бу формулалардан фойдаланиб муҳандислик гидравликасида турли масалаларни ечиш мумкин.

## 2. Суюқликнинг бир идишдан атмосферага оқиб чиқиши.

А ҳавзадан қувур орқали атмосферага чиқиб кетаётган сувнинг сарфини ҳам худди юқоридагидек ҳисоблаймиз. Бу ҳолда ҳавзадаги сув сатҳининг қувур охиридаги кўндаланг кесими марказидан баландлиги

$$H = h_r \quad (5.48)$$

Бу ерда, шуни айтиб ўтиш керакки, қувур охирида маҳаллий қаршилиқ натижасида йўқотилган напор фақат қувурдан чиқишда эътиборга олиниши зарур, чунки у ерда сопла ўрнатилган. Сопла бу конус шаклидаги қисқа қувур бўлиб, унинг охири (сув отилиб чиқадиган ери)нинг диаметри қувурникига нисбатан анча кичик. Шу сабабли сув у ердан катта тезликда отилиб чиқади. У ҳолда 5.6-расмга асосан

$$H = h_l + h_{j_{\text{сн}}} + \frac{v_0^2}{2g}, \quad (5.49)$$


бу ерда  $h_{j_{\text{сн}}}$  — қувурдан чиқишда соплода йўқотилган напор,

$$h_{j_{\text{сн}}} = \xi_{\text{сн}} \frac{v_0^2}{2g}. \quad (5.50)$$

(5.50) ни (5.49) га қўйсак

$$H = h_l + (1 + \xi_{\text{сн}}) \frac{v_0^2}{2g}, \quad (5.51)$$

ёки



5.6- расм.

$$H = h_l + \frac{v_0^2}{2g\mu_{\text{сн}}}, \quad (5.52)$$

бу ерда

$$\mu_{\text{сн}} = \frac{1}{\sqrt{1 + \xi_{\text{сн}}}}. \quad (5.53)$$

(5.52) ни қуйидагича кўчириб ёзиш мумкин

$$H = \frac{Q^2}{K^2} l + \frac{Q^2}{\omega_0^2 2g\mu_{\text{сн}}^2}. \quad (5.54)$$

Қувурдаги напорли ҳаракатларнинг гидравлик ҳисоб-ки-тоблари шу тартибда олиб борилади.


### 5.5- §. УЗУН ҚУВУРЛАРНИНГ ЁНМА-ЁН ЖОЙЛАНИШИ ВА КЕТМА-КЕТ УЛАНИШИ

Сув таъминоти амалиётида баъзи бир қувурлар ёнма-ён жойланади, бошқалари кетма-кет уланиши мумкин.

1. Қувурлар кетма-кет уланганда (5.7-расм) йўқотилган напор  $h_{l_{AB}}$  оқимнинг 1-1 кўндаланг кесимидан 2-2 кўндаланг кесимигача бўлган масофа учун

$$h_{l_{AB}} = h_{l_1} + h_{l_2} + h_{l_3}, \quad (5.55)$$

бундан кўринадики, умумий йўқотилган напор  $h_{l_{AB}}$  қувурлар кетма-кет уланганда ҳар бир бўлак қувурлардаги йўқотилган напорларнинг йиғиндисига тенг.



5.7- расм.


2. Қувурлар ёнма-ён жойлашганда, йўқотилган напорларни қўшиб чиқиш мумкин эмас, чунки ҳар бир қувурда алоҳида йўқотилган напор,  $h_{l_1} = h_{l_{AB}}$ ;  $h_{l_2} = h_{l_{AB}}$ ;  $h_{l_3} = h_{l_{AB}}$ , умумий йўқотилган напор  $h_{l_{AB}}$  га тенг, яъни

$$h_{l_{AB}} = h_{l_1} = h_{l_2} = h_{l_3} \quad (5.56)$$

5.8-расмда  $A$  ва  $B$  нуқталарга тегишли  $A$  нуқтага  $\Pi_1$  пьезометр ва  $B$  нуқтага  $\Pi_2$  пьезометр ўрнатилган, уларнинг фарқи бизга  $A$  нуқтадан  $B$  нуқтагача бўлган узунликда йўқотилган напорни беради, яъни

$$h_{l_{AB}} = H_{e_A} - H_{e_B}, \quad (5.57)$$

бу ерда  $H_{e_A}$  ва  $H_{e_B}$  мос ҳолда  $A$  ва  $B$  нуқталардаги напорлар. Ҳар бир қувурдаги йўқотилган напорлар ҳам худди (5.57) каби ёзилади



5.8- расм.

$$\left. \begin{aligned} h_{1_1} &= H_{e_A} - H_{e_B}; \\ h_{1_2} &= H_{e_A} - H_{e_B}; \\ h_{1_3} &= H_{e_A} - H_{e_B}. \end{aligned} \right\} \quad (5.58)$$

бунда  $h_{1_1}$ ,  $h_{1_2}$ ,  $h_{1_3}$  ҳар бир қувурда йўқотилган напор. (5.57) ва (5.58) тенгламаларни назарда тутган ҳолда, қуйидагича ёзишимиз мумкин:

$$h_{1_{AB}} = h_{1_1} = h_{1_2} = h_{1_3} = H_{e_A} - H_{e_B}. \quad (5.59)$$

Бундан келиб чиқадики, ёнма-ён жойлашган қувурларнинг ҳар бирида йўқотилган напор ўзаро тенг бўлади. (5.59) тенгламага (5.2) тенгламадан уларнинг миқдорларини қўйиб чиқсак

$$h_{1_{AB}} = \frac{Q_1^2}{K_1^2} l_1 = \frac{Q_2^2}{K_2^2} l_2 = \frac{Q_3^2}{K_3^2} l_3 \quad (5.60)$$

(5.60) тенгламани  $Q$  га нисбатан ечсак, ундаги нисбатлар учта тенгламани беради

$$\left. \begin{aligned} \text{(I)} \quad Q_1 &= K_1 \sqrt{\frac{h_{1_{AB}}}{l_1}}; \\ \text{(II)} \quad Q_2 &= K_2 \sqrt{\frac{h_{1_{AB}}}{l_2}}; \\ \text{(III)} \quad Q_3 &= K_3 \sqrt{\frac{h_{1_{AB}}}{l_3}}. \end{aligned} \right\} \quad (5.61)$$

Буларга қўшимча тўртинчи тенгламани ёзамиз

$$\text{(IV)} \quad Q = Q_1 = Q_2 = Q_3. \quad (5.62)$$

Агар сув сарфи  $Q$  ва қувурнинг ўлчамлари, масалан,  $D$ ,  $l$  берилган ҳолда, шу тўртта (I), (II), (III) ва (IV) тенгламалар тизимидан фойдаланиб, муҳандислик-гидравлика

масалаларини ечишимиз мумкин. Энди шу тўртта тенглама тизимининг ечимини оламиз, унинг учун (IV) тенгламага қолган учала (I), (II), (III) тенгламаларни қўйиб чиқамиз

$$Q = K_1 \sqrt{\frac{h_{iAB}}{l_1}} + K_2 \sqrt{\frac{h_{iAB}}{l_2}} + K_3 \sqrt{\frac{h_{iAB}}{l_3}}, \quad (5.63)$$

ёки

$$Q = \sqrt{h_{iAB}} \sum \frac{K}{\sqrt{l}}. \quad (5.64)$$

(5.64) дан

$$h_{iAB} = \frac{Q^2}{\left(\sum \frac{K}{\sqrt{l}}\right)^2}. \quad (5.65)$$

(5.65) дан  $h_{iAB}$  ни билган тақдирда (5.61) дан  $Q_1$ ,  $Q_2$ ,  $Q_3$  ларни топамиз.

## 5.6- §. МУРАККАБ (ТАРҚАЛГАН) УЗУН ҚУВУРЛАР ТАРМОҒИНИ ГИДРАВЛИК ҲИСОБЛАШ



Амалиётда мураккаб тарқалган қувурлар тармоғи икки хил кўринишда бўлади:

а) боғланмасдан ҳар хил томонга тарқалган қувурлар, ёки бошқача қилиб айтганда боши берк қувурлар (5.9-расм);

б) боғланган ёки бошқача қилиб айтганда, ҳалқасимон (кольцевой) қувурлар (5.10-расм).

Боғланмаган боши берк қувур тармоғи (5.9-расм) бир асосий магистрал қувурдан иборат бўлиб, ундан бир нечта қувур шохобчалари ҳар томонга тарқалган бўлади.


Боғланган ёки ҳалқасимон қувур тармоқлари эса, қўшимча қувурлар ёрдамида шу боғланмаган тармоқларнинг охирларини қўшиб чиқиш натижасида пайдо бўлади. Ҳалқасимон жойлашган қувур тармоқларини қуришдан мақсад, асосан, истеъмолчиларни сув билан бетўхтов таъминлаш.



5.9- расм.

Боғланмаган (ҳар томонга тарқалган) боши берк қувурларнинг тармоғини гидравлик ҳисоблаш — қувур тармоғининг ҳар бир бўлагидаги қувурларнинг диаметрларини ва тармоқ тугунларидаги нуқталарда напорларни аниқлашдан иборат. Бундай қувур тармоғини гидравлик ҳисоблаш учун қуйидаги маълумотлар берилган бўлиши керак.

Тармоқнинг ҳар бир бўлагидаги қувурларнинг узунлиги, тармоқ жойлашган ер планининг белгили горизонтал чизиқлари, тармоқнинг ҳар бир бўлаги нуқталаридаги сув сарфлари  $q_4, q_5$  ( $q'$  — тенг сарфланадиган сув сарфи) ва ҳар бир метр узунлик учун берилган. Бундай тармоқларни гидравлик ҳисоблаш тармоқнинг энг охир-



5.10- расм.

ги нуқтасидан бошланади ва ҳисоблаш тартиби сув оқимиغا қарши йўналишда олиб борилади. Гидравлик ҳисоблаш натижасида қуйидаги миқдорларни аниқлаймиз: қувур диаметри ва водонапор бакидаги сув сатҳи белгиси. Сув сатҳи белгиси тармоқнинг нуқталарига берилган сув сарфини белгилайди. Магистрал қувур эса кетма-кет уланган ва ҳар бирида сув сарфи турлича бўлган бир нечта қувурлар йиғиндисидан ташкил топган қувур ҳисобланади. Қолган барча қувурлар шу магистрал қувур орқали сув билан таъминланади.

### Умумий ҳисоблаш тартиби

1. Қувур тармоғининг ҳар бир бўлаги учун сув сарфи миқдорини аниқлаймиз. Тармоқнинг ихтиёрий бўлагидаги сув сарфи миқдори ундан кейинги тармоқдаги бўлақларнинг сув сарфига тенг бўлиши шарт. Масалан, 3–4 бўлақ учун сув сарфи  $Q_{3-4} = q_4$ ; 1–2 бўлақ учун сув сарфи  $Q_{1-2} = q_4 + q_5 + q_6 + q' \cdot l_{2-5}$ ; 2–5 бўлақ учун сув сарфи  $Q_{2-5} = q_5 + 0,55 q' \cdot l_{2-5}$ .

2. Магистрал чизиғини танлаш. Юқорида айтиб ўтилгандек, магистрал чизиғи, яъни энг асосий сув ўтказгич қувур, тармоқдаги барча сув сарфи шундан ўтади, у энг узун қувурдан ташкил топган бўлади.

### Магистрал қувур 1–2–3–4 ни ҳисоблаш.

1. Қувур тармоғи магистралининг ҳар бир бўлаги учун иқтисодий тезлигини қабул қиламиз. Бу  $v_{\text{иқтисод}}$  тезлик қувурнинг диаметрига боғлиқ (5.4-жадвалга қаранг), шунга қарамасдан иқтисодий тезликни  $v_{\text{иқтисоб}} \approx 1,0$  м/с деб қабул қилиш ҳам мумкин.

5.4-жадвал

$D$ , м	0,10	0,20	0,25	0,30
$v_{\text{иқтисод}}$ , м/с	0,75	0,90	1,10	1,25

2. Қувурнинг ҳар бир бўлаги учун иқтисодий тезлик  $v_{\text{иқтисод}}$  ни ўрнатгандан кейин, магистрал қувурнинг диаметрини аниқлаймиз (узлуксизлик тенгламасидан)

$$\omega = \frac{Q}{v_{\text{иқтисод}}}; \quad D' = \sqrt{\frac{4\omega}{\pi}} = \sqrt{\frac{4Q}{\pi v_{\text{иқтисод}}}}, \quad (5.66)$$

натижада  $D'$  ни стандарт миқдоригача бутунлаштириб оламиз.

3. Магистрал қувур бўлақларининг диаметрлари  $D_n$  ва сув сарфлари  $Q_n$  маълум бўлгандан кейин, унинг барча бўлақлари учун қувурнинг узунлиги бўйича умумий йўқотилган напорни аниқлаймиз

$$h_l = \frac{Q^2}{K^2} l. \quad (5.67)$$

4.  $h_l$  ни аниқлагандан кейин магистрал қувур бўйича  $P-P$  пьезометрик чизиқни чизамиз (5.9-расм), чизишни магистрал қувурнинг охиридан (масалан  $\nabla'_4$  дан) бошлаймиз. Пьезометрик чизиқ  $P-P$  ни қургандан кейин қуйидаги

$$\nabla_{B B} = \nabla'_4 + \Sigma h_l, \quad (5.68)$$

тенгламадан водонапор бакдаги сув сатҳи белгисини аниқлаймиз (5.9-расмга қаранг). Бу ерда  $\Sigma h_l$  — магистрал қувурнинг узунлиги бўйича тўлиқ йўқотилган напор. Бу  $\nabla_{B B}$  белги водонапор бак ўрнатилган миноранинг баландлигини аниқлайди.



**Қувур шохобчаларини гидравлик ҳисоблаш.** Магистрал қувур учун  $P-P$  пьезометрик чизигини қурганда, қувур шохобчаларининг ҳар бири учун магистралга уланган жойида уларнинг напорларини аниқлаган эдик. Масалан, 3–6 қувур шохобчасининг бошланишида напор  $\nabla'_3$  белги билан ифодаланади, 2–5 қувур шохобчасининг бошланишида эса напор  $\nabla'_2$  белги билан ифодаланади ва ҳоказо.

Юқорида айтилганларга асосан:

а) масалан, 3–6 қувур шохобчаси учун йўқотилган напор

$$h'_{3-6} = \nabla'_3 - \nabla'_6, \quad (5.69)$$

бунда  $\nabla'_3$  белги магистрални ҳисоблаганда маълум бўлган;

б) (5.2) тенгламани кўчириб ёзамиз

$$(K')^2 = Q^2 \frac{l}{h'_i}. \quad (5.70)$$

(5.70) дан  $K'$  ни аниқлаймиз;

в) 5.1, 5.2, 5.3-жадваллардан  $K'$  га тегишли  $D'$  нинг қийматини аниқлаймиз.  $D'$  ни  $D$  гача бутунлаштирамиз;

г) қабул қилинган  $D$  га тегишли сув сарфи модули  $K$  ни аниқлаймиз ва 3–6 қувур шохобчасига тегишли ҳақиқий йўқотилган напор  $h_{3-6}$  ни ҳисоблаймиз.

#### 5.7- §. МУРАККАБ ҲАЛҚАСИМОН УЗУН ҚУВУРЛАР ТАРМОҒИНИ ГИДРАВЛИК ҲИСОБЛАШ

Мураккаб боғланган ҳалқасимон жойлашган қувурлар тармоғини гидравлик ҳисоблашда (5.10а-расм) ҳар бир бўлак қувурнинг диаметрини аниқлаш ва шу қувур учун пьезометрик  $P-P$  чизигини қуриш талаб қилинади.

##### **Қувур диаметрини аниқлаш**

Бунда аввало қуйидагиларни қабул қиламиз:

а) ҳар бир бўлак қувур диаметрини; б) 4–5 қувурдаги сув ҳаракати йўналишини (масалан, чапдан ўнгга); в)  $q_5$  сув сарфининг 4–5 ва 6–5 чизиқлар орасида тақсимланишини [бу ерда 4–5 чизиқда сув сарфи  $\epsilon q_5$ , 6–5 чизиқда эса  $(1-\epsilon)q_5$ ], бу ерда  $\epsilon$  га қийматлар бериб борамиз. Қаралаёт-

ган ҳалқасимон жойлашган тармоқда икки сув оқими: биринчиси — соат стрелкасига тескари 2–3–4; иккинчиси — соат стрелкаси йўналишида 2–6–5 мавжуд. Бунда сувнинг ҳаракат йўналишини 4–5 чизиги бўйича чапдан ўнгга йўналтириб, шу билан икки қарама-қарши оқимни 5 нуқтада учраштирамиз. Бу икки оқимнинг учрашиш нуқтасини ноль нуқта ёки *сувайирғич (водораздел) нуқтаси дейилади*. Биз қувурнинг диаметрини, сувайирғич нуқтасининг ҳолатини ва  $\epsilon$  нинг миқдорини тўғри қабул қилдикми ёки нотўғрими, бунинг текшириш учун қуйидаги усулни қўлаймиз. Бу ҳалқасимон тармоқни белгилашда, сувайирғич нуқтасида қувурларни хаёлан иккига ажратамиз, шу тарзда 5.10б-расмда кўрсатилган тармоқни ҳосил қиламиз. Кейин умумий (5.2) формула ёрдамида 1–2–3–4–5' чизиги учун  $h_{1-2-3-4-5'}$  ва 1–2–6–5'' чизиги учун  $h_{1-2-6-5''}$  йўқотилган напорларни аниқлаймиз.


Шундан кейин, шу икки чизиқ учун ҳисобланган йўқотилган напорларни бир-бири билан таққослаймиз. Агар

$$h_{1-2-3-4-5'} = h_{1-2-6-5''} \quad (5.71)$$

бўлса, унда шундай хулоса қиламиз: 5' ва 5'' нуқталарда йўқотилган напорлар бир хил бўлади (шундай бўлиши ҳам керак, чунки 5' ва 5'' нуқталар физик маънода бир нуқта, яъни нуқта 5 ни ифодалайди (5.10а-расм). Бундан келиб чиқадики, 5.10б-расмга нисбатан (5.71) тенглик бажарилса биз юқорида диаметри  $D$  ва  $\epsilon$  ларни тўғри қабул қилган бўламиз. Агар (5.71) тенглик шартин бажарилмаса, у ҳолда  $D$  ва  $\epsilon$  ларни такроран қабул қиламиз ва шу усулда ҳисоб-китобни токи (5.71) тенглик шартин бажарилмагунча давом эттираверамиз.

*Амалий машғулот ўтказиш учун напорли қувурларда сувнинг ҳаракатини ҳисоблаш материаллари*

**5.1-масала.** Икки қурилиш шохобчасидаги сув ҳажмини I ва II идишда сақлаш учун, яъни сув билан таъминлаш учун насос қурилмасини ҳисоблаш керак. Биринчи қурилиш шохобчасига  $Q_3 = 4 \cdot 10^{-3}$  м<sup>3</sup>/с, иккинчисига эса,  $Q_4 = 3 \cdot 10^{-3}$  м<sup>3</sup>/с сув сарфини етказиб бериш керак, булар 5.11-расмда кўрсатилган. Бундан ташқари йўлма-йўл истеъмолчиларга A нуқтада  $Q_1 = 3 \cdot 10^{-3}$  м<sup>3</sup>/с ва B нуқтада



5.11- расм.

$Q_2 = 2 \cdot 10^{-3} \text{ м}^3/\text{с}$  сув етказиб берилди. Юқорида кўрсатилган (5.11-расмга қаранг) тизим қуйидагича жойлаштирилган ва шу қувур тизимидаги бўлақларнинг узунликлари ҳамда характерли тугун нуқталарининг нисбатан баландликлари, яъни насоснинг сув сўргич бўлагининг узунлиги  $l_{\text{сх}} = 20 \text{ м}$ ; насосдан кейинги қувур бўлақлари  $l_1 = 150 \text{ м}$  ва  $l_2 = 50 \text{ м}$ ; қувур шохобчаларининг узунликлари  $l_3 = 50 \text{ м}$ ;  $l_4 = 75 \text{ м}$ ; қувур тизимидаги характерли нуқталарнинг баландликлари  $h_2 = 2,0 \text{ м}$  ( $C$  нуқтаси);  $h_3 = 5,0 \text{ м}$  ( $D$  нуқтаси)  $h_4 = 8,0 \text{ м}$  ( $E$  нуқтаси). Бу тизим пўлатдан ясалган қувурлардан ташкил топган бўлиб,  $n = 0,0125$ ,  $\lambda = 0,0421$ , алоҳида бўлақлардаги қувурларнинг диаметрлари:  $d = d_1 = 100 \text{ мм}$ ;  $d_2 = d_3 = d_4 = 75 \text{ мм}$ ; фойдали иш коэффициенти  $\eta = 0,8$ ;  $h_v = 7,0 \text{ м}$ . Насос ўрнатилган сув омборида эркин сув сатҳи

тўлқинланиши мумкин. Бу тўлқинланиш  $\sqrt{1 - \sqrt{2}} = 4,0 \text{ м}$ . Насоснинг жойлашиш баландлиги  $h_1$  ни ва унинг напори  $H$  ни ҳамда қуввати  $N$  ни аниқланг (қаралаётган жараёнлар иккинчи даражали қаршилик областига тегишли, яъни қувур девори тўлиқ гадир-будур).

*Ечиш.* 1. Насоснинг сўрувчи қузури  $\sqrt{1}$  ни ҳисоблаш, яъни насоснинг ҳавзадаги эркин сув сатҳидан қанча баландликда жойлашганлигини аниқлаш лозим. Насоснинг жойлашган баландлиги берилган вакуум баландлиги  $h_v = 7,0$  м ва ҳавзадаги эркин сув сатҳининг тўлқинланиш баландлиги 4,0 м дан катта бўлгани учун, бундай шароитда масалани ечиш, насоснинг нормал ишлашини таъминловчи муҳим характеристикалардан бири ҳисобланади. Масалани ечишда, Д. Бернулли тенгламасини, узлуксизлик тенгламаси билан бирга қўллаймиз. Бунинг учун 5.11-расмда кўрсатилгандек, 1–1 кесимни ҳавзадаги эркин сув сатҳидан оламиз  $\sqrt{1}$ , ўша белгидан  $O-O$  таққослаш текислигини ўтказамиз. 2–2 кесимни эса, насосга кириш олдидан (қувурда) белгилаймиз, унгача насос тармоғи бўйича истеъмолчиларни етарли сув билан таъминлаш учун тахминий сув сарфи  $Q$  ни ҳисоблаб чиқамиз (5.11-расм):

$$Q = Q_1 + Q_2 + Q_3 + Q_4 = (3 + 2 + 3 + 7) \cdot 10^{-3} = 15 \cdot 10^{-3} \text{ м}^3/\text{с}$$

Д. Бернулли тенгламасини 1–1 ва 2–2 кесимлар учун қўлласак, натижада ( $O-O$  таққослаш текислиги 1–1 кесимдан ўтказилган)

$$0 = h_1 - h_v - \frac{\alpha v^2}{2g} + h_f,$$

ёки

$$h_1 = h_v - \frac{\alpha v^2}{2g} - h_l - h_{\text{суриш}} - h_{\text{бурилиш}},$$

ёки

$$h_1 = h_v - (\alpha + \xi_l + \xi_{\text{суриш}} + \xi_{\text{бурилиш}}) \frac{v^2}{2g}. \quad (5.72)$$

1–1 кесимда, яъни ҳавзадаги эркин сув сатҳида тезликни нолга тенг деб оламиз. Насоснинг сўриш қузури учун маҳаллий қувурнинг узунлиги бўйича гидравлик ишқаланиш коэффицентлари қуйидагича ҳисобланади (5.2-§ га қаранг):

а) насоснинг сўрувчи қузури учун гидравлик ишқаланиш коэффицентлари (унинг узунлиги бўйича)

$$\xi_l = \lambda \frac{l}{D} = 0,0421 \frac{20}{0,10} = 8,42;$$

б) маҳаллий қаршилик коэффицентлари: насоснинг сўрувчи қузури қопқоғи учун  $\xi_{\text{сўрувчи қопқоғ}} = 7$ ;  $\xi_{\text{бурилиш}} = 0,15$ ;

в) насоснинг сўрувчи қузуридаги сувнинг тезлиги

$$v_{\text{ск}} = \frac{4Q}{\pi D^2} = \frac{4 \cdot 0,015}{3,14 \cdot 0,10^2} = 1,91 \text{ м/с};$$

г) Кориолис коэффиенти ёки оқимнинг кундаланг кесими юзаси майдони бўйича нуқталарда ўрталаштирилган тезликларнинг нотекис тақсимланишини ифодаловчи коэффицент  $\alpha = 1,05 \div 1,1$ . Аниқланган қийматларни (5.72) га қўйиб чиқсак

$$\begin{aligned} h_1 &= h_v - (\alpha + \xi_l + \xi_{\text{суриш}} + \xi_{\text{бурилиш}}) \frac{v^2}{2g} = \\ &= 7 - (1,1 + 8,42 + 7 + 0,15) \frac{1,91^2}{19,62} = 5,14 \text{ м}. \end{aligned}$$

Бундан кўринадики, насос ҳавзадаги эркин сув сатҳидан  $\sqrt{1}$  белгидан 1,14 м баландликда жойлашиши керак, ундан юқорида жойлашиши мумкин эмас. Чунки ундан юқорида жойлашган насос ишлаётган пайтида сув сатҳи (юқорида кўрсатилган шартга биноан)  $\sqrt{1}$  дан  $\sqrt{2}$  га, яъни 4 м га тушиб кетса, насосдаги иш пайтида ҳосил бўладиган вакуум унинг тўлиқ қувватда ишлашини таъминламаслиги мумкин.

**2. Узатувчи қувурни ҳисоблаш.** Бунда магистрал қувурдан ташқари ундан тармоқланиб кетган қувур шоҳобчаларининг сув сарфи билан таъминланиши ва керакли напорни ( $H_{\text{чиқиш}}$  — насосдан чиқаётган напор) ушлаб туриш лозимлигини ҳисобга олиш керак. Бу ҳаммаси узатувчи қувурнинг нормал ишлашини таъминлаш учун зарур. Қувур шоҳобчаларидаги сув сарфи таъминланишини назорат қилиб туриш керак, чунки бу шоҳобчалардаги гидравлик жараён ва ҳодисалар, уларнинг характеристикалари гидродинамиканинг қонунлари билан асосланган эмас, балки сув истеъмолчилари истаклари ҳамда шу қувур тизимини ташкил этишга асосан амалга оширилган. Бу ерда

ҳам, юқорида кўрсатилгандек, узатувчи қувурни ҳисоблашда Д. Бернулли ва узлуксизлик тенгламасидан фойдаланилади. Бунда 5.11-расмда кўрсатилгандек, умумий кўндаланг кесимни, қувурнинг  $C$  тугунидаги нуқтани олиб (I ва II ҳавза учун, шу  $C$  нуқтасида горизонтал  $0-0$  таққослаш текислигини тайинлаймиз), кейинги кўндаланг кесимларни I ва II ҳавзалардаги эркин сув сатҳларидан ўтказамиз. У ҳолда гидродинамик напор  $H$

$$H_{0_c} = h_2 + h_3 + h_3 = h_2 + h_4 + h_4, \quad (5.73)$$

бу ерда  $l_1$  ва  $l_4$  узунликда йўқотилган напорлар соддалаштирилган ва маҳаллий қаршиликлар эътиборга олинмаган. Олинган тенглама ҳамда узлуксизлик тенгламаси ёрдамида  $Q_3$  ва  $Q_4$  ларни ҳисоблаш учун иккита тенглама тузамиз:

$$Q_3 + Q_4 = Q - Q_1 - Q_2; \quad (5.74)$$

$$h_3 + h_3 = h_4 + h_4. \quad (5.75)$$

Охирги (5.75) тенгламада (5.2) формуладан фойдаланиб ўзанинг узунлиги бўйича йўқотилган напорни ёзамиз. Бунинг учун 5.1, 5.2 ва 5.3-жадваллардан фойдаланиб, қувурнинг шохобчалари ва бошқа қувурлар учун сув сарфи модулларини оламиз. Унда  $K$  қувурнинг диаметрига қараб олинади. Қувурларнинг диаметрлари:  $d_2 = d_3 = d_4 = 75$  мм ва  $n = 0,0125$  учун тегишли  $K_2 = K_3 = K_4 = 24,94 \cdot 10^{-3} \text{ м}^3/\text{с}$ , диаметри  $d_1 = 100$  мм ва  $n = 0,0125$  учун  $K_1 = 53,72 \cdot 10^{-3} \text{ м}^3/\text{с}$ . Унда

$$h_3 + \left(\frac{Q_3}{K_3}\right)^2 l_3 = h_4 + \left(\frac{Q_4}{K_4}\right)^2 l_4, \quad (5.76)$$

бундан

$$Q_3 + Q_4 = 10 \cdot 10^{-3} \text{ м}^3/\text{с}. \quad (5.77)$$

У ҳолда (5.76) дан

$$5,0 + \frac{Q_3^2}{24,54^2} \cdot 50 = 8 + \frac{Q_4^2}{24,94^2} \cdot 75.$$

(5.77) тенглама тизимини ечиб  $Q_3$  ва  $Q_4$  ларни аниқлаймиз

$$Q_3 = 2,95 \cdot 10^{-3} \text{ м}^3/\text{с};$$

$$Q_4 = 7,05 \cdot 10^{-3} \text{ м}^3/\text{с}.$$

Бу, гидравлика назарияси асосида ҳисобланган сув сарфлари  $Q_3 = 2,95 \cdot 10^{-3} \text{ м}^3/\text{с}$  ва  $Q_4 = 7,05 \cdot 10^{-3} \text{ м}^3/\text{с}$  юқорида берилганлардан кам фарқ қилади (масалан,  $3 \cdot 10^{-3} \text{ м}^3/\text{с}$  ва  $7 \cdot 10^{-3} \text{ м}^3/\text{с}$ ), шунинг учун лойиҳаланган мазкур тизим қабул қилиниши мумкин.

Агар ҳисобланган сув сарфлари лойиҳаланган тизимдаги сув сарфларидан катта фарқ қилса, қувур диаметрини ёки унинг девори ғадир-будурлигини ўзгартириш керак. Насосдан чиқаётган (жойдаги) напорни, Д. Бернулли тенгламаси ёрдамида (икки кесим: бирини — насосдан чиқишдаги қувурда  $a-a$ ; иккинчисини эса иккита ҳавзадан биттасида, масалан, 1-ҳавзада, унинг эркин сув сатҳида  $b-b$  олиб) ҳисобланади

$$\begin{aligned} H_{\text{чиқиш}} &= h_2 + h_3 + \Sigma h_l = h_2 + h_3 + \epsilon(h_{l_1} + h_{l_2} + h_{l_3}) = \\ &= h_2 + h_3 + \epsilon \left[ \left( \frac{Q}{K_1} \right)^2 l_1 + \left( \frac{Q-Q_1}{K_2} \right)^2 l_2 + \left( \frac{Q_3}{K_3} \right)^2 l_3 \right] = \\ &= 2,0 + 5,0 + 1,1 \left[ \left( \frac{15}{53,72} \right)^2 \cdot 150 + \left( \frac{15-3,0}{24,94} \right)^2 \cdot 50 + \left( \frac{3,0}{24,94} \right)^2 \cdot 50 \right] = 33,40 \text{ м}, \end{aligned}$$

бу ерда  $\epsilon$  маҳаллий қаршиликда йўқотилган напорни ифдаловчи коэффициент, ўзанинг узунлиги бўйича йўқотилган напор 10% ни ташкил этади, шунинг учун  $\epsilon=1,1$  миқдорини ҳисобга олдик, яъни  $\epsilon$  тизимидаги ўзанинг узунлиги бўйича йўқотилган напор йиғиндиси 10% ни ташкил этади

$$\epsilon = 10\% \Sigma h_l,$$

3. Насоснинг характеристикасини аниқлаймиз. Насоснинг напори унга киришда ва ундан чиқишдаги гидродинамик напорларнинг фарқи билан аниқланади. Насосдан олдинги ва кейинги тезлик напорлари тенг бўлган ҳолда юқоридаги қаралаётган тизимда

$$H = H_{\text{чиккиш}} + h_r - \frac{\alpha v^2}{2g} = 33,4 + 7,0 - 0,20 = 40,20 \text{ м.}$$

Насоснинг қуввати йўқотилган напорларни насоснинг фойдали иш коэффициентини (ФИК)  $\eta = 0,8$  ни назарда тутган ҳолда аниқлаймиз

$$N = \frac{\gamma QH}{102 \cdot 0,80} = 7,35 \text{ кВт.}$$

Насоснинг  $Q$ ,  $H$ ,  $N$ ,  $\eta$  характеристикаларига асосан каталогдан тегишли маркали насосни танлаб оламиз.

### *Такрорлаш учун саволлар*

- 5.1. Қисқа ва узун қувурлар тушунчаси ва уларни ҳисоблаш усуллари қандай?
- 5.2. Қисқа ва оддий узун қувурларни гидравлик ҳисоблаш усуллари қандай?
- 5.3. Кетма-кет уланган узун қувурларни ҳисоблаш усуллари қандай?
- 5.4. Ёнма-ён жойлашган узун қувурларни ҳисоблаш усуллари нимадан иборат?
- 5.5. Узун қувурларда сув сарфини ҳисоблаш формуласи қандай?



## ОЧИҚ ЎЗАНЛАРДА СУЮҚЛИК ОҚИМИНИНГ БАРҚАРОР ТЕКИС ИЛГАРИЛАНМА ҲАРАКАТИ ВА УНИНГ ГИДРАВЛИК ЭЛЕМЕНТЛАРИНИ ЭЎМ ЁРДАМИДА ҲИСОБЛАШ

### 6.1-§. АСОСИЙ ТУШУНЧАЛАР

Бу бобда очик ўзанларда суюқликнинг барқарор текис илгариланма ҳаракатини қараб чиқамиз. Очик ўзанлар икки хил бўлади: а) табиий очик ўзанлар — дарёлар, сойлар ва бошқалар; б) сунъий (табиий бўлмаган) очик ўзанлар — каналлар, новлар ва бошқалар.

Напорсиз қувурлар, тоннеллар, дренаж қувурлар — улар сунъий ўзанлар бўлиб, гидромелиорация соҳасида, гидротехника иншоотларида ва бошқаларда ишлатилади. Шунинг учун очик ўзанлардаги суюқликлар ҳаракатини ўрганиш «Гидравлика», «Гидрометрия», «Гидромелиорация», «Гидротехника иншоотлари» фанларида катта амалий аҳамият касб этади.


Очик ўзанларда суюқлик оқимининг текис илгариланма ҳаракатларининг шарти.

Ўзанларнинг узунлиги бўйича, оқимнинг ихтиёрий кўндаланг кесими майдони бўйича ўртача тезлиги  $v$  ва ўртача чуқурлиги  $h$  ўзгармас бўлса, бундай суюқлик оқимининг ҳаракати барқарор текис илгариланма ҳаракат деб аталади, яъни

$$v = \text{const} \quad (\text{оқим узунлиги бўйича}), \quad (6.1)$$

$$h = \text{const} \quad (\text{оқим узунлиги бўйича}). \quad (6.2)$$

Суюқликнинг барқарор текис илгариланма ҳаракати б.1-расмда келтирилган. Амалда суюқликнинг бундай ҳаракати кўпинча сунъий очик ўзанларда учрайди (очик ёки берк каналларда). Ҳозир сўз очик ўзанлар устида борар экан, шуни айтиб ўтиш керакки, асосан бундай ўзанлар тубининг нишаби  $i$  унча катта бўлмагани учун, каналдаги сувнинг чуқурлиги  $h$  ни тик (вертикал) бўйича ўлчаш мум-



6.1- расм.

кин, бу ҳолда оқимнинг кундаланг кесими юзасининг майдонини ҳам (шартли) текис деб қабул қилинади. Очиқ ўзанларда суюқлик ҳаракати ўрганилаётганда суюқликнинг ҳаракати турбулент ҳамда у иккинчи даражали қаршилик соҳасига тегишли деб қаралади. Текис илгариланма ҳаракатда гидравлик нишаб  $J_e$  ва пьезометрик нишаб  $J$  бири-бирига тенг бўлади

$$J_e = J. \quad (6.3)$$

Шунингдек бу ерда очиқ ўзанларда пьезометрик нишаб  $J$  ҳар доим эркин сув сатҳи нишабига тенг бўлади, яъни пьезометрик чизиқ эркин сув сатҳида ётади

$$J = J_{\text{сув сатҳи}} \quad (6.4)$$

Шундай қилиб, очиқ ўзанларда суюқлик ҳаракати барқарор текис илгариланма ҳаракатда бўлса, у ҳолда гидравлик нишаб  $J_e$ , пьезометрик нишаб  $J$ , сув сатҳи нишаби  $J_{cc}$  ва ўзан туби нишаби  $i$  ўзаро тенг бўлади, яъни

$$J_e = J = J_{cc} = i. \quad (6.5)$$

Бундан келиб чиқадики, очиқ ўзанларда суюқлик оқими барқарор текис илгариланма ҳаракатда бўлса, напор чи-

зиғи ёки оқимнинг тўлиқ солиштирма энергия чизиғи  $E-E$ , пьезометр чизиғи  $P-P$  ва ўзан туби чизиғи  $T-T$  бир-бирига параллел тўғри чизиқ бўлади:  $EE \parallel PP \parallel TT$ . Ўзан тубининг нишаби  $i = \sin\theta$ , бунда  $\theta$  — ўзан туби чизиғининг горизонтал текисликка нисбатан нишаб бурчағи.

Шундай қилиб, очиқ ўзанларда суюқликнинг барқарор текис илгариланма ҳаракати ҳосил бўлиши учун:

1. Ўзанда сув сарфи ўзгармас бўлиши керак, яъни

$$Q = \text{const.} \quad (6.6)$$

2. Оқимнинг узунлиги бўйича кўндаланг кесими юзасининг майдони, сувнинг чуқурлиги ҳамда кўндаланг кесимидаги ўртача тезлик ўзгармас бўлиши керак, яъни

$$\left. \begin{aligned} \omega &= \text{const (оқим узунлиги бўйича);} \\ v &= \text{const (оқим узунлиги бўйича);} \\ h &= \text{const (оқим узунлиги бўйича).} \end{aligned} \right\} \quad (6.7)$$

3. Ўзан туби нишаби ўзгармас ва у гидравлик нишабга тенг бўлиши керак

$$i = J_e = J = \text{const.} \quad (6.8)$$

4. Ўзаннинг ғадир-будурлиги бир текис бўлиши керак

$$\bar{\Delta} = \text{const (оқим узунлиги бўйича).} \quad (6.9)$$

5. Ўзанда маҳаллий қаршилиқлар бўлмаслиги керак.

Юқоридаги шарт-шароитлар барчаси бирдан бажарилмаслиги ҳам мумкин, аммо ўша бирон бажарилмаган шарт қўйилган шартлардан кўп фарқ қилмаса, у ҳолда очиқ ўзанлардаги ҳаракат текис илгариланма деб қабул қилиниши мумкин.

Сунъий ўзанлардаги суюқлик ҳаракати шarti каналларда текис илгариланма ҳаракат учун қўйилган шартдан жуда кам фарқ қилади. Шунинг учун гидравликада асосан каналларни гидравлик ҳисоблаш билан шуғулланилади. Очиқ табиий ўзанларда эса қўйилган шартлардан кўплари сезиларли фарқ билан бажарилади. Шунга қарамасдан, табиий очиқ ўзанларда, дарё ва сойларда, уларнинг узунлиги бўйича бирон-бир иншоотлар қурилган бўлмаса, шу дарёда сув табиий ҳолатда ҳаракат қилса, у ҳолда табиий

ўзанлардаги суюқлик ҳаракати квази<sup>\*)</sup> текис илгариланма ҳаракат деб қабул қилиниб, уларни гидравлик ҳисоблашда гидравликнинг барқарор текис илгарилма ҳаракати тенгламаларидан фойдаланилади.

## 6.2-§. ОЧИҚ ҲАЗАНЛАРДА СУЮҚЛИК ОҚИМИНИНГ БАРҚАРОР ТЕКИС ИЛГАРИЛАНМА ҲАРАКАТИНИ ҲИСОБЛАШ ФОРМУЛАЛАРИ

Очиқ ҳазанларда суюқликнинг барқарор текис илгариланма ҳаракатини ҳисоблашда асосан А. Шези формуласидан фойдаланилади

$$v = C\sqrt{RJ}. \quad (6.10)$$

Очиқ ҳазандаги суюқликнинг текис илгариланма ҳаракати учун 6.1-расмдан қуйидаги ифодани қабул қилсак,

$$h_1 = a = a_T,$$

ва гидравлик нишаб  $J_*$  ўзан туби нишаби  $i_T$  га ҳамда пьезометрик нишаб  $J$  га тенг бўлган ҳолда:  $J_* = J = i_T$ , (6.10) тенгламани қуйидагича кўчириб ёзамиз, у ҳолда

$$v = C\sqrt{i_T R}, \quad (6.11)$$

бундан буён очиқ ҳазанларда текис илгариланма ҳаракат учун ўзан туби нишабини  $i$  билан белгилаймиз ва ундаги индекс «Т» ни ташлаб юборамиз, у ҳолда (6.11) формула қуйидагича ёзилади

$$(I) \quad v = C\sqrt{iR}. \quad (6.12)$$

(6.12) нинг иккала томонини оқимнинг қўндаланг кесими майдони  $\omega$  га кўпайтирсак, очиқ ҳазанлар учун суюқлик сарфини ҳисоблаш формуласини оламиз

$$(II) \quad Q = \omega v = \omega C\sqrt{iR}. \quad (6.13)$$

<sup>\*)</sup> Квази текис илгариланма ҳаракат сўзи шу табиий ҳазанлардаги суюқликнинг барқарор текис илгариланма ҳаракатини англатади, чунки табиатда, юқорида айтилгандек, туб маънода барқарор текис илгариланма ҳаракат учрамайди.

Текис илгариланма ҳаракатни гидравлик ҳисоблашда яна қўшимча формулалардан фойдаланилади. Бу қўшимча формулалар, асосан, юқоридаги (6.12) ва (6.13) формулалардан келиб чиқади.

Ўзан туби нишаби

$$(III) \quad i = \frac{v^2}{C^2 R}. \quad (6.14)$$

Ўқотилган напор (ўзаннинг узунлиги бўйича)

$$(IV) \quad h_l = il = \frac{v^2}{C^2 R} \cdot l. \quad (6.15)$$

Сувнинг ҳажмий сарфи

$$(V) \quad Q = \omega C \sqrt{iR}. \quad (6.16)$$

Булардан ташқари юқорида келтирилган формулалардан фойдаланиб, очиқ ўзанлардаги барқарор текис илгариланма ҳаракатни иккинчи даражали қаршилиқ областси тегишли деб ҳисоблаб қуйидаги қўшимча тенгламаларни оламыз.

$$K = \omega C \sqrt{R}; \quad W = C \sqrt{R}; \quad (6.17)$$

$$K = \frac{Q}{\sqrt{i}}; \quad W = \frac{v}{\sqrt{i}}; \quad (6.18)$$

$$Q = K \sqrt{i}; \quad v = W \sqrt{i}; \quad (6.19)$$

$$i = \frac{Q^2}{K^2}; \quad i = \frac{v^2}{W^2}, \quad (6.20)$$

бу ерда  $K$  — сув сарфи модули;  $W$  — тезлик модули;  $C$  — А. Шези коэффиценти.

(6.12) ва (6.20) формулалар очиқ ўзанларда суюқликнинг барқарор текис илгариланма ҳаракатини гидравлик ҳисоблашда асосий формулалар бўлиб хизмат қилади. А. Шези коэффиценти  $C$  4.3-§ да келтирилган формулалар ёрдамида аниқланади.

### 6.3-§. ОЧИҚ ҰЗАНЛАРДА СУЮҚЛИК ОҚИМИНИНГ КҮНДАЛАНГ КЕСИМИ МАЙДОНИНИНГ ГИДРАВЛИК ЭЛЕМЕНТЛАРИ


Бу ерда асосан сунъий очик ӯзанларни гидравлик ҳисоблаш усуллари қараб чиқилади. Булар қаторига асосан амалиётда катта аҳамиятга эга бўлган очик ӯзанлар — каналлар ва бошқа сунъий иншоотлар киради. Каналларнинг кўндаланг кесимлари шакллари 6.2- расмда кўрсатилган. Уларнинг кўндаланг кесимларининг гидравлик элементларини ҳисоблаш формулаларини келтираимиз.

1. Каналнинг кўндаланг кесими — симметрик трапеция шаклида (6.2а-расм). Бу ерда  $b$  — канал тубининг кенглиги;  $h$  — каналдаги сувнинг чуқурлиги;  $m$  — каналнинг ён деворининг нишаб коэффициенти,  $m = \text{ctg } \theta$ , бу ерда  $\theta$  бурчаги грунт турларига қараб олинади;  $B$  — ӯзандаги оқимнинг кўндаланг кесимидаги сув сатҳининг кенглиги:

$$B = b + 2mh. \quad (6.21)$$

$\omega$  — оқимнинг кўндаланг кесими юзасининг майдони:

$$\omega = (b + mh)h. \quad (6.22)$$



6.2- расм.

$\chi$  — ўзаннинг ҳўлланган майдони бўйича кўндаланг кесимининг периметри узунлиги:

$$\chi = b + 2h\sqrt{1 + m^2}. \quad (6.23)$$

$\omega$  ва  $\chi$  лар маълум бўлса, гидравлик радиус қўйидагича аниқланади:

$$R = \frac{\omega}{\chi}. \quad (6.24)$$

Кўп ҳолларда, амалиётда каналларни гидравлик ҳисоблашда каналнинг нисбий кенглиги (канал тубининг кенглигини ундаги сувнинг чуқурлигига нисбати) деган тушунча ишлатилади. Бу қўйидагича ёзилади

$$\beta = \frac{b}{h}, \quad (6.25)$$

$\omega$  ва  $\chi$  миқдорлар  $\beta$  орқали ифодаланса, у ҳолда

$$\omega = h^2(\beta + m); \quad (6.26)$$

$$\chi = h(\beta + 2,0\sqrt{1 + m^2}). \quad (6.27)$$

2. Каналнинг кўндаланг кесими — тўғри бурчакли тўртбурчак шаклида (6.26-расм).

$$\left. \begin{aligned} B = b; \quad m = \operatorname{ctg}90^\circ = 0; \\ \omega = bh; \quad \chi = b + 2h. \end{aligned} \right\} \quad (6.28)$$

Агар тўғри тўртбурчакли каналнинг туби жуда кенг бўлса, яъни

$$b \gg 10h,$$

у ҳолда

$$\chi \simeq B; \quad R \simeq h. \quad (6.29)$$

3. Каналнинг кўндаланг кесими — симметрик учбурчак шаклида (6.2в-расм).

$$\left. \begin{aligned} b = 0; B = 2mh; \\ \omega = mh^2; \chi = 2h\sqrt{1 + m^2}. \end{aligned} \right\} \quad (6.30)$$

4. Каналнинг кўндаланг кесими — парабола шаклида (6.2 г- расм)


$$x^2 = 2py, \quad (6.31)$$

бунда  $p$  — параболани ифодаловчи параметр;  $x$  ва  $y$  координата ўқлари (6.2 г-расм). Бундай шаклдаги ўзанлар учун сув сатҳи кенглиги  $B$  (сувнинг берилган  $h$  чуқурлиги учун) (6.31) тенгламадан аниқланади:

$$\omega = \frac{2}{3} Bh. \quad (6.32)$$


Бошқа гидравлик элементлар эса  $\frac{h}{B}$  га қараб олинади

$$\left. \begin{aligned} \chi &\simeq B\dots; \frac{h}{B} \leq 0,15 \text{ бўлган ҳолда} \\ \chi &\simeq B \left[ 1,0 + \frac{8}{3} \left( \frac{h}{B} \right)^2 \right]; 0,15 < \frac{h}{B} \leq 0,33 \text{ бўлган ҳолда} \\ \chi &\simeq 1,78h + 0,61B\dots; 0,33 < \frac{h}{B} < 2,0 \text{ бўлган ҳолда} \\ \chi &\simeq 2h\dots; 2,0 < \frac{h}{B} \text{ бўлган ҳолда} \end{aligned} \right\} \quad (6.33)$$



6.3 а, б- расм.





6.3 в, г- расм.

5. Юқорида кўрсатилганлардан ташқари ўзанинг кўндаланг кесимлари қуйидагича бўлиши мумкин:

а) симметрик бўлмаган шаклда (6.3 а- расм);

б) нотўғри шаклда (6.3 б- расм);

в) қўшилма шаклда, яъни каналнинг кўндаланг кесими ҳар хил шаклларнинг қўшилишидан тузилган бўлади. Каналнинг кўндаланг кесимининг бундай шакллари амалиётда тез-тез учраб туради (6.3 в- расм);

г) ёпиқ шаклда, яъни беркитилган канал (6.3 г- расм).

#### 6.4- §. ОЧИҚ ЎЗАННИНГ ГИДРАВЛИК ЭНГ ҚУЛАЙ КўНДАЛАНГ КЕСИМИНИНГ ШАКЛИ — ТРАПЕЦИЯ ШАКЛИДАГИ КАНАЛ

Очиқ ўзанларда суюқлик оқимининг барқарор текис илгариланма ҳаракатини гидравлик ҳисоблашда гидродинамиканинг асосий тенгламаларидан, чунончи

а) А. Шези тенгламасидан

$$v = C\sqrt{iR}; \quad (6.34)$$

б) узлуксизлик тенгламасидан (сув сарфи баланси тенгламасидан)


$$Q = \omega v; \quad (6.35)$$

в) Д. Бернулли тенгламасидан ва бошқалардан фойдаланилади. Юқорида А. Шези коэффиценти  $C$  ни гидравлик радиус  $R$  билан ўзанинг ғадир-будурлигини ифодаловчи коэффицент  $n$  га боғлиқлигини кўрсатиб ўтган эдик. Бу соҳада охириги изланишлар натижасида олинган янги формулаларда эса А. Шези коэффиценти  $C$  сувнинг чуқурлиги  $h$  ва ўзан туби ғадир-будурлигининг мутлақ гео-

метрик баландлиги  $\bar{\Delta}$  га боғлиқ эканлиги исботланяпти. Бошқача қилиб айтганда, тўғрироғи, нисбий ғадир-будурлик  $\frac{\bar{\Delta}}{h}$  га боғлиқ. Масаланинг бундай қўйилиши тўғри бўлади, чунки ғадир-будурликни ифодаловчи коэффициент  $n$  оқим ҳаракати жараёнида ўзгаради ва физик маъноси жиҳатидан ноаниқ миқдор. Бу нисбий ғадир-будурлик ўзаннинг нисбий ғадир-будурлик критерияси дейилади. Шунини айтиш керакки, ўзаннинг кўндаланг кесими юзасининг майдони  $\omega$ , ғадир-будурликни ифодаловчи коэффициент  $n$  ёки мутлақ ғадир-будурлик  $\bar{\Delta}$  ва ўзаннинг нишаби  $i$  миқдорлари бирдек ўзгармас бўлган ҳолда, сув сарфининг миқдори  $Q$  энг катта бўлиши учун унинг гидравлик радиуси энг катта бўлиши керак, яъни  $R_{\max}$ . Гидравлик радиус эса  $R = \frac{\omega}{\chi}$  га тенг, бу ҳолда гидравлик радиус энг катта бўлиши учун ўзаннинг ҳўлланган периметри узунлиги  $\chi$  энг кичик бўлиши керак  $\chi_{\min}$ . Бундан келиб чиқадики, ўзаннинг кўндаланг кесими гидравлик энг қулай бўлиши учун, унинг берилган кўндаланг кесими юзасининг майдони  $\omega$  сақланган ҳолда, ҳўлланган периметрининг узунлиги  $\chi$  энг кичик миқдорга эга бўлиши керак, яъни  $\chi = \chi_{\min}$ .

Шундай қилиб, каналнинг гидравлик энг қулай кўндаланг кесимининг шаклини аниқлаш учун асосан каналнинг ҳўлланган периметри узунлигининг энг кичик миқдорини (каналнинг берилган кўндаланг кесими юзасининг майдони  $\omega$  ўзгармагани ҳолда) топиш керак.

Энди ҳўлланган периметрининг узунлиги энг кичик қийматга эга бўлган каналнинг гидравлик энг қулай кўндаланг кесимининг шаклини аниқлаймиз. Геометриядан маълумки, барча бир-бирига тенг геометрик шакллардан энг кичик узунликка эга бўлган периметр бу доиравий шакл бўлади. Бундан келиб чиқадики, очиқ ўзанларда гидравлик энг қулай кўндаланг кесимнинг шакли ярим доира бўлади (6.4-расм).



6.4-расм.

Ярим доиравий шаклдаги каналларни табиий шароитда барпо этиш жуда мураккаб, чунки қум-тош, супесь, суглинок ва бошқа грунтлардан бундай шаклни бунёд этиш мураккаб, амалиётда бундай шаклли ўзанларни фақат ёғочдан, темирдан ва бетондан яшаш мумкин. Ерда кавланадиган каналлар, асосан, трапецеидал (ва учбурчак) шаклда бўлиши мумкин. Трапеция шаклдаги каналларнинг олти бурчакли (доира ичида барпо этилган) шаклнинг ярми, яъни ярим олтибурчакли шакл деб қараш мумкин. Шунинг учун трапецеидал шаклдаги кўндаланг кесимлар ичида гидравлик энг қулай кўндаланг кесим бу симметрик ярим олтибурчакли шакл бўлади (6.4-расм). Унда канал тубининг кенглиги  $b$  доиранинг радиуси  $r$  га тенг, яъни  $b = r$  бўлиб, каналдаги сув сатҳининг кенглиги эса  $B = 2r$  ёки  $B = 2b$  бўлади, яъни  $B$  канал туби кенглигининг иккиланганига тенг. 6.4-расмдан кўриниб турибдики, бундай каналнинг ён девор нишаби горизонтал текисликка нисбатан  $\theta$  бурчагини ҳосил қилади ва у  $60^\circ$  га тенг бўлади:  $\theta = 60^\circ$ . Амалда эса шундай кўндаланг кесимга эга бўлган каналларни барпо этиш (қуриш) ҳар доим ҳам мумкин бўлавермайди, чунки табиатдаги қўпчилик грунтлар, канал ён деворларининг горизонтал текисликка нисбатан бурчаги  $\theta = 60^\circ$  да қурилса, бу ён девор мустаҳкам бўлмаслиги мумкин. Шунинг учун амалда очиқ ўзанларни ҳисоблаш пайтида, ерда канални кавлаётганда  $\theta$  бурчаги берилган тақдирда, шундай гидравлик энг қулай трапецеидал кўндаланг кесимини топиш керакки, мазкур канал тубининг кенглигини ва ундаги сувнинг чуқурлигини аниқлашда унинг кўндаланг кесимидаги ҳўлланган периметрининг узунлиги энг қисқа бўлсин.

#### 6.5-§. ТРАПЕЦЕИДАЛ ШАКЛИ КАНАЛНИНГ ГИДРАВЛИК ЭНГ ҚУЛАЙ КўНДАЛАНГ КЕСИМИ

Куйидаги гидравлик ва геометрик элементлар берилган деб фараз қиламиз:

1) канал кўндаланг кесимининг шакли — трапецеидал;

2) канал ён деворининг горизонтал текислик билан ҳосил қилган бурчаги  $\theta$ , яъни каналнинг ён девори нишаб коэффиценти  $m = m_0$ ;

3) канал тубининг нишаби  $i = i_0$ ;

4) ўзаннынг гадир-будурлигини ифодаловчи коэффициент  $n = n_0$  ёки ўзан туби гадир-будурлигининг мутлақ геометрик баландлиги  $\bar{\Delta} = \bar{\Delta}_0$ ;

5) сув сарфи  $Q = Q_0$ .

Шуларга асосланиб, каналнинг гидравлик энг қулай кўндаланг кесимини лойиҳалаш керак (яъни унинг гидравлик элементларини аниқлаш керак). Бундай масаланинг бир нечта ечими бор. Шулардан бирини кўриб чиқамиз. Бунинг учун трапецеидал шаклдаги каналнинг юқоридаги шартларга жавоб берувчи бир нечта ихтиёрий ўлчамлик кўндаланг кесимларини оламиз (6.5-расм):


$$\left. \begin{aligned} m_1 = m_2 = m_3 = \dots = m_0 = \text{const}; \\ i_1 = i_2 = i_3 = \dots = i_0 = \text{const}; \\ n_1 = n_2 = n_3 = \dots = n_0 = \text{const}; \\ Q_1 = Q_2 = Q_3 = \dots = Q_0 = \text{const}, \end{aligned} \right\} \quad (6.36)$$

бунда 1, 2, 3 ... индекслар каналларнинг вариантлари. Масалан, индекс 1, бу биринчи шакли каналнинг вариант ўлчамларини билдиради; индекс 2 — иккинчи вариантни; индекс 3 — учинчи вариантни ва ҳоказо.

6.5 а-расмда фақат бешта вариант кўрсатилган, аммо бу чизмаларга қараб бундай вариантлар жуда кўп деб фараз қиламиз, булардан биринчиси сувнинг жуда саёзлиги ва канал тубининг жуда кенглиги билан ажралиб туради, охиригиси эса — канал тубининг жуда торлиги ва ундаги сувнинг чуқурлиги катта бўлиши билан фарқ қилади ва ҳоказо. Иккала вариантда, шунингдек бошқа вариантларда ҳам сув сарфини ўтказиш қобилияти бирдек бўлиши учун биринчи вариантда канал тубининг кенглиги катта, кейинги, масалан, охириги вариантда эса сувнинг чуқурлиги катта бўлиши керак.

Қаралаётган вариантлар учун

$$\left. \begin{aligned} \beta_1 \neq \beta_2 \neq \beta_3 \neq \dots \neq \beta_n; \\ \chi_1 \neq \chi_2 \neq \chi_3 \neq \dots \neq \chi_n. \end{aligned} \right\} \quad (6.37)$$



6.5- расм.

Бундан кўриниб турибдики, биринчи ва охириги вариантлар нисбатан катта ишқаланиш юзасига эга, яъни 1-вариант учун  $\chi \simeq b$ , охириги вариант учун эса  $\chi \simeq 2h$ . Бундан келиб чиқадики, бу вариантларда ўртача тезлик нисбатан кичик. Қаралаётган трапецеидал каналларнинг кўндаланг кесимлари ичида шундай вариант бўлиши керакки, унда оқимнинг кўндаланг кесими бўйича ўртача тезлиги энг катта бўлсин, яъни  $v_{\max}$  канал кўндаланг кесимининг майдони эса, энг кичик бўлсин, яъни  $\omega_{\min}$  (6.5 б-расмга қаранг). Шу шарт бажарилса, шунга қарашли кўндаланг кесим каналнинг гидравлик энг қулай кўндаланг кесими дейилади. Каналнинг гидравлик энг қулай кўндаланг кесими деб шундай кесимга айтиладики, бунда ўзан кўндаланг кесими юзасининг майдони унинг ғадир-будурлиги, нишаби ўзгармас бўлгани ҳолда энг кўп сув сарфини ўтказади. Бошқача қилиб айтганда ўзаннинг кўндаланг кесими геометрик ва гидравлик элементлари  $m$ ,  $n$ ,  $Q$ ,  $i$  нинг қийматлари берилган ҳолда оқим энг катта  $v_{\max}$  ўртача тезликка ва ўзан энг кичик  $\omega_{\min}$  кўндаланг кесими майдонига эга бўлган кўндаланг кесим трапецеидал каналнинг гидравлик энг қулай кўндаланг кесими деб аталади.

Ўзан тубининг кенглигига нисбатан гидравлик энг қулай кўндаланг кесимнинг нисбий кенглигини  $\beta_{\text{тк}}$  белги билан белгиласак, у ҳолда

$$\beta_{\text{тк}} = \left(\frac{b}{h}\right)_{\text{тк}}. \quad (6.38)$$

Юқорида айтилганларнинг барчасини 6.5б-расмда қуйидаги эгри чизиқлар билан кўрсатамиз

$$\left. \begin{aligned} \chi &= f_1(\beta); \\ \omega &= f_2(\beta); \\ v &= f_3(\beta). \end{aligned} \right\} \quad (6.39)$$

(6.39) даги  $\chi = f_1(\beta)$ ,  $\omega = f_2(\beta)$  ва  $v = f_3(\beta)$  функцияларни келтирамыз (6.5 б- расмга қаранг). Расмда бу функциялар  $\beta$  ўқидан юқорида жойлашган. Бунда  $Q = \text{const}$ ,  $\omega$  эса ўзгарувчан деб қабул қилинган. Худди шундай график 6.5 б-расмда фақат (6.39) даги функциялар  $\beta$  ўқидан пастда жойлашган. Пастдаги график узук чизиқлар (пунктир) билан кўрсатилган. Юқоридагидан фарқи шуки, бу ерда  $Q$

ўрнига  $\omega = \text{const}$  деб қабул қилинган.  $Q$  эса ўзгарувчан 1—11 вертикал (6.5б-расм) функцияларнинг  $\max$  ва  $\min$  қийматларини кўрсатади, бу горизонтал ўқ бўйича  $\beta_{гк}$  нинг қийматини беради. Каналларни лойиҳалаш ва уларни қуриш арзон бўлиши учун  $\beta = \beta_{гк}$  шартини бажариш керак бўлади, чунки бу шарт бажарилса, каналнинг кўндаланг кесими юзасининг майдони энг кичик  $\omega = \omega_{\min}$  бўлади. Энди, шундай тенгламани тузиш керакки, узан тубининг кенглиги  $b$ , оқимнинг чуқурлиги  $h$  гидравлик энг қулай кўндаланг кесимнинг шартларини қониқтирсин.

Бу масалани қуйидагича ҳал қиламиз:

Ҳўлланган периметрнинг узунлиги

$$\chi = b + 2h\sqrt{1 + m^2}. \quad (6.40)$$

(6.22) тенгламадан  $b$  нинг қийматини аниқлаб

$$b = \frac{\omega}{h} - mh, \quad (6.41)$$

(6.40) тенгламага қўйсақ

$$\chi = \frac{\omega}{h} - mh + 2h\sqrt{1 + m^2}. \quad (6.42)$$

Бундан кўринадикки, агар  $\omega$  ва  $m$  ўзгармас бўлса,

$$\chi = f(h). \quad (6.43)$$

Гидравлик энг қулай кўндаланг кесим шартига биноан  $\chi_{\min}$  ни (6.42) тенгламадан аниқлаймиз.

Олий математика усулларида  $\chi_{\min}$  ни қуйидаги тенгламадан аниқлаш мумкинлиги осон исботланади

$$\frac{\omega}{h^2} = 2\sqrt{1 + m^2} - m, \quad (6.44)$$

бу ерда  $2\sqrt{1 + m^2} - m = a$  деб белгилаб, гидравлик энг қулай кўндаланг кесимдаги  $\omega_{гк}$  ни аниқлаш тенгласини оламиз

$$\omega_{гк} = (2\sqrt{1 + m^2} - m)h_{гк}^2 = ah_{гк}^2. \quad (6.45)$$

Бу ерда индекс «гк» — гидравлик энг қулай кўндаланг кесимни билдиради. (6.44) га  $\omega_{гк}$  нинг қийматини (6.22) дан олиб қўйиб

$$\omega_{гк} = (b_{гк} + mh_{гк})h_{гк},$$

уни  $b$  га нисбатан ечсак

$$b_{1к} = 2h(\sqrt{1 + m^2} - m), \quad (6.46)$$

ёки

$$\left(\frac{b}{h}\right)_{1к} = \beta_{1к} = 2(\sqrt{1 + m^2} - m). \quad (6.47)$$

Амалда эса  $\beta$  ни  $\beta_{1к}$  дан бошқачароқ қилиб олишга тўғри келади, чунки  $\beta_{1к}$  шакли учун аслида кўпгина ноқулайликлар мавжуд, масалан:

1. Гидравлик энг қулай кўндаланг кесим тажрибаларга кўра амалда кўпинча иқтисодий энг қулай бўлмайди.

2. Каналнинг гидравлик энг қулай кўндаланг кесими нисбатан чуқур бўлади. Бундай чуқур каналларни куриши ва уни ишлатиш анча мураккаб.

Шунинг учун бу ерда янги тушунча киритамиз, мазкур тушунча амалий энг қулай кўндаланг кесим дейилади ва уни  $\beta_d$  шартли белги билан белгилаймиз, у ҳолда

$$\beta_{1к} \leq \beta_{ак} \leq (\beta_{1к})_{\text{чегара}} \quad (6.48)$$

Бу ерда чегаравий гидравлик энг қулай каналнинг кўндаланг кесимини Р. Р. Чугаевнинг формуласидан ҳисоблаймиз

$$(\beta_{1к})_{\text{чегара}} = 2,5 + \frac{m}{2}. \quad (6.49)$$

## 6.6-§. ОЧИҚ ЎЗАНЛАРДА ТЕКИС ИЛГАРИЛАНМА ҲАРАКАТДАГИ СУЮҚЛИК ОҚИМИНИНГ ЭНГ КАТТА ВА ЭНГ КИЧИК РУХСАТ ЭТИЛГАН ЎРТАЧА ТЕЗЛИГИ

**а) Энг катта рухсат этилган, аммо канални ювиб кетмайдиган суюқлик оқимининг ўртача тезлиги.**

Каналларни гидравлик ҳисоблашда суюқлик оқимининг энг катта рухсат этилган ўртача тезлигининг юқори чегарасини аниқлаш керак бўлади, чунки бундай катта тезлик канал тубини ва ён деворларини ювиб, уни бузиб юбориши мумкин. Энг катта рухсат этилган тезлик, асосан, грунтга, яъни шу ўзанни ташкил этган материалга боғлиқ. Бундай тезликнинг қиймати тажрибада аниқланади. Энг катта рухсат этилган, аммо канални ювмайдиган текис илгариланма ҳаракатдаги суюқлик оқимининг ўртача тезликлари б.1- жадвалда келтирилган.



б) Энг кичик рухсат этилган, аммо каналда қуйқумларни<sup>\*)</sup> чўктириб қолдирмайдиган суюқлик оқимининг ўртача тезлиги

Каналлардаги суюқлик оқимининг текис илгариланма ҳаракатини гидравлик ҳисоблашда оқимнинг энг кичик рухсат этилган ўртача тезлигининг пастки чегарасини ўрганиш зарур, чунки бундай кичик тезликлар каналларнинг қуйқумлар билан тўлиб қолишининг олдини олиш учун керак бўлади. Қуйқумларни чўктирмайдиган суюқлик оқимининг ўртача тезлиги қуйидагича аниқланади:

$$v_{\min} = e\sqrt{R}, \quad (6.50)$$

бу ерда  $e$  — қуйқумлар миқдорини, уларнинг гранулометриқ таркибини ҳамда ўзанининг ғалир-будурлигини ифодаловчи коэффициент. Агар тажрибаларнинг кўрсатишига қараганда грунтларнинг диаметри  $d \leq 0,25$  мм бўлса, у ҳолда  $e = 0,5$  қабул қилинади.

Суюқлик оқимнинг рухсат этилган ўртача тезлиги ўзанининг тубида ўтлар ўсмаслигини назарда тутсак, у ҳолда  $v_{\min} \geq 0,60$  м/с қабул қилинади.

Агар қуйқумлар асосан майда қумлардан иборат бўлса, улар чўкмаслиги учун оқимнинг ўртача тезлиги  $v_{\min} = 0,40$  м/с.

6.1-жадвал

Грунт	$v_{\max}$ , м/с
Тупроқ, чанг	0.15÷0.20
Кум (майда, ўртача, йирик)	0.20÷0.60
Шагал	0.60÷1.20
Соз тупроқ (супес, суглинок)	0.70÷1.00
Лой	1.0÷1.80
Қаттиқ тоғ жинси	2.5÷25.0
Тош терилган канал:	
а) бир қават (қатлам маъносида)	3.0÷3.5
б) икки қават	3.5÷4.5
Бетонланган канал	5.0÷10

<sup>\*)</sup> Бу ерда суюқлик узи билан олиб келаётган компонентлар, яъни майда, ҳар доим сув ичида юрадиган қаттиқ жисмлар (взвешенные наносы) назарда тутилади.

Канални лойиҳалаётганда оқимнинг ўртача тезлиги қуйидаги оралиқда бўлиши керак:

$$v_{\min} \leq v \leq v_{\max}. \quad (6.51)$$

Суюқлик оқимининг энг катта рухсат этилган ўртача тезлиги  $v_{\max}$  ни ҳисоблаш учун ҳар хил грунтларга тегишли формулалар ишлаб чиқилган, масалан, М. А. Великанов, И. И. Леви, И. В. Егизаров, Г. И. Шамоу, В. С. Кнороз, Ц. Е. Мирцхулова, В. Н. Гончаров, Б. И. Студеничников ва бошқаларнинг қумга оид формулаларини келтириш мумкин.

Амалиётда  $v < v_{\min}$  шартини бажариш анча мураккаб, шунинг учун, кўпинча, қурилган каналлар қуйқумлар билан тўлиб қолиб, уларни вақти-вақти билан тозалашга тўғри келади.  $v > v_{\max}$  шартига келсак, албатта, бу шарт бажарилиши керак, акс ҳолда канал ювилиб, бузилиб кетиши мумкин.

Бу ерда шундай савол келиб чиқади: агар каналларни гидравлик ҳисоблашда  $v > v_{\max}$  бўлса ёки  $v < v_{\min}$  бўлса, у ҳолда нима қилиш керак?

Бунга шундай жавоб бериш керак.  $v_{\max}$  тезлигини ошириш керак ёки  $v_{\min}$  қийматини камайтириш керак. Буни амалда қандай бажариш мумкин? Бу саволга қуйидагича жавоб бериш мумкин:

1.  $v_{\max}$  ни катталаштириш учун каналнинг тубини ва ён деворларини бетон парда билан ёки тош териш усули билан мустаҳкамлаш керак.

2.  $v_{\min}$  ни камайтириш учун тезлик формуласига, яъни А. Шези формуласига, бошқача қилиб айтганда, текис илгариланма ҳаракат формуласига мурожаат этамиз,  $v = C\sqrt{iR}$ .

Бундан кўриниб турибдики,  $v$  ни камайтириш учун  $R$  ёки  $C$  ни ёки  $i$  ни кичиклаштириш лозим. Бунинг уч хил ечими мавжуд:

1. Каналнинг кўндаланг кесими юзасининг майдонини ўзгартириш (кичиклаштириш) йўли билан, бунда  $R$  озгина камаяди, у ҳолда  $v$  сезиларли даражада ўзгармайди.

2. Ғадир-будурликни катталаштириш йўли билан ўзгартирамиз, у ҳолда  $n$  катталашиб,  $C$  камаяди.

3. Канал тубининг нишаби  $i$  ни камайтирамиз, амалиётда, кўпинча гидравликада шу усул қўлланилади. Бунинг

учун каналнинг узунлиги бўйича (алоҳида бўлакларида) шаршаралар ва тезоқар иншоотлар қурилади.

Энг кичик рухсат этилган, аммо каналда қуйқумларни чуқтириб қолдирмайдиган оқимнинг уртача тезлиги 6.2-жадвалда келтирилган (В. Н. Гончаровнинг тажрибаларидан олинган).

6.2-жадвал

Грунп	Грунт заррачасининг диаметри $d$ , м	$v_{\text{min}}$		
		Каналдаги сувнинг чуқурлиги $h$ , м		
		1	2	3
Қум:				
" жуда майда	0,2÷0,3	0,34	0,44	0,51
" майда	0,3÷0,4	0,43	0,57	0,66
" уртача	0,4÷0,5	0,60	0,78	0,92
" иirik	0,5÷1,0	0,87	1,13	1,32

#### 6.7- §. ТРАПЕЦЕИДАЛ КАНАЛЛАРДАГИ СУЮҚЛИК ОҚИМИНИНГ ТЕКИС ИЛГАРИЛАНМА ҲАРАКАТИНИ ГИДРАВЛИК ҲИСОБЛАШДА АСОСИЙ МАСАЛАЛАР


Маълумки, трапецеидал каналлар асосан олтига ўлчам билан характерланади, булар:  $b$ ,  $h$ ,  $m$  (бу учаласи оқимнинг кўндаланг кесими юзаси майдони ўлчамларини ифодалайди),  $n$ ,  $i$ ,  $Q$  (ёки  $v = \frac{Q}{\omega}$ ). Шулардан бир нечтаси, масалан,  $m$  грунтнинг турларига қараб олинади ва  $n$  берилган бўлади. Канални гидравлик ҳисоблашда асосан қуйидаги бир нечта тур масалалар ҳал қилинади:

1. Сув сарфи  $Q$  ни ва оқим тезлиги  $v$  ни аниқлаш. Бунда оқимнинг кўндаланг кесими бўйича ўлчамлари маълум бўлган ҳолда канал тубининг нишаби  $i$  берилган бўлади.

2. Канал туби нишаби  $i$  ни аниқлаш. Бунда сув сарфи  $Q$  берилган бўлиб, кўндаланг кесим бўйича ўлчамлари маълум бўлади.

3. Оқимнинг кўндаланг кесими юзаси майдонини аниқлаш. Бунда сув сарфи  $Q$  ва канал тубининг нишаби  $i$  берилган бўлади.

4. Оқим кўндаланг кесими юзаси майдонининг ўлчамлари  $b$  ёки  $h$  ва канал тубининг нишаби  $i$  аниқланади. Бунда сув сарфи  $Q$  берилган бўлиб, тезлик  $v$  маълум бўлади.



6.6-расм.

**Биринчи турдаги масалалар.**

Оқим кўндаланг кесимининг барча ўлчамлари берилган  $b$ ,  $h$ ,  $m$ ,  $i$ ,  $n$  (6.6-расм). Сув сарфи  $Q$  ни аниқланг.

*Масалани ечиш тартиби:* Оқимнинг кўндаланг кесими майдонининг ўлчамларини билган ҳолда, (6.22), (6.23), (6.24) формулалардан  $\omega$ ,  $\chi$ ,  $R$  ларни аниқлаб,  $C$  ни топамиз.  $C$  ни ҳисоблашда юқоридаги формулалардан бирини қабул қиламиз, масалан, Н. Н. Павловский формуласини:

$$C = \frac{1}{n} R^x.$$

(6.17) дан  $K'$  ни ва (6.19) дан  $Q$  ни ҳисоблаймиз. Сув сарфи  $Q$  ни тўғридан-тўғри (6.16) дан аниқлаш ҳам мумкин.

**6.1-масала.** Трапецидал канал берилган, унинг туби нишаби  $i = 0,0008$  ва кенлиги  $b = 2$  м, каналдаги сувнинг чуқурлиги  $h = 1,2$  м; ўзан ён девори нишаб коэффициенти  $m = 1,0$ ; унинг ғадир-будурлик коэффициенти  $n = 0,03$ ; каналдаги сувнинг сарфи  $Q$ ; оқимнинг ўртача тезлиги  $v$  ҳамда каналнинг ювилмаслик тезлигини ва қуйқумларнинг чўкмаслигини текширинг. Канал ўтказиладиган трассадаги грунт — соз тупроқ.

*Ечиш.* Каналнинг кўндаланг кесими юзаси майдонининг гидравлик элементларини аниқлаймиз:

$$\omega = (b + mh)h = (2,0 + 1,0 \cdot 1,2) \cdot 1,2 = 3,84 \text{ м}^2;$$

$$\chi = b + 2h\sqrt{1,0 + m^2} = b + m'h = 5,4 \text{ м};$$

бунда  $m' = 2,0\sqrt{1,0 + m^2} = 2,0\sqrt{1,0 + 1,0^2} = 2,83;$

$$R = \frac{\omega}{\chi} = \frac{3,84}{5,40} = 0,71 \text{ м};$$

$$C = \frac{1}{n} R^y = \frac{1}{0,03} 0,71^{1,5\sqrt{0,03}} = 30,5 \text{ м}^0,5/\text{с};$$

$$K = C\omega\sqrt{R} = 30,5 \cdot 3,84 \cdot \sqrt{0,71} = 99,0 \text{ м}^3/\text{с};$$

$$Q = K\sqrt{i} = 99 \cdot \sqrt{0,0008} = 2,82 \text{ м}^3/\text{с}.$$

Ҳисоб натижаларини 6.3-жадвалга туширамиз.

6.3-жадвал

$b$ , м	$h$ , м	$n$	$m$	$\omega$ , м <sup>3</sup>	$i$	$\chi$ , м	$R$ , м	$C$ , м <sup>0,5</sup> /с	$K$ , м <sup>3</sup> /с	$Q$ , м <sup>3</sup> /с	$v$ , м/с
2.0	1.2	0.03	1.0	3.84	0.0008	5.40	0.75	30.5	99	2.82	0.73

Юқорида берилган грунт учун 6.1-жадвалдан  $v = 1$  м/с қийматга эга. Бундан кўриналики, каналдаги ўртача тезлик  $v = 0,73$  дан деярли катта, демак, юқорида кўрсатилган шартларга биноан канал ювилмайди.

Энди  $v_{\min}$  ни (6.50) формуладан аниқлаймиз:

$$v_{\min} = e\sqrt{R} = 0,50\sqrt{0,71} = 0,42 \text{ м/с},$$

бу ерда

$$e = 0,50.$$


Шундай қилиб,  $v = 0,73 > v_{\min} = 0,42$  бўлгани учун сувдаги қуйқумлар чўкмайди.

**Иккинчи турдаги масалалар.** Оқим кўндаланг кесимининг барча ўлчамлари берилган, яъни  $b$ ,  $h$ ,  $m$  ва  $n$ ,  $Q$ . Канал тубининг нишаби  $i$  ни аниқланг.

**Масалани ечиш тартиби.** Биринчи турдаги масалада кўрсатилгандек, бу ерда ҳам оқимнинг гидравлик элементлари  $\omega$ ,  $\chi$ ,  $C$ ,  $R$  ни ҳисоблаб чиқиб, кейин (6.20) формуладан канал тубининг нишабини аниқлаймиз:

$$i = \frac{Q^2}{K^2}.$$

**6.2-масала.** Тўғри тўртбурчак шаклдаги ёғочдан ишланган очиқ ўзан (6.7- расм)  $Q = 1,5$  м<sup>3</sup>/с сув сарфини ўтказ-



6.7- расм.

ди, унинг кенглиги  $b = 0,8$  м; ўзандаги сувнинг чуқурлиги  $h = 0,6$  м ва ғадир-будурлик коэффициентини  $n = 0,014$ . Шу берилганларни назарда тутиб, ўзан тубининг нишаби  $i$  ва оқимнинг кўндаланг кесими юзаси бўйича ўртача тезлиги  $v$  ни аниқланг.

*Ечиш.* Тўғри тўртбурчакли очиқ ўзаннынг кўндаланг кесими юзаси майдонининг гидравлик элементларини аниқлаймиз:

$$\omega = bh = 0,8 \cdot 0,6 = 0,48 \text{ м}^2; \quad \chi = b + 2h = 0,8 + 2 \cdot 0,6 = 2,0 \text{ м};$$

$$R = \frac{\omega}{\chi} = \frac{0,48}{2} = 0,24 \text{ м};$$

$$C = \frac{1,0}{n} R^y = \frac{1,0}{0,014} 0,24^{1,5\sqrt{0,014}} = 57,0 \text{ м}^{0,5}/\text{с};$$

$$K = \omega C \sqrt{R} = 0,48 \cdot 57 \sqrt{0,24} = 13,4 \text{ м}^3/\text{с};$$

$$i = \frac{Q^2}{K^2} = \frac{1,5^2}{13,4^2} = 0,0125;$$

$$v = \frac{Q}{\omega} = \frac{1,5}{2,0} = 3,13 \text{ м/с}.$$

Ёғочдан ишланган ўзан учун рухсат этилган оқим тезлиги  $v_{\max} = 6,5$  м/с, у ўзандаги оқимнинг ўртача тезлиги  $v = 3,13$  м/с дан сезиларли даражада катта, бундан келиб чиқадики, бу иншоот ишлаш даврида бузилмайди.

**Учинчи турдаги масалалар.** Канал тубининг нишаби ва сув сарфи берилган. Оқимнинг кўндаланг кесими юзаси майдонининг гидравлик элементлари  $b$  ва  $h$  ни аниқланг.

Бу масалада, аввало, шунга эътибор бериш керакки, иккала гидравлик элемент  $b$  ва  $h$  бир-бири билан (6.13) ёки (6.19) тенглама орқали боғланган:

$$Q = \omega C \sqrt{iR} = K \sqrt{i}.$$

Бу ерда  $b$  ва  $h$  учун юқоридаги тенгламани қониқтирувчи жуда кўп қийматларни топиш мумкин, шунинг учун бу масала аниқ эмас. Бу масалани аниқлаш учун юқорида айтилгандек (6.4-§ га қаранг) канал тубининг кенглиги  $b$  ёки ундаги сувнинг чуқурлиги  $h$  ёки уларнинг нисбатини  $\beta = \frac{b}{h}$  қабул қилиш керак. Шунга асосан учинчи турдаги масаланинг уч хил ечимини қараб чиқамиз.

1. Биринчи хил ечими. Канал тубининг кенглиги  $b$  берилган, ундаги сувнинг чуқурлигини аниқлаш керак. Бу масала итерация<sup>\*)</sup> усулида қуйидагича ечилади. Бунинг учун (6.18) формуладан керакли сув сарфи модулини аниқлаймиз:

$$K_{\text{керак}} = \frac{Q}{\sqrt{i}},$$

бунда  $b$  ни берилган деб ҳисоблаб,  $h$  нинг ихтиёрий қийматларини қабул қиламиз, масалан,  $h = h_1$  бўлсин, шунга тегишли барча гидравлик элементларни ҳисоблаб чиқамиз, у ҳолда  $\omega = \omega_1$ ;  $\chi = \chi_1$ ;  $R = R_1$ ;  $C = C_1$  ва  $K = K_1$  бўлади.

Булардан  $K_1$  ни қуйидагича ҳисоблаймиз:

$$K_1 = \omega_1 C_1 \sqrt{R_1}.$$

$K_1$  ни  $K_{\text{керак}}$  билан таққослаб  $h$  нинг тегишли қийматини топамиз. Агар  $h = h_1$  қиймати учун ҳисобланган  $K_1$  нинг қиймати  $K_{\text{керак}} = \frac{Q}{\sqrt{i}}$  қийматига тенг бўлса, у ҳолда  $h = h_1$  шу қидирилаётган сувнинг чуқурлиги бўлади, яъни масаланинг ечими топилади. Аммо, амалиётда бирдан  $K$  ва  $K_{\text{керак}}$  бир-бирига тенг бўлиши камдан-кам юз берадиган ҳодиса, шунинг учун  $h$  нинг яна бошқа янги қийматини қабул қиламиз, яъни  $h = h_2$  ва ҳоказо. Шундай қилиб, токи  $K_{\text{керак}}$

<sup>\*)</sup> Кетма-кет яқинлашув усули.

нинг қийматини олмагунча  $h$  нинг янги қийматини бериб бораверамиз ( $h$  нинг қийматини бир неча марта қайта қабул қилгандан кейингина масала ечимини олиш мумкин).

**6.3-масала.** Берилганлар:  $Q = 1,0 \text{ м}^3/\text{с}$ ;  $i = 0,0006$ ;  $m = 1,0$ ;  $n = 0,03$ . Трапецеидал шаклли каналдаги оқимнинг кўндаланг кесими юзаси майдонининг гидравлик элементлари аниқлансин. Канал тубининг кенглиги  $b = 1,5 \text{ м}$ , каналдаги сувнинг чуқурлиги аниқлансин.

*Ечиш.* Каналдаги суюқлик оқимининг кўндаланг кесими майдонининг гидравлик элементларини аниқлаймиз:

$$K_{\text{керак}} = \frac{Q}{\sqrt{i}} = \frac{1,0}{\sqrt{0,0006}} = 40,8 \text{ м}^3/\text{с};$$

$$\omega = (b + mh)h = (1,5 + 1,0h)h;$$

$$\chi = b + 2h\sqrt{1 + m^2} = 1,5 + 2,83h; \quad 2\sqrt{1 + m^2} = m' = 2,83;$$

$$R = \frac{\omega}{\chi} = \frac{(1,5 + 1,0h)h}{1,5 + 2,83h};$$

$$C = \frac{1}{n} R^{1,48} = \frac{1}{0,03} \cdot R^{1,48 \sqrt{0,03}}.$$

$h$  ни қабул қилиб сув сарфи модули  $K$  ни  $K = \omega C \sqrt{R}$  формуладан ҳисоблаймиз ва уни керакли сув сарфи модули

$K_{\text{керак}} = \frac{Q}{\sqrt{i}}$  билан таққослаймиз. Барча гидравлик ҳисобларни 6.4- жадвалга туширамиз.

6.4- жадвал

$h, \text{ м}$	$\omega, \text{ м}^2$	$\chi, \text{ м}$	$R, \text{ м}$	$C, \text{ м}^{0,5}/\text{с}$	$K = \omega C \sqrt{R},$ $K_{\text{керак}} = \frac{Q}{\sqrt{i}},$ $\text{м}^3/\text{с}$
1.0	2.50	4.33	0.58	28.9	55.0 > 40.8
0.9	2.16	4.05	0.53	28.2	44.5 > 40.8
0.85	2.00	3.90	0.514	27.9	40.0 < 40.8
0.86	2.03	3.94	0.517	28.0	40.8 = 40.8



6.4-жадвалдан кўриниб турибдики, ўзандаги сувнинг чуқурлиги  $h = 0,86$  м, бундай натижа юқоридаги шартни қониқтиради. Демак, масала ечими топилди. Шунни айтиб, ўтиш керакки, кўпинча амалиётда итерация усулида  $h$  нинг қиймати сув сарфи модули


$$K = \omega C \sqrt{R}$$

ни керакли сув сарфи модули  $K_{\text{керак}}$  билан таққослаш усули билан аниқланади:

$$K_{\text{керак}} = \frac{Q}{\sqrt{i}}$$

Юқоридаги жадвалда берилганидек,  $K$  ларнинг бир-бирига шунчалик яқин бўлиши камдан-кам юз берадиган ҳодиса, акс ҳолда юқоридаги ҳисоб-китобдан фойдаланиб  $h$  нинг қийматини график ёрдамида аниқланади. Бунинг учун  $K = f(h)$  графигини тузиш керак (6.8-расм). Бу графикда ҳисобланган (6.4-жадвалга қаранг)  $K_1, K_2, K_3$  ва ҳоказолар, уларга тегишли  $h_1, h_2, h_3$  ва ҳоказоларнинг қийматларига асосан чизилади. Бу графикда горизонтал ўқига  $K$  ва вертикал ўқига  $h$  қўйилади. Натижада  $K = f(h)$  эгри чизиғи пайдо бўлади.

Горизонтал ўқига  $K_{\text{керак}} = 40,8$  қийматини қўйиб, уни эгри чизиққача кўтариб, унда  $A$  нуқтасини белгилаймиз,  $A$  нуқтадан ордината  $h$  ўқи томонга юрсак, ўша ордината



6.8-расм.

ўқи билан учрашган нуқтаси бизга керакли чуқурлик  $h$  ни беради. Шундай қилиб,  $K = f(h)$  графигидан керакли

$$K_{\text{керак}} = \frac{Q}{\sqrt{i}} = 40,8 \text{ сув сарфи модулига тегишли } h = 0,86 \text{ м}$$

қийматни аниқладик.

2. Иккинчи хил ечими. Каналдаги сувнинг чуқурлиги  $h$  берилган, унинг тубининг кенглиги  $b$  ни аниқланг. Бу масала ҳам юқоридаги масалага ўхшаш итерация усулида ечилади, бунинг учун аввало

$$K_{\text{керак}} = \frac{Q}{\sqrt{i}}$$

ни аниқлаймиз. Сувнинг чуқурлиги  $h$  берилган ҳолда  $b$  нинг бир неча қийматини қабул қилиб, барча гидравлик элементлар  $\omega$ ,  $\chi$ ,  $R$ ,  $C$  ва бошқаларни ҳисоблаб чиқиб, сув сарфи модулини аниқлаймиз:

$$K = \omega C \sqrt{R},$$

ва уни  $K_{\text{керак}}$  билан таққослаймиз. Агар қабул қилинган  $b$  учун ҳисобланган  $K$  керакли  $K_{\text{керак}}$  га тенг бўлса, демак, масала ечилган ҳисобланади. Юқоридаги масала каби бу масалада ҳам  $b$  нинг қийматини аниқлашда

$$K = f(b)$$

графигини тузамиз ва ундан фойдаланиб,  $b$  нинг қийматини топамиз.

3. Учинчи хил ечими. Ўзаниннг нисбий кенглиги, яъни каналнинг гидравлик энг қулай кўндаланг кесими  $\beta = \frac{b}{h}$  берилган.  $b$  ва  $h$  ни аниқлаш керак. Бу масала ҳам итерация усулида ечилади. Аввало керакли сув сарфи модули аниқланади

$$K_{\text{керак}} = \frac{Q}{\sqrt{i}}$$

$h$  нинг бир неча ихтиёрий қийматини, яъни  $h_1, h_2, h_3, \dots$  қабул қилиб уларга тегишли  $b$  ларнинг қийматларини  $\beta = \frac{b}{h}$  формуласи ёрдамида ҳисоблаймиз, унда  $b_1 = \beta h_1$ ,

$b_2 = \beta h_2$ ,  $b_3 = \beta h_3$ , ва ҳоказо бўлади. Гидравлик элементлар  $\omega$ ,  $\chi$ ,  $R$  ни аниқлаймиз. Кейин  $K = \omega C \sqrt{R}$  ни ҳисоблаймиз. Бу  $K$  ни керакли  $K_{\text{керак}} = \frac{Q}{\sqrt{i}}$  билан таққослаймиз. Итерация усулида ва график  $K = f(h)$  ёрдамида  $h$  ни топамиз.

**6.4-масала.** Трапецеидал шаклдаги бетондан ишланган каналнинг кўндаланг кесими ўлчамларини аниқланг. Бунда қуйидагилар берилган:  $Q = 30 \text{ м}^3/\text{с}$ ;  $i = 0,00016$ ;  $\beta = 3$ ;  $m = 1,5$ ;  $n = 0,014$ .

*Ечиш.* Сууюқлик оқимининг кўндаланг кесими майдонининг гидравлик элементларини аниқлаймиз:

$$K_{\text{керак}} = \frac{Q}{\sqrt{i}} = \frac{30}{\sqrt{0,00016}} = 2370 \text{ м}^3/\text{с};$$

$$b = \beta \cdot h = 3h; \quad \omega = (b + mh)h = (3h + 1,5h)h = 4,5h^2;$$

$$\chi = b + m'h = 3h + 3,61h = 6,61h; \quad m' = 2,0\sqrt{1 + m^2} = 3,61h;$$

$$R = \frac{\omega}{\chi} = \frac{4,5h^2}{6,61h} = 0,683h;$$

$$C = \frac{1}{n} R^v = \frac{1}{0,014} (0,683h)^{1,3\sqrt{0,014}}.$$

Масала ечимининг натижаларини 6.5- жадвалга туширамиз.

6.5-жадвал

$h$ , м	$\omega$ , м <sup>2</sup>	$R$ , м	$C$ , м <sup>0,5</sup> /с	$K = \omega C \sqrt{R}$ , $K_{\text{керак}} = \frac{Q}{\sqrt{i}}$ , м <sup>3</sup> /с
2,0	18,0	1,36	74,80	1570 < 2370
2,5	28,0	1,70	77,20	2810 < 2370
2,3	23,8	1,57	76,05	2280 < 2370
2,35	25,0	1,60	76,50	2420 < 2370
2,34	24,7	1,59	76,00	2370 = 2370

6.5-жадвалдан кўринадики,  $h = 2,34$  м қиймати масалада қўйилган шартга жавоб беради. Шундай қилиб,  $h = 2,34$  м ни қабул қилиб, каналнинг кенглигини топамиз

$$b = \beta h = 3,0 \cdot 2,34 = 7,02 \text{ м.}$$

**Тўртинчи турдаги масалалар.** Берилган: сув сарфи  $Q$ ; оқимнинг ўртача тезлиги  $v$ ; бу ерда қуйидагилар маълум:  $m$ ,  $b$  ёки  $h$ . Масалада  $b$  ёки  $h$  ни, ўзан туби нишаби  $i$  ни аниқлаш керак. Бу ерда оқимнинг кўндаланг кесими юзаси майдони қуйидагича топилади:

$$\omega = \frac{Q}{v}.$$

(6.22) формуладан

$$\omega = (b + mh)h,$$

бундан  $h$  ёки  $b$  ни аниқлаймиз:

$$h = \sqrt{\left(\frac{b}{2m}\right)^2 + \frac{\omega}{m}} - \frac{b}{2m}; \quad b = \frac{\omega}{h} - mh.$$

Ўзаннинг туби нишаби  $i$  (6.20) формуладан аниқланади:

$$i = \frac{Q^2}{K^2}.$$

**6.5-масала.**  $Q = 2,28 \text{ м}^3/\text{с}$  сув сарфини ўтказадиган каналнинг гидравлик элементларини ҳисоблаш керак. Каналда оқимнинг ўртача тезлиги  $v = 0,65 \text{ м/с}$ ; канал тубининг кенглиги  $b = 2,5 \text{ м/с}$ ;  $m = 1,0$ ;  $n = 0,0225$ . Сувнинг чуқурлиги  $h$  ва ўзан тубининг нишаби  $i$  ни аниқланг.

*Ечиш.* Оқимнинг кўндаланг кесими юзаси майдонининг гидравлик элементлари қуйидагича аниқланади:

$$\omega = \frac{Q}{v} = \frac{2,28}{0,65} = 3,5 \text{ м}^2; \quad h = \sqrt{\left(\frac{2,5}{2 \cdot 1,0}\right)^2 + \frac{3,5}{1,0}} - \frac{2,5}{2 \cdot 1,0} = 1,0 \text{ м};$$

$$\chi = b + m'h = 2,5 + 2,83 \cdot 1,0 = 5,33; \quad R = \frac{3,50}{5,33} = 0,66 \text{ м};$$

$$C = \frac{1,0}{n} R^x = \frac{1,0}{0,0225} 0,66^{1,49 \sqrt{0,0225}} = 40,6 \text{ м}^{0,5} / \text{с}.$$

$$K = \omega C \sqrt{R} = 3,5 \cdot 40,6 \sqrt{0,66} = 116,0 \text{ м}^3/\text{с};$$

$$i = \frac{Q^2}{K^2} = \frac{2,28^2}{116,0^2} = 0,00039.$$

## 6.8-§. ОЧИҚ ЎЗАНЛАРДА СУЮҚЛИКНИНГ БАРҚАРОР ТЕКИС ИЛГАРИЛАНМА ҲАРАКАТИНИНГ ГИДРАВЛИК ЭЛЕМЕНТЛАРИНИ ЭҲМ ЁРДАМИДА ҲИСОБЛАШ

Очиқ ўзанларда суюқликнинг барқарор текис илгариланма ҳаракати, шу жумладан оқимнинг нормал чуқурлигини ва унинг кўндаланг кесими юзасининг майдонини ва бошқа гидравлик элементларни қўл усулида гидравлик ҳисоблаш анча мураккаб бўлгани учун у кўп вақт талаб этади.

Масалан, юқорида айтилгандек кетма-кет яқинлашув (итерация) усули гидравлик ҳисоблашда кенг қўлланилади. Бу ерда нотекис илгариланма ҳаракатни гидравлик ҳисоблаш қанчалик мураккаб эканлиги тўғрисида гапирмаса ҳам бўлади, у шундоқ ҳам тушунарли. Гидравлик ҳисоблаш вақтини қисқартириш ва унинг аниқлигини ошириш мақсадида юқорида кўрсатилган ва шуларга ўхшаш масалаларни ҳисоблашда ЭҲМ ни қўллаш мақсадга мувофиқ. Биз қуйида масалани ЭҲМ да ечиш, яъни текис илгариланма ҳаракатнинг нормал чуқурлигини ва оқимнинг кўндаланг кесими майдони бўйича ўртача тезлигини аниқлаш усуллари кўриб чиқамиз. Суюқлик оқимининг нормал чуқурлиги  $h$  қуйида берилган гидравлик элементлар (сув сарфи  $Q$ , ўзаннинг шакли ва ғадир-будурлигини ифодаловчи коэффициент  $n$ , ўзан тубининг нишаби  $i$  ва унинг ён девори нишабининг коэффициенти  $m$ ) асосида, текис илгариланма ҳаракатнинг тенгламасидан аниқланади

$$v = C\sqrt{RJ}. \quad (6.52)$$

(6.52)нинг икки томонини  $\omega$  га кўпайтирсак

$$Q = \omega C\sqrt{RJ}. \quad (6.53)$$

Бу ерда трапецеидал шаклдаги каналда текис илгариланма ҳаракат бўлиб, унда нормал чуқурлик  $h_0$  бўлганда, оқимнинг бошқа гидравлик элементлари тегишлича ёзилди

$$\omega_0 = (b + mh_0)h_0; \quad \chi_0 = b + 2h_0\sqrt{1 + m^2};$$

$$R_0 = \frac{\omega_0}{\chi_0} = \frac{(b + mh_0)h_0}{b + 2h_0\sqrt{1 + m^2}};$$

$$W = C_0 \sqrt{R_0} = \frac{1}{n} R_0^{v+0.5};$$

Г. В. Железняков формуласидан:

$$C_0 = \frac{1}{2} \left[ \frac{1}{n} - \frac{\sqrt{g}}{0.13} (1 - \lg R) \right] + \sqrt{\frac{1}{4} \left[ \frac{1}{n} - \frac{\sqrt{g}}{0.13} (1 - \lg R) \right]^2 + \frac{\sqrt{g}}{0.13} \left( \frac{1}{n} + \sqrt{g} \lg R \right)},$$

$$y = \frac{1}{\lg R} \lg \left\{ \left[ \frac{1}{2} - \frac{n\sqrt{g}}{0.26} (1 - \lg R) \right] + n \sqrt{\frac{1}{4} \left[ \frac{1}{n} - \frac{\sqrt{g}}{0.13} (1 - \lg R) \right]^2 + \frac{\sqrt{g}}{0.13} \left( \frac{1}{n} + \sqrt{g} \lg R \right)} \right\}$$

аниқлаймиз. Масала итерация усулида ЭХМ ёрдамида ечилади. Масалани ЭХМ ёрдамида ечиш учун алгоритм, блок схема ва ҳисоблаш дастурини тузиш лозим<sup>3)</sup>.

#### 6.9-§. БАҲАҚРОР ТЕКИС ИЛГАРИЛАНМА ХАРАКАТНИНГ НОРМАЛ ЧУҚУРЛИГИНИ ҲАМДА ОҚИМНИНГ КҮНДАЛАНГ КЕСИМИ МАЙДОНИ БҮЙИЧА ЎРТАЧА ТЕЗЛИГИНИ ЭХМ ЁРДАМИДА ҲИСОБЛАШ

**Оқимнинг нормал чуқурлиги  $h_0$  ни ва унинг ўртача тезлиги  $v$  ни ЭХМ ёрдамида ҳисоблаш.** ЭХМ учун суюқлик оқимининг нормал чуқурлигини аниқлаш алгоритминини тузиш мақсадида (6.53) тенгламага, ундаги параметрларнинг миқдорларини жой-жойига қўйиб чиқиб, уни  $h_0$  га нисбатан ечамиз:

<sup>3)</sup> Берилган масаланинг ечимини ЭХМ ёрдамида бажариш учун ҳисоблаш алгоритминини, блок схемасини ва ҳисоблаш дастурини талабалар тузиши керак, улар шу курсдан лекция ўқийдиган ўқитувчи назорати остида бажарилиши лозим. Масала жуда мураккаб бўлса, у ҳолда дастурчи (программист)ни жалб этиш мақсадга мувофиқ.

$$\begin{aligned}
Q &= (bh_0 + mh_0^2) \frac{1}{n} \left( \frac{bh_0 + mh_0^2}{b + 2h_0\sqrt{1+m^2}} \right)^{r+0,5} \sqrt{i_0} = \\
&= h_0^2 \left( \frac{b}{h_0} + m \right) \frac{1}{n} \left[ \frac{h_0^2 \left( \frac{b}{h_0} + m \right)}{h_0 \left( \frac{b}{h_0} + 2\sqrt{1+m^2} \right)} \right]^{r+0,5} \sqrt{i_0} = \\
&= h_0^{2,5+r} \frac{\sqrt{i_0}}{h} \left( \frac{b}{h_0} + m \right) \left( \frac{\frac{b}{h_0} + m}{\frac{b}{h_0} + 2\sqrt{1+m^2}} \right)^{r+0,5} \quad (6.54)
\end{aligned}$$

$\frac{b}{h_0}$  нисбатни  $\beta$  белги билан ифодалаб, (6.54) тенглама-ни  $h_0$  га нисбатан ечамиз

$$h_0 = \left[ \frac{Q \cdot n}{\sqrt{i_0}} \cdot \left( \frac{\beta + 2\sqrt{1+m^2}}{\beta + m} \right)^{r+0,5} \cdot \frac{1}{\beta + m} \right]^{\frac{1}{2,5+r}} \quad (6.55)$$

(6.55) тенгламадан  $h_0$  нинг қийматини кетма-кет яқинлашув усули билан аниқлаймиз. Бу масалани ечиш алгоритми қуйидагича (6.9- расм).



**А. Оқимнинг нормал чуқурлиги ва ўртача тезлигини ЭХМ да ҳисоблаш алгоритми.**

1. Очиқ ўзандаги барқарор текис илгариланма ҳаракатдаги сувнинг ихтиёрий чуқурлигини қабул қиламиз, масалан,  $h_1$ .

2.  $\frac{b}{h_1} = \beta_1$  нисбатини аниқлаймиз.

3. (6.55) тенгламадан  $h'_0$  нинг қийматини кетма-кет яқинлашув усулида, ЭХМ ёрдамида ҳисоблаб, топамиз. Тенгсизлик шarti  $|h'_0 - h_1| \leq \epsilon$  ни қабул қиламиз, бу ерда  $\epsilon$  — олдиндан берилган аниқлик.

4. Тенгсизлик шarti  $(h'_0 - h_1) \leq \epsilon$  бажарилса, демак, масала ечилди ҳисоб (бу ерда  $\epsilon = 0,01$  — унинг қиймати қаралаётган масаланинг аниқлик даражасига боғлиқ). Агар юқорида кўрсатилган тенгсизлик шarti бажарилмаса, унда  $h$  га бошқа қиймат бериб, янгитдан (6.55) тенг-



6.9- расм.



ламадан  $h_0^*$  ни ҳисоблаймиз, шу тартибда ҳисоб-китобни токи шу тенгсизлик шарти бажарилмагунча давом эттира-  
верамиз.

5. Тенгсизлик бажарилганда, биз қабул қилаётган сув-  
нинг чуқурлиги шу оқимнинг барқарор текис илгарилан-  
ма ҳаракатининг нормал чуқурлигини беради.

6. Сувнинг нормал чуқурлиги  $h_0$  топилгандан кейин  
юқоридаги (6.7-§ да келтирилган) формулалардан фойда-  
ланиб, унга тегишли гидравлик элементларни, яъни  $\omega_0$ ,  
 $\chi_0$ ,  $R_0$ ,  $C_0$ ,  $v_0$  ва бошқаларни аниқлаймиз.

7. (6.52) тенгламадаги А. Шези коэффициенти бир неч-  
та формулалар ёрдамида ЭХМ да ҳисобланади ва тажриба-  
дан олинган С қиймати билан солиштирилади. ЭХМ да С  
ни ҳисоблаш дастурига Н. Н. Павловский, А. П. Зегжда, Г.  
В. Железняков, А. Д. Альтшул, И. К. Никитин ва А. Ю. Умар-  
ров формулалари киритилган.

**Б. Оқимнинг нормал чуқурлиги ва ўртача тезлигини ЭХМда  
ҳисоблаш блок-схемаси (6.9-расм).**

**В. Оқимнинг нормал чуқурлиги ва ўртача тезлигини ЭХМ  
ёрдамида ҳисоблаш дастури**

```
5 DIM H0(15), H1(15)
10 PRINT "Суюқлик оқимининг текис илгариланма
   ҳаракатининг H0 нормал чуқурлигини ва унинг
   U ўртача тезлигини ЭХМда ҳисоблаш"
20 PRINT "Берилган миқдорларни киритинг"
30 READ Q, I, M, N, E, B1, G, DELTA
40 PRINT "Очиқ ўзандаги суюқлик оқимининг их-
   тиёрий чуқурлигини киритинг"
50 INPUT H
60 B=B1*H: W=(B1+M)*H^2
70 X=(B1+2)*H*SQR(1+M^2):R=W/X
80 IF R<5 THEN 140
90 Y1=LOG(10)/LOG(R)
100 Y2=.5*(N*SQR(G)/.26)*(1-LOG(R)/LOG(10))
110 Y3=.25*(1/N-(SQR(G)/.13)*(1-LOG(R)/LOG(10)))
   +(SQR(G)/.13)*(SQR(G)*LOG(R)/LOG(10))
120 Y=Y1*LOG(Y2+N*Y3)/LOG(10)
```

```

130 GOTO 150
140 Y=2.5*SQR(N)-.3-.75*SQR(R)*(SQR(N)-.1)
150 C1=(1/N)*R^Y
160 C2=.5*(1/N-SQR(G).13*(1-LOG(R)/LOG(10)))+Y3
170 L=2*G*H+1/V^2
190 C3=(4.92*LOG(H/DELTA)/LOG(10)+2.94)*SQR(G)
200 V1=.000101
210 C4=20*LOG(R/(N+.385*V1)/SQR(G*R*1))/LOG(10)
220 PRINT "Павловский формуласи: с="; C1
230 PRINT "Железняков формуласи: с="; C2
240 PRINT "Умаров формуласи: с="; C3
250 PRINT "Альтшул формуласи: с="; C4
270 Q1=W*C1+SQR(R*1)
275 FOR I=1 TO 10
280 HI(I)=.1+I*.2
290 HO(I)=(((Q1*N)/SQR(I))*((B/HI(I)+2*SQR(1+M^2))
/(B/HI(I)+M)^(Y+.5)*(1/(B/HI(I)+M))^(1/(2.5+Y)))
292 PRINT "HO("I")="; HO(I)
300 IF ABS(HO(I)-H)>E THEN 50
305 PRINT "q="; Q; "q1="; Q1; "v="; U; "w="; W;
"HO="; HO
310 NEXT I
320 PRINT "q="; Q; "q1="; Q1; "v="; U; "w="; W;
"HO="; HO
400 END

```

Дастур машинага киритилади ва машина ишга туширилади, натижада оқимнинг барқарор текис илгариланма ҳаракатининг нормал чуқурлиги ва ўртача тезлигини ҳамда унга тегишли барча гидравлик элементларнинг қийматларини оламир.

ЭХМ ёрдамида ҳисоблашдан аввал масалани қўлда ечиб, уни машинадан олинган натижалар билан таққослаб кўриш керак, чунки фақат шу усул билан ҳисоблаш дастурининг тўғри тузилганлигини тасдиқлаш мумкин.

#### 6.10-§. ОҚИМНИНГ НОРМАЛ ЧУҚУРЛИГИНИ ВА ТЕЗЛИГИНИ ЭХМ ЁРДАМИДА ҲИСОБЛАШ УЧУН МАСАЛАЛАР

**6.5-масала.** Трапецеидал шаклли канал берилган. У канал  $Q = 500 \text{ м}^3/\text{с}$  сув сарфини ўтказди. Канал тубининг нишаби  $i = 0,00016$ , ён деворининг нишаб коэффиенти

$m = 3,0$ ; грунт — майда қумдан иборат. Каналдаги суюқлик оқимининг нормал чуқурлигини аниқланг.

*Ечиш.* 1. Масалани ечиш учун гидравлик маълумотномадан берилган грунт (майда қум) учун гадир-будурликни ифодаловчи коэффициент  $n$  ва гадир-будурликнинг мутлақ геометрик баланглик ўлчами  $\bar{\Delta}$  ҳамда трапецеидал шаклли канал ён девори нишабининг коэффициенти  $n$  нинг қийматларини оламиз.  $n = 0,0275$ ;  $m = 3,0$ .

2. Берилган  $Q$  ва  $i$  ларга асосан керакли сув сарфи модулини аниқлаймиз:

$$K_{\text{керак}} = \frac{Q}{\sqrt{i}} = \frac{500}{\sqrt{0,00016}} = 39528,85 \text{ м}^3/\text{с}.$$

3. Кетма-кет яқинлашув усулини қўллаб, ўзандаги сув чуқурлигининг ҳар хил қийматларини қабул қилиб, қуйидаги гидравлик элементларни ҳисоблаймиз. Масалан,  $h_1$  ни 5,0 м деб қабул қиламиз, у ҳолда оқимнинг кўндаланг кесими юзасининг майдони

$$\omega_1 = (b_1 + mh_1)h_1 = (b_1 + 3 \cdot 5) \cdot 5.$$

Бу ерда  $b_1 = \beta_{\text{ак}} \cdot h_1$  — канал тубининг кенглиги. Масаладаги  $b$  ни аниқлаш учун  $\beta_{\text{ак}}$  (каналнинг амалий энг қулай кўндаланг кесими)ни топиш керак. Юқорида айтилганидек,  $\beta_{\text{ак}}$  каналнинг амалий энг қулай кўндаланг кесими, унинг (сув сарфи  $Q = \text{const}$ ,  $\omega_{\text{мин}}$  ва  $\omega_{\text{макс}}$  бўлган ҳол учун) гидравлик энг қулай кўндаланг кесимидан

$$\beta_{\text{тк}} = \left(\frac{b}{h}\right)_{\text{тк}} = 2(\sqrt{1 + m^2} - m) = 2(\sqrt{1,0 + 3^2} - 3) = 0,325$$

фарқ қилади. Тажрибадан маълумки, каналнинг гидравлик энг қулай кўндаланг кесими нисбатан чуқур бўлади, яъни

$\beta_{\text{тк}} = \left(\frac{b}{h}\right)_{\text{тк}}$  жуда кичкина бўлади.

Бундай чуқур трапецеидал шаклли каналлар иқтисодий жиҳатдан ноқулай бўлиб, уларни қуришда ва ишлашида кўп қийинчиликлар туғилади. Шунинг учун гидротехник иншоотларни қуришда янги тушунча, яъни каналнинг амалий энг қулай кўндаланг кесими тушунчаси қабул қилинади (бу ҳолда каналнинг кўндаланг кесими майдони

$\omega_{\text{мин}}$  дан  $(3 \div 4)\%$  га фарқ қилади. Бу фарқни аниқлаш учун 6.56- расмнинг I—II вертикал тўғри чизиғининг ўнг томонидаги фарқни олиш керак. 6.56- расмдаги I—II вертикал бўйича белгиланган узук (пунктир) чизиқлар  $\beta_{\text{гк}}$  дан  $\beta_{\text{ак}}$  га ўтиш имкониятини беради.

Каналнинг амалий энг қулай кўндаланг кесими қуйидаги шартга мувофиқ олинади

$$\beta_{\text{гк}} < \beta_{\text{ак}} < (\beta_{\text{гк}})_{\text{чегара}}. \quad (6.56)$$

Каналнинг гидравлик энг қулай кўндаланг кесимининг юқори чегаравий  $(\beta_{\text{гк}})_{\text{чегара}}$  миқдори Р. Р. Чугаев формуласидан аниқланади:

$$(\beta_{\text{гк}})_{\text{чегара}} = 2,5 + \frac{m}{2} = 2,5 + \frac{3}{2} = 4,0.$$

Амалда эса  $\beta_{\text{ак}}$  ни  $(\beta_{\text{гк}})_{\text{чегара}}$  дан кичик деб қабул қилинган, шунинг учун

$$\beta_{\text{ак}} = 3,0 < (\beta_{\text{гк}})_{\text{чегара}} = 4,0.$$

Биз  $\beta_{\text{ак}}$  ни учга тенг деб қабул қиламиз:  $\beta_{\text{ак}} = 3,0$ , бу ҳолда (6.56) шarti бажарилади, яъни

$$\beta_{\text{гк}} = 0,325 < \beta_{\text{ак}} = 3,0 < (\beta_{\text{гк}})_{\text{чегара}} = 4,0.$$

Канал тубининг кенглиги

$$b_1 = \beta_{\text{ак}} \cdot h_1 = 3 \cdot 5 = 15,0 \text{ м.}$$

(6.22) формуладан оқимнинг кўндаланг кесими юзасининг майдони

$$\omega_1 = (b_1 + 3 \cdot 5) \cdot 5 = 150,0 \text{ м}^2.$$

(6.23) тенгламадан ҳўлланган периметрининг узунлиги:

$$\chi_1 = b_1 + 2h_1\sqrt{1+m^2} = 15 + 2 \cdot 5\sqrt{1,0+3^2} = 46,62 \text{ м.}$$

(6.24) тенгламадан гидравлик радиус:

$$R_1 = \frac{\omega_1}{\chi_1} = \frac{150,0}{46,62} = 3,22 \text{ м.}$$

(6.17) тенгламадан сув сарфи модули:

$$K_1 = \omega_1 C_1 \sqrt{R_1} = 150 C_1 \sqrt{3,22}.$$

Бу ерда  $C$ — $A$ . Шези коэффициентлари, уни ҳисоблаш учун бир нечта формулалар мавжуд. Шулардан энг оддийси Н. Н. Павловский формуласи бўлиб, гидравликада кенг қўлланилади:

$$C = \frac{1}{n} R^{1/3} = \frac{1}{0,0275} 3,22^{1/3} \sqrt[3]{0,0275} = 44 \text{ м}^{0,5}/\text{с}.$$

Бу ерда  $y$  — даража кўрсаткичи бўлиб, тўлиқ формуласи қуйидагича

$$y = 2,5\sqrt{n} - 0,13 - 0,75\sqrt{R}(\sqrt{n} - 0,10).$$

(6.17) формуладан  $K_1$  ни аниқлаймиз.

$$K_1 = 150 C_1 \sqrt{3,22} = 150 \cdot 44 \cdot \sqrt{3,22} = 11873,0 \text{ м}^3/\text{с}.$$

Бундан кўринадики,  $K_1 = 11873,0$  керакли  $K_{\text{керак}}$  қийматидан  $K_{\text{керак}} = 39528,85$  анча кам, шунинг учун ҳисоб-китобни давом эттирамиз. Янгитдан бошқа сув чуқурлиги  $h_2$  қийматини қабул қиламиз ва  $K_2$  ни топамиз. Уни  $K_{\text{керак}}$  билан таққослаймиз, тўғри келмаса  $h_1$  ни қабул қиламиз ва ҳоказо. Барча ҳисоб-китоблар жадвал усулида бажарилади (6.6-жадвал).

6.6-жадвалдан кўриниб турибдики, керакли сув сарфи модули  $K_{\text{керак}} = \frac{Q}{\sqrt{I}}$  ва ҳисобланган сув сарфи модули

$K = \omega C \sqrt{R}$  ҳисоблашда кўпинча ўзаро тенг келмайди. Шунинг учун  $K_{\text{керак}}$  га мос келувчи сувнинг нормал чуқурлиги  $h_0$  нинг аниқ қийматини топиш учун 6.6-жадвалдаги  $K$  ва уларга тегишли  $h$  лар ўртасидаги боғланиш графигини тузамиз, яъни


$$K = f(h).$$

6.10- расмдаги график  $K = f(h)$  га  $K_{\text{керак}}$  қийматини қўйиб, шу эгри чизиқ орқали ордината ўқида учрашган жойидан

$h, \text{ м}$	$b = \beta_{\text{ак}} \cdot h, \text{ м}$	$B, \text{ м}$	$\omega_1, \text{ м}^2$	$\chi, \text{ м}$	$R, \text{ м}$	$K = \omega C \sqrt{R}, \text{ м}^3/\text{с}$	$K_{\text{кериқ}} = \frac{Q}{\sqrt{I}}, \text{ м}^3/\text{с}$
1,0	3,0	9,0	6,0	9,324	0,643	159,148	
2,0	6,0	18,0	24,0	18,649	1,287	1045,380	
4,0	12,0	36,0	96,0	37,298	2,574	6866,60	
5,0	15,0	45,0	150,0	46,62	3,217	12586,67	
6,0	18,0	54,0	216,0	55,947	3,860	20650,66	
7,5	22,5	67,5	337,0	69,93	4,826	37853,04	
10,0	30,0	90,0	600,0	93,246	6,435	82676,49	
12,5	37,5	112,5	937,0	116,56	8,040	151547,57	
15,0	45,0	135,0	1350,0	139,87	9,65	248640,59	
16,0	48,0	144,0	1536,0	149,19	10,29	296269,05	39528,85

<sup>3</sup>С коэффициентини ҳисоблашда Н. Н. Павловский формуласидан ташқари Маннинг, Гапгилье-Куттер, И. И. Леви, И. В. Егизаров, Б. А. Бахметев, И. И. Агроскин, В. Н. Гончаров, В. С. Кнороз, Г. В. Железняков, А. Д. Альтшул, А. П. Зетжда, А. Ю. Умаров ва бошқаларнинг формулаларидан ҳам фойдаланиш мумкин.

Илова:  $\beta_{\text{ак}}=3$  — амалий энг қулай кўндаланг кесим.



6.10-расм.

элементларни қуйидаги формулалар ёрдамида ҳисоблаймиз.

Очиқ ўзандаги суюқликнинг текис илгариланма ҳаракатининг ўртача тезлигини (6.12) формуладан

$$v = C\sqrt{iR},$$

бунда  $C$  — А. Шези коэффиценти

$$C = \frac{1}{n} R^y = \frac{1}{0,0275} R^{1,3\sqrt{0,0275}};$$

бу ерда

$$y = 1,3\sqrt{n} = 1,3\sqrt{0,0275} = 0,216.$$

Оқимнинг кўндаланг кесими юзасининг майдони

$$\omega = (b + mh)h;$$

бунда  $b$  — канал тубининг кенглиги

$$b = \beta_{ак} \cdot h = 3h;$$

$h$  нинг қийматини оламиз. Бу бизга масаладаги ҳисобланган оқимнинг текис илгариланма ҳаракатининг нормал чуқурлиги  $h_0$  ни беради.

Бу графикдан (6.10-расм)  $K_{керак}$  га тегишли  $h_0$  нинг қийматини аниқлаймиз

$$K_{керак} = 39528,85 \text{ м}^3/\text{с},$$

$$h_0 = 7,78 \text{ м}.$$

4. Сувнинг нормал чуқурлиги  $h_0$  ни аниқлагандан кейин, шу оқимга тегишли, барча гидравлик эле-

Хўлланган периметрининг узунлиги

$$\chi = b + 2h\sqrt{1 + m^2} = b + 2 \cdot 3,162h = b + 6,32h$$

Гидравлик радиуси

$$R = \frac{\omega}{\chi} = \frac{(b+3h)h}{b+6,32h} = \frac{6,0h^2}{9,32h} = 0,64h.$$

Итерация усулида топилган  $h_0$  орқали аниқланган сувнинг ўртача тезлиги  $v$  рухсат этилган тезликка мос келади.

Каналларнинг гидравлик элементларини ҳисоблашда ЭХМ дан фойдаланиш мақсадга мувофиқ.

*Амалий машғулотлар ўтказиш учун гидродинамикадан материаллар. Очиқ ўзанларда суюқликнинг барқарор текис илгариланма ҳаракатини гидравлик ҳисоблаш*

**6.6-масала.** Трапеция шаклидаги канал берилган, тубининг кенглиги  $b = 0,5$  м, ён деворининг нишаб коэффициенти  $m = 1,0$ . Канал деворларига тош терилиб, мустаҳкамланган. Унинг тубининг нишаби  $i = 0,0001$ , каналдаги сувнинг чуқурлиги  $h = 1,0$  м. Каналдаги сув сарфини ва оқимнинг ўртача тезлигини аниқлаш керак.

**6.7-масала.** Трапецеидал шаклли каналнинг гидравлик энг қулай кўндаланг кесимини қуйидагиларга асосан аниқланг: каналнинг ён деворининг нишаб коэффициенти  $m = 1,5$ ; ғадир-будурликни ифодаловчи коэффициент  $n = 0,025$ ; сув сарфи  $Q = 3$  м<sup>3</sup>/с; канал тубининг нишаби  $i = 0,002$ .

*Жавоб.*  $h = 1,11$  м;  $b = 0,68$  м.

**6.8-масала.** Трапецеидал каналнинг амалий энг қулай кўндаланг кесими ўлчамларини аниқланг.  $A_n = 0,97$ ;  $Q = 20$  м<sup>3</sup>/с;  $m = 2$ ;  $n = 0,025$ ;  $d_n = 1,0$  мм бўлгани ҳолда канал тубининг нишабини ҳам аниқланг.

*Ечиш.* Бу ерда  $A_v = \frac{v}{v_{ГК}} = \frac{\omega}{\omega_{ГК}}$  каналнинг гидравлик қулай коэффициенти  $A_v = 0,97 \div 0,98$ , сув чуқурлиги  $h$  нинг қийматини  $h = 2,5$  м қабул қилиб, 6.1-жадвалдан  $v_{\max}$  ни аниқлаймиз.



$$v'_{\max} = 0,75 \text{ м/с},$$

$$\omega = \frac{Q}{v'_{\max}} = 20 / 0,75 = 26,7 \text{ м}^2.$$

$m = 2$ ;  $\beta_{\max} = 2,91$  булганда,

$$h = \sqrt{\frac{\omega}{2,91+2}} = \sqrt{5,43} = 2,33 \text{ м};$$

$$b = \beta_{\max} \cdot h = 2,91 \cdot 2,33 = 6,78 \text{ м};$$

$$\chi = b + 2h\sqrt{1+m^2} = 6,78 + 2 \cdot 2,33\sqrt{5} = 17,23 \text{ м};$$

$$R = \frac{\omega}{\chi} = \frac{26,7}{16,23} = 1,55 \text{ м};$$

$$C = 43,9 \text{ м}^{0,5}/\text{с}.$$

Канал тубининг нишаби


$$i = \frac{v_{\max}^2}{C^2 R} = \frac{0,75^2}{43,9^2 \cdot 1,55} = 0,00019.$$

### *Такрорлаш учун саволлар*

- 6.1. Очиқ узанларда барқарор текис илгариланма ҳаракат қандай аниқланади?
- 6.2. Каналнинг гидравлик ва амалий энг қулай қундаланг кесими нималардан иборат?
- 6.3. Нормал чуқурлик ва уни ҳисоблаш усули қандай?
- 6.4. Текис илгариланма ҳаракатнинг асосий тенгламаси қандай?

## ОЧИҚ ЎЗАНЛАРДА СУЮҚЛИК ОҚИМИНИНГ БАРҚАРОР НОТЕКИС ИЛГАРИЛАНМА ҲАРАКАТИ ВА УНИНГ ГИДРАВЛИК ЭЛЕМЕНТЛАРИНИ ЭҲМ ЁРДАМИДА ҲИСОБЛАШ

**Асосий тушунчалар.** Олдинги бобда айтиб ўтилгандек, бу ерда ҳам турбулент ҳаракатдаги, фақат иккинчи даражали қаршилиқ областига қарашли, яъни тўлиқ ғадир-будур ўзандаги суюқлик оқими қаралади. Бу ерда текис ўзгарувчан барқарор нотекис илгариланма ҳаракат назарда тутилади. Бундай ҳаракат 7.1-расмда келтирилган. Очиқ ўзанлардаги суюқлик оқими барқарор текис илгариланма ҳаракат тусини олишга интилади, демак, суюқлик ҳаракати пайтида оғирлик кучининг бажарган иши ишқаланиш кучининг бажарган ишига тенглашишга интилади. Олдинги бобдан маълумки, бу кучлар тенг бўлса, суюқлик оқимининг ҳаракати барқарор текис илгариланма ҳаракат бўлади. Суюқликнинг бар-



7.1-расм.

қарор нотекис илгариланма ҳаракати табиий ва сунъий очик ўзанларда фақат текис илгариланма ҳаракат бузилган ҳолда мавжуд бўлади.

### 7.1- §. ПРИЗМАТИК ВА НОПРИЗМАТИК ТАБИЙ ВА СУНЪИЙ ОЧИҚ ЎЗАНЛАРДА СУЮҚЛИКНИНГ БАРҚАРОР НОТЕКИС ИЛГАРИЛАНМА ҲАРАКАТИ


**1. Табиий ва сунъий очик ўзанлар призматик бўлиб, унинг туби нишаби  $i > 0$  бўлса,** барқарор нотекис илгариланма ҳаракат қуйидаги ҳолатда мавжуд бўлади:

а) ўзанда тўгон қурилса (7.2- расм), бу ерда тўгон олдида белгиланган чуқурлик  $h_{\text{белги}}$  пайдо бўлади, сув бетон тўгоннинг устидан ошиб ўтади. Қуриниб турибдики, ўзанда юқори бьефда  $AB$  чизиғи, яъни суюқликнинг эркин эгри сув сатҳи чизиғи (ЭЭССЧ) пайдо бўлади.  $AB$  чизиқ, ўзаннынг олдинги табиий ҳолатидаги барқарор текис илгариланма ҳаракат пайтидаги оқимнинг нормал чуқурлиги  $h_0$  дан, яъни  $N-N$  чизигидан сезиларди даражада фарқ қилади:


$$h_{\text{белги}} \gg h_0.$$

Бу шароитда ўзандаги оқимнинг чегараланган  $AB$  узунлиги, нотекис илгариланма ҳаракатланаётган суюқлик оқими ЭЭССЧ нинг узунлиги бўлади;

б) ўзанда шаршара қурилса (7.3- расм), бу ерда ҳам белгиланган чуқурлик  $h_{\text{белги}}$  пайдо бўлади. Юқоридаги а) бандида кўрсатилгандек, бу ерда белгиланган чуқурлик  $h_{\text{белги}} < h_0$  бўлади, чунки бу ерда ҳам биз сунъий равишда белгиланган чуқурлик  $h_{\text{белги}}$  ни ҳосил қилдик, бу эса текис илгариланма ҳаракатдаги оқимнинг нормал чуқурлиги  $h_0$  дан маълум даражада фарқ қилади. Натижада ўзаннынг узунлиги бўйича барқарор нотекис илгариланма ҳаракат барпо бўлади.



7.2- расм.




7.3- расм.




7.4- расм.

в) ўзанда гидротехник иншоот қурилган бўлиб, ундан ортиқча сувни чиқариб юбориш учун темирдан ясалган дарвозалар ўрнатилади. Бундай дарвозалар фақат юқорига кўтарилади ва сувни дарвоза остидан чиқариб юборади. Сув дарвозани тубидан чиқиб кетаётган ҳолда (7.4- расм)  $AB$  чизиғи узунлигида барқарор нотекис илгариланма ҳаракат пайдо бўлади.

**2. Табиий ва сунъий очик ўзанлар призматик<sup>\*)</sup> бўлиб, уларнинг туби нишаби  $i = 0$  ва  $i < 0$  бўлса, фақат барқарор нотекис илгариланма ҳаракат мавжуд бўлади;  $i = 0$  (7.5- расм);  $i < 0$  (7.6- расм). Бу ҳолларда ўзанда барқарор текис илгариланма ҳаракат бўлиши мумкин эмас, чунки А. Шези**




7.5-расм.



7.6-расм.

<sup>\*)</sup> Ўзанининг кўндаланг кесими шакли ва ўлчамлари унинг узунлиги бўйича ўзгармас бўлади.



7.7-расм.

формуласига кўра:  $i = 0$  бўлган ҳолда суюқлик оқимининг тезлиги  $v = 0$  (нол) бўлади;  $i < 0$  бўлган ҳолда суюқлик оқимининг тезлиги  $v = (-)$  (манфий) бўлади, демак бундай ўзанларда барқарор текис илгариланма ҳаракат мутлоқ бўлиши мумкин эмас.

**3. Табиий ва сунъий очик ўзанлар нопризматик\* бўлган ҳолда** ундаги суюқлик ҳаракати барқарор нотекис илгариланма ҳаракатда бўлади (7.7- расм). Суюқликнинг барқарор текис илгариланма ҳаракати фақат ўзан тубининг нишаби нолдан катта  $i > 0$  бўлса ва ўзан деярли узун ҳамда призматик бўлганда содир бўлади. Унинг учун ўзанда табиий оқим ҳаракатини ўзгартирувчи иншоотлар қурилмаси бўлмаслиги лозим. Текис ўзгарувчан барқарор нотекис илгариланма ҳаракатни ўрганиш, асосан, оқимнинг эркин эгри сув сатҳи чизиғи  $AB$  ни қуришдан иборат. Бу эса гидротехника, гидравлика ва ўзандаги оқим жараёнларининг динамикаси соҳалари-

\* Ўзаннинг кўндаланг кесими шакли ва ўлчамлари унинг узунлиги бўйича ўзгарувчан бўлади.

да катта амалий аҳамиятга эга. Масалан: а)  $AB$  эркин эгри сув сатҳи чизигини қуриб, ўзанининг узунлиги бўйича ҳар хил қўндаланг кесимлардаги сувнинг чуқурликлари  $h$  ни аниқлаймиз. Бу чуқурликнинг ўзанининг узунлиги бўйича ўзгаришини билсак, биз қурилажак каналнинг узунлиги бўйича сувнинг чуқурлигини аниқлаган бўламиз. Бундан ташқари очиқ ўзанларда кемаларнинг ҳаракати учун ундаги керакли сувнинг чуқурлигини билган бўламиз ва ҳоказо; б) ўзанда туғон қурилган бўлса, унда  $AB$  эгри чизигини ҳосил қилиб, шу билан юқори бўёфдаги сувнинг кўтарилиши натижасида кўмилган майдонлар юзасини ўлчамларининг миқдорини аниқлаймиз.

Эркин эгри сув сатҳи чизиги  $AB$  ни қуриш масаласи суюқликнинг нотекис илгариланма ҳаракати назарияси асосида қуйидаги тартибда бажарилиши керак:

1. Ўзанининг геометрик ва гидравлик элементлари, яъни қўндаланг кесимининг шакли, тубининг нишаби, гадир-будурлиги ва сув сарфи берилган бўлиши керак.

2. Ўзанда элементар оқим найчаси узунлигини олиб, унинг учун шу элементар узунликда суюқлик ҳаракатининг дифференциал тенгламасини тузамиз; бу тенглама текис ўзгарувчан нотекис илгариланма ҳаракатнинг дифференциал тенгламаси дейилади.

3. Олинган дифференциал тенгламани интеграллаш учун қулай ҳолга келтирамиз.

4. Дифференциал тенгламани интеграллаб, натижада ЭЭСС чизигининг тенгламасини оламиз, бу тенглама ба р қарор нотекис илгариланма ҳаракат тенг ламаси деб аталади.

5. Шу нотекис илгариланма ҳаракат тенгламасидан фойдаланиб,  $AB$  чизиги нуқталарининг координаталарини ҳисоблаймиз ва унинг ёрдамида эркин эгри сув сатҳи чизигини қурамиз. Қуйида нотекис илгариланма ҳаракат қаралаётганда асосан призматик ўзанлар назарда тутилади. Но призматик ўзанлар учун фақат В. И. Чарномский усулини қараб чиқамиз. Юқорида айтилганидек, *призматик ўзан деб унинг қўндаланг кесимининг шакли ва оқимининг гидравлик элементлари ўзанининг узунлиги бўйича ўзгармайдиган, яъни  $\omega = f(h)$  бўлган ўзанларга айтилади*, у ҳолда

$$\frac{\partial \omega}{\partial S} = 0. \quad (7.1)$$

Нопризматик ұзанда эса, унинг кўндаланг кесимининг шакли ва оқимнинг гидравлик элементлари ұзанның узунлиги бўйича ўзгарувчан бўлади, яъни  $\omega = f(h, S)$ , у ҳолда

$$\frac{d\omega}{dS} \neq 0. \quad (7.2)$$

Нотекис илгариланма ҳаракатда гидравлик нишаб  $J_e$  пьезометрик нишаб  $J$  ва узан тубининг нишаби  $i$  бир-бирига тенг бўлмайди

$$J_e \neq J \neq i. \quad (7.3)$$

Очиқ узанларда нотекис илгариланма ҳаракат пайтида сувнинг сатҳи ҳар доим эгри чизиқ шаклида бўлади. Бу эгри сув сатҳи чизигининг кўриниши икки шаклда бўлади:


**1. Эгри кўтарилма**, бу асосан, узанда тўгон қурилганда ҳосил бўлади. Бу эгри кўтарилма сув сатҳи чизиги оқимнинг узунлиги бўйича нормал чуқурлик  $h_0$  дан то белгиланган чуқурлик  $h_{\text{бетги}}$  гача ўсиб боради. Оқимнинг тезлиги эса камайиб боради.

**2. Эгри пасайма**, бу асосан, табиий ва сунъий узанлардаги шаршараларда мавжуд бўлиб, оқимнинг чуқурлиги бирдан ўзгарса, узан бирдан кенгайса ёки торайса пайдо бўлади. Шу эгри пасайма сув сатҳи чизиги оқимнинг узунлиги бўйича нормал чуқурлик  $h_0$  дан то критик чуқурлик  $h_{\text{кр}}$  гача пасайиб боради. Оқимнинг тезлиги эса катталашиб боради.

## 7.2- §. СУЮҚЛИК ОҚИМИНИНГ БАРҚАРОР НОТЕКИС ИЛГАРИЛАНМА ҲАРАКАТИНИНГ АСОСИЙ ДИФФЕРЕНЦИАЛ ТЕНГЛАМАСИ

(ДИФФЕРЕНЦИАЛ ТЕНГЛАМАНИНГ БИРИНЧИ КўРИНИШИ)

Суюқлик оқимининг барқарор нотекис илгариланма ҳаракати қаралаётганда, умумий ҳолни, яъни нопризматик узандаги сувнинг ҳаракати назарда тутилади. Бунинг учун 7.8- расмда кўрсатилгандек, оқим нотекис илгариланма ҳаракатда бўлиб, унда узанның узунлиги бўйича кўндаланг кесими шакли берилган. Расмда координата ўқлари кўрсатилган бўлиб, сувнинг  $h$  чуқурлиги ордината ўқи бўйича,  $S$  ўқи эса узан туби чизиги бўйича йўналган. 7.8-



7.8- расм.

расмда оқимнинг икки кўндаланг кесимини: 1—1 кўндаланг кесими бошланғич  $W-W$  кесимдан, яъни координата бошидан  $S_1$  узунликда ва 2—2 кўндаланг кесим эса биринчи кесимдан  $ds$  элементар узунликда жойлашган. Биринчи кесимда сув сатҳидаги  $A$  нуқтасининг координатаси таққослаш текислиги  $O-O$  га нисбатан  $z$  баландликда ва у кесимдаги ўртача тезликни  $v$  деб белгиласак, у ҳолда иккинчи кесимда  $B$  нуқтанинг координатаси  $z+dz$  ва тезлигини  $v+dv$  деб белгилаймиз. Энди 1—1 ва 2—2 кесимлар учун Д. Бернулли тенгламасини умумий кўринишда ёзамиз:

$$\frac{\omega v^2}{2g} + \frac{p_a}{\gamma} + z = \frac{\alpha(v+dv)^2}{2g} + \frac{p_a}{\gamma} + (z+dz) + dh_l, \quad (7.4)$$

бу ерда  $\alpha$  — оқимнинг кўндаланг кесими бўйича ўрталаштирилган тезликларнинг нотекис тақсимланишини ифодаловчи коэффициент,  $\alpha=1,05 \div 1,10$ ;  $dh_l$  — оқимнинг  $ds$  узунлиги бўйича йўқотилган напор;



бу ерда

$$dh_l = J_e \cdot ds. \quad (7.5)$$

Гидравлик нишаб (7.4) тенгламадан қуйидагича ёзилади:

$$J_e = -\frac{d}{ds} \left( \frac{\alpha v^2}{2g} + \frac{p_a}{\gamma} + z \right); \quad (7.6)$$

ёки қавсни очиб чиқсак

$$J_e = -\frac{d}{ds} \left( \frac{\alpha v^2}{2g} \right) - \frac{dz}{ds}. \quad (7.7)$$

(7.7) ни (7.5) га қўйсак

$$dh_l = -d \left( \frac{\alpha v^2}{2g} \right) - dz, \quad (7.8)$$

$\frac{\alpha v^2}{2g}$  ни  $h_v$  билан белгиласак

$$-dz = dh_v + dh_l. \quad (7.9)$$

Бу (7.9) тенглама нотекис илгариланма ҳаракатнинг асосий дифференциал тенгламаси дейилади. (7.9) тенгламадан кўринадики, ЭЭССЧ нинг пасайиши —  $dz$ , яъни потенциал энергиянинг камайиши, кинетик энергия ва йўқотилган напорнинг ортиб боришига тенг. Бу ерда (7.8- расмда)  $dz$  — эгри чизиқ  $AB$  нинг, яъни эркин эгри сув сатҳи чизигининг узунлиги бўйича пасайиб боришини ифодалайди, шунинг учун бу ерда  $dz$  манфий. Умуман  $dz$  ҳам манфий, ҳам мусбат бўлиши мумкин, бу эркин эгри сув сатҳи чизигининг шаклига боғлиқ. (7.9) тенгламанинг иккала томонини  $ds$  га бўлиб чиқсак,

$$-\frac{dz}{ds} = \frac{dh_v}{ds} + \frac{dh_l}{ds}. \quad (7.10)$$

Очиқ ўзанларда пьезометрик чизиқ  $P-P$  сув сатҳи билан бир чизиқда ётади

$$-\frac{dz}{ds} = J. \quad (7.11)$$

бу ерда  $J$  — пьезометрик нишаб.

Гидравлик нишаб  $J_e$  (7.10) тенгламадан қуйидагича аниқланади:

$$\frac{dh_f}{ds} = J_e = i_f \quad (\text{белги}), \quad (7.12)$$

бу ерда  $i_f$  — иш қаланиш нишаби. (7.11) ва (7.12) ни (7.10) га қўйсақ,

$$J = \frac{d}{ds} \left( \frac{v^2}{2g} \right) + i_f. \quad (7.13)$$

Бу ерда суюқликнинг текис ўзгарувчан нотекис илгариланма ҳаракати пайтида йўқотилган напор текис илгариланма ҳаракат тенглалари билан ифодаланади деб қабул қилиб, иш қаланиш нишаби  $i_f$  ни А. Шези формуласи орқали аниқлаймиз

$$i_f = \frac{v^2}{C^2 R} = \frac{Q^2}{K^2}, \quad (7.14)$$

бу ерда  $v$ ,  $C$ ,  $R$ ,  $K$  лар фақат 1—1 кўндаланг кесимга тегишли. (7.14) ни (7.13) тенгламага қўйсақ, қуйидаги тенгламани оламиз:

$$(I) \quad J = \alpha \frac{d}{ds} \left( \frac{v^2}{2g} \right) + \frac{v^2}{C^2 R}. \quad (7.15)$$

Бу (I) тенглама ихтиёрий шаклдаги нопризматик ўзланлардаги суюқлик оқимининг барқарор нотекис илгариланма ҳаракати дифференциал тенгламасининг биринчи кўриниши. (7.15) тенгламадан, яъни нотекис илгариланма ҳаракатнинг дифференциал тенгламасининг биринчи кўринишидан текис илгариланма ҳаракат тенгламасини, юқорида айтилгандек,  $i > 0$  бўлган ҳолда, келтириб чиқариш мумкин. Бизга маълумки, текис илгариланма ҳаракат пайтида оқимнинг кўндаланг кесими юзасининг майдони бўйича олинган  $v$  ўртача тезлиги ва  $h$  сувнинг чуқурлиги ўзланнинг узунлиги бўйича ўзгармас бўлади. Шундай экан, (7.15) тенгламанинг ўнг томонининг биринчи ҳади нолга тенг:

$$\alpha \frac{d}{ds} \left( \frac{v^2}{2g} \right) = 0, \quad (7.16)$$

чунки  $v = \text{const}$  (оқимнинг узунлиги бўйича). У ҳолда (7.15) тенглама қуйидагича ёзилади:

$$J = \frac{v^2}{C^2 R}. \quad (7.17)$$

(7.17) дан А. Шези тенграмасини оламиз:


$$v = C \sqrt{RJ}, \quad (7.18)$$

яъни оқимнинг барқарор текис илгариланма ҳаракатининг тенграмаси келиб чиқди. Нотекис илгариланма ҳаракатнинг дифференциал тенграмаси (7.15) га сувнинг чуқурлиги  $h$  ни киритсак, сув сарфи  $Q$  ва ўзаннынг шакли ҳамда геометрик ва гидравлик элементлари берилган деб қабул қилинган ҳолда, (7.15) нинг ҳар бир ҳадини бўлак-бўлак қараб чиқсак, унда нотекис илгариланма ҳаракат умумий дифференциал тенграмасининг иккинчи кўринишини оламиз.

### 7.3- §. СУЮҚЛИК ОҚИМИНИНГ БАРҚАРОР НОТЕКИС ИЛГАРИЛАНМА ҲАРАКАТИНИНГ АСОСИЙ ДИФФЕРЕНЦИАЛ ТЕНГРАМАСИ

(ДИФФЕРЕНЦИАЛ ТЕНГРАМАНИНГ ИККИНЧИ КўРИНИШИ)

1. Тенграманинг биринчи ҳади  $J$  (пъезометрик нишаб). Бунинг учун 7.9- расмда (оқимнинг узунлиги



7.9- расм.

бўйича)  $l-1$  кесимни келтирамиз ва унда кўреатилган белгилардан фойдаланамиз. Расмдан кўринадики

$$z = a - is + h, \quad (7.19)$$

бу ерда  $a = \text{const}$  — координата бошини таққослаш текислиги  $O-O$  га нисбатан жойлашган ўрни. Агар (7.19) ни дифференциалласак, у ҳолда

$$dz = dh - ids, \quad (7.20)$$

чунки масофа  $a$  ўзгармас бўлгани учун  $da = 0$  бўлади. (7.20) тенгламанинг иккала томонини  $ds$  га бўлсак,

$$\frac{dz}{ds} = \frac{dh}{ds} - i, \quad (7.21)$$

бу ерда  $\frac{dz}{ds}$  пьезометрик нишаб  $J$  га тенг

$$J = -\frac{dz}{ds}. \quad (7.22)$$

(7.22) тенгламани (7.21) тенгламага қўйсак,  $J$  учун тенгламани оламиз

$$J = i - \frac{dh}{ds}. \quad (7.23)$$

2. Иккинчи ҳади  $\alpha \frac{d}{ds} \left( \frac{v^2}{2g} \right)$ . Бу тезлик напорининг

ўзгариши, энергетик маънода айтсак, бу солиштирма кинетик энергиянинг ўзгариши. Бу ерда  $v$  ўртача тезликни  $Q$  сув сарфи орқали ифодалаб, иккинчи ҳадни қараб чиқамиз:


$$\alpha \frac{d}{ds} \left( \frac{v^2}{2g} \right) = \alpha \frac{d}{ds} \left( \frac{Q^2}{\omega^2 2g} \right) = \frac{\alpha Q^2}{2g} \frac{d}{ds} \left( \frac{1}{\omega^2} \right) = -\frac{\alpha Q^2}{g} \frac{1}{\omega^3} \frac{d\omega}{ds}. \quad (7.24)$$

Юқорида айтилгандек, нопризматик, ихтиёрий шаклдаги ўзан қаралаяпти. Шунинг учун

$$\omega = f(h, s). \quad (7.25)$$

У ҳолда

$$\frac{d\omega}{ds} = \left( \frac{\partial \omega}{\partial s} + \frac{\partial \omega}{\partial h} \frac{dh}{ds} \right) = \left( \frac{\partial \omega}{\partial s} + B \frac{dh}{ds} \right), \quad (7.26)$$



7.10-расм.

бунда

$$\frac{\partial \omega}{\partial h} = B, \quad (7.27)$$

бу ерда  $B$  — ўзанининг кундаланг кесимидаги сув сатҳининг кенглиги (7.10- расм). (7.26) тенгламани (7.24) тенгламага қўйиб чиқсак, (7.28) тенгламасини оламиз:

$$\alpha \frac{d}{ds} \left( \frac{v^2}{2g} \right) = \frac{\alpha Q^2}{g} \frac{1}{\omega^3} \left( \frac{\partial \omega}{\partial s} + B \frac{dh}{ds} \right). \quad (7.28)$$

3. Учинчи ҳади  $\frac{v^2}{C^2 R}$ . Буни қуйидагича ёзамиз

$$\frac{v^2}{C^2 R} = \frac{Q^2}{C^2 \omega^3 R}. \quad (7.29)$$

4. Суюқлик оқимининг нотекис илгариланма ҳаракатининг дифференциал тенгламаси биринчи кўринишнинг ҳадларини бўлак-бўлак қараб чиққандан кейин олинган натижаларини (7.15) тенгламага қўйиб чиқсак

$$i - \frac{dh}{ds} = \frac{\alpha Q^2}{g} \frac{1}{\omega^3} \left( \frac{\partial \omega}{\partial s} + B \frac{dh}{ds} \right) + \frac{Q^2}{\omega^2 C^2 R}; \quad (7.30)$$

(7.30) тенгламани  $\frac{dh}{ds}$  га нисбатан ечсак

$$(II)_{\text{нопризматик}} \quad \frac{dh}{ds} = \frac{i - \frac{Q^2}{\omega^2 C^2 R} \left( 1 - \frac{\alpha C^2 R}{g \omega} \frac{\partial \omega}{\partial s} \right)}{1 - \frac{\alpha Q^2}{g} \frac{B}{\omega^3}}. \quad (7.31)$$

Бу (II)<sub>нопризматик</sub> тенглама ихтиёрий шаклдаги нопризматик ўзан учун суюқлик оқими барқарор нотекис илгариланма ҳаракатининг дифференциал тенгламасининг иккинчи кўриниши.

Бу тенгламадан биз ўзанининг  $ds$  элементар узунлиги бўйича сув чуқурлигининг  $dh$  ўзгаришини аниқлашимиз мумкин. (7.31) тенглама сув сарфи ўзгармас  $Q = \text{const}$  бўлган

ҳолда олинган. Бундан кейин, призматик ва нопризматик табиий ва сунъий ўзанларни алоҳида қараб чиқамиз.

#### 7.4- §. ПРИЗМАТИК ЎЗАНЛАРДАГИ СУЮҚЛИК ОҚИМИНИНГ БАРҚАРОР НОТЕКИС ИЛГАРИЛАНМА ҲАРАКАТИ

Бу ерда дифференциал тенгламанинг иккинчи кўри-нишини қараб чиқамиз.

1. Ўзан туби нишаби  $i > 0$  бўлган ҳол (туғри нишабли ўзан: 7.3- расм)

$$\omega = f(h). \quad (7.32)$$

Бундай ўзанлар учун хусусий ҳосила

$$\frac{\partial \omega}{\partial s} = 0. \quad (7.33)$$

(7.33) ни назарда тутган ҳолда, (7.31) тенглама призма-тик бўлган ўзан учун қуйидагича кўчириб ёзилади:

$$\frac{dh}{ds} = \frac{i - \frac{Q^2}{\omega^2 C^2 R}}{1 - \frac{\alpha Q^2}{g} \frac{B}{\omega^3}}. \quad (7.34)$$

(7.34) тенгламани сув сарфи модули  $K$  орқали ифодалаб

$$\omega^2 C^2 R = K^2. \quad (7.35)$$

(7.34) тенгламани қуйидагича кўчириб ёзамиз

$$(II)_{\text{призматик; } i > 0} \quad \frac{dh}{ds} = \frac{i - \frac{Q^2}{K^2}}{1 - \frac{\alpha Q^2}{g} \frac{B}{\omega^3}}. \quad (7.36)$$

(II)<sub>призматик;  $i > 0$</sub>  тенглама нишаби  $i > 0$  бўлган призматик ўзан учун барқарор нотекис илгариланма ҳаракат диф-ференциал тенгламасининг иккинчи кўриниши. Бу тенгламадан, юқорида кўрсатилгандек, бизга маълум бўлган барқарор текис илгариланма ҳаракатнинг тенгламасини олиш мумкин. Уни қуйидагича исботлаймиз. Маълумки, текис илгариланма ҳаракат учун

$$\frac{dh}{ds} = 0; \quad (7.37)$$

у ҳолда (7.36) тенгламадан унинг сурати (математик қоидаларга асосан) нолга тенг

$$i - \frac{Q^2}{K^2} = 0, \quad (7.38)$$

Бундан кўринадики

$$Q = K\sqrt{i}. \quad (7.39)$$

(7.35) тенгламадан  $K$  ни (7.39) тенгламага қўйиб, уни тезликка нисбатан ечсак

$$v = C\sqrt{iR}. \quad (7.40)$$

А. Шеви формуласи келиб чиқди. Бу барқарор текис илгариланма ҳаракатнинг тенгласи. Шундай қилиб (7.36) тенгламадан ўзан туби нишаби  $i > 0$  бўлган ҳолда текис илгариланма ҳаракат тенгласини олиш мумкин.

2. Ўзан туби нишаби  $i = 0$  бўлган ҳол (горизонтал ҳолатдаги ўзан; 7.5- расм). (7.36) тенгламага ўзан туби нишаби  $i = 0$  ни қўйсак

$$(II)_{\text{призматик; } i=0} \quad \frac{dh}{ds} = - \frac{\frac{Q^2}{K^2}}{1 - \frac{\alpha Q^2}{g} \frac{B}{\omega^3}}. \quad (7.41)$$

3. Ўзан туби нишаби  $i < 0$  бўлган ҳол (тескари нишабли ўзан; 7.6- расм). (7.36) тенгламага ўзан туби нишаби  $i < 0$  ни қўйсак

$$(II)_{\text{призматик; } i < 0} \quad \frac{dh}{ds} = - \frac{i' + \frac{Q^2}{K^2}}{1 - \frac{\alpha Q^2}{g} \frac{B}{\omega^3}}. \quad (7.42)$$

бу ҳолда  $i < 0$  бўлгани учун, уни  $i'$  деб ифодалаб, формулага  $i$  нинг мутлақ қийматини қўйиш усули билан ечилади

$$i' = \sin \theta = |i|. \quad (7.43)$$

Юқорида келтирилган нотекис илгариланма ҳаракатни интеграллаш учун янги тушунчалардан фойдаланишимиз керак. Бунинг учун бу тушунчаларни бирма-бир қараб чиқамиз.

**7.5- §. ТҮРТТА ЁРДАМЧИ ТУШУНЧА: ОҚИМНИНГ КЎНДАЛАНГ КЕСИМИНИНГ СОЛИШТИРМА ЭНЕРГИЯСИ, КРИТИК ЧУҚУРЛИК, НОРМАЛ ЧУҚУРЛИК, КРИТИК НИШАБ**

**Оқимнинг кўндаланг кесимининг солиштирма энергияси.** Таққослаш текислиги  $O-O$  га нисбатан 7.11-расмда кўрсатилган кесим учун оқимнинг тўлиқ солиштирма энергиясининг (тўлиқ напорининг) тенгламасини тузамиз (суюқликнинг оғирлик бирлигига нисбатан):

$$\frac{\alpha v^2}{2g} + \frac{p}{\gamma} + z = H_e. \quad (7.44)$$

Кесимнинг солиштирма энергияси  $\mathcal{E}$  ўзанининг кўндаланг кесимининг энг пастки нуқтасидан ўтказилган таққослаш текислиги  $O_T-O_T$  га нисбатан олинади (7.11- расм):

$$\frac{p}{\gamma} + z = h, \quad (7.45)$$

у ҳолда (7.44) тенгламадан оқим кўндаланг кесимининг солиштирма энергиясини оламиз


$$\mathcal{E} = \frac{\alpha v^2}{2g} + h, \quad (7.46)$$

ёки

$$\mathcal{E} = \frac{\alpha Q^2}{\omega^2 2g} + h. \quad (7.47)$$


Тўғри бурчакли тўртбурчак шаклидаги ўзан учун

$$\mathcal{E} = \frac{\alpha q^2}{h^2 2g} + h. \quad (7.48)$$



7.11-расм.





7.12- расм.

Маълумки, ўзгармас сув сарфи  $Q = \text{const}$  ўзанинг берилган кўндаланг кесими орқали ҳар хил чуқурликда оқиб утиши мумкин (бу ўзан тубининг нишабига ва ғадир-будурлигига боғлиқ). Шу ҳар хил чуқурликлар учун  $Q = \text{const}$  ҳолда (7.48) тенгламадан  $\mathcal{E}$  нинг ҳар хил қийматини олишимиз мумкин. У қуйидагича ёзилади

$$\mathcal{E} = f(h). \quad (7.49)$$


(7.49) тенгламадан кўринадики,  $\mathcal{E}$  нинг қиймати фақат сувнинг чуқурлигига боғлиқ:

а)  $h \rightarrow 0$  ҳолда,  $\mathcal{E} \rightarrow \infty$  бўлади (чунки  $h_0 \rightarrow 0$  (7.46) ёки (7.47) тенгламанинг ўнг томонидаги иккинчи ҳади  $\infty$  га интилади);

б)  $h \rightarrow \infty$  ҳолда,  $\mathcal{E} \rightarrow \infty$  бўлади. Ҳақиқатан ҳам функция (7.49)  $\mathcal{E} = f(h)$  графигини кўрсак (7.12 расм), у (математикада маълум назарияга асосан) бир минимумга ( $\mathcal{E}_{\min} \rightarrow h_{\text{кр}}$ ) ва икки асимптота ( $OM$  ва  $O\mathcal{E}$  чизиқлар)га эга бўлган эгри чизиқ шаклида бўлади.

1)  $OM$  тўғри чизиқ, координата ўқларига нисбатан  $45^\circ$  бурчак билан йўналган, ва 2)  $O\mathcal{E}$  тўғри чизиғи, координатанинг горизонтал ўқи бўйича йўналган. Графикда штриховка билан белгиланган майдон эса, бизга тезлик напори

$\frac{\alpha v^2}{2g}$  эпюрасининг ўзгаришини беради. Бу ерда шуни айтиб



7.13-расм.

ўтиш керакки, текис илгариланма ҳаракатда ( $h = \text{const}$  оқимнинг узунлиги бўйича)  $H_e$  нинг қиймати (йўқотилган напор ҳисобига) ўзанининг узунлиги бўйича камайиб боради;  $\mathcal{E}$  нинг қиймати эса текис илгариланма ҳаракат учун оқимнинг узунлиги бўйича ўзгармайди ( $\mathcal{E} = \text{const}$  оқимнинг узунлиги бўйича), чунки таққослаш текислиги  $O_T - O_T$  ҳар бир кесим учун ўзанининг тубидан (кесим тубининг энг пастки нуқтасидан) ўтказилади (7.13- расм), яъни

$$H_{e_1} \neq H_{e_2} \neq H_{e_3} \neq \dots$$

$$\mathcal{E}_1 = \mathcal{E}_2 = \mathcal{E}_3 = \dots$$

**Оқимнинг критик чуқурлиги.** 7.12- расмдан кўриниб турибдики, графикдаги энг кичик қийматга эга бўлган солиштирма энергия  $\mathcal{E}_{\text{мин}}$  га тегишли сув чуқурлиги критик чуқурлик деб аталади ва  $h_{\text{кр}}$  белги билан ифодаланadi. Агар ўзанининг кўндаланг кесими юзаси майдони  $\omega$  берилган ва сув сарфи  $Q$  маълум бўлса, у ҳолда критик чуқурлик қуйидаги тенгламадан аниқланади:

$$\frac{\partial \mathcal{E}}{\partial h} = 0. \quad (7.50)$$

*Критик чуқурлик ўзанининг кўндаланг кесими шаклига боғлиқ.* Қуйида ўзанининг кўндаланг кесими шаклининг бир неча турини қараб чиқамиз.

I. Ўзанининг кўндаланг кесими шакли тўғри тўртбурчак бўлса, у ҳолда (7.50) га (7.48)ни

қўйиб, уни чуқурлик  $h$  га нисбатан ечсак, критик чуқурлигини топамиз

$$\frac{\partial \left( \frac{\alpha q^2}{h^2 2g} + h \right)}{\partial h} = 0, \quad (7.51)$$

ёки

$$\frac{\partial}{\partial h} \left( \frac{\alpha q^2}{h^2 2g} \right) + \frac{\partial h}{\partial h} = 0, \quad (7.52)$$

бундан

$$\frac{\alpha q^2}{h^3 g} - 1 = 0, \quad (7.53)$$

бу ерда  $h = h_{кр}$ . (7.53) тенгламадан

$$\frac{\alpha q^2}{h_{кр}^3 g} = 1; \quad h_{кр}^3 = \frac{\alpha q^2}{g}, \quad (7.54)$$

бундан келиб чиқадики

$$h_{кр} = \sqrt[3]{\frac{\alpha q^2}{g}} = \sqrt[3]{\frac{\alpha Q^2}{h^2 g}}. \quad (7.55)$$

(7.54) тенгламани яна бошқача кўринишда кўчириб ёзиш мумкин

$$h_{кр} = \frac{\alpha q^2}{h_{кр}^2 g} = \frac{\alpha v^2}{g}, \quad (7.56)$$

яъни


$$\frac{\alpha v^2}{2g} = \frac{1}{2} h_{кр}. \quad (7.57)$$

(7.57) дан шундай ажойиб хулоса келиб чиқадики, тўғри тўртбурчакли ўзан учун,  $h = h_{кр}$  бўлган ҳолда тезлик напорининг қиймати  $h$ , ўзандаги сув чуқурлигини ярмига тенг, яъни напор чизиги  $E-E$  бу ҳолатда кесимдаги сув сатҳидан  $\frac{h}{2}$  баландликда жойлашган бўлади (7.14-расм).

2. Симметрик учбурчак шаклдаги ўзан учун

$$h_{кр} = \sqrt[3]{\frac{2\alpha Q^2}{gm^2}}, \quad (7.58)$$

бу ерда  $m$  — ўзан ён деворининг нишаб коэффициентини.



7.14- расм.

3. Симметрик трапеция шаклидаги ва бошқа ихтиёрий шакллардаги ўзанлар учун. Бу ҳолда критик чуқурлик итерация (кетма-кет яқинлашув) усулида аниқланади. Бунинг учун (7.47) ва (7.27) ни назарда тутган ҳолда (7.50) тенгламани кўчириб ёзамиз

$$\begin{aligned} \frac{\partial \mathcal{E}}{\partial h} &= \frac{\partial \left( \frac{\alpha Q^2}{\omega^2 2g} + h \right)}{\partial h} = \frac{\alpha Q^2}{2g} \frac{\partial}{\partial h} \left( \frac{1}{\omega^3} \right) + 1 = \\ &= -2 \frac{\alpha Q^2}{2g} \frac{1}{\omega^3} \frac{\partial \omega}{\partial h} + 1 = -\frac{\alpha Q^2}{g} \frac{B}{\omega^3} + 1 = 0 \end{aligned} \quad (7.59)$$


ёки

$$\frac{\partial \mathcal{E}}{\partial h} = 1 - \frac{\alpha Q^2}{g} \frac{B}{\omega^3} = 0. \quad (7.60)$$

Бунда  $B$  ва  $\omega$  критик чуқурликка жавоб бериши керак, шунинг учун уларга ҳам «кр» индексини қўямиз, у ҳолда

$$\frac{\omega_{кр}^3}{B_{кр}} = \frac{\alpha Q^2}{g}. \quad (7.61)$$

Ўзанда оқимнинг чуқурлиги фақат критик  $h_{кр}$  бўлганда (7.61) тенглик шарти бажарилади. Бошқа ҳолатларда (7.61) тенглик шартини бажарилмайди. (7.61) тенгламанинг юқорида айtilган хоссасидан фойдаланиб критик чуқурлик  $h_{кр}$  ни аниқлаймиз, бунинг учун  $h$  га қатор қийматлар бериб бориб,  $\frac{\omega^3}{B} = f(h)$  графикни тузамиз (7.15- расм). Кейин  $\frac{\alpha Q^2}{g}$  қийматини ҳисоблаб, 7.15- расмдаги графикдан  $h_{кр}$  қий-



7.15-расм.

**Оқимнинг нормал чуқурлиги.** *Очиқ ўзанларда оқимнинг нормал чуқурлиги деб, сувнинг шундай чуқурлигига айтиладики, унда текис илгариланма ҳаракат бўлганда ўзанинг кўндаланг кесими берилган  $Q$  сув сарфини ўтказади.* Бу чуқурликни  $h_0$  белги билан ифодалаймиз. Оқимнинг шу нормал чуқурлигига тегишли барча гидравлик элементлари «0» индекс билан белгиланади. Маълумки, очиқ ўзанларда сувнинг чуқурлиги нормал чуқурликка тенг бўлса  $h = h_0$ , у ҳолда  $\omega_0$ ,  $\chi_0$ ,  $R_0$ ,  $Q$ ,  $v_0$  ва  $i_0$  ларни ҳисоблашда текис илгариланма ҳаракатнинг формулаларидан фойдаланилади, масалан,


$$Q = \omega_0 C_0 \sqrt{i_0 R_0} = K_0 \sqrt{i_0}, \quad (7.62)$$

бу ерда  $K_0$  — текис илгариланма ҳаракатнинг (нормал чуқурлигига тегишли) сув сарфи модули  $K_0 = \omega_0 C_0 \sqrt{R_0}$ ;  $\omega_0$ ,  $C_0$ ,  $R_0$ ,  $K_0$  — бу гидравлик элементлардаги «0» индекслар оқимнинг нормал чуқурлиги  $h_0$  га тегишли ифодалар (7.16-расм). Оқимнинг текис илгариланма ҳаракатининг нормал чуқурлиги итерация (кетма-кет яқинлашув) усулида аниқланади. Бунинг учун аввало керакли сув сарфи модули  $K_{\text{керак}}$  ҳисобланади:

$$K_{\text{керак}} = \frac{Q}{\sqrt{i}}. \quad (7.63)$$

магини аниқлаймиз. Бунинг учун  $\frac{\alpha Q^2}{g}$  қийматини  $\frac{\omega^3}{B}$  ўқига қўйиб, уни эгри чизик билан учрашган нуқтасидан  $h$  ўқига томон йўналтириб, унда учрашган нуқтаси  $h_{\text{кр}}$  чуқурликни беради. Бундай усул ёрдамида ўзанинг ихтиёрий кўндаланг кесимининг шакли учун  $h_{\text{кр}}$  ни аниқлаймиз.

Кейин қатор  $h$  чуқурликлар ни қабул қилиб, қолган бошқа гидравлик элементлар, шу жумладан  $K$  ҳам ҳисобланади ва у  $K_{\text{керак}}$  билан таққосланади.  $K$  қуйидаги формуладан ҳисобланади



7.16-расм.

$$K = \omega C \sqrt{R}. \quad (7.64)$$


Агар  $K = K_{\text{керак}}$  бўлса, масала ечилган ҳисобланади. У ҳолда қабул қилинган  $h$  оқимнинг  $h_0$  нормал чуқурлиги деб қабул қилинади. Агар  $K \geq K_{\text{керакли}}$  бўлса, у ҳолда бошқа  $h$  қабул қилиниб, ҳисобни токи  $K = K_{\text{керакли}}$  бўлмагунча давом эттираверамиз. Кейинчалик  $h_0$  нормал чуқурлик ва  $h_{\text{кр}}$  критик чуқурлик тушунчаларидан кенг фойдаланамиз. Унинг учун яна янги тушунчалар қабул қиламиз. Масалан,  $K-K$  тўғри чизиги, бу чизиқ ўзанининг туби чизигига параллел бўлиб, ундан критик чуқурлик  $h_{\text{кр}}$  ораликда (баландликда) жойлашган бўлади, у критик чуқурлигининг чизиги дейилади.  $N-N$  тўғри чизиги эса ўзан тубининг чизигига параллел бўлиб, ундан  $h_0$  нормал чуқурлик ораликда (баландликда) жойлашган бўлади, у нормал чуқурлигининг чизиги дейилади (7.16-расм).

**Ўзан тубининг критик нишаби.** Очиқ ўзанларда  $i_{\text{кр}}$  критик нишаб деб шундай нишабга айтиладики, унда оқимнинг  $h_0$  нормал чуқурлиги  $h_{\text{кр}}$  критик чуқурликка тенг бўлади. Бундан кўринадики,  $i_{\text{кр}}$  критик нишаб учун сувнинг чуқурлиги  $h_0 = h_{\text{кр}}$  бўлиб, унда текис илгариланма ҳаракат бўлади, у ҳолда сув сарфини аниқлаш формуласи қуйидагича бўлади ва барча гидравлик элементларга «кр» индекси қўйилади

$$Q = \omega_{\text{кр}} C_{\text{кр}} \sqrt{i_{\text{кр}} R_{\text{кр}}}, \quad (7.65)$$

уни (7.61) тенгламага қўйсақ,

$$i_{\text{кр}} = \frac{g}{\alpha C_{\text{кр}}^2} \frac{\omega_{\text{кр}}}{B_{\text{кр}} R_{\text{кр}}}, \quad (7.66)$$



7.17- расм.

бу ерда  $R_{кр} = \frac{\omega_{кр}}{\chi_{кр}}$  ни (7.66) га қўйсак

$$i_{кр} = \frac{g}{\alpha C_{кр}^2} \frac{\chi_{кр}}{B_{кр}}, \quad (7.67)$$

бунда  $C_{кр}$ ,  $\chi_{кр}$ ,  $B_{кр}$  — критик чуқурликка тегишли оқимнинг гидравлик элементлари. Агар (7.65) га критик сув сарфи модулини киритсак

$$K_{кр} = \omega_{кр} C_{кр} \sqrt{R_{кр}}, \quad (7.68)$$

у ҳолда (7.65) ни қуйидагича кўчириб ёзамиз:

$$Q = K_{кр} \sqrt{i_{кр}}, \quad (7.69)$$

критик нишаб қуйидаги кўринишда бўлади (7.17- расм)

$$i_{кр} = \frac{Q^2}{K_{кр}^2}. \quad (7.70)$$

### 7.6-§. ОЧИҚ ЎЗАНЛАРДА СУЮҚЛИК ОҚИМИНИНГ СОКИН, ЖЎШҚИН ВА КРИТИК ҲОЛАТЛАРИ


1.  $h > h_{кр}$  бўлганда, суюқлик ҳаракати сокин ҳолатда бўлади.

2.  $h < h_{кр}$  бўлганда, суюқлик ҳаракати жўшқин ҳолатда бўлади.

3.  $h = h_{кр}$  бўлганда эса, суюқлик ҳаракати критик ҳолатда бўлади.

7.12- расмда келтирилган графикдаги  $\mathcal{E} = f(h)$  эгри чиқиннинг юқоридаги I новдаси сокин ҳаракатга жавоб беради, уни қуйидаги кўринишда ёзиш мумкин

$$\frac{\partial \mathcal{E}}{\partial h} > 0, \quad (7.71)$$




7.18- расм.

ва у (7.71) тенгламада кўрсатилган шарт билан характерланади, яъни сувнинг чуқурлиги ортиши билан кесимнинг солиштирма энергияси  $\mathcal{E}$  ўса боради. 7.12- расмда келтирилган графикдаги  $\mathcal{E} = f(h)$  эгри чизиқнинг пастки II новдаси жүшқин қаракатга жавоб беради ва у қуйидаги кўринишда ёзилади

$$\frac{\partial \mathcal{E}}{\partial h} < 0, \quad (7.72)$$

ва у (7.72) тенгламада кўрсатилган шарт билан характерланади, яъни сувнинг чуқурлиги  $h$  ортиши билан  $\mathcal{E}$  нинг миқдори камайиб боради. Тажрибалар шуни кўрсатадики:

1. Жүшқин оқим  $A'B'$  дан сокин оқим  $A''B''$  га ўтиш фақат гидравлик сакраш ёрдамида бажарилади (7.18- расм).




7.19-расм.



2. Оқимнинг  $A'B'$  сокин ҳаракати дан  $A''B''$  жўшқин ҳаракатга ўтиш ҳолати фақат шовва (водопад) ёрдамида бажарилади (7.19- расм).

### 7.7-§. ЭРКИН ЭГРИ СУВ САТҲИ ЧИЗИҒИ (ЭЭССЧ) НИНГ ШАКЛИ

Оқимнинг барқарор нотекис илгариланма ҳаракатининг дифференциал тенгламасини интеграллашдан илгари, шу қидириладиётган эркин эгри сув сатҳи чизиғи ЭЭССЧ қандай шаклда эканлигини аниқлаш лозим. Бунинг учун илгари олинган (7.36) тенгламанинг суратини ва махражини бўлак-бўлак қараб чиқамиз. Шунинг эслатиб ўтиш керакки, бу ерда биз призматик ўзани қараяпмиз. Шу берилган призматик ўзани узунаси бўйича кесимини қараб чиқамиз (7.20- расм) ва бу ўзандаги суюқлик ҳаракатларининг барча ЭЭССЧ ларини бўлажакда жойлашиши мумкин бўлган суюқлик областини учта бўлак-бўлак  $a$ ,  $b$ ,  $c$  зоналарга бўлиб ажратиб чиқамиз. Бу зоналарни  $N-N$  ва  $K-K$  тўғри ва ўзан туби  $T-T$  чизиғига параллел чизиқлари билан ажратамиз. 7.20 а-расмда  $N-N$  чизиғи  $K-K$  чизиғидан юқорида жойлашган; аммо, бошқа ҳолатда  $K-K$  чизиғи  $N-N$  чизиғидан юқорида жойлашган бўлиши мумкин, бу суюқлик ҳаракатининг ҳолатига боғлиқ (7.20 б-расм). Гидравликада қабул қилинганидек,  $N-N$  чизиғи  $h_0$  ни, яъни оқимнинг текис илгариланма ҳаракати пайтидаги унинг нормал чуқурлигини ифодалайди;  $K-K$  чизиғи эса  $h_{кр}$  ни, яъни шу ўзандаги критик чуқурликни билдиради (бу ҳолатда ҳам ҳаракат текис илгариланма бўлади).  $K-K$  ва  $N-N$  чизиқларининг қандай жойлашишидан қатъи назар  $K-K$  би-



7.20- расм.

лан  $N-N$  чизигининг оралиғи  $b$  зона улардан юқориси —  $a$  зона, пасти  $c$  зона деб юритилади (қабул қилинган).

Ўзандаги нотекис илгариланма ҳаракати оқимнинг турига қараб, эркин эгри сув сатҳи чизиги шу учала зонадан бирида мавжуд бўлиши шарт. Эркин эгри сув сатҳи чизиги қайси зонада бўлса, ўша зонанинг белгиси билан ифодаланadi ва ўша белги билан номланади. Масалан, ЭЭССЧ  $a$  зонасида бўлса, уни  $a$  шаклдаги ЭЭССЧ деб аталади;  $b$  зонасида бўлса, уни  $b$  шаклдаги ЭЭССЧ дейилади;  $c$  зонасида бўлса,  $c$  шаклдаги ЭЭССЧ дейилади.

1°. Ўзан тубининг нишаби  $i > 0$  (тўғри нишабли ўзан). (7.36) тенгламанинг чап томонининг суратини  $c$  ва махражини  $m$  билан белгилаб, уларни бўлак-бўлак ўрганиб чиқамиз:

а) (7.36) тенгламанинг сурати

$$c = i - \frac{Q^2}{K^2} = i - \frac{K_0^2}{K^2} i, \quad (7.73)$$

бу ерда

$$Q = K_0 \sqrt{i}.$$

(7.73) тенгламани қуйидагича кўчириб ёзамиз

$$c = \left(1 - \frac{K_0^2}{K^2}\right) i; \quad (7.74)$$

б) (7.36) тенгламанинг махражи (7.61) тенгламани назарда тутган ҳолда

$$m = 1 - \frac{\alpha Q^2}{g} \frac{B}{\omega^3} = 1 - \frac{\omega_{кр}^3}{B_{кр}} \frac{B}{\omega^3}. \quad (7.75)$$

Белги киритамиз

$$\Lambda_{кр} = \frac{\omega_{кр}^3}{B_{кр}}; \quad (7.76)$$

ва

$$\Lambda = \frac{\omega^3}{B}. \quad (7.77)$$

Бу ерда  $\Lambda$  фақат сувнинг чуқурлигига боғлиқ

$$\Lambda = f(h). \quad (7.78)$$

$\Lambda_{кр}$  эса  $\Lambda$  нинг хусусий ҳоли бўлиб, у  $h = h_{кр}$  бўлганда-ги миқдори. Белги  $\Lambda$  ва  $\Lambda_{кр}$  лардан фойдаланиб, (7.75) тенгламани кўчириб ёзамиз:

$$m = 1 - \frac{\Lambda_{кр}}{\Lambda}. \quad (7.79)$$

Сурат  $c$  ва маҳраж  $m$  учун олинган миқдорларни (7.36) тенгламага қўйиб чиқсак, қуйидаги тенгламани оламиз:

$$(III)_{\text{призматик}; i > 0} \quad \frac{dh}{ds} = \frac{\left(1 - \frac{\kappa_0^2}{\kappa^2}\right) i}{1 - \frac{\Lambda_{кр}}{\Lambda}} = \frac{c}{m}. \quad (7.80)$$

(III)<sub>призматик,  $i > 0$</sub>  тенглама барқарор нотекис илгариланма ҳаракатнинг дифференциал тенгламасининг учинчи кўриниши бўлиб, интеграллаш учун қулай ҳолатга келтирилган.

Ўзанинг нишаби  $i > 0$  бўлганда, оқимнинг барқарор нотекис илгариланма ҳаракати табиатда уч хил ҳолатда учрайди:

Биринчи ҳолати қуйидагича характерланади

$$h_0 > h_{кр} \quad \text{ва} \quad i < i_{кр}; \quad (7.81)$$

бу шартга биноан эркин эгри сув сатҳи чизигининг учта шаклини олиш мумкин, булар  $a_1$ ,  $b_1$ ,  $c_1$  шакллари дидир, уларни қуйида алоҳида қараб чиқамиз.

Иккинчи ҳолати қуйидагича характерланади


$$h_0 < h_{кр} \quad \text{ва} \quad i > i_{кр}; \quad (7.82)$$

бу шартга асосан, бу ерда ҳам, ЭЭССЧ нинг учта шаклини олиш мумкин, булар  $a_{II}$ ,  $b_{II}$ ,  $c_{II}$  шакллари дидир, буларни ҳам қуйида алоҳида қараб чиқамиз.

Учинчи ҳолати эса қуйидагича характерланади

$$h_0 = h_{кр} \quad \text{ва} \quad i = i_{кр}; \quad (7.83)$$

бу шартга биноан ЭЭССЧ нинг фақат иккита шаклини олиш мумкин, булар  $a_{III}$  ва  $c_{III}$  шакллари дидир, уларни ҳам қуйида алоҳида қараб чиқамиз.



7.21- расм.


Кўриниб турибдики,  $i > 0$  бўлган ҳолда, ҳаммаси бўлиб ЭССЧ нинг саккизта шаклини оламиз; улардан олтитаси — эгри кўтарилма; иккитаси — эгри пасайма.

Ўзанинг узунлиги бўйича оқимнинг чуқурлиги катталашиб борса, ундай ЭССЧ эгри кўтарилма деб аталади. Эгри пасаймада ўзанинг узунлиги бўйича оқимнинг чуқурлиги кичиклашиб боради. Юқорида айtilган уч ҳолатнинг ҳар бирини қуйида бўлак-бўлак қараб чиқамиз.

Биринчи ҳолат. (7.81) шарти билан характерланувчи ҳолат. Бу ҳолатда 7.21- расмда кўрсатилгандек, учта ЭССЧ лар мавжуд бўлади. Булар  $a_1$ ,  $b_1$ ,  $c_1$  уч хил алоҳида оқимларни ифодалайди. Расмда улар бирлаштирилган, кейинчалик уларнинг ҳар бири табиатда қандай ҳолатда учрашини алоҳида кўрсатиб тушунтириб ўтамиз. Бу ерда шунини айтиб ўтиш керакки, расмда кўрсатилган ЭССЧлари  $a_1$ ,  $b_1$ ,  $c_1$  дан бирортаси ҳам  $N-N$  ёки  $K-K$  чизиқларини кесиб ўтмайди. ЭССЧ ларнинг  $a_1$  ва  $c_1$  шакллари — эгри кўтарилма,  $b_1$  шакли эса — эгри пасайма.

Энди ҳар бир ЭССЧ  $a_1$ ,  $b_1$ ,  $c_1$  шаклларни алоҳида-алоҳида қараб чиқамиз. Улар худди шу 7.21- расмда қандай кўрсатилган бўлса, аслида ҳам шундай эканлигини исботлаймиз.

**ЭССЧ нинг  $a_1$  шакли.** Бу эгри чизиқ  $a_1$  шаклидаги эгри кўтарилма деб аталади. Бу шаклдаги ЭССЧ фақат ўзанда тўғон қурилганда, унинг юқори томонида



7.22-расм.

(юқори бьефда) пайдо бўлади, яъни 7.22- расмда кўрсатилгандек, тўғон қурилган жойда белгиланган  $h_{\text{бестп}}$  чуқурлик пайдо бўлади, у шу ерда сув сатҳида  $B$  нуқтасини барпо этади. У ҳолда

$$h_{\text{бестп}} > h_0 > h_{\text{кр}}. \quad (7.84)$$

Кўриниб турибдики, нотекис илгариланма ҳаракатнинг  $a_1$  шаклдаги ЭЭССЧ учун оқимнинг чуқурликлари қуйидаги шартни қониқтириши керак:

$$h > h_0 > h_{\text{кр}}. \quad (7.85)$$

Учинчи кўринишдаги (7.80) дифференциал тенгламадан фойдаланиб, барқарор нотекис илгариланма ҳаракатнинг  $a_1$  шакли ҳам 7.21 ва 7.22-расмларда кўрсатилгандек эканлигини исботлаймиз.

1. Бу ЭЭССЧ (7.85) тенглама шартига эга экан, унда бу эгри кўтарилма  $a_1$  қуйидаги тенгсизлик билан характерланади

$$K^2 > K_0^2; \quad \Lambda > \Lambda_{\text{кр}}; \quad (7.86)$$

бу ҳолда

$$c > 0 \text{ ва } m > 0, \quad (7.87)$$

шунинг учун [(7.80) тенгламага қаранг]

$$\frac{dh}{ds} = \frac{+c}{+m} > 0; \quad (7.88)$$

кўриниб турибдики, оқимнинг нотекис илгариланма ҳаракати пайтида сувнинг  $h$  чуқурлиги оқимнинг йўналиши

бўйича катталшиб боради, яъни эгри кўтарилма ҳосил бўлади. Шунинг ҳам айтиш керакки, шу эгри кўтарилма бўлишига қарамасдан сув сатҳи белгиси оқим йўналиши бўйича пасайиб боради, масалан  $\sqrt{2} < \sqrt{1}$  (7.22-расмга қаранг).


2. Сувнинг  $h$  чуқурлиги чексизликка интилса  $h \rightarrow \infty$  ҳолда  $K^2$  ва  $\Lambda$  ҳам худди шундай чексизликка интилади; шу пайтда  $K_0^2$  ва  $\Lambda_{кр}$  ўзгармасдан, ўзининг қийматини сақлаб қолади.  $K_0^2 = \text{const}$  ва  $\Lambda_{кр} = \text{const}$ . Шундай экан,  $h$  чексизликка интилса  $h \rightarrow \infty$  [(7.80) тенгламага қаранг]

$$\left(\frac{dh}{ds}\right)_{h \rightarrow \infty} = \left(\frac{c}{M}\right)_{h \rightarrow \infty} \rightarrow i; \quad (7.89)$$

бундан келиб чиқадики, ЭЭССЧнинг  $a_1$  шакли ўзининг пастки томонида горизонтал  $a-b$  асимптотасига эга бўлади. Ҳақиқатан ҳам  $a-b$  горизонтал тўғри чизиқ қуйидаги шарт билан характерланади (7.23- расмда кўрсатилган белгиларга қаранг)

$$\frac{dh}{ds} = i. \quad (7.90)$$

Шундай қилиб, оқимнинг йўналиши бўйича барқарор нотекис илгариланма ҳаракатнинг  $a_1$  шакли пастга борган сари горизонтал тўғри чизиққа асимптотик равишда яқинлашиб боради, аммо ЭЭССЧ горизонтал чизиққа айланмайди.



7.23- расм.

3. Барқарор нотекис илгариланма ҳаракатдаги сувнинг чуқурлиги  $h \rightarrow h_0$  га интилса (ЭЭССЧнинг  $a_1$  шаклининг чап томонига қаранг), у ҳолда  $K^2$  миқдори  $\rightarrow K_0^2$  га интилади, шунинг учун [(7.80га қаранг)]

$$\left(\frac{dh}{ds}\right)_{h \rightarrow h_0} = \left(\frac{c}{m}\right)_{h \rightarrow h_0} \rightarrow 0; \quad (7.91)$$

бундан келиб чиқадики, ЭЭССЧнинг  $a_1$  шакли юқори томони (чап томони)да  $N-N$  чизиқли асимптотага эга бўлиб, қуйидаги шарт билан характерланади

$$\frac{dh}{ds} = 0. \quad (7.92)$$


4. ЭЭССЧнинг  $a_1$  шакли иккита асимптотага (ўнг томонидаги тўғри горизонтал чизиқ кўринишидаги  $a-b$  ва чап томонидаги ўзан тубига параллел  $N-N$  чизиқлари) эга эканлигини назарда тутсак, унинг бўртиб чиққан (выпуклость) томони пастга қараган бўлади.

5. ЭЭССЧнинг  $a_1$  шакли  $N-N$  тўғри чизиғига асимптотик равишда яқинлашгани учун, маълумки, тўғон таъсирида сувнинг кўтарилиши (7.22-расм) оқимга тескари йўналишда, назарий томонидан олганда, чексиз узунликка тарқалади. Амалда эса, ЭЭССЧнинг оқимнинг нормал чуқурлигига, масалан,  $\Delta h = (0,01 \div 0,02)h_0$  м миқдорда яқинлашган узунлигини, эгри кўтарилма узунлигининг «охири» деб қабул қилинади ва  $L_{\text{кўтарилма}}$  белги билан ифодаланади.

6. Кўндаланг кесимнинг солиштирма энергияси ЭЭССЧнинг  $a_1$  шаклида оқимнинг йўналиши бўйича катталашиб боради.

*ЭЭССЧнинг  $b_1$  шакли.* Бу эгри чизиқ  $b_1$  шаклидаги эгри пасайма деб аталади. Бу ҳол 7.24-расмда кўрсатилгандек, ўзанда бирор иншоот, масалан, шаршара қурилса, унда сувнинг белгиланган чуқурлиги  $h_{\text{белги}}$  пайдо бўлиб, у сув сатҳида  $B$  нуқтасини ҳосил қилади. Бундай ЭЭССЧ  $b$  зоңада жойлашган бўлади (7.24-расмга қаранг).

$$h_0 > h_{\text{белги}} > h_{\text{кр}}. \quad (7.93)$$



7.24- расм.

Кўриниб турибдики  $b_1$  шаклда ЭЭССЧ қуйидаги шартни қониқтириши керак

$$h_0 > h > h_{кр}. \quad (7.94)$$

(7.80) тенгламани таҳлил қилиб чиқсак:

1.  $b_1$  шаклдаги ЭЭССЧ (7.94) тенглама шарт билан характерланар экан, у ҳолда бу эгри пасайма учун

$$K_0 > K \text{ ва } \Lambda > \Lambda_{кр}, \quad (7.95)$$

демак

$$\frac{dh}{ds} = \frac{-c}{+M} < 0. \quad (7.96)$$

Хулоса:  $b_1$  шаклли ЭЭССЧ да сувнинг чуқурлиги (7.21 ва 7.24- расмларда кўрсатилгандек) оқимнинг йўналиши бўйича кичиклашиб боради, яъни ҳақиқатан ҳам биз бу ерда эгри пасайма чизигини оламиз.

2. ЭЭССЧ нинг  $b_1$  шакли нотекис илгариланма ҳаракатдаги оқимнинг чуқурлиги  $h \rightarrow h_0$  га интилса,  $K^2 \rightarrow K_0^2$  га интилади, бундан келиб чиқадики

$$\left(\frac{dh}{ds}\right)_{h \rightarrow h_0} = \left(\frac{c}{M}\right)_{h \rightarrow h_0} \rightarrow 0, \quad (7.97)$$



яъни  $b_1$  шакли ЭЭССЧ нинг юқори (чап) томонида ўзининг тўғри чизиқли  $N-N$  асимптотасига эга бўлади.


3.  $h = h_{кр}$  бўлса,  $b_1$  шаклли эгри чизиқ пастки (ўнг) томонида ўзининг тик (вертикал)  $W-W$  уринмасига эга бўлади.

4. ЭЭССЧнинг  $b_1$  шакли ўзининг  $N-N$  асимптотасига ва  $W-W$  (вертикал) тик уринмасига (7.21- расм) эга бўлганини назарда тутсак, бу эгри сув сатҳи чизигининг бўртиб чиққан томони юқорига қараган бўлади (7.24-расм).

5.  $b_1$  шаклли ЭЭССЧ узунлиги назарий жиҳатдан қараганда чексизликка эга, чунки  $N-N$  чизигига асимптотик равишда яқинлашади, аммо амалиётда уни чексиз эмас деб қабул қилинади (биринчи ҳолатнинг 5- бандига қаранг). Нотекис илгариланма ҳаракатнинг ЭЭССЧнинг  $b_1$  шаклида унинг чап томонида сувнинг чуқурлиги  $h = (h_0 + 0,01)$  м га яқин бўлса, уни ЭЭССЧ узунлигининг охири деб қабул қилса бўлади (бу ерда  $\Delta h = h - h_0 = 0,01$  м).

6.  $b_1$  шаклли ЭЭССЧ учун оқимнинг кўндаланг кесимининг солиштирма энергияси  $\mathcal{E}$  сув оқимининг йўналиши бўйича камайиб боради, чунки  $b_1$  эгри чизиғи сув оқимининг йўналиши бўйича  $K-K$  чизигига яқинлашади. Маълумки,  $K-K$  чизиғи кесимнинг энг кичик солиштирма энергияси  $\mathcal{E}_{min}$  ни ифодаловчи чизиқ.

ЭЭССЧнинг  $c_1$  шакли. Бу эгри кўтарилма бўлиб, ўзанда юқорига кўтариладиган сув туткич дарбоза тагидан ўтаётган суюқлик  $c_1$  шаклга эга бўлади ва у  $c$  зонасида жойлашган бўлади (7.21 ва 7.25- расмлар).



7.25-расм.

Бу ерда

$$h_{\text{белги}} < h_{\text{кр}} < h_0 \quad (7.98)$$

$c_1$  шакли ЭЭССЧ билан чегараланган оқимнинг барча  $h$  чуқурликлари қуйидаги шартни қониқтириши керак:


$$h_0 > h_{\text{кр}} > h. \quad (7.99)$$

$c_1$  шаклидаги ЭЭССЧ, юқорида айтилгандек, қуйидаги хоссаларга эга:


- 1) у эгри кўтарилма;
- 2) сув оқимининг йўналиши бўйича ЭЭССЧ нинг ўнг томонида (охирида) тик уринма  $W-W$  га эга;
- 3) асимптотага эга эмас;
- 4) эгри сув сатҳи чизигининг бўртиб чиққан томони пастга қараган (7.25-расм);
- 5) кесимнинг солиштирма энергияси  $\mathcal{E}$  сув оқимининг йўналиши (ЭЭССЧ узунаси) бўйича камайиб боради;
- 6) ЭЭССЧнинг узунлиги чегараланган (7.25-расм).

Иккинчи ҳолат. (7.82) шarti билан характерланувчи ҳолат. Бу ҳолатда 7.26-расмда кўрсатилгандек учта ЭЭССЧлар мавжуд бўлади

$$h_0 < h_{\text{кр}} \text{ ва } i > i_{\text{кр}},$$




7.26-расм.




7.27- расм.

бу шартга асосан, булар  $a_{II}$ ,  $b_{II}$ ,  $c_{II}$  уч хил алоҳида шакли оқимлардан иборат. Бу ерда ҳам, худди биринчи ҳолатдагидек, барқарор нотекис илгариланма ҳаракатнинг дифференциал тенгламасининг учинчи кўринишини ўрганиб чиқиб, (7.82) шартга асосан 7.26- расмда кўрсатилган ЭЭССЧ ларни исботлаш мумкин. 7.26- расмдаги чизмадан кўринадик:

1) шу эгри чизиқлардан қайси бири эгри кўтарилма ва қайси бири эгри пасайма; 2) шу эгри чизиқларнинг қайси бири ва қайси томони асимптотага ёки  $W-W$  вертикал уринмага эга; 3) сув сатҳи чизигининг бўртиб чиққан (выпуклость) томони қаёққа қаратилган (пастгами ёки



7.28-расм.




7.29-расм.


юқоригами); 4) ҳар хил эгри чизиқлар учун Э нинг миқдори сув оқимининг йўналиши бўйича қандай ўзгариб боради.

Юқорида кўрилатган эгри чизиқлар ҳолати биз қайси зонада белгиланган сув сатҳини олишимизга боғлиқ;  $a$  зонада,  $b$  зонада ёки  $c$  зонада. Масалан, 7.27- расмда кўрсатилгандек, ўзанда бирон-бир тўсиқ пайдо қилдик дейлик. Бунинг натижасида сунъий равишда ўзанда белгиланган сув чуқурлиги пайдо бўлди ва тўсиқ олдида  $B$  нуқтасини олдик, у  $a$  зонасида ётади. Натижада  $a_{ш}$  шакли ЭЭССЧ ҳосил бўлади (7.26 ва 7.27- расмларга қаранг). Худди шу усулда  $b_{ш}$  (7.28- расм) ва  $c_{ш}$  (7.29- расм) шаклдаги ЭЭССЧ ларини олишимиз мумкин.

Учинчи ҳолат. (7.83) шарт билан характерланувчи ҳолат. Бу ҳолатда 7.30- расмда кўрсатилгандек, иккита ЭЭССЧ мавжуд бўлади:



7.30-расм.



7.31-расм.

$$h_0 = h_{кр} \text{ ва } i = i_{кр}.$$

Бу ҳолда  $N-N$  ва  $K-K$  чизиқлари бир-бири билан қўшилиб  $b$  зонаси йўқ бўлади. Бу ерда фақат иккита  $a$  ва  $c$  зоналари қолади. Шунга қараб бу ерда иккита ЭЭССЧ ни оламиз, улар  $a_{III}$  ва  $c_{III}$  шакллари бўлиб, икки хил алоҳида оқимларни ифодалайди.  $a_{III}$  шакли ЭЭССЧ қуйидагича характерланади:

$$h > h_{кр} = h_0. \quad (7.100)$$


$c_{III}$  шакли ЭЭССЧ учун эса

$$h < h_{кр} = h_0. \quad (7.101)$$

**2°. Ўзан тубининг нишаби  $i = 0$  (горизонтал ҳолдаги ўзан).** Нотекис илгариланма ҳаракат дифференциал тенгламасининг учинчи кўринишини ўрганиб чиқсак,  $i = 0$  бўлганда, 7.31-расмда кўрсатилгандек, биз икки ЭЭССЧ мавжуд эканлигини биламиз. Улар: эгри пасайма  $b_0$  ва эгри кўтарилма  $c_0$ . Бу ҳолда  $h_0 = \infty$  бўлади, шунинг учун  $a$  зонаси йўқ бўлиб кетади (яъни  $N-N$  чизиғи ўзаннинг туби чизиғи  $T-T$  дан чексиз масофада жойлашган бўлади). Бу ерда фақат икки  $b$  ва  $c$  зоналари қолади. Бу иккала зоналарда  $b_0$  шакли эгри пасайма ва  $c_0$  шакли эгри кўтарилмалар мавжуд.

**3°. Ўзан тубининг нишаби  $i < 0$  (тескари нишабли ўзан).** Бу ерда ҳам фақат иккита ЭЭССЧ ни оламиз; улар  $b'$  шакли эгри пасайма ва  $c'$  шакли эгри кўтарилмалар (7.32-расм).

Хулоса: призматик ўзанда барқарор нотекис илгариланма ҳаракатдаги оқимда биз ҳаммаси бўлиб ЭЭССЧ нинг



7.32-расм.

ун иккита шаклини олдик. Шуни айтиш керакки, бу ЭЭС-СЧлар  $N-N$  чизигига ҳар доим асимптотик равишда яқинлашади,  $K-K$  чизигига эса у тик  $W-W$  га уринма ташкил этиб яқинлашади, чунончи бу ЭЭССЧ лар ҳеч қачон  $N-N$  ва  $K-K$  чизиқларини кесиб ўтмайди. Кесимнинг солиштирма энергияси  $\mathcal{E}$  сувнинг оқими бўйича  $K-K$  чизигидан узоқлашиб бораётган эгри сув сатҳи чизиги учун ўсиб боради ва  $K-K$  чизигига яқинлашиб бораётган эгри сув сатҳи чизиги учун сув оқимининг йўналиши бўйича камайиб боради (7.1-жадвалга қаранг).

### 7.8-§. СУЮҚЛИК ОҚИМИНИНГ БАРҚАРОР НОТЕКИС ИЛГАРИЛАНМА ҲАРАКАТИНИНГ ДИФФЕРЕНЦИАЛ ТЕНГЛАМАСИНИНГ ИККИНЧИ КЎРИНИШИНИ ИНТЕГРАЛЛАШ УЧУН ҚУЛАЙ ҲОЛАТГА КЕЛТИРИШ

1. Призматик ўзан тубининг нишаби  $i > 0$  бўлган ҳол. (7.36) тенгламанинг ўнг томони махражини қараб чиқамиз

$$M = 1 - \frac{\alpha Q^2}{g} \frac{B}{\omega^3} = 1 - \frac{\alpha (i K_0^2)}{g} \frac{B}{\omega \omega^2} \frac{C^2 R}{C^2 R}, \quad (7.102)$$

бу ерда

$$\omega^2 C^2 R = K^2 \text{ ва } \frac{\omega}{R} = \chi, \quad (7.103)$$

Оқим чуқурли- ги	Ўзан туби нишаби		ЭЭССЧ шакл белгиси	Катталиқлар			ЭЭССЧ шакли- нинг номи	ЭЭССЧ шаклининг кўриниши
	2	3		$1 - \left(\frac{K_2}{K}\right)^2$	I-Пк	$\frac{dh}{dl}$		
1	2	3	4	5	6	7	8	9
$h_0 > h_{сп}$	$i > 0$	$i < i_{сп}$	$a_I$	$> 0$	$> 0$	$> 0$	эгри кўтарилма	
			$b_I$	$< 0$	$> 0$	$< 0$	эгри пасайма	
			$c_I$	$< 0$	$< 0$	$> 0$	эгри кўтарилма	
$h_0 < h_{сп}$	$i > 0$	$i > i_{сп}$	$a_{II}$	$> 0$	$> 0$	$> 0$	эгри кўтарилма	
			$b_{II}$	$> 0$	$< 0$	$< 0$	эгри пасайма	
			$c_{II}$	$< 0$	$< 0$	$> 0$	эгри кўтарилма	

1	2	3	4	5	6	7	8	9
$h_0 = h_{\text{эф}}$	$i > 0$	$i = i_{\text{эф}}$	$a_{\text{III}}$	$> 0$	$> 0$	$> 0$	эгри кўтарилма	
			$c_{\text{III}}$	$< 0$	$< 0$	$> 0$	эгри кўтарилма	
$h_0 = \infty$	$i = 0$		$b_0$	—	$> 0$	$< 0$	эгри пасайма	
			$c_0$	—	$< 0$	$> 0$	эгри кўтарилма	
$h_0 = \infty$	$i < 0$		$b'$	—	$> 0$	$< 0$	эгри пасайма	
			$c'$	—	$< 0$	$> 0$	эгри кўтарилма	



булгани учун (7.102) тенгламани қўйидагича ёзиш мумкин

$$M = 1 - \frac{\alpha i K_0^2}{g} \frac{BC}{\chi K^2} = 1 - \frac{\alpha i C^2}{g} \frac{B}{\chi} \frac{K_0^2}{K^2}, \quad (7.104)$$

Белги қабул қиламиз:

$$\frac{\alpha i C^2}{g} \frac{B}{\chi} = j; \quad (7.105)$$

у ҳолда (7.104) қўйидаги кўринишга эга бўлади

$$M = 1 - j \frac{K_0^2}{K^2}. \quad (7.106)$$

Ўзан кенг бўлса, унда  $B \simeq \chi$  деб қабул қилинади ва (7.105) қўйидагича кўринишда бўлади:

$$j = \frac{\alpha i C^2}{g}. \quad (7.107)$$

(7.36) га (7.74) ва (7.106) тенгламаларни қўйиб чиқсак, қўйидагини оламиз

$$\frac{dh}{ds} = \frac{1 - \frac{K_0^2}{K^2}}{1 - j \frac{K_0^2}{K^2}} i. \quad (7.108)$$

Қўшимча белги киритамиз:

$$\frac{K}{K_0} = \kappa, \quad (7.109)$$

бу ерда  $\kappa$  — нисбий сув сарфи модули. Бу белгини қабул қилиб, (7.108) тенгламанинг ўрнига қўйидаги тенгламани оламиз:

$$(IV)_{\text{призматик, } i > 0} \quad \frac{dh}{ds} = \frac{\kappa^2 - 1}{\kappa^2 - j} i. \quad (7.110)$$

(IV)<sub>призматик,  $i > 0$</sub>  тенглама призматик ўзандаги суюқликнинг барқарор нотекис илгариланма ҳаракатининг диф-

ференциал тенгламасининг тўртинчи кўриниши бўлиб, интеграллаш учун қулай ҳолатга келтирилган ( $i > 0$  бўлганда).

## 2. Призматик ўзан тубининг нишаби $i = 0$ бўлган ҳол.

Бу ерда (7.41) тенгламани худди юқоридаги бандда кўрсатилгандек қараб чиқамиз, натижада қуйидаги тенгламани оламиз

$$(IV)_{\text{призматик; } i=0} \quad \frac{dh}{ds} = -\frac{1}{\kappa_{\text{кр}} - j_{\text{кр}}} i_{\text{кр}}, \quad (7.111)$$

бунда  $i_{\text{кр}}$  — критик нишаб;  $\kappa_{\text{кр}}$  — янги белги, у қуйидагича ифодаланади:

$$\kappa_{\text{кр}} = \frac{K}{K_{\text{кр}}}; \quad (7.112)$$

бу ерда  $K_{\text{кр}}$  — ўзандаги оқимнинг чуқурлиги критик чуқурликка тенг бўлгандаги критик сув сарфи модули. Бунда  $j_{\text{кр}}$  қуйидагича ёзилади:

$$j_{\text{кр}} = \frac{\alpha i_{\text{кр}} C^2}{g} \frac{B}{\chi}, \quad (7.113)$$

бу ерда  $C$ ,  $B$ ,  $\chi$  лар ҳақиқий оқим чуқурлиги  $h$  орқали аниқланади (критик чуқурлиги  $h_{\text{кр}}$  орқали эмас). Ўзан кенг бўлса, яъни  $B \simeq \chi$ , у ҳолда

$$j_{\text{кр}} = \frac{\alpha i_{\text{кр}} C^2}{g}; \quad (7.114)$$

Агар бу (7.114) тенгламага  $i_{\text{кр}}$  нинг қийматини (7.67)дан олиб ўрнига қўйсақ, у ҳолда  $h = h_{\text{кр}}$  бўлади. Ўзаннынг кенглиги жуда катта бўлган ҳолда, деб қабул қилсак

$$j_{\text{кр}} = \frac{C^2}{C_{\text{кр}}^2}; \quad (7.115)$$

бундан кўришиб турибдики, юқоридаги айтилган ҳолат учун сувнинг чуқурлиги  $h$  ўзгариши билан  $A$ . Шези коэффициенти  $C$  нинг ўзгаришини назарда тутмасак, шунингдек кенг ўзан  $B \simeq \chi$  учун  $j_{\text{кр}}$  нинг миқдори бирга тенг бўлади:

$$j_{\text{кр}} = 1. \quad (7.116)$$

**3. Призматик ўзан тубининг нишаби  $i < 0$  бўлган ҳол.** Бу ерда эса (7.42) тенгламани қараб чиқамиз, натижада қуйидаги тенгламани оламиз

$$(IV) \quad \text{призматик, } i < 0 \quad \frac{dh}{ds} = -\frac{\kappa'^2 + 1}{\kappa'^2 - j'} i', \quad (7.117)$$

бу ерда

$$\kappa' = \frac{K}{K_0}, \quad (7.118)$$

ва


$$j' = \frac{\alpha i' C^2}{g} \frac{B}{\chi}; \quad (7.119)$$

бунда  $i'$  — ўзан туби нишабининг мутлақ қиймати:  $i' = |i|$ . Бу ерда ўзан туби нишаби манфий, яъни  $i < 0$  бўлгани учун масалани ечишда унинг фақат мутлақ қиймати олинади

$$i' = |i|, \quad (7.120)$$

$K_0'$  — сувнинг ўнгдан чапга текис илгариланма ҳаракат қилаёпти деб фараз қилган ҳолдаги (7.33-расм) сув сарфи модули (ҳақиқатда, эса сув чапдан ўнгга оқяпти, бу ерда  $N' - N'$  ва  $h_0'$  лар ҳаёлий, улар фақат тенгламани олиш учун керак).

Барқарор нотекис илгариланма ҳаракатнинг дифференциал тенгласини интеграллашнинг бир неча усуллари мавжуд. Улардан Бресс, Толькмйтт, Дюпюи-Рюльман, Батикль, Б. А. Бахметев, В. И. Чарномский, Н. Н. Павловский, И. И. Леви, А. Н. Рахманов, Вен Те Чау, М. Д. Чертоусов ва бошқаларнинг усуллари амалда кенг қўлланилмоқда. Биз қуйида фақат Б. А. Бах-



7.33-расм.

метев ва В. И. Чарномский усулларини келтирамиз ва тўлиқ тушунтириб ўтамиз, чунки бу ерда призматик ҳамда нопризматик ўзанлардаги барқарор нотекис илгариланма ҳаракат урганилмоқда, улар амалда кенг қўлланилади. Китобнинг ҳажми чегараланганлиги сабабли бу ерда юқорида қайд этилган барча усулларни келтириш имконияти йўқ. Призматик ўзанларда нотекис ҳаракатни ўрганиш ва уни ҳисоблаш усули Б. А. Бахметев томонидан (1911–1914) ишлаб чиқилган.

### 7.9- §. ДАРАЖА КЎРСАТКИЧЛИ ТЕНГЛАМА, СУВ САРФИ МОДУЛЛАРИ НИСБАТИ УЧУН. ЎЗАННИНГ ГИДРАВЛИК КЎРСАТКИЧИ

Нотекис илгариланма ҳаракатнинг дифференциал тенгламасини интеграллашда Б. А. Бахметев алоҳида махсус даража кўрсаткичли тенгламани (сув сарфи модуллари нисбати учун) қўллаб масалани ечган. Қуйида шу усулни муқаммал қараб чиқамиз.

Маълумки, нотекис илгариланма ҳаракат тенгламасига [IV<sub>призматик</sub>  $t > 0$  ёки (7.110) тенгламага қаранг] масалан, сув


сарфи модуллари  $\frac{K^2}{K_0^2} = \kappa^2$  нисбати киради. Бу нисбат етарли даражада мураккаб ҳолда  $h$  га боғлиқ, чунки

$$K = \omega C \sqrt{R}, \quad (7.121)$$

бу ерда  $\omega$ ,  $C$ ,  $R$  лар  $h$  билан мураккаб ҳолда боғланган. Шунинг учун барқарор нотекис илгариланма ҳаракатнинг дифференциал тенгламаси IV кўринишининг интегралини топиш анча мураккаб. Юқоридаги масаланинг ечимини енгиллаштириш учун Б. А. Бахметев А. Шези формуласи ўрнига (7.110) тенгламани интеграллаш учун мазкур даража кўрсаткичли тенглама таклиф этган, бунда  $K$  билан  $h$  ўртасидаги боғланиш ниҳоятда соддалаштирилган, у қуйидаги кўринишда ёзилади:

$$\left(\frac{K'}{K''}\right)^2 = \left(\frac{h'}{h''}\right)^2, \quad (7.122)$$

бу ерда  $h'$  ва  $h''$  — ўзаннинг иккита ихтиёрий олинган кўндаланг кесимларидаги сувнинг чуқурликлари;  $K'$  ва  $K''$  — шу кесимлардаги чуқурликларга тегишли сув сарфи мо-



7.34-расм.

дуллари (7.34а- расм);  $x$  — даража кўрсаткичи ўзанининг гидравлик кўрсаткичи дейилади. Бу кўрсаткич фақат ўзан кўндаланг кесимининг шаклига боғлиқ, ўзандаги сувнинг чуқурлигига боғлиқ эмас.

Агар  $K'' = K$  деб ифодаласак, у ҳолда (7.122) тенгламани қуйидагича кўчириб ёзиш мумкин

$$K = \frac{K'}{\sqrt{(h')^x}} \sqrt{h^x}, \quad (7.123)$$

бунда

$$\frac{K'}{\sqrt{(h')^x}} = A = \text{const}. \quad (7.124)$$

(7.122) тенгламани интегралласак, у ҳолда

$$x = \frac{2 \lg K'' - 2 \lg K'}{\lg h'' - \lg h'}. \quad (7.125)$$

Шуни айтиб ўтиш керакки, (7.123) тенглама бир хил «тўғри» шаклли ўзанлар учун (7.121) тенглама сингари назарий «аниқ» ечимни бе-

ради. Бошқа «нотўғри» шаклли ўзанлар учун «аниқ» ечимини бермаслиги ва (7.121) тенгламадан катта фарқ қилиши мумкин. Шунинг учун (7.122) тенгламани, амалда учрайдиган ўзанларнинг кўндаланг кесимлари учун қўллашда мазкур графикни чизиш лозим, у логарифмик анаморфоза деб аталади (7.34 б-расм). Бу график ҳар бир ўзанинг берилган кўндаланг кесими учун алоҳида тузилади. 7.34 б-расмдаги графикнинг ордината ўқида  $\lg h$  горизонтал ўқида эса  $2 \lg K$  жойлашган. Бу графикда икки чизиқ мавжуд: I (эгри) ва II (тўғри) чизиқлар, уларнинг ҳар бири

$$2 \lg K = f(\lg h), \quad (7.126)$$

тенгламаси ёрдамида тузилган. Бу графикда I чизиқ эса (7.121) тенглама ёрдамида тузилган. Бу графикни тузаётганда шу чизиқ учун  $h$  га ҳар хил қийматлар бериб бориб,  $\lg h$  ни ва  $2 \lg K$  ни ҳисоблаймиз [ $K$  ни (7.121) тенгламадан аниқлаймиз]. Бу I чизиқ А.Шези чизиғи деб аталади. (7.34 б-расмдаги I чизиқ). II чизиқ бу тўғри (пунктир) чизиқ. Бу чизиқни тузиш учун (7.122), яъни даража кўрсаткичли тенгламадан фойдаланилади (7.34 б-расмдаги II чизиқ).

Бу ерда қуйидагича мулоҳаза қиламиз. Барқарор ноте-кис илгариланма ҳаракатнинг дифференциал тенгламасини интеграллаш учун даража кўрсаткичли тенгламани (7.122)  $i > 0$  бўлган ҳол учун Б. А. Бахметев усулига биноан қуйидагича кўчириб ёзамиз

$$\left(\frac{K}{K_0}\right)^2 = \left(\frac{h}{h_0}\right)^x, \quad (7.127)$$

бу ерда  $h$  — оқимнинг ихтиёрий кўндаланг кесимидаги сувнинг ўртача чуқурлиги;  $h_0$  — нормал чуқурлик (А. Шези формуласи ёрдамида аниқланади);  $K_0$  — нормал чуқурликка тегишли сув сарфи модули. (7.127) тенгламани интегралласак, унда

$$2 \lg K = (2 \lg K_0 - x \lg h_0) + x \lg h. \quad (7.128)$$

(7.128) тенгламадан фойдаланиб, II чизиқни қураимиз. Бу тўғри чизиқ бўлиб, уни Б. А. Бахметев чизиғи дейилади. II

чизиқ 7.34 б-расмда кўрсатилгандек, албатта I чизиқдаги  $O$  нуқтадан ўтиши шарт, унинг координаталари  $lgh_0$  ва  $2lgK_0$ . Шундай қилиб, графикни (7.34 б-расм) ёки бошқача қилиб айтганда, логарифмик аноморфозани тузиб, I чизиқ (А. Шези чизиғи) ва II чизиқ (Б. А. Бахметев чизиғи) ларни ташкил этгандан кейин кўринадики, агар шу графикда II тўғри чизиқ (I чизиқдаги)  $O$  нуқта орқали ихтиёрий бурчак коэффициентини  $\theta$  ни ташкил этиб ўтса, бу  $\theta$  бурчак бизга шу қаралаётган ўзан учун  $x$  нинг қийматини беради. II тўғри чизиқ I эгри чизиққа яқин жойлашса, у ҳолда қаралаётган ўзанни, даража кўрсаткичли (7.122) тенглама ёрдамида ҳисоблаш маъқул деб ҳисобланади, яъни шу ўзан учун Б. А. Бахметев усулини қўллаш мумкин бўлади. Агар I эгри А. Шези чизиғи ўзининг эгрилиги туфайли II тўғри чизиқдан узоқлашиб кетса, у ҳолда Б. А. Бахметев усулини қўллаш мумкин эмас. Б. А. Бахметев усули қўлланилиши мумкин бўлган ҳолда, шу қаралаётган ўзан учун гидравлик кўрсаткич  $x$  нинг қийматини шу қурилган логарифмик аноморфозадан фойдаланиб аниқланади. Бунинг учун қуйидагича иш тутамиз:

а) I эгри А. Шези чизиғида  $O$  нуқтани белгилаймиз (у  $lgh_0$  ва  $2lgK_0$  координаталари орқали аниқланадиган нуқта);

б) шу I эгри чизиқда  $a$  ва  $b$  нуқталарини белгилаймиз, улар  $lgh_1$  ва  $lgh_2$  ларга жавоб беради; бу ерда  $h_1$  ва  $h_2$  — ўзандаги нотекис илгариланма ҳаракатнинг узунлиги бўйича бошланғич ва охириги чуқурликлар (яъни оқимнинг ЭССЧ нинг бошланғич ва охириги чуқурликлари);

в)  $O$  нуқтаси орқали II тўғри Б. А. Бахметев чизиғи ўтади ва у чизиқ I эгри чизиғидаги  $a$  ва  $b$  нуқта ораллиғидаги бўлакка яқин жойлашиши керак (бошқача қилиб айтганда II чизиқ I чизиқнинг  $ab$  бўлагидега унга яқин жойлашиши керак);

г)  $x$  нинг қиймати II тўғри Б. А. Бахметев чизиғининг бурчак коэффициентидек аниқланади:

$$x = \operatorname{tg}\theta, \quad (7.129)$$

бу ерда  $\theta$  — 7.34 б-расмда кўрсатилган бурчак. Энди Б. А. Бахметевни даража кўрсаткичли тенгламасидан фойдаланиб қуйида нотекис илгариланма ҳаракатнинг дифференциал тенгламасини интеграллаш усулларини қараб чиқамиз.

7.10- §. СУЮҚЛИК ОҚИМИНИНГ БАРҚАРОР НОТЕКИС ИЛГАРИЛАНМА ҲАРАКАТИНИНГ ДИФФЕРЕНЦИАЛ ТЕНГЛАМАСИНИ Б. А. БАХМЕТЕВ УСУЛИДА ИНТЕГРАЛЛАШ

I. Ўзан тубининг нишаби  $i > 0$  бўлган ҳол (тўғри нишаб-ли ўзан). Биз юқорида барқарор нотекис илгариланма ҳара-катнинг дифференциал тенгламаси (IV)<sub>призматик,  $i > 0$</sub>  кўрини-шини олган эдик, у қуйидагича:

$$\frac{dh}{ds} = \frac{\kappa^2 - 1}{\kappa^2 - j} j. \quad (7.130)$$

(7.130) тенгламани интеграллаш учун Б. А. Бахметевнинг сув сарфи модуллар нисбати тенгламаси (7.127) ни қуйи-дагича кўчириб ёзамиз

$$\kappa^2 = \eta^x, \quad (7.131)$$

бу ерда

$$\kappa = \frac{K^2}{K_0^2} \text{ ва } \eta = \frac{h}{h_0}, \quad (7.132)$$

бунда  $\eta$  — нисбий чуқурлик. (7.131) тенгламани (7.130) тенгламага қўйсақ

$$h_0 = \frac{d\eta}{ds} = \frac{\eta^x - 1}{\eta^x - j} j. \quad (7.133)$$

бу ерда

$$h_0 d\eta = dh. \quad (7.134)$$

(7.133) ни қуйидагича кўчириб ёзамиз


$$\frac{j}{h_0} ds = \frac{\eta^x - j}{\eta^x - 1} d\eta = \left( 1 - 1 + \frac{\eta^x - j}{\eta^x - 1} \right) d\eta, \quad (7.135)$$

бундан қуйидагини оламиз

$$\frac{j}{h_0} ds = d\eta - \frac{1-j}{1-\eta^x} d\eta. \quad (7.136)$$

Энди расмга мурожаат этамиз. 7.35- расмда оқимнинг узунлиги бўйича кесими келтирилган, бунда  $AB$  қидирила-





7.35-расм.

ётган эркин эгри сув сатҳи чизиги. Маълумки, барқарор нотекис илгариланма ҳаракатнинг дифференциал тенгламаси оқимнинг ихтиёрий элементар узунлиги  $dS$  учун тузилган эди. 7.35- расмда оқимнинг 1-1 ва 2-2 кўндаланг кесимларини белгилаймиз, уларнинг оралиғи  $l$  бўлсин, 1-1 кесим 2-2 кесимдан суюқлик оқимининг йўналиши бўйича юқорида жойлашган. Бундан буён 1-1 кесимга тегишли гидравлик элементларни «1» индекси ва 2-2 кесимга тегишли гидравлик элементларни «2» индекси билан ифода-лаймиз.

Шундан кейин (7.136) тенгламани 7.35- расмда кўрсатилгандек 1-1 кесимдан 2-2 кесимгача интеграллаймиз

$$\frac{l}{h_0} (S_2 - S_1) = \eta_2 - \eta_1 - \int_{\eta_1}^{\eta_2} \frac{1-j}{1-\eta^3} d\eta. \quad (7.137)$$

бу ерда

$$\eta_1 = \frac{h_1}{h_0} \text{ ва } \eta_2 = \frac{h_2}{h_0}. \quad (7.138)$$

Ҳисоб-китобларга қараганда  $j$  сувнинг чуқурлиги  $h$  нинг ўзгариши билан жуда кам ўзгарар экан, шуни назарда тутган ҳолда  $(1-j)$  ни интегралдан ташқарига чиқаришимиз мумкин, бу ерда  $j$  қандайдир ўртача қийматга эга деб қабул қилиб, бундан кейин  $j$  ни  $\bar{j}$  деб белгилаймиз. Қўшимча белги

$$S_2 - S_1 = l. \quad (7.139)$$

(7.139) тенгламани назарда тутган ҳолда (7.137) тенглама ўрнига қуйидагини оламиз

$$\frac{il}{h_0} = \eta_2 - \eta_1 - (1 - \bar{j}) \int_{\eta_1}^{\eta_2} \frac{d\eta}{1 - \eta^x}. \quad (7.140)$$

Қаралаётган ўзан учун  $x$  ни ўзгармас, яъни

$$x = \text{const}, \quad (7.141)$$

деб қабул қилсак (7.140) тенгламадаги интеграл остидаги боғланишни (функцияни) фақат  $\eta$  функцияси деб, интегралнинг ўзини қуйидагича ёзамиз

$$\int \frac{d\eta}{1 - \eta^x} = \varphi(\eta) + C, \quad (7.142)$$

бу ерда  $C$  — интеграллашнинг ихтиёрий ўзгармас сони. (7.142) тенгламадан фойдаланиб (7.140) тенгламани қуйидагича ёзиш мумкин

$$\frac{il}{h_0} = \eta_2 - \eta_1 - (1 - \bar{j}) [\varphi(\eta_2) - \varphi(\eta_1)]_{i>0}. \quad (7.143)$$

(7.143) тенглама оқимнинг  $AB$  ЭЭССЧнинг тенгламаси, у оқимнинг барқарор нотекис илгариланма ҳаракатининг тенгламаси деб аталади ёки Б. А. Бахметев тенгламаси дейилади (ўзан туби нишаби  $i > 0$  бўлган ҳол учун). (7.143) тенгламадан фойдаланиб қуйидаги амалий масалаларни ечиш мумкин:

а) ўзаннинг узунлиги бўйича оралиғи  $l$  бўлган 1–1 ва 2–2 кесимлар белгиланган. Шу кесимларда оқимнинг чуқурликлари  $h_1$  ва  $h_2$ . Чуқурлик  $h_1$  берилган.  $h_2$  ни аниқлаш керак;

б) оқимнинг иккала чуқурлиги  $h_1$  ва  $h_2$  берилган. Иккала кесим оралиғи  $l$  аниқлансин;

в) белгиланган оқимнинг кўндаланг кесимида сувнинг чуқурлиги  $h_1$  (ёки  $h_2$ ) берилган,  $AB$  ЭЭССЧни қуриш керак.

**2. Ўзан тубининг нишаби  $i = 0$  бўлган ҳол (горизонтал ҳолдаги ўзан).** Бу ҳолда даража кўрсаткичли тенглама нисбий сув сарфи модуллари учун қуйидагича кўчириб ёзилади:

$$\left( \frac{K}{K_{кр}} \right)^2 = \left( \frac{h}{h_{кр}} \right)^x, \quad (7.144)$$

ёки бошқача кўринишда

$$\kappa_{кр}^3 = \xi^3, \quad (7.145)$$

бу ерда  $\kappa_{кр}$  — нисбий сув сарфи модули

$$\kappa_{кр} = \frac{K}{K_{кр}}, \quad (7.146)$$

$\xi$  — нисбий чуқурлик

$$\xi = \frac{h}{h_{кр}}, \quad (7.147)$$

Бу ерда ҳам, юқоридаги каби (7.111) тенгламадан фойдаланиб (IV)<sub>призматик; i=0</sub> бўлган ҳол учун нотекис илгариланма ҳаракатнинг тенгламасини оламиз:

$$\frac{i_{кр} l}{h_{кр}} = (\bar{J}_{кр} - 1)(\xi_2 - \xi_1) - [\varphi(\xi_2) - \varphi(\xi_1)]_{i=0}. \quad (7.148)$$

**3. Ўзан тубининг нишаби  $i < 0$  бўлган ҳол (тескари нишабли ўзан).** Бу ҳолда даража кўрсаткичли тенглама нисбий сув сарфи модуллари учун қуйидагича кўчириб ёзилади

$$\left( \frac{K}{K_0'} \right)^2 = \left( \frac{h}{h_0'} \right)^3, \quad (7.149)$$

ёки бошқача кўринишда

$$\kappa'^2 = \zeta^3 \quad (7.150)$$

бу ерда  $\kappa'$  — нисбий сув сарфи модули;  $\zeta$  — нисбий чуқурлик;

$$\kappa' = \frac{K}{K_0'}; \quad \zeta = \frac{h}{h_0'}. \quad (7.151)$$

(7.117) тенгламадан фойдаланиб (IV)<sub>призматик; i < 0</sub> бўлган ҳол учун нотекис илгариланма ҳаракат тенгламасини оламиз:

$$\frac{i l}{h'_{и}} = -(\zeta_2 - \zeta_1) + (1 + \bar{J}') - [\varphi(\zeta_2) - \varphi(\zeta_1)]_{i < 0}. \quad (7.152)$$


(7.143), (7.148) ва (7.152) тенгламалар Б. А. Бахметев томонидан 1911–1914 йй. кашф этилган.

**7.11-§. СУЮҚЛИК ОҚИМИНИНГ БАРҚАРОР НОТЕКИС  
ИЛГАРИЛАНМА ҲАРАКАТИНИНГ ДИФФЕРЕНЦИАЛ  
ТЕНГЛАМАСИНИ В. И. ЧАРНОМСКИЙ УСУЛИДА  
ИНТЕГРАЛЛАШ**

В. И. Чарномский усули ихтиёрий шаклдаги (призматик ҳам нопризматик)<sup>\*)</sup> ўзанлар учун қўлланилади. Бу усул ўзининг шу хоссаси билан бошқа усуллардан фарқ қилади. Умумий ҳол учун барқарор нотекис илгариланма ҳаракатнинг дифференциал тенгламаси [(7.31) тенгламага қаранг] нисбатан мураккаб. Шунга қарамасдан В. И. Чарномский оқимнинг ЭЭССЧ ни қуриш учун Д. Бернулли тенгламасини қўллаб, барқарор нотекис илгариланма ҳаракатни ҳисоблаш тенгламасини ишлаб чиқди. Бунинг учун ўзаннинг узунлиги бўйича уни бир неча (жуда кичик) алоҳида бўлақларга бўлиб олади. Бўлақларнинг узунлиги қанча кичик бўлса ҳисоб-китоб шунчалик тўғри ва аниқ бўлади, чунки шундай қилинганда ўзаннинг туби ва сув сатҳи шакллари (уларнинг нишаби ва тубининг ғадир-будурлиги) табиий ҳолга яқинроқ бўлади.

Фараз қилайлик, бизга берилган: каналнинг ўзани, сув сарфи  $Q$  ва сувнинг чуқурлиги  $h_n$ , у каналнинг охиридаги  $n-n$  кесим учун олинган (7.36-расм).  $AB$  ЭЭССЧ ни қуриш учун узунлиги  $l$  бўлган канални алоҳида (нисбатан кичик) бўлақларга бўлиб чиқамиз. Бунда ҳар бир бўлақнинг узунлиги  $l$  бўлган, ажратилган бўлақларини алоҳида қараб чиқамиз (суюқлик оқимининг йўналишига қарши). Аввало I бўлагини қараб чиқамиз, кейин II бўлагини, кейин III бўлагини ва ҳоказо. Масалан,  $M$  бўлагини ҳисоблашда  $m-m$  кесимдаги сувнинг чуқурлиги  $h_m$  ни аниқлаймиз (бунда  $m+1$  кесимдаги сувнинг чуқурлиги  $h_{m+1}$  ва  $m$  кесим билан  $m+1$  кесим оралиги  $l_m$  қийматлари берилган). Худди шу йўл билан, кема-кет чегаравий кесимлар [( $n-1$ ), ( $n-2$ ), ..., ( $2-2$ ), ( $1-1$ )]да сувнинг чуқурликларини аниқлаш мумкин. Кейин шу кесимларда аниқланган чуқурликларни ўрнига қўйиб чиқиб, шу баландликлардаги нуқталарни

<sup>\*)</sup> Ўзан узунлиги бўйича кенгайиши ёки торайиши мумкин.



7.36-расм.

чизиқ билан бирлаштириб чиқсак, бизга керакли бўлган  $AB$  ЭССЧ ни оламыз.

Мисол учун  $M$  бўлагини қараб чиқамиз (7.36-расм), бу  $M$  бўлаги  $m$  ва  $m + 1$  кўндаланг кесимлар билан чегараланган.  $m + 1$  кесимда ўзан тубининг энг пастки нуқтасидан  $O-O$  таққослаш текислигини ўтказамиз ва  $D$ . Бернулли тенгламаси ёрдамида  $m$  ва  $m + 1$  кўндаланг кесимларини бири бири билан боғлаб чиқамиз

$$il_m + h_m + \frac{\alpha v_m^2}{2g} = h_{m+1} + \frac{\alpha v_{m+1}^2}{2g} + \Delta h_l, \quad (7.153)$$

бу ерда  $il_m$  — канал ўзанининг тубини  $m$  кесимдан  $m + 1$  кесимигача оралиқда пасайиши;  $v_m$  ва  $v_{m+1}$  — оқимнинг  $m$  ва  $m + 1$  кўндаланг кесимлар юзасининг майдони бўйича тегишли ўртача тезликлари;  $\Delta h_l$  — оқимнинг  $m$  кесимдан то  $m + 1$  кесимгача бўлган  $l_m$  масофада йўқотилган напор. Юқорида (7.2-§ га қаранг) ишқаланиш нишаби  $i$ , деган тушунча киритилган эди [(7.14) тенглама], у қуйидагича:

$$i_j = \frac{v^2}{C^2 R}, \quad (7.154)$$

Бу (7.154) тенгламадан фойдаланиб, йўқотилган напор  $\Delta h_l$  ни қуйидагича ёзиш мумкин

$$\Delta h_f = \bar{i}_f l_m, \quad (7.155)$$

бу ерда  $\bar{i}_f$  — ўзанинг  $l_m$  узунлиги бўйича ўртача ишқаланиш нишаби. (7.155) тенгламани қўллаб, (7.153) Д. Бернулли тенгламасини кўчириб ёзамиз

$$i l_m + \left( h_m + \frac{\alpha v_m^2}{2g} \right) = \left( h_{m+1} + \frac{\alpha v_{m+1}^2}{2g} \right) + i_f l_m; \quad (7.156)$$

ёки

$$l_m (i - \bar{i}_f) + \left( h_m + \frac{\alpha v_m^2}{2g} \right) - \left( h_{m+1} + \frac{\alpha v_{m+1}^2}{2g} \right) = 0. \quad (7.157)$$

(7.157) тенгламани  $l_m$  га нисбатан ечсак

$$l_m = \frac{\mathcal{E}_{m+1} - \mathcal{E}_m}{i - \bar{i}_f}, \quad (7.158)$$

бу ерда  $\mathcal{E}_m$  ва  $\mathcal{E}_{m+1}$  — оқимнинг  $m$  ва  $m+1$  кесимларининг солиштирма энергияси:

$$\mathcal{E}_m = h_m + \frac{\alpha v_m^2}{2g}; \quad \mathcal{E}_{m+1} = h_{m+1} + \frac{\alpha v_{m+1}^2}{2g};$$

$\bar{i}_f$  нинг миқдори қуйидаги икки формуланинг бирдан аниқланади.

$$а) \quad \bar{i}_f = \frac{1}{2} (i_{f_m} + i_{f_{m+1}}), \quad (7.159)$$

бу ерда  $i_{f_m}$  ва  $i_{f_{m+1}}$  — оқимнинг  $h_m$  ва  $h_{m+1}$  чуқурликларига эга бўлган  $m$  ва  $m+1$  кесимлар учун аниқланган ишқаланиш нишаби.

$$б) \quad i_f = \frac{\bar{v}^2}{C^2 R}, \quad (7.160)$$

бу ерда  $\bar{v}$ ,  $C$ ,  $R$  — оқимнинг  $m$  ва  $m+1$  кесимлари учун ўртача гидравлик элементлар, масалан, ўртача чуқурлик учун

$$\bar{h} = \frac{1}{2} (h_m + h_{m+1}). \quad (7.161)$$

(7.158) тенглама барқарор нотекис илгариланма ҳаракатнинг асосий тенграмаси. Бу тенглама В. И. Чарномский тенграмаси деб аталади. Но призматик ўзанларда оқимнинг ЭЭССЧ ни қуриш учун (7.158) тенглама итерация усулида ечилади. Бунда белгиланган  $m$  кесими учун бир неча чуқурликлар  $h_{m_1}, h_{m_2}, \dots, h_{m_i}, \dots$  қабул қилиб, уларнинг ҳар бири учун  $\mathcal{E}_m$  ва  $i_f$  қийматларини ҳисоблаймиз. Натижада шундай чуқурлик  $h_m$  ни топамизки, бунда (7.158) тенглиги бажарилсин. Призматик ўзанларда оқимнинг ЭЭССЧ ни ҳисоблаш итерациясиз тўғридан-тўғри жалвалда бажарилади. В. И. Чарномский усули универсал усул бўлиб, у юқорида кўрсатилгандек, призматик ва нопризматик ўзанлардаги нотекис илгариланма ҳаракатларни ҳисоблашда жуда қулай ва услубий аҳамиятга эга. Бундан ташқари В. И. Чарномский усули бир-бири билан боғловчи ҳар хил кўндаланг кесимли призматик ва нопризматик ўзанларнинг ўтувчи бўлақларини ҳисоблашда қўлланилади. Қуйида суюқлик оқимининг нотекис ҳаракатининг ЭЭССЧ ни В. И. Чарномский усули билан ҳисоблаш ЭХМ ёрдами билан бажарилади. Бунинг учун (7.158) тенграмани қуйидаги энергетик шаклда кўчириб ёзамиз

$$\frac{d\mathcal{E}}{ds} = i - \bar{i}_f, \quad (7.162)$$

бундан

$$ds = \frac{d\mathcal{E}}{i - \bar{i}_f}, \quad (7.163)$$

ёки  $n$  ва  $n + 1$  кесимларнинг  $h_n$  ва  $h_{n+1}$  чуқурликлари орасидаги узунлик  $s$  ни аниқловчи тенглама

$$s_{n \rightarrow (n+1)} = \frac{\mathcal{E}_{n+1} - \mathcal{E}_n}{i - \bar{i}_f}, \quad (7.164)$$

бу ерда

$$\mathcal{E}_n = h_n + \frac{\alpha}{2g} \frac{Q^2}{K_n^2}; \quad \mathcal{E}_{n+1} = h_{n+1} + \frac{\alpha}{2g} \frac{Q^2}{K_{n+1}^2}, \quad (7.165)$$

$i$  — ўзан тубининг нишаби;

$\bar{i}_f$  — бўлақлардаги ўртача ишқаланиш нишаби:

$$\bar{i}_f = \frac{1}{2}(i_{f_n} + i_{f_{n+1}}); \quad (7.166)$$

ёки

$$\bar{i}_f = \left(\frac{Q}{\bar{\omega}W}\right)^2 = \frac{Q^2}{K^2}, \quad (7.167)$$

бунда

$$i_{f_n} = \frac{Q^2}{K_n^2}; \quad i_{f_{n+1}} = \frac{Q^2}{K_{n+1}^2}. \quad (7.168)$$

Юқоридаги тенгламалар икки кесим оралиғидаги ўртача чуқурлик ёрдамида ечилади

$$\bar{h} = \frac{1}{2}(h_n + h_{n+1}). \quad (7.169)$$

Нотекис ҳаракатни ҳисоблашда ишончли натижа олиш учун қаралаётган ўзанининг узунлиги бўйича иложи борича кесимлар сонини кўпроқ тайинлаш зарур. У ҳолда ЭЭССЧ узунлиги шу қабул қилинган кесимлар оралиқлари узунлигининг йиғиндисига тенг

$$L_{\text{ЭЭССЧ}} = S_{1-2} + S_{2-3} + \dots + S_{(n-1)+n} + \dots \quad (7.170)$$

В. И. Чарномский усулида ЭЭССЧ қуриш ҳисоб-китобнинг хатосини камайтиради, чунки ҳақиқий ўзанининг ишқаланиш нишаби ўрнига унинг икки кесим оралиғидаги ўртача миқдори қабул қилинган.

*а. Суюқлик оқимининг барқарор нотекис илгариланма ҳаракатининг нормал чуқурлигини қўл усулида ҳисоблаш намунаси*

**7.1-масала.** Дарёда гидроузел иншооти лойиҳаланган. Бунга бетондан ва грунтдан ишланган тўғон қиради. Дарёга қурилган ушбу тўғон таъсирида юқори бьефда сув кўтарилади. Сувнинг кўтарилиши натижасида қирғоқлар сувга кўмилади. Шу қирғоқлар дарёнинг ҳар хил жойларида қандай даражада кўмилганини билиш учун *AB* ЭЭССЧ ни тузиш керак. Ундан ташқари *AB* ЭЭССЧ нинг дарёдаги (юқори бьефдаги) узунлиги бўйича оқимнинг чуқурликларини билиш керак. Дарёнинг ўзани майда қумлардан ташкил топган ва у тахминан трапецеидал шаклда бўлиб, тубининг нишаби  $i = 0,00020$ ; ўзан тубининг кенглиги  $b = B - 2mh$ ; ўзандаги сув сатҳининг кенглиги  $B = 200$  м. *AB* ЭЭССЧ охи-



ридаги сувнинг чуқурлиги  $h_{\text{охир}} = 95$  м (туғоннинг олдидаги сувнинг чуқурлиги  $h_{\text{белги}} = h_{\text{охир}}$ ). Дарёдаги сувнинг сарфи  $Q = 2000$  м<sup>3</sup>/с.

*Ечиш.* 1. Масалани ечиш учун маълумотномадан фойдаланиб: а) ўзаннынг гадир-будурлигини ифодаловчи коэффициентини аниқлаймиз, у майда қум учун  $n = 0,0275$ ; б) ўзан ён деворининг нишаб коэффициенти  $m = 3,0$  (грунт — майда қум учун)ларни оламиз.

2. Керакли сув сарфи модули  $K_{\text{керак}}$  ни аниқлаймиз

$$K_{\text{керак}} = \frac{Q}{\sqrt{i}} = \frac{2000}{\sqrt{0.0002}} = 141421,40 \text{ м}^3/\text{с}.$$

3. Сувнинг бир неча чуқурликлари  $h$  ни қабул қиламиз ва шу асосда нормал чуқурлик  $h_0$  ни аниқлаймиз. Масала итерация усулида ечилади.


4. Ҳар бир қабул қилинган  $h$  чуқурликлар учун оқимнинг тегишли гидравлик элементларини  $b$ ,  $\omega$ ,  $C$ ,  $\chi$ ,  $R$  ва бошқаларни ҳисоблаймиз. Охирида сув сарфи модули  $K$  ни қуйидаги формула ёрдамида ҳисоблаймиз

$$K = \omega C \sqrt{R},$$

ва уни  $K_{\text{керак}}$  билан таққослаймиз. Агар  $K = K_{\text{керак}}$  бўлса масаланинг ечими олинган бўлади. У ҳолда  $h = h_0$  бўлади. Ҳисоб-китобни жадвал шаклида олиб борамиз (7.2-жадвалга қаранг).

7.2-жадвал

Тартиб со-ни	$h$ , м	$b$ , м	$\omega$ , м <sup>2</sup>	$\chi$ , м	$R$ , м	$C$ , м <sup>0,5</sup> /с	$K = \omega C \sqrt{R}$ , м <sup>3</sup> /с	$K_{\text{керак}} = \frac{Q}{\sqrt{i}}$ , м <sup>3</sup> /с
1	1,0	162,5	165,5	162,82	0,98	36,200	5933,13	141421,40
2	2,0	162,5	337,0	175,15	1,924	41,870	19574,06	
3	3,0	162,5	514,5	181,47	2,835	45,520	39437,03	
4	4,0	162,5	698,0	187,79	3,717	48,259	64941,30	
5	5,0	162,5	887,5	194,12	4,572	50,462	95760,10	
6	6,0	162,5	1083,0	200,45	5,404	52,313	131689,23	
7	6,5	162,5	1183,0	203,60	5,810	53,138	151526,66	
8	7,0	162,5	1284,5	206,77	6,212	53,210	172595,90	
9	8,0	162,5	1492,0	213,09	7,001	53,319	218393,43	
10	10,0	162,5	1925,0	225,74	8,527	57,720	324465,65	



7.37-расм.

Маълумки, ҳисоб-китоб асосида ҳар доим  $K = K_{\text{керак}}$  келиб чиқавермайди, бунинг учун 7.2-жалвалга асосан  $K = f(h)$  графигини тузамиз (7.37-расм). Бу графикка  $K_{\text{керак}} = 141421,40$  қийматини қўйиб,  $K = f(h)$  эгри чизиги билан учрашган жойидан ординатага горизонтал ўтказиб, керакли  $h_0$  ни аниқлаймиз.  $h_0 = 6,26$  м.

5. Шу оқимнинг нормал чуқурлигини аниқлагандан кейин  $h_0 = 6,26$  м унга тегишли гидравлик элементларни ҳисоблаймиз

$$\omega_0 = (b + mh_0)h_0 = (162,5 + 3 \cdot 6,26)6,26 = 1132,7 \text{ м}^2;$$

$$\chi_0 = b + 2h_0\sqrt{1 + m^2} = 162,5 + 2 \cdot 6,25\sqrt{1 + 3^2} = 202,0 \text{ м},$$

$$R_0 = \frac{\omega_0}{\chi_0} = \frac{1132,7}{202,0} = 5,606 \text{ м};$$

$$C_0 = \frac{1}{n} R_0^{1,3\sqrt{n}} = \frac{1}{0,00275} 5,606^{1,3\sqrt{0,00275}} = 52,73 \text{ м}^{0,5}/\text{с};$$

$$v_0 = C_0\sqrt{iR_0} = 52,73 \cdot \sqrt{0,0002 \cdot 5,606} = 1,766 \text{ м/с};$$

$$Q = \omega_0 v_0 = 1132,7 \cdot 1,766 = 2000,0 \text{ м}^3/\text{с}.$$

Энди шу юқоридаги масалани ЭХМ ёрдамида ечамиз ва қўл усули билан таққослаймиз.

7.12- §. ОЧИҚ ЎЗАНЛАРДА ОҚИМНИНГ ПОТЕКИС  
ИЛГАРИЛАНМА ҲАРАКАТИНИ В. И. ЧАРНОМСКИЙ УСУЛИДА  
ЭҲМ ЁРДАМИДА ҲИСОБЛАШ

**1. Оқимнинг нормал чуқурлиги  $h_0$  ни ЭҲМ ёрдамида ҳисоблаш.**

**7.2-масала.** Бунинг учун юқорида қўл усулида ишланган 7.1-бандидаги масалада берилган гидравлик характеристикаларидан фойдаланамиз.

*Ечиш.* Барқарор текис илгариланма ҳаракатнинг нормал чуқурлигини ЭҲМ ёрдамида ҳисоблаш учун ҳисоблаш алгоритми, блок-схемаси ва ҳисоблаш дастурини тuzиш керак. Улар қуйида келтирилган (7.38- расм).

**А. Масалани ЭҲМ да ҳисоблаш алгоритми**

1. Керакли сув сарфи модули аниқланади

$$K_{\text{керак}} = \frac{Q}{\sqrt{h}}$$

2. Кетма-кет бир неча сув чуқурликлари  $h$  ни қабул қиламиз, токи ҳисобланган ва керакли (қабул қилинган) сув сарфи модуллари бир-бирига тенг бўлмагунча, яъни


$$K = K_{\text{керак}}$$

3. Ҳар бир қабул қилинган сув чуқурликлари учун  $b$ ,  $\omega$ ,  $\chi$ ,  $R$ ,  $v$ ,  $K$ ,  $Q$  ва бошқа гидравлик элементлар ҳисобланади.

4. Агар  $|K_{\text{керак}} - K| \leq \varepsilon$  (бу ерда  $\varepsilon$  — илгаритдан тайинланган аниқлик сони) тенгсизлик шарти маъқулланса, у ҳолда масаланинг ечими олинади. Борди-ю, шу тенгсизлик шарти бажарилмаса, ундай ҳолда  $h$  нинг бошқа янги қийматини қабул қилиб, шу ҳисоблаш алгоритмининг 2-бандидан бошлаб такроран ҳисоблаймиз. Бундай ҳисобни то шу  $|K_{\text{керак}} - K| \leq \varepsilon$  тенгсизлик шарти бажарилмагунча ЭҲМ да қайтараверамиз. Шундай қилиб оқимнинг барқарор текис илгариланма ҳаракатининг нормал чуқурлигини аниқлаймиз.

5. Оқимнинг барқарор текис илгариланма ҳаракатининг нормал чуқурлигини аниқлагандан кейин шу асосда барқарор текис илгариланма ҳаракатга тегишли бошқа гидравлик элементларини, масалан  $\omega_0$ ,  $\chi_0$ ,  $R_0$ ,  $C_0$ ,  $v_0$ ,  $Q$  ларни ҳисоблаймиз.

**Б. Масалани ЭҲМ да ҳисоблаш блок-схемаси (7.38- расм)**



7.38- расм.

## В. Масалани ЭҲМда ҳисоблаш дастури<sup>\*)</sup>

Дастур асосида талаб қилинган гидравлик элементларнинг қийматлари машинага киритилади ва машина «ҳисобга» юборилади. Машина дастур бўйича талаб қилинган элементларнинг қийматларини чиқариб беради.

Масалан, юқорида қўйилган масала учун қуйидагиларни оламиз:

$$K_{\text{керак}} = 141421,35 \text{ м}^3/\text{с}; h_0 = 6,249077 \text{ м}; v = 1,7657505 \text{ м/с};$$

$$K = 141421,32 \text{ м}^3/\text{с}; \omega_0 = 1133,12 \text{ м}^2; Q = 2000 \text{ м}^3/\text{с}.$$

**2. Очiq ўзанларда оқимнинг барқарор потекис илгариланма ҳаракатининг ЭЭССЧ ни В. И. Чарномский усулида ЭҲМ ёрдамида ҳисоблаш.**

**7.3-масала.** Масалани В. И. Чарномский усулида ечар эканмиз, унинг ҳисоблаш формуласи тўғрисида озгина тушунча бериб ўтиш зарур. В. И. Чарномский усули юқорида айтилганидек, универсал усул бўлиб у нопризматик ўзанлардаги потекис илгариланма ҳаракатнинг дифференциал тенгламасини энергетик шаклда ечиб, иккита ихтиёрий кесим оралиғи учун тенгламани олган. Масалан 1–1 ва 2–2 кесимлар ва уларга тегишли  $h_1$  ва  $h_2$  чуқурликлари учун

$$S_{1-2} = \frac{\mathcal{E}_2 - \mathcal{E}_1}{i - i_f},$$

бу ерда  $\mathcal{E}_1$  ва  $\mathcal{E}_2$  — оқимнинг 1–1 ва 2–2 кўндаланг кесимларидаги сувнинг тегишли  $h_1$  ва  $h_2$  чуқурликлари учун солиштирма энергиялари:

$$\mathcal{E}_1 = h_1 + \frac{\alpha}{2g} \frac{Q^2}{\omega_1^2}; \quad \mathcal{E}_2 = h_2 + \frac{\alpha}{2g} \frac{Q^2}{\omega_2^2};$$

$\bar{i}_f$  — ўзаннинг 1–1 ва 2–2 кесимлари орасидаги ўртача ишқаланиш нишаби

$$\bar{i}_f = \left( \frac{Q}{\omega W} \right)^2; \quad \text{ёки} \quad \bar{i}_f = \frac{Q^2}{K^2};$$

<sup>\*)</sup> Китобнинг ҳажми чеклангани сабабли бу ерда дастур ва ҳисоблаш формулаларини келтириш имконияти бўлмади.

бунда  $K$  — сув сарфи модули;  $W$  — тезлик модули;  $Q$  — сув сарфи.

*Ечиш. а. Суюқликнинг барқарор нотекис илгариланма ҳаракатининг ЭЭССЧни 7.1-масалада берилганларга асосан қўл усулида ҳисоблаш*

1. Ўзгармас сон  $\frac{\alpha Q^2}{2g}$  ни ҳисоблаймиз

$$\frac{\alpha Q^2}{2g} = \frac{1,1 \cdot 2000^2}{19,62} = 220000.$$

2. Охириги кўндаланг кесим учун (тўғон олдидаги) асосий гидравлик элементлар ва уларнинг қийматлари ( $h_{\text{охир}} = h_{\text{белги}} = 95,0$  м) қуйидагича ҳисобланади: оқим кўндаланг кесимининг майдони

$$\omega_{\text{охир}} = (b_{\text{охир}} + mh_{\text{охир}})h_{\text{охир}} = (162,5 + 3 \cdot 95)95 = 42512,5 \text{ м}^2;$$

ўзан тубининг кенглиги

$$b_{\text{охир}} = B - 2mh_0 = 200 - 2 \cdot 3 \cdot 6,249 = 162,5 \text{ м};$$

ҳўлланган периметрининг узунлиги

$$\chi_{\text{охир}} = b_{\text{охир}} + 2h_{\text{охир}}\sqrt{1+m^2} = 162,5 + 2 \cdot 95 \cdot \sqrt{1+3^2} = 763,33 \text{ м};$$

гидравлик радиус

$$R_{\text{охир}} = \frac{\omega_{\text{охир}}}{\chi_{\text{охир}}} = \frac{42512,5}{763,33} = 55,69 \text{ м}.$$

3. Охириги кўндаланг кесим учун (тўғон олдидаги) солиштирма энергияни аниқлаймиз

$$Э_{\text{охир}} = h_{\text{охир}} + \frac{\alpha Q^2}{2g} \frac{1,0}{\omega_{\text{охир}}^2} = 95,0 + 220000 \frac{1,0}{42512,5^2} = 95,00032 \text{ м}.$$

4. ЭЭССЧ ни аниқлаш ва уни қуриш учун кейинги ихтиёрий кўндаланг кесимларда ихтиёрий чуқурликларни қабул қиламиз ва В. И. Чарномский усулида шу охириги (тўғон олдидаги) кўндаланг кесимдан то қабул қилинган

кўндаланг кесимгача оралиқ узунлигини аниқлаймиз. Бу ерда  $h_{\text{охир}}$  ни  $h_1$  деб қабул қилиб, бошқа кўндаланг кесимларда оқим чуқурликларини, масалан  $h_2, h_3, \dots$  ва ҳоказоларнинг қийматларини бериб бориб, тегишли оралиқларнинг узунликларини В. И. Чарномский формуласи ёрдамида ҳисоблаймиз. ЭЭССЧнинг бошланиши кўндаланг кесимидаги сувнинг чуқурлиги  $h_0$  га яқин бўлиши керак, масалан  $h_{\text{бошл.}} = h_0 + 0,01$  м;  $h_{\text{охир}} = h_{\text{белги}} = 95$  м. Бундан буён  $h_{\text{бошл.}}$  ва  $h_{\text{охир}}$  (кесимлар) оралиғидаги чуқурликларни бериб бориб, уларга тегишли оралиқларнинг узунликларини аниқлаймиз. Масалан,

$$\begin{aligned} h_2 &= 75 \text{ м}; & h_6 &= 10 \text{ м}; \\ h_3 &= 55 \text{ м}; & h_7 &= 8 \text{ м}; \\ h_4 &= 35 \text{ м}; & h_5 &= 6,3 \text{ м}; \\ h_5 &= 15 \text{ м}; & h_9 &= h_0 + 0,01 \text{ м ва ҳоказо.} \end{aligned}$$

5. Юқоридаги кўрсатилган сувнинг чуқурликлари учун асосий гидравлик элементларни ҳисоблаб чиқамиз. Ҳисобкитоб натижаларини 7.3-жадвалга туширамиз.

6. Охирги ва 2–2 кўндаланг кесимлар оралиғи (уларга қарашли  $h_{\text{охир}}$  ва  $h_2$  чуқурликлар) учун ўртача ишқаланиш нишаби қуйидаги формуладан аниқланади

$$\bar{i}_f = \frac{1}{2} (i_{f_{\text{охир}}} + i_{f_2});$$

бу ерда

$$\begin{aligned} i_{f_{\text{охир}}} &= \frac{Q^2}{K^2} = \frac{Q^2}{\left[ (b_{\text{охир}} + mh_{\text{охир}}) h_{\text{охир}} \cdot \frac{1}{n} R_{\text{охир}}^{y+0,5} \right]^2}; \\ i_{f_2} &= \frac{Q^2}{K_2^2} = \frac{Q^2}{\left\{ (b_2 + mh_2) h_2 \cdot \frac{1}{n} \left[ \frac{(b_2 + mh_2) h_2}{b_2 + 2h_2 \sqrt{1+m^2}} \right]^{y+0,5} \right\}^2}. \end{aligned}$$

7. Охирги ва ундан кейинги кесимлар оралиғининг узунлиги қуйидагича аниқланади

$$S_{\text{охир}+2} = \frac{\partial_2 - \partial_{\text{охир}}}{i - \bar{i}_f}.$$

Тартиб СОНИ	$h, \text{ м}$	$\omega, \text{ м}^2$	$b, \text{ м}$	$\chi, \text{ м}$	$R, \text{ м}$	$\Xi, \text{ м}$	$C, \text{ м}^{0,5}/\text{с}$	$W, \text{ м}/\text{с}$	$K, \text{ м}^3/\text{с}$	$i$	$\frac{\alpha Q^2}{2g \omega^3}, \text{ м}$
1	$h_{\text{суп}} = h_1 = 95,0$	42513,50	162,5	763,30	55,69	93,00013	86,500	645,550	27449384,0	0,0002	0,000124
2	$h_2 = 75,0$	29062,91	162,5	636,84	45,63	75,00026	82,860	559,860	16269426,0	0,0002	0,000265
3	$h_3 = 55,0$	18012,80	162,5	510,35	35,20	55,00069	78,401	465,776	8399933,7	0,0002	0,000691
4	$h_4 = 35,0$	9362,69	162,5	383,86	24,39	35,00025	72,397	357,549	3347630,5	0,0002	0,002560
5	$h_5 = 15,0$	3112,58	162,5	257,37	12,09	15,02310	62,236	216,433	673666,1	0,0002	0,002310
6	$h_6 = 8,0$	1492,04	162,5	213,10	7,00	8,40073	55,319	146,376	218400,5	0,0002	0,100000
7	$h_{\text{басс}} = h_7 = 6,3$	1132,66	162,5	202,01	5,61	6,42300	52,731	124,857	141421,3	0,0002	0,174000



8. Худди шунингдек, 6- ва 7- бандларида курсатилган-дек, кейинги кесимлараро бўлақлар учун ўртача ишқала-ниш нишаблари  $i_{j_n}$  ва уларнинг оралиқларининг узунлик-лари  $S_{2=3}$ ,  $S_{3=4}$ , ... ,  $S_{n=бошл}$  ни ҳисоблаймиз. Ҳисоб-китоб натижаларини 7.4-жалвалга туширамиз.

*б. Оқимнинг барқарор нотекис илгариланма ҳаракатини В. И. Черномский усулида ЭҲМ ёрдамида ҳисоблаш намунаси*

**7.4-масала.** Бу ерда масалани ечишда берилганларни 7.1-масаладан оламиз.

Ўзанининг узунлиги бўйича сувнинг чуқурлигини ўзга-риш қадами

$$\Delta h = (h_{\text{охир}} - h_{\text{бошл}}) \frac{1}{k_{\text{қалам}}},$$

бу ерда  $k_{\text{қалам}} = 1, 2, 3, \dots, h$  — ўзанининг узунлиги бўйича унинг бўлинган бўлақларининг сони;  $h_{\text{бошл}}$  — ЭЭССЧ бош-ланишидаги сувнинг чуқурлиги. Уни қуйидагича қабул қилиш мумкин<sup>1)</sup>

$$h_{\text{бошл}} = h_0 + 0,01 \text{ м},$$

чунки  $h_{\text{бошл}}$  ҳеч қачон  $h_0$  га тенг бўлмайди, аммо унга ( $N-N$  чизигига) яқинлашиб чексизга кетаверади, шунинг учун  $N-N$  чизиги ЭЭССЧнинг асимптотаси дейилади.

Юқоридаги масалани ЭҲМ ёрдамида ечиш учун ҳисоб-лаш алгоритми, блок-схема ва ҳисоблаш дастурини туза-миз (7.39- расм).

### **А. Масалани ЭҲМда ҳисоблаш алгоритми**

#### **1. Интеграллаш қадами ҳисобланади**

$$\Delta h = (h_{\text{охир}} - h_{\text{бошл}}) \frac{1}{k_{\text{қалам}}}.$$

<sup>1)</sup> Барқарор нотекис илгариланма ҳаракатнинг ЭЭССЧ қайси зонада ( $a, b$  ёки  $c$  зонада) жойлашишига қараб  $h_{\text{бошл}}$  ва  $h_{\text{охир}}$  сув чуқурликлари тайинланади. Масалан, 7.4 масалада  $a_1$  шакл учун  $h_{\text{охир}}$  туғон олдида ( $u, h_{\text{бетли}}$  бўлади),  $h_{\text{бошл}}$  эса  $N-N$  чизигига ( $h_0$  чуқурликка) яқинлашган жойда олинади, яъни  $h_{\text{бошл}} = h_0 + 0.01 \text{ м}$ .

Ҳисоблаш формуллари	Ихтиёрий икки кўндаланг кесимлар орасидаги оқимнинг ўртача чуқурлиги $h$ , м						
	$h_{\text{сирп}}(h_1)$ ва $h_2$	$h_2$ ва $h_3$	$h_3$ ва $h_4$	$h_4$ ва $h_5$	$h_5$ ва $h_6$	$h_6$ ва $h_{\text{сирп}}(h_6+0,01)$	
$\bar{i}_f = \frac{1}{2}(i_{f_n} + i_{f_{n-1}})$	$0,001777 \cdot 10^{-5}$	$0,006 \cdot 10^{-5}$	$0,03 \cdot 10^{-5}$	$0,281 \cdot 10^{-5}$	$4,021 \cdot 10^{-5}$	$19,46 \cdot 10^{-5}$	
$i - \bar{i}_f$	$19,888 \cdot 10^{-5}$	$19,999 \cdot 10^{-5}$	$19,96 \cdot 10^{-5}$	$19,719 \cdot 10^{-5}$	$15,598 \cdot 10^{-5}$	$5,4 \cdot 10^{-5}$	
$\mathcal{E}_n - \mathcal{E}_{n-1}$ , М	19,99984	19,99957	19,992	19,9994	6,62237	1,97693	
$S_{n-(n-1)}$ , М	$10,0008 \cdot 10^4$	$10,003 \cdot 10^4$	$10,01813 \cdot 10^4$	$10,13189 \cdot 10^4$	$4,14655 \cdot 10^4$	$4,733 \cdot 10^4$	
$L_{n-(n-1)} = S_{n-(n-1)}$ , М	$10,0008 \cdot 10^4$	—	—	—	—	—	
$L = L_{n-(n-1)} + \frac{S_{n-(1)+(n-2)}}{M}$	—	$20,0039 \cdot 10^4$	$30,02193 \cdot 10^4$	$40,1538 \cdot 10^4$	$44,30037 \cdot 10^4$	$49,03337 \cdot 10^4$	

2. Охирдан «кейинги»<sup>\*)</sup> кесимлардаги чуқурликлар қуйидагича ҳисобланади

$$h_j = h_{\text{охир}} + \Delta h,$$

бунда  $j = 1, 2, 3, \dots, n$  — узан узунлиги бўйича кесимларнинг сони.

3. Икки ихтиёрий кесимлар орасидаги бўлақларда сувнинг ўртача чуқурлиги, масалан,  $h_{\text{охир}}$  ва  $h_j$ ;  $h_j$  ва  $h_{j-1}$ ;  $h_{j-1}$  ва  $h_{j-2}$  ва ҳоказо

$$h = \frac{1}{2}(h_{\text{охир}} - h_j)$$

ёки

$$\bar{h} = h_j - \frac{1}{2}\Delta h.$$

4. Кесимлардаги солиштирма энергияни аниқлаш

$$\mathcal{E}_{\text{охир}} \text{ ва } \mathcal{E}_j; \mathcal{E}_j \text{ ва } \mathcal{E}_{j-1}; \mathcal{E}_{j-1} \text{ ва } \mathcal{E}_{j-2}; \mathcal{E}_{j-2} \text{ ва } \mathcal{E}_{j-3}; \dots$$

ва ҳоказо

$$\mathcal{E}_{\text{охир}} = h_{\text{охир}} + \frac{\alpha Q^2}{2g} \frac{1}{\omega_{\text{охир}}^2} = h_{\text{охир}} + \frac{\alpha Q^2}{2g(b_{\text{охир}}h_{\text{охир}} + mh_{\text{охир}}^2)^2};$$

$$\mathcal{E}_j = h_j + \frac{\alpha Q^2}{2g} \frac{1}{\omega_j^2} = h_j + \frac{\alpha Q^2}{2g(b_j h_j + mh_j^2)^2}.$$

5. Кесимларо бўлақлардаги ўртача ишқаланиш нишабини ҳисоблаш

$$\begin{aligned} \bar{i}_{\text{охир}+j} &= \left[ \frac{Q}{\omega_{\text{охир}+j} \frac{1}{n} \sqrt{R_{\text{охир}+j}}} \right]^2 = \left[ \frac{Q}{\omega_{\text{охир}+j} \frac{1}{n} \left[ \frac{b\bar{h} + m\bar{h}^2}{b + 2\bar{h}\sqrt{1+m^2}} \right]_{\text{охир}+j}^{y+0.5}} \right]^2 = \\ &= \left\{ Q \left[ \frac{n}{b\bar{h} + m\bar{h}^2} \right]_{\text{охир}+j} \cdot \left[ \frac{b + 2\bar{h}\sqrt{1+m^2}}{b\bar{h} + m\bar{h}^2} \right]_{\text{охир}+j}^{y+0.5} \right\}^2, \end{aligned}$$

<sup>\*)</sup> Тўғрироғи олдинги кесим, чунки бу ерда биз ЭЭССЧ ни ҳисоблашда ва қуришда оқимга қарши олиб борамиз.

бу ерда  $y$  — Н. Н. Павловский формуласидаги даража кўрсаткичи, уни қуйидаги формула ёрдамида аниқлаш мумкин

$$y = 2,5\sqrt{n} - 0,13 - 0,75\sqrt{R}(\sqrt{n} - 0,10)$$

ёки ўзандаги сувнинг чуқурлигига қараб қисқартирилган формуладан фойдаланиш мумкин

$R < 0,10$  бўлганда  $y \approx 1,7\sqrt{n}$  бўлади;

$0,10 < R < 1,0$  бўлганда  $y \approx 1,5\sqrt{n}$  бўлади;

$1,0 < R$  бўлганда  $y \approx 1,3\sqrt{n}$  бўлади.

Бундан ташқари Г. В. Железняков формуласидан ҳам фойдаланиш мумкин:

$$y = \frac{1}{\lg R} \lg \left\{ \left[ \frac{1}{2} - \frac{n\sqrt{g}}{0,26} (1,0 - \lg R) \right] + \right. \\ \left. + n \sqrt{\frac{1}{4} \left[ \frac{1}{n} - \frac{\sqrt{g}}{0,13} (1,0 - \lg R) \right]^2 + \frac{\sqrt{g}}{0,13} \left( \frac{1}{n} - \sqrt{g} \lg R \right)} \right\}.$$

6. Кесимлар ўртасидаги оралиқларнинг узунликлари В. И. Чарномский формуласи ёрдамида аниқланади

$$S_{\text{охир}+j} = \frac{\partial_j - \partial_{\text{охир}}}{i - i_{f_{\text{охир}}}}.$$


7. Оқимнинг нотекис илгариланма ҳаракатининг ЭЭССЧ умумий узунлиги қуйидагича аниқланади

$$L_{\text{ЭЭССЧ}} = S_{\text{охир}+j} + S_{j+1} + S_{j+2} + \dots + S_{j+n} + \dots S_k.$$

8. «Кейинги» чуқурликлар қуйидагича ҳисобланади

$$\begin{aligned} h_{j-1} &= h_j + \Delta h; \\ h_{j-2} &= h_{j-1} + \Delta h; \\ &\dots \end{aligned}$$

9.  $h_j$  чуқурликни  $h_{\text{бошл}}$  чуқурлиги билан таққослаймиз. Агар  $h_{\text{бошл}} < h_j$  бўлса, у ҳолда 3-банддан бошлаб ҳисобни яна да-



7.39-расм.

вом эттирамиз. Агар  $h_{\text{бош.1}} \approx h_j$  бўлса, масала ечилган ҳисобланади. Натижада ЭЭССЧ ни чизиб, уни қайси зонада ва қандай шакл эканлигини аниқлаймиз. Ҳисоб-китоб натижаларини 7.5 жадвалга туширамиз.

**Б. Масалани ЭҲМ да ҳисоблаш блок-схемаси (7.39-расм)**

**В. Масалани ЭҲМ да ҳисоблаш дастури.** Масалани ЭҲМ да ҳисоблаш дастури ЭҲМга киритилади, унда машина берилганларнинг миқдорларини талаб қилади. Машина (дисплейда) талаб қилган миқдорлар қийматларини кетма-кет бериб борилади; машина барча берилган қийматларни олгандан кейин, у ҳисобга юборилади. Натижада ЭҲМ дастур бўйича талаб қилинган ҳисоб-китобларни бажаради ва уларнинг натижаларини чиқариб беради; улардан:  $h_j$  — узан узунлиги бўйича ҳар бир кесимлар учун сувнинг чуқурликлари;  $s$  — кесимлар оралигидаги бўлақларнинг узунликлари;  $L$  — ЭЭССЧнинг (тўғондан бошлаб) умумий узунлиги.

Хисоблаш формуллари ва параметрлари	Кесимлар оралиги ва ундаги сув чуқурликлари, м									
	$h_{1+2}$		$h_{2+3}$		$h_{3+4}$		$h_{4+5}$		$h_{5+6}$	
	$h_1$ ( $h_{\text{инт}}$ )	$h_2$	$h_2$	$h_3$	$h_3$	$h_4$	$h_4$	$h_5$	$h_5$	$h_6$
$h_6$ , м	95,00000	90,563211	90,563211	86,125913	86,125913	86,125913	81,689122	81,689122	81,689122	77,251821
$h_{j-n}$ , м	92,781477		88,344435			83,907384				79,470339
$S \cdot 10^{-4}$ , м	2,218552		2,218562			2,218571				2,218585
$L \cdot 10^{-4}$ , м	2,218551		4,437113			6,655684				8,874269


Хисоблаш формуллари ва параметрлари	Кесимлар оралиги ва ундаги сув чуқурликлари, м									
	$h_{5+6}$		$h_{6+7}$		$h_{7+8}$		$h_{8+9}$		$h_{9+0}$	
	$h_5$	$h_6$	$h_6$	$h_7$	$h_7$	$h_8$	$h_8$	$h_9$	$h_9$	$h_0$
$h_6$ , м	77,251821	72,8147741	72,814741	68,377721	68,377721	68,377721	63,940676	63,940676	63,940676	59,503632
$h_{j-m}$ , м	75,033295		70,596647			66,159201				61,722155
$S \cdot 10^{-4}$ , м	2,218603		2,218630			2,218667				2,218721
$L \cdot 10^{-4}$ , м	11,092874		13,311505			15,530173				17,748894

Ҳисоблаш формуллари ва параметрларлари	Кесимлар оралиғи ва ундаги сув чуқурликлари, м									
	$h_{9, \rightarrow 10}$		$h_{10, \rightarrow 11}$		$h_{11, \rightarrow 12}$		$h_{12, \rightarrow 13}$			
	$h_9$	$h_{10}$	$h_{10}$	$h_{11}$	$h_{11}$	$h_{12}$	$h_{12}$	$h_{13}$	$h_{12}$	$h_{13}$
$h$ , м	59,503632	55,066586	55,066586	50,629541	50,629541	46,192494	46,192494	46,192494	46,192494	41,755448
$h_{j,m}$ , м	57,285109		52,848063			48,411017			43,973871	
$S \cdot 10^{-4}$ , м	2,218801		2,2189209			2,219208			2,219414	
$L \cdot 10^{-4}$ , м	19,967695		22,186616			24,405725			26,625139	

Ҳисоблаш формуллари ва параметрларлари	Кесимлар оралиғи ва ундаги сув чуқурликлари, м									
	$h_{13, \rightarrow 14}$		$h_{14, \rightarrow 15}$		$h_{15, \rightarrow 16}$		$h_{16, \rightarrow 17}$			
	$h_{13}$	$h_{14}$	$h_{14}$	$h_{15}$	$h_{15}$	$h_{16}$	$h_{16}$	$h_{17}$	$h_{16}$	$h_{17}$
$h$ , м	41,755448	37,318402	37,318402	32,881356	32,881356	28,444312	28,444312	28,444312	24,007264	
$h_{j,m}$ , м	39,536925		35,099879			30,662333			26,225737	
$S \cdot 10^{-4}$ , м	2,219931		2,220857			2,222631			2,226339	
$L \cdot 10^{-4}$ , м	28,845070		31,065927			33,288558			35,514898	

Кесімлер оралиғи ва ундағи сув чуқурлықлари, м										
Хисоб- лаш формула- лари ва параметр- лари	$h_{17+18}$		$h_{18+19}$		$h_{19+20}$		$h_{20+21}$		$h_{21+22}$	
	$h_{17}$	$h_{18}$	$h_{18}$	$h_{19}$	$h_{19}$	$h_{20}$	$h_{20}$	$h_{21}$	$h_{21}$	$h_{22}(h_{\text{орны}})$
$h, \text{ м}$	24,007264	19,570218	19,570218	15,133172	15,133172	10,696126	10,696126	6,259079	6,259079	6,2490077
$h_{r, \text{ м}}$	21,788741		17,351695		12,914649		8,477602			6,249542
$S \cdot 10^{-4}, \text{ м}$	2,235076		2,259510		2,351895		3,072644			3,599248
$L \cdot 10^{-3}, \text{ м}$	37,749975		40,009566		42,361462		45,4341068			49,033390





ЭХМдан олинган натижаларга асосан оқимнинг барқарор нотекис илгариланма ҳаракатининг ЭЭССЧни қура-  
миз (7.40-расм) ва унинг шаклини аниқлаймиз, кўришиб  
турибдики  $h_{\text{бошл}} = 6,259077$  м, бу  $h_0 = 6,249077$  м га жуда  
яқин. ЭЭССЧ умумий узунлиги  $L \cdot 10^4 = 49,033390 \cdot 10^4$  м. Бу  
ерда ЭЭССЧ  $a_1$  шаклидаги эгри кўтарилма.

*Гидравликадан амалий машғулот ўтказиш учун матери-  
аллар. Очiq ўзанларда суюқлик оқимининг барқарор нотекис  
илгариланма ҳаракатининг эркин эгри сув сатҳи чизиғи  
ЭЭССЧ ни ЭХМ ёрдамида ҳисоблаш.*

**7.5-масала.** Трапецеидал шаклдаги канал учун оқим  
кўндаланг кесимининг солиштирма энергиясининг гра-  
фигини қуриш керак. Бу қуйида берилганларга асосан  
бажарилади: сув сарфи  $Q = 35,0$  м<sup>3</sup>/с; канал тубининг  
кенглиги  $b = 8,2$  м; унинг ён деворининг нишаб коэф-  
фициенти  $m = 1,5$ . Оқимнинг критик чуқурлиги  $h_{\text{кр}}$  ни  
аниқланг. Масалани итерация усулида ечамиз.

*Ечиш.* 1. Сувнинг қатор чуқурликларини қабул қиламиз.  
Масалан,  $h_1 = 1,0$  м ва  $h_1$  га тегишли оқимнинг барча гид-  
равлик элементларини ҳисоблаймиз:

$$\omega_1 = (b + mh_1)h_1 = (8,2 + 1,5 \cdot 1,0)1,0 = 9,7 \text{ м}^2;$$

$$v_1 = \frac{Q}{\omega_1} = \frac{35,0}{9,7} = 3,61 \text{ м/с};$$

$$\frac{\alpha v_1^2}{2g} = \frac{1,1 \cdot 3,61^2}{19,62} = 0,73 \text{ м};$$

Натижада


$$\mathcal{E} = h_1 + \frac{\alpha v_1^2}{2g} = 1,0 + 0,73 = 1,73 \text{ м}.$$

Шундай қилиб, бошқа бир неча  $h$  ларни қабул қилиб,  
Э ни ҳисоблаймиз. Ҳисоб-китоб натижаларини 7.6-жадвал-  
га тушираемиз.

Тартиб сони	$h$ , м	$\omega$ , м <sup>2</sup>	$v$ , м/с	$\frac{\alpha v^2}{2g}$ , м	$\mathcal{E} = h + \frac{\alpha v^2}{2g}$ , м
1	0.50	4.47	7.830	3.434	3.934
2	0.75	7.00	5.000	1.400	2.150
3	1.00	9.70	3.610	0.730	1.730
4	1.25	12.60	2.780	0.432	1.682
5	1.50	15.68	2.233	0.279	1.779
6	2.00	22.40	1.562	0.187	2.137
7	2.50	29.90	1.170	0.077	2.517
8	3.00	38.10	0.920	0.047	3.047
9	4.00	56.80	0.616	0.021	4.021

7.6- жадвалдаги берилганларга асосан  $\mathcal{E} = f(h)$  графигини курамиз (7.41-расм).

7.41- расмдан кўриниб туриблики, оқим кўндаланг кесими солиштирма энергиянинг энг кичик қиймати  $\mathcal{E}_{\min} = 1,68$  га тенг экан.  $\mathcal{E} = f(h)$  графикда  $\mathcal{E}_{\min}$  га тўғри келадиган чуқурлик критик чуқурлик бўлади, у  $h_{\text{кр}} = 1,15$  м. Шунга айтиб ўтиш керакки, бу усулда 7.41- расмдаги графикдан  $\mathcal{E}_{\min}$  нуқтасини ва унга тегишли критик чуқурлик  $h_{\text{кр}}$  ни аниқ олиш қийин. Критик чуқурликни аниқ олиш учун бошқача график  $\frac{\omega}{B} = f(h)$  ни тузиш керак (7.5-




7.41- расм.

§ даги 7.15-расмга қаранг). Бу график  $\frac{\omega^3}{B} = f(h)$  ни тузиш учун ҳисоб-китоб жадвал усулида олиб борилди (7.7-жадвал).

7.7-жадвал

Тартиб сон	$h$ , м	$b$ , м	$B$ , м	$\omega$ , м <sup>2</sup>	$\frac{\omega^3}{B}$ , м <sup>3</sup>	$\frac{\alpha Q^2}{g}$ , м <sup>3</sup>
1	1,00	8,20	11,20	9,70	82,00	137,20
2	1,25	8,20	11,95	12,60	167,00	137,20
3	1,18	8,20	11,74	11,77	139,00	137,20
4	1,175	8,20	11,73	11,71	137,20	137,20

7.7-жадвалга биноан  $\frac{\omega^3}{B} = f(h)$  графигини кўрамиз (7.42-расм) ва бу график ёрдамида критик чуқурлик  $h_{кр}$  ни аниқ-



7.42- расм.

лаш учун  $\frac{\alpha Q^2}{g}$  нинг қийматини ҳисоблаб, уни графикка қўйиб, ундан критик чуқурликни топамиз. Бу жараён қуйидагича бажарилади. Бунинг учун 7.42-расмдаги  $\frac{\omega^3}{B} = f(h)$

графикнинг горизонтал ўқи бўйича  $\frac{\alpha Q^2}{g} = 137,2$  қийматини қўйиб, графикдаги эгри чизиқ орқали ордината ўқидан критик чуқурлик  $h_{кр} = 1,175$  м қийматини аниқлаймиз. Маълумки, ўзанда сувнинг чуқурлиги фақат  $h = h_1$  бўлганда

$$\left(\frac{\omega^3}{B}\right)_{кр} = \left(\frac{\alpha Q^2}{g}\right)_{кр} \text{ тенглик бажарилади.}$$

**7.6-масала.** Ўзанда қуйида берилганларга асосан барқарор потекис илгариланма ҳаракатнинг ЭЭССЧ ни қуринг.  $Q = 40,0$  м<sup>3</sup>/с; канал трапецеидал шаклда; унинг гидравлик элементлари:  $b = 10,0$  м;  $m = 1,5$ ;  $i = 0,0003$ ;  $n = 0,025$ . Каналга қурилган тўғон иншоот таъсирида унинг юқори бьефида сувнинг чуқурлиги  $h = 4,0$  м га кўтарилди. Каналнинг узунлиги бўйича эгри кўтарилмани ҳисоблаш ва қуриш талаб қилинади.

*Ечиш.* 1. Керакли сув сарфи модулини аниқлаймиз


$$K_{кер.к} = \frac{Q}{\sqrt{i}} = \frac{40,0}{\sqrt{0,003}} = 2320 \text{ м}^3/\text{с.}$$

Бу ерда масала итерация усулида ечилади. Бунинг учун сув чуқурликларининг қатор қийматларини қабул қилиб борамиз, масалан  $h = 1, 2, 3, 4$  м ва ҳоказо. Шу чуқурликлар учун барча гидравлик элементларни ҳисоблаймиз. Сув сарфи модули қийматини  $K = \omega C \sqrt{R}$ , формула ёрдамида аниқлаймиз ва уни  $K_{кер.к}$  билан таққослаймиз, агар  $K \simeq K_{кер.к}$  бўлса, у ҳолда шу  $K$  га тегишли оқимнинг нормал чуқурлиги  $h_0$  бўлади, яъни масала ечими топилган ҳисобланади.

Ҳисоб-китобни жадвал усулида олиб борамиз (7.8-жадвалга қаранг).

Тартиб сони	$h$ , м	$\omega$ , м <sup>3</sup>	$Z$ , м	$R$ , м	$C\sqrt{R}$ , м/с	$K = \omega C\sqrt{R}$ , м <sup>3</sup> /с	$K_{\text{керак}} = \frac{Q}{J_i}$ , м/с
1	1.00	11.50	13.60	0,845	3,430	408,4	2320,0
2	2.00	26.00	17.20	1,510	53,64	1395,0	
3	3.00	43.50	20.80	2,090	67,02	2908,0	
4	3.50	53.40	22.70	2,360	72,77	3890,0	
5	4.00	64.00	24.40	2,620	77,90	4980,0	2320,0
6	2.66	37.20	19.60	1,900	63,00	2360,0	
7	2.65	37.00	19.55	1,390	62,76	2340,0	
8	3.325	49.80	21.97	2,260	70,76	3520,0	

7.8-жадвалдан кўришиб турибдики  $K_{\text{керак}} = 2320$  га энг яқини 2340, аммо тенг эмас. Унинг учун  $h_0$  нинг аниқроқ қийматини топиш мақсадида 7.8-жадвалга асосан  $K = f(h)$  графигини қурамиз (7.43-расм) ва ундан фойдаланиб



7.43-расм.

оқимнинг нормал чуқурлигининг аниқ қийматини топамиз. Графикка  $K_{\text{кериқ}}$  нинг қийматини қўйиб, ундаги эгри чизиқ орқали  $h_0$  ни ордината ўқидан оламиз:  $h_0 = 2,65$  м,  $h_{\text{бетни}} = 4,0$  м. Энди, шу  $h_0$  нормал чуқурлик орқали каналнинг бошқа гидравлик параметрларини аниқлаймиз.

Каналдаги оқимнинг ўртача чуқурлиги

$$h = \frac{1}{2}(h_0 + h_{\text{бетни}}) = \frac{1}{2}(2,65 + 4,0) = 3,325 \text{ м};$$

нисбий кенглик

$$\beta = \frac{b}{h} = \frac{10,0}{3,325} = 3,0,$$

ўзаннынг гидравлик кўрсаткичи  $x = 3,75$ . Энди  $h$  га тегишли бошқа гидравлик элементларни ҳисоблаб чиқамиз:

$$\bar{R} = 2,26 \text{ м}; \quad \bar{\omega} = 49,8 \text{ м}^2;$$

$$\bar{\chi} = 21,97 \text{ м}; \quad \bar{C}\sqrt{\bar{R}} = 70,76 \text{ м/с};$$

$$\bar{C} = \frac{70,76}{\sqrt{2,26}} = 47,12 \text{ м}^{0,5}/\text{с};$$

$$\bar{B} = (b + 2mh) = 10 + 2 \cdot 1,5 \cdot 3,325 = 19,97 \text{ м};$$

у ҳолда


$$\bar{j} = \frac{\alpha i \bar{C}^2}{g} \frac{\bar{B}}{\bar{\chi}} = \frac{1,1 \cdot 0,0003 \cdot 47,12}{9,81} \frac{19,97}{21,97} = 0,067.$$

Б. А. Бахметевнинг (7.143) тенгламасидан,  $h_1 = 3,5$  м,  $h_2 = 3,0$  м ва  $h_3 = 2,66$  м учун, бу кесимлар оралиғи  $l$  ни ҳисоблаймиз:

$$l = \frac{h_0}{i} \left\{ \eta_2 - \eta_1 - (1 - \bar{j}) [\varphi(\eta_2) - \varphi(\eta_1)] \right\}.$$

Ҳисоб-китобни жадвал усулида олиб борамиз (7.9-жадвал).

Тартиб сони	$h_2$ , м	$h_1$ , м	$\eta_2$	$\eta_1$	$\varphi(\eta_2)$	$\varphi(\eta_1)$	$l$ , м	$l_{(0,01)}$ , м
1	4,0	3,5	1,509	1,320	0,130	0,202	2260	2304
2	4,0	3,0	1,509	1,132	0,130	0,381	5405	5550
3	4,0	2,66	1,509	1,005	0,130	0,218	13400	14070



7.44-расм.

7.9-жадвалда берилганларга асосан эгри кўтарилмани қуримиз (7.44-расм) ва ЭЭССЧ шаклини аниқлаймиз. 7.44-расмдан кўринадик, ЭЭССЧнинг шакли  $a_1$  шакли эгри кўтарилма.

### Такрорлаш учун саволлар

- 7.1. Барқарор нотекис илгариланма ҳаракат. Дифференциал тенгламасининг биринчи кўриниши қандай?
- 7.2. Дифференциал тенгламасининг иккинчи кўриниши қандай?
- 7.3. Кўндаланг кесимнинг солиштирма энергияси. Критик чуқурлик ва критик нишаб тушунчаси ва ҳисоблаш усуллари қандай?
- 7.4. Б. А. Бахметьев тенгламаси қандай ёзилади?
- 7.5. В. И. Чарномский тенгламаси қандай ёзилади?
- 7.6. Оқимнинг барқарор текис ва нотекис илгариланма ҳаракатини ЭҲМ ёрдамида ҳисоблаш усуллари қандай?




## ЮПҚА ДЕВОРДАГИ КИЧИК ТЕШИКЛАРДАН ВА УНГА ЎРНАТИЛГАН ҚИСҚА ҚУВУР (НАСАДКА)ЛАРДАН ОҚИБ ЧИҚАЁТГАН СУЮҚЛИКНИНГ ҲАРАКАТИ

### 8.1- §. УМУМИЙ ТУШУНЧАЛАР

Юпқа девордаги кичик тешиклардан ва унга ўрнатилган турли шаклдаги қисқа қувур (насадка)лардан оқиб чиқаётган суюқлик жараёнлари ва ҳодисалари билан кўпинча гидротехника ва бошқа соҳаларда, масалан, ҳавзалардан тешик орқали сувни чиқариш, люкерлар ёрдамида сувни ўтказиш ва ҳоказоларда учраб туради. Шу ва шунга ухшаш шароитларда кичик тешиклардан ва унга ўрнатилган ҳар хил шаклдаги қисқа қувурлардан суюқликнинг оқиб чиқиши назариясини билиш талаб қилинади. Буни ўрганишдан асосий мақсад — кичик тешикдан ва шу тешикка ўрнатилган қисқа қувурдан оқиб чиқаётган суюқликнинг тезлигини ва сув сарфини аниқлашдан иборат. Ўтказилган тажрибалар шуни кўрсатадики, кичик тешик ва қисқа қувурдан оқиб чиқаётган суюқликнинг тезлигига ва сув сарфи миқдорига шу тешикларнинг ва қисқа қувурларнинг шакллари катта таъсир кўрсатади. Бундай муаммоларни ҳал этишда қатор саволлар келиб чиқади, уларга аниқ тушунча бериб ўтиш керак, масалан, кичик тешикнинг ўзи нима; қисқа қувур нима; юпқа девор нима; катта тешик нима; қалин девор нима; бу тешиклар қачон кичик ва қачон катта бўлади; деворлар қачон юпқа, қачон қалин бўлади? Ҳар қандай суюқлик ўтказадиган тешикни кичик тешик деб аташимиз мумкин, агар у тешик бир вақтнинг ўзида икки шартни қониқтирса:

1. *Биринчи шарт.* Тешикка яқинлашиб келаётган ҳавзадаги суюқлик тезлиги  $v_0$  назарга илмайдиган даражада кичик, яъни

$$\frac{\Omega}{\omega_0} \gg 4,0, \quad (8.1)$$



8.1-расм.

бу ерда  $\Omega$  — ҳавзанинг кўндаланг кесими юзасининг майдони;  $\omega_0$  — кичик тешикнинг кўндаланг кесими юзасининг майдони.

2. *Иккинчи шарт.* Тешикдан оқиб чиқаётган суюқликнинг сиқилган  $C-C$  кесимидаги тезликларнинг шу тешик диаметри бўйича тақсимланиш эпюрасининг юқори  $A$  ва пастки  $B$  нуқталаридаги тезликлари  $u_A$  ва  $u_B$  тахминан бири-бирига тенг бўлиши мумкин:

$$u_A \simeq u_B, \quad (8.2)$$

яъни, бошқача қилиб айтганда

$$d_0 \leq 0,10 H' \quad (8.3)$$

тенгсизлик бажарилиши лозим (8.1, 8.2-расм).


$u_A$  ва  $u_B$  тезликлар қуйидагича аниқланади

$$u_A = \varphi_A \sqrt{2gH_A}; \quad (8.4)$$

$$u_B = \varphi_B \sqrt{2gH_B}. \quad (8.5)$$

Агар шу иккала шарт бир пайтда бажарилмаса, у ҳолда бу тешик катта тешик ҳисобланади.

*Юпқа девор деб шундай деворга айтиладики, унинг қалинлиги сувнинг тешикдан оқиб чиқишига таъсири бўлмасин, яъни*



8.2-расм.

тешиклан оқиб чиқаётган суюқлик деворнинг ташқи юзасига уринмаган ҳолда ҳаракатланиши керак. Деворнинг қалинлиги унинг оқим билан учрашган жойи ( $0,002 \div 0,003$ ) м дан кўп бўлмаслиги керак. Кичик тешиклан (ёки насадкадан) оқиб чиқаётган сувнинг бирдан-бир характерли муҳимлиги шундаки, тешиклан оқиб чиқаётган оқимнинг сиқилган кўндаланг кесими юзасининг майдони  $\omega_c$  девордаги тешикнинг кўндаланг кесими юзасининг майдони  $\omega_0$  га тенг эмас, яъни

$$\omega_c < \omega_0. \quad (8.6)$$

## 8.2- §. НАПОР ЎЗГАРМАС БЎЛГАН ҲОЛДА ЮПҚА ДЕВОРДАГИ КИЧИК ТЕШИҚДАН ВА УНГА ЎРНАТИЛГАН ИХТИЁРИЙ ШАҚЛЛИ ҚИСҚА ҚУВУР (НАСАДКА)ЛАРДАН ОҚИБ ЧИҚАЁТГАН СУЮҚЛИКНИНГ ҲАРАКАТИ

*Кўмилмаган доиравий кичик тешик.* Ўтказилган тажрибаларга асосан, суюқликнинг бирон бир идишдан унинг тик юпқа деворидаги кичик тешиқдан оқиб чиқиши 8.1-расмда кўрсатилгандек кўринишда бўлади. Расмда кўрсатилган белгиларни тушунтириб ўтамыз.  $p_0$  — идишдаги суюқликнинг эркин сув сатҳига таъсир этаётган босими. Бу босим, бошқача қилиб айтганда, ташқи босим дейилади, атмосфера босимидан фарқ қилади  $p_a \geq p_0$ . Сув тўлатилган идиш фақат очик бўлганда ташқи босим атмосфера босимига  $p_0 \approx p_a$  тенг бўлади. Бу ерда  $\omega_0$  — идиш деворидаги

доиравий кичик тешик юзасининг майдони;  $d_0$  — идиш деворидаги доиравий кичик тешикнинг диаметри;  $\omega_c$  — идиш деворидаги тешикдан оқиб чиқаётган суюқлик оқимининг сиқилган  $C-C$  кўндаланг кесимидаги (оқимнинг энг сиқилган кесими) юзасининг майдони. Бу ерда шуни айтиб ўтиш керакки, шу кичик тешикдан оқиб чиқаётган суюқлик заррачалари бир-бирига нисбатан параллел бўлмаган траектория чизиғи билан ҳаракат қилади, бундай ҳол тешикнинг шакли ва деворнинг таъсири натижасида рўй беради. Суюқлик оқими юпқа девордаги доиравий тешикдан бир оз узоқлашган жойидан бошлаб, унинг заррачаларининг ҳаракат траекториялари тўғрилана бошлайди (яъни траекторияларнинг эгрилиги камайиб боради), бирон бир алоҳида кўндаланг кесимида (у юпқа девордан  $l_0$  узунликда) оқимнинг сиқилган  $C-C$  кўндаланг кесимида оқим заррачаларининг траекториялари тўғри, бир-бири билан параллел чизиқларга айланади. Бунда оқимнинг сиқилган кесими ҳосил бўлади (яъни оқимнинг энг кичик кўндаланг кесими, у кесим 8.1-расмда  $C-C$  деб ифодаланган). *Юпқа девордаги кичик тешикка энг яқин жойлашган оқимнинг кўндаланг кесимида суюқлик заррачаларининг ҳаракат траектория чизиқлари бир-бирига параллел бўлган ҳолдаги кўндаланг кесими оқимнинг сиқилган кесими дейилади.* Бу кесимга  $C-C$  кесими номи берилган,  $C-C$  «сиқилган» деган сўзни англатади (8.1-расмнинг  $A$  тугунига қаранг) (8.2-расм). Оқимнинг  $C-C$  кўндаланг кесими юзасининг майдони бўйича нуқталардаги ўрталаштирилган тезликларнинг тақсимланиш эпюраси тўғри тўрт бурчақ шаклига жуда ҳам яқин бўлади.

Агар юпқа девордаги кичик тешик доиравий бўлса, у ҳолда деворнинг ички сатҳидан то энг сиқилган  $C-C$  кесимигача бўлган масофа (8.2-расм)

$$l_0 \approx 0,5 d_0. \quad (8.7)$$

Оқимнинг энг сиқилган кўндаланг кесими майдони  $\omega_c$  нинг юпқа девордаги кичик тешикнинг кўндаланг майдони  $\omega_0$  га нисбати оқимнинг сиқилиш коэффициентидейилади ва  $\epsilon$  шартли белги билан ифодаланади

$$\varepsilon = \frac{\omega_c}{\omega_0}, \quad (8.8)$$

$H$  — юпқа девордаги кичик тешик майдони  $\omega_0$  нинг огирлик марказидан ўтказилган текислик билан идишдаги эркин сув сатҳи ўртасидаги оралиқ. Энг сиқилган кўндаланг кесим майдонининг огирлик марказида, юпқа девордан  $l_0$  оралиқда оқим траекторияси пасаймайди деб қабул қиламиз, чунки юқорида айтилгандек  $l_0$  оралиқ жуда кичик масофани ташкил этади. Шунинг учун  $H$  худди кичик тешикка нисбатан олингандек, оқимнинг энг сиқилган кўндаланг кесими майдонининг огирлик марказига нисбатан ҳам ушандай олинади, яъни

$$H_0 \approx H_c = H. \quad (8.9)$$

Юпқа девордаги кичик тешикдан оқиб чиқаётган суюқлик ҳаракати  $S-S$  кўндаланг кесимгача кескин ўзгарувчан ҳаракатда бўлади;  $S-S$  кўндаланг кесимдан кейин текис ўзгарувчан ҳаракатда бўлади;  $S-S$  кўндаланг кесимида эса, оқимнинг энг сиқилган кесимида, параллел струяли оқим бўлади. Юпқа девордаги ихтиёрий шаклдаги тешиклардан ёки уларга ўрнатилган қисқа қувурлардан оқиб чиқаётган суюқликларни гидравлик ҳисоблашда оқимнинг энг сиқилган кўндаланг кесими катта аҳамиятга эга, чунки  $S-S$  кесимда оқим ҳаракати параллел чизикли ҳаракатда бўлади. Шунинг учун Д. Бернулли тенгламасини қўллаётганда кесимлардан бирини фақат шу  $S-S$  кесимдан олиш керак.

Юпқа девордаги ихтиёрий шаклдаги кичик тешикдан ёки унга ўрнатилган қисқа қувур (насадка)дан чиқаётган суюқлик оқимини, унинг энг сиқилган кўндаланг кесими бўйича ўртача тезлиги  $v_c$  ни ва сув сарфи  $Q_c$  ни аниқлаш керак. Бунинг учун Д. Бернулли тенгламасидан фойдаланиб, 1–1 ва 2–2 кесимларни бирлаштирамиз (8.1-расм). У кесимлардан бири — идишдаги суюқликнинг эркин сув сатҳи чизигида, иккинчиси эса оқимнинг энг сиқилган  $S-S$  кесимида белгиланади. 0–0 таққослаш текислигини эса оқимнинг энг сиқилган кўндаланг кесими майдонининг огирлик марказидан ўтказилади. Юқоридаги айтилганларга асосан Д. Бернулли тенгламасини ёзамиз:

$$\frac{\alpha_1 v_1^2}{2g} + \frac{p_1}{\gamma} + z_1 = \frac{\alpha_2 v_2^2}{2g} + \frac{p_2}{\gamma} + z_2 + h_f \quad (8.10)$$

(8.10) тенгламанинг барча ҳадларининг маъноларини 8.1-расмдаги чизмаларга қараб аниқлаймиз. 8.1-расмдаги чизмага кўра:

$$\left. \begin{aligned} z_1 &= H; \quad \frac{p_1}{\gamma} = \frac{p_a}{\gamma}; \quad \frac{\alpha_0 v_0^2}{2g} \simeq 0; \\ \text{чунки 1-шартга биноан } v_1 &= v_0 = 0; \\ z_2 &= 0; \quad \frac{p_2}{\gamma} = \frac{p_a}{\gamma}; \quad \frac{\alpha_2 v_2^2}{2g} = \frac{\alpha_0 v_0^2}{2g}. \end{aligned} \right\} \quad (8.11)$$

1–1 кесимдан 2–2 кесимгача бўлган ораликда тулиқ йўқотилган напор қуйидаги кўринишда бўлади

$$h_f = \xi_f \frac{\alpha_c v_c^2}{2g}, \quad (8.12)$$

бунда  $\xi_f$  — тулиқ ишқаланиш коэффициентини, у 1–1 кесимдан 2–2 кесимгача бўлган масофада тулиқ йўқотилган напорни ифодаловчи коэффициент. Шунини айтиб ўтиш керакки, 8.1-расмга кўра, напор асосан, юпқа девордаги кичик тешик атрофида йўқолади, чунки бу ерда оқим тезлиги ниҳоятда катта. Шундай экан, бу ерда тулиқ ишқаланиш коэффициентини  $\xi_f = \xi_i = \xi_j$ , қаралаётган ҳол учун эса фақат маҳаллий қаршилик коэффициентига тенг, чунки  $\xi_i \simeq 0$ , у ҳолда

$$h_f = h_j = \xi_{jc} \frac{\alpha_c v_c^2}{2g}. \quad (8.13)$$

(8.11) ва (8.13) ларни (8.10) тенгламага қўйиб чиқсак

$$H = \frac{\alpha_c v_c^2}{2g} + \xi_{jc} \frac{\alpha_c v_c^2}{2g}; \quad (8.14)$$

ёки

$$H = \left(1, 0 + \xi_{jc}\right) \frac{\alpha_c v_c^2}{2g}. \quad (8.15)$$

(8.15) тенгламани тезлик  $v_c$  га нисбатан ечсак, у ҳолда

$$v_c = \sqrt{\frac{1,0}{1,0 + \xi_{lc}}} \sqrt{2gH}, \quad (8.16)$$

бунда  $\sqrt{\frac{1,0}{1,0 + \xi_{lc}}} = \varphi$  — тезлик коэффициенти.

(8.16) тенгламани қуйидагича кўчириб ёзамиз

$$v_c = \varphi \sqrt{2gH} \quad (8.17)$$

Идеал суюқлик учун  $h_f = \xi_f \frac{\alpha_c v_c^2}{2g} = 0$ , у ҳолда  $\xi_f = 0$  ва  $\varphi = 1,0$  бўлади. Бундан келиб чиқалики, идеал суюқлик учун

$$v_c = \sqrt{2gH}. \quad (8.18)$$

(8.18) формула Торичелли (1643 2й.) формуласи дейилади. Юпқа девордаги доиравий тешикдан оқиб чиқаётган суюқлик оқимининг энг сиқилган кўндаланг кесимидаги ўртача тезлик  $v_c$  ни аниқлагандан кейин, ундаги сув сарфини ҳисоблаймиз ( $p_0 = p_a$  тенг бўлганда, яъни сув тўлдирилган идиш очиқ бўлганда).

Сув сарфини аниқлаш учун узлуксизлик тенгламасидан фойдаланамиз. Бу ерда сиқилган кўндаланг кесим С–С қаралаётгани учун узлуксизлик тенгламасини қуйидагича ёзамиз:

$$Q = \omega_c v_c = \omega_c \varphi \sqrt{2gH} = \omega_0 \frac{\omega_c}{\omega_0} \varphi \sqrt{2gH}, \quad (8.19)$$

бу ерда (8.8) дан

$$\frac{\omega_c}{\omega_0} = \varepsilon. \quad (8.20)$$

Сув сарфини аниқлаймиз

$$Q = \varepsilon \varphi \omega_0 \sqrt{2gH}, \quad (8.21)$$

ёски

$$Q = \mu_0 \omega_0 \sqrt{2gH}, \quad (8.22)$$

бу ерда

$$\mu_0 = \varepsilon \varphi, \quad (8.23)$$

$\mu_0$  — юпқа девордаги кичик тешикдан оқиб чиқаётган су - юқлик сарфи коэффициенти. Бу коэффициент кичик тешикдан оқиб чиқаётган суюқлик оқимнинг сиқилиш даражасини ва йўқотилган напорни ифодаловчи коэффициент.

Шундай қилиб, юпқа девордаги кичик тешикдан оқиб чиқаётган суюқлик оқимини ўрганишда туртта янги коэффициент мавжуд, улар: сиқилиш коэффициенти  $\varepsilon$ ; ишқаланиш коэффициенти  $\xi_j$ ; тезлик коэффициенти  $\varphi$ ; кичик тешикнинг сув сарфи коэффициенти  $\mu_0$ .


### 8.3- §. Оқимнинг сиқилиш турлари. Юпқа девордаги кичик тешиклардан оқиб чиқаётган суюқлик ҳаракатини ўрганишдаги $\varepsilon$ , $\xi_j$ , $\varphi$ , $\mu_0$ коэффициентларнинг қийматлари

Оқимнинг сиқилиш даражасига идишнинг ён деворлари ва унинг туби таъсир этади. Кичик тешик шу ён девордан ва идишнинг тубидан қанча узоқликда жойлашганига қараб, оқимнинг сиқилиш турлари қуйидагича бўлади.

**1. Тўлиқ сиқилиш.** Тўлиқ сиқилишни ҳосил қилиш учун сув тўлдирилган идишнинг ён деворлари ва унинг туби деворлари кичик тешикдан шундай узоқликда бўлиши керакки, улар тешиклардан сувнинг оқиб чиқишига таъсир этмаслиги керак (8.3-расм), яъни қуйидаги шарт бажарилиши керак:

$$\left. \begin{aligned} m &> 3a; \\ n &> 3a, \end{aligned} \right\} \quad (8.24)$$

бу ерда  $a$  — квадрат шаклдаги тешикнинг томонлари;  $m$  — кичик тешикдан ён деворгача бўлган оралик;  $n$  — кичик тешикдан идишнинг тубигача бўлган масофа. Тажрибалардан маълумки, агар (8.24) шарт бажарилса, амалиётда оқимнинг



8.3-расм.



сиқилиш коэффициентини  $\varepsilon$ ,  $m$  ва  $n$  ларнинг миқдорларига боғлиқ эмас экан.

Тўлиқ сиқилиш (доиравий ва квадрат шаклдаги кичик тешиklar) учун иккинчи даражали қаршилик соҳасида юқорида келтирилган коэффициентлар қўйидаги қийматларга тенг бўлади:

$$\varepsilon = 0,63 + 0,64; \quad \varphi = 0,97; \quad \xi_j = 0,06; \quad \mu_0 = 0,62.$$

**2. Тўлиқ бўлмаган сиқилиш.** (8.24) шarti бажарилмаган ҳолда тўлиқ бўлмаган сиқилиш ҳолисаси рўй беради.

Сиқилиш тўлиқ бўлмаган ҳол учун сув сарфи коэффициентини


$$\mu_0 \approx (\mu_0)_{TC} \left(1,0 + \frac{\tau}{100}\right) = 0,62 \left(1,0 + \frac{\tau}{100}\right), \quad (8.25)$$

бу ерда  $(\mu_0)_{TC}$  — тўлиқ сиқилиш бўлган ҳолдаги коэффициент,  $(\mu_0)_{TC} = 0,62$  (8.3-§ нинг 1-бандига қаранг);  $\tau$  — майдонлар нисбатига боғлиқ  $\frac{\omega_0}{\Omega}$  коэффициент:

$$\tau = f\left(\frac{\omega_0}{\Omega}\right), \quad (8.26)$$

бунда  $\Omega$  — тешик олдидаги суюқлик кўндаланг кесими юзасининг майдони (мазкур ҳолда идишдаги суюқликнинг эркин сув сатҳи майдони):

$\omega_0 : \Omega = 0,10$  бўлса, унда  $\tau \approx 1,5$  бўлади;  
 $\omega_0 : \Omega = 0,20$  бўлса, унда  $\tau \approx 3,5$  бўлади.



8.4-расм.

**3. Ярим сиқилиш.** Бу сиқилиш  $m$  ёки  $n$  полга тенг бўлса, ёки  $m$  ва  $n$  иккаласи полга тенг бўлган ҳолда юзага келади (8.4-расм).

#### 8.4-§. ОҚИМНИНГ ТРАЕКТОРИЯСИ

Тик юпқа девордаги кичик доиравий тешикдан оқиб чиқаётган суюқлик оқимининг ҳаракатини ўрганамиз. Кичик тешикдан бўшлиққа оқиб чиқаётган ва ўзининг оғирлиги натижасида бемалол ҳаракатланаётган оқимнинг босиб ўтган йўлидаги ўқ чизиғи оқимнинг траекторияси дейилади. Юқорида айтилган тажрибаларга асосан суюқликнинг кичик тешикдан оқиб чиқиши 8.5-расмда келтирилгандек кўринишда бўлади. 8.5-расмда оқимнинг энг сиқилган кўндаланг кесимини  $C-C$  билан, унинг жойлашган жойини  $l_0$  орқали белгилаб, шу  $C-C$  кесимнинг оғирлик марказида  $\theta$  нуқтада координата ўқлари  $x$ ,  $y$  нинг бошланишини жойлаштирамыз.  $O$  нуқтага  $M$  массага эга бўлган бирон суюқлик заррачасини жойлаштирамыз ва бу массага эга бўлган заррача  $v$  тезликда ҳаракат қила бошлайди. Шу  $M$  массага эга бўлган заррачага назарий механикадан маълум бўлган ҳаракат тенгламасини қўллаб


$$x = v_c t; \quad y = \frac{gt^2}{2}, \quad (8.27)$$

шу массага эга бўлган заррача траекториясининг тенгламасини оламиз:

$$y = \frac{gx^2}{2v_c^2}, \quad (8.28)$$

бу ерда  $t$  — вақт;  $v_c$  — массаси  $M$  га тенг бўлган суюқлик заррачасининг бошланғич тезлиги

$$v_c = \varphi \sqrt{2gH}. \quad (8.29)$$



8.5-расм.

(8.28) тенглама оқим ўқининг тенгласи, у парабола қўри-нишда бўлади. (8.28) га берилган  $u_0$  миқдорини қўйсак,  $x_0$  миқдорини олиш мумкин.

### 8.5-§. ЮПҚА ДЕВОРДАГИ КИЧИК ТЕШИКДАН ОҚИБ ЧИҚАЁТГАН СУЮҚЛИК ОҚИМИНИНГ ТАШҚАРИДАН СУЮҚЛИК БИЛАН КЎМИЛГАН ҲОЛАТИДАГИ ҲАРАКАТИ

8.2-§ да кўрсатилгандек, 1—1 ва 2—2 кесимлари учун Д. Бернулли тенгласини қўллаб, сув сарфи формуласини оламиз

$$Q = \mu_0 \omega_0 \sqrt{2gz}, \quad (8.30)$$


бунда белгиларни 8.6- расмдаги чизмадан оламиз. Бу ерда  $\mu_0$  ни  $(\mu_0)_{TC}$  га тенг деб олсак ҳам бўлаверади ( $\mu_0 = 0,62$ ). У ҳолда йўқотилган напор

$$h_f = Z = (\xi_{1-c} + \xi_{c-2}) \frac{v_c^2}{2g}, \quad (8.31)$$

бунда  $\xi_{c-2} = 1,0$ .






### 8.6- §. НАПОР ЎЗГАРМАС БЎЛГАН ҲОЛДА ЮПҚА ДЕВОРДАГИ ТЕШИККА ЎРНАТИЛГАН ҚИСҚА ҚУВУР (НАСАДКА)ДАН ОҚИБ ЧИҚАЁТГАН СУЮҚЛИК ОҚИМИНИНГ ҲАРАКАТИ

**Девордаги тешикка ўрнатилган қисқа қувур (насадка) турлари.** Юқорида қисқа ва узун қувур ҳақида тушунча берган эдик. Агар қувур узун бўлса, унда йўқотилган напорни



8.6-расм.

ҳисоблашда фақат ўзанинги узунлиги бўйича йўқотилган напор  $h_f$  ҳисобга олинади; қувур қисқа бўлганда эса, ҳам узунлиги бўйича  $h_f$  ҳам маҳаллий йўқотилган напор  $h_f$  ҳисобга олинади. Агар қувур жуда ҳам қисқа бўлса, у ҳолда фақат маҳаллий йўқотилган напор  $h_f$  ҳисобга олинади, яъни  $h_f \approx 0$ .



8.7-расм.

*Қисқа қувур турлари.* 1. Вентури қисқа қувури. 2. Борда қисқа қувури. 3. Тораювчи қисқа қувур. 4. Кенгаювчи қисқа қувур. 5. Оқим шаклидаги қисқа қувур ва бошқалар (8.7-расм).

**Доиравий ташқи қисқа қувур (Вентури қисқа қувури).** Девордаги тешикка ўрнатилган қисқа қувур орқали суюқлик оқиб чиқаётганда оқим қандайдир бир узунликда сиқилиб  $\omega_c$ , кейин яна кенгаяди ва қувур тўлиб оқали (8.8-расм). Бунда сиқилган кесим атрофида қувурнинг периметри бўйича гирдоб  $A$  ҳосил бўлади. Бундай қисқа қувурда

$$\omega_{B-B} = \omega_0, \quad (8.32)$$

бу ерда  $\omega_0$  — қисқа қувур ўрнатилган девордаги тешикнинг кўндаланг кесими майдони;  $\omega_{B-B}$  — қисқа қувур охиридаги кўндаланг кесими майдони. Бундай қисқа қувурларда сувнинг ҳаракати пайтида вакуум пайдо бўлади ва унинг энг кагга миқдори оқимнинг энг сиқилган кўндаланг кесимида бўлади. Қисқа қувурнинг узунлиги бўйича босим худди расмда кўрсатилгандек ўзгаради (8.8-расм).

### **8.7- §. ДЕВОРДАГИ ТЕШИККА ЎРНАТИЛГАН ҚИСҚА (ДОИРАВИЙ) ҚУВУРДАН ОҚИБ ЧИҚАЁТГАН СУЮҚЛИК ОҚИМИНИНГ ТЕЗЛИГИ ВА СУВ САРФИНИ АНИҚЛОВЧИ ФОРМУЛАЛАР**


Бу ерда ҳам 8.2- § дагига ўхшаш 1–1 ва  $B-B$  кесимлари учун Д. Бернулли тенгламасини қўллаб, оқимнинг тезлиги  $v_{B-B}$  ва сув сарфлари  $Q$  ни аниқлаймиз.

а) девордаги тешикка ўрнатилган қисқа қувур ташқи томондан сув билан кўмилмаган ҳолат (8.8-расм).

1. Қисқа қувурдан оқиб чиқаётган суюқлик оқимининг тезлиги  $B-B$  кесимида

$$v_{B-B} = \varphi \sqrt{2gH}, \quad (8.33)$$

бунда  $v_{B-B}$  қисқа қувур охиридаги кўндаланг кесими  $B-B$  юзасининг майдоидаги ўртача тезлик;  $H$  — қисқа қувур



8.8- расм.

уқидан то идишдаги сувнинг эркин сатҳи чизигигача булган масофа. Қисқа қувурда маҳаллий йўқотилган напор

$$h_{1-B} = \xi_{\text{KK}a-a} \frac{\alpha_{B-B} v_{B-B}^2}{2g}, \quad (8.34)$$

бу ерда  $\xi_{\text{KK}a-a}$  — қисқа қувур учун  $a - a$  кесимидаги, яъни қувурга кириш жойидаги маҳаллий қаршилик коэффициенти.

2. Қисқа қувурдан оқиб чиқаётган суюқликнинг сув сарфи


$$Q = \mu_{\text{KK}} \sqrt{2gH}, \quad (8.35)$$

бунда  $\mu_{\text{KK}}$  — қисқа қувур учун сув сарфи коэффициенти;

$$\mu_{\text{KK}} = \epsilon_{B-B} \varphi = 1,0 \cdot \varphi = \varphi, \quad (8.36)$$

бу ерда  $\epsilon_{B-B}$  — қисқа қувурнинг охириг кўндаланг кесими  $B-B$  даги майдонида сиқилиш коэффициенти (бу ерда босим атмосфера босимига тенг булган ҳолда)

$$\epsilon_{B-B} = \frac{\omega_{B-B}}{\omega_0} = 1,0, \quad (8.37)$$



8.9-расм.

б) девордаги тешик-ка ўрнатилган қисқа қувур ташқаридан сув билан кумилган ҳолат.

1. Қисқа қувурдан оқиб чиқаётган суюқлик оқимининг тезлиги

$$v_{B-B} = \varphi \sqrt{2gZ}, \quad (8.38)$$

бу ерда  $Z$  — иккала идишдаги эркин сув сатҳи чизиқларининг фарқи  $\sqrt{1} - \sqrt{2} = Z$  (8.9-расм).

$$\varphi = \sqrt{\frac{1.0}{\xi_{\kappa\lambda a-a} + \xi_{\text{чик}}}}; \quad \xi_{\text{чик}} \approx 1.0. \quad (8.39)$$

2. Қисқа қувурдан оқиб чиқаётган суюқликнинг сарфи

$$Q = \mu_{\kappa\kappa} \sqrt{2gZ}, \quad (8.40)$$

бу ерда  $\mu_{\kappa\kappa}$  — сув сарфи коэффиценти, бу коэффицент (8.42) формуладан аниқланади. Олинган  $\epsilon$ ,  $\xi$ ,  $\varphi$ ,  $\mu_{\kappa\kappa}$  коэффицентларнинг қийматлари қуйидагича:

1.  $\epsilon_{B-B} = 1$ ;  $\epsilon_{C-C} = 0.63 \div 0.64$ .

2.  $\xi_{\kappa\lambda a-a} = \xi_{\text{кириш}} = 0.5$  (қувур ташқаридан сув билан кумилмаган).


3.  $\xi_{\kappa\lambda a-a} = \xi_{\text{кир}} + \xi_{\text{чик}} = 0.5 + 1.0 = 1.5$  (қувур ташқаридан сув билан кумилган)

4.  $\varphi = \mu_{\kappa\kappa} = \sqrt{\frac{1.0}{1.0 + \xi_{\kappa\lambda a-a}}} = \sqrt{\frac{1.0}{1.0 + 0.5}} = 0.82$ .

*Юпқа девордаги кичик тешик ва унга ўрнатилган қисқа қувур (насадка)лардан оқиб чиқаётган суюқлик оқимининг тезлигини ва сув сарфини аниқлаш бўйича амалий машгулот.*

**8.1-масала.** Икки бўлакка ажратилган ҳавзанинг чап томонидаги идишда эркин сув сатҳи ўзгармас. Унда доиравий тешик бор, у тешикдан иккинчи, сув тўлдирилган

идишга суюқлик оқиб ўтади. Бу тешик ташқаридан кўмилган, унинг диаметри  $d_1 = 0,10$  м. У сув сатҳидан  $H = 3,07$  м чуқурликда жойлашган. Иккинчи идишда ҳам кичик доиравий тешик мавжуд бўлиб, у сув сатҳидан  $H_2$  чуқурликда жойлашган, унинг диаметри  $d_2 = 0,12$  м. Сув сарфи ва чуқурлик  $H_2$  ни аниқлаш керак (8.10-расм).



8.10-расм.

*Ечиш.* Иккала идишда эркин сув сатҳлари ўзгармас бўлади, чунки иккала тешикдан оқаётган сув сарфлари бири-бирига тенг бўлса, шу тенгликка асосан  $H_2$  ни аниқлаймиз.  $Q_1 = Q_2$  ни назарда тутган ҳолда, бири кичик тешик (биринчиси биринчи идишда) кўмилган; иккинчиси иккинчи идишда, кичик тешик ташқаридан кўмилган. Шу юқорида айтилган иккала ҳол учун сув сарфи формулаларини ёзамиз ва уларни юқоридаги шартга асосан бири-бирига тенглаштирамиз:

$$\begin{aligned} Q_1 &= \mu \omega_{01} \sqrt{2g(H_1 - H_2)}; \\ Q_2 &= \mu \omega_{02} \sqrt{2gH_2} \end{aligned} \quad (8.41)$$

уларни бир-бирига тенглаштириб олсак,

$$\mu \frac{\pi d_1^2}{4} \sqrt{2g(H_1 - H_2)} = \mu \frac{\pi d_2^2}{4} \sqrt{2gH_2}, \quad (8.42)$$

ёки қийматларини ўрнига қўйиб чиқсак,

$$0,10^2 \sqrt{3,07 - H_2} = 0,12^2 \sqrt{H_2}, \quad (8.43)$$


бундан  $H_2 = 1,0$  м.

Энди сув сарфини аниқлаймиз

$$\begin{aligned} Q_1 &= Q_2 = \mu \omega_{01} \sqrt{2g(H_1 - H_2)} = \\ &= 0,62 \frac{3,14 \cdot 0,10^2}{4} \sqrt{19,62 \cdot 2,07} = 0,031 \text{ м}^3/\text{с}. \end{aligned}$$

**8.2-масала.** Берилган бир-бири билан қўшилган учта туташ идиш суюқлик билан тўлдирилган (8.11-расм).





8.11-расм.

I-идишдан II-идишга суюқлик диаметри  $D_1$  бўлган кичик тешиқдан; II идишдан III-идишга диаметри  $D_2$  бўлган кичик тешиқдан ва III идишдан ташқарига диаметри  $D_3$  бўлган шу тешиқка ўрнатилган узунлиги  $l$  бўлган қисқа қувур (насадка)дан оқиб чиқади. Сув сарфи  $Q$  ва

$Z_1$ ,  $Z_2$  ларни аниқлаш керак.

Берилган:  $H = 1,0$  м;  $D_1 = 30$  мм;  $D_2 = 15$  мм;  $D_3 = 20$  мм;  $l = 0,09$  м.

Ж а в о б  $Q = 0,001140$  м<sup>3</sup>/с

$Z_1 = 0,345$  м;

$Z_2 = 0,552$  м.

### Такрорлаш учун саволлар

- 8.1. Қисқа қувур (насадка) тушунчаси қандай?
- 8.2. Юпқа девордаги кичик тешиқдан оқиб чиқаётган сувнинг тезлиги ва сарфи формуласини ёзинг
- 8.3. Сиқилиш, тезлик, ишқаланиш ва сув сарфи коэффициентлари қандай?
- 8.4. Тулиқ ва тулиқ бўлмаган сиқилиш нима?

**ГИДРАВЛИК ЖАРАЁНЛАРНИ (ҲОДИСАЛАРНИ)  
ФИЗИКАВИЙ МОДЕЛЛАШ НАЗАРИЯСИ  
АСОСЛАРИ. ГИДРАВЛИК ЭЛЕМЕНТЛАРНИ ҲИСОБ-  
ЛАШДА ЭҶМ НИ ҚЎЛЛАШ**

**Асосий тушунчалар.** Бирон бир гидротехник ва бошқа иншоотларни қуришни бошлашдан илгари уни лойиҳалаш даврида муҳандислар барча гидравлик жараёнлар ва ҳодисаларни яхши ўрганиб чиқишлари керак, чунки иншоотни қуриш ва ишлатишда шу гидравлик жараёнларга дуч келишлари мумкин. Шунинг учун ҳам бу жараёнларни ҳам сифат, ҳам сон жиҳатидан мукамал баҳолаш керак. Масалан, гидроузелни лойиҳалаётганда қуйидагиларни баҳолаб чиқиш керак: оқимнинг гидравлик элементлари қандай ўзгаради, чунончи, сувнинг чуқурлиги, тезликларни ва босимларнинг оқимнинг кўндаланг кесими майдони бўйича тақсимланиши, ўзанинг кенглиги ва ҳоказо; гидроузелнинг юқори бьефида ЭЭССЧ, масалан, эгри кўтарилма қандай шаклда бўлади; ўзан тубининг умумий ва маҳаллий ювилиши қандай бўлади; юқори бьефда қанча жойни сув босади; иншоот тагидан ўтаётган ер ости сув ҳаракати қандай бўлади ва ҳоказо. Амалиётда шундай бўладики, баъзи бир гидравлик жараёнларни (ҳодисаларни) дифференциал тенгламалар билан ёзиб чиқиш жуда мураккаб ёки мутлақо мумкин эмас. Масалан, умумий ҳолда суюқликнинг турбулент ҳаракатини, ўзандаги қуйқумларнинг (қумтошларнинг) ҳаракати, уларнинг иншоотларга таъсири ва ҳоказо. Шунинг учун гидравлик жараёнларни (ҳодисаларни) математик моделлаш, айниқса, суюқликнинг турбулент ҳаракатини ҳамда улардаги қум-тошлар ҳаракатини назарда тутсак, булар гидромеханика фанида илмий изланишларнинг негизи ҳисобланади.

Афсуски, кўпчилик математик моделлашда кўпинча қўйилган масаланинг ечимини олиш (энг қудратли ЭҶМ ёрдамида ҳам), ҳисоблаш жараёнида анча қийинчиликларга дуч келаётгани учун, мумкин бўлмапти. Бундай ҳол-

ларда гидравлик ҳодисаларни тажриба усулида физикавий моделлаш ёрдамида лабораторияда ҳал қилинади.

### 9.1-§. ГИДРАВЛИК ЖАРАЁНЛАРНИ (ҲОДИСАЛАРНИ) МОДЕЛЛАШ УСУЛЛАРИ

Амалиётда ҳар хил моделлаш усуллари мавжуд. Шулардан фақат гидравликага оид бўлганларини қараб чиқамиз. Физикавий моделлаш турлари. Физикавий моделлашда асосан геометрик, кинематик ва динамик параметрлар ўрганилади. Бундай жараёнлар қаторига суюқлик оқими (ёки унинг бирон бўлаги) қаттиқ девор билан боғланган ҳолдаги (қувур, очиқ ўзанининг ювиладиган туби ва ҳоказо) ва ундаги қуйқумларнинг ҳаракати ва бошқалар киради. Агар моделда аслига ўхшаш физикавий бир хил жисм (суюқлик ва қум-тошлар) ишлатилса, у ҳолда буни физикавий моделлаш деб аталади. Масалан, аслида сув ҳаракатини назарда тутсак, моделда ҳам шу сув ишлатилиши лозим. Агар моделлашда, моделда аслига қараганда бошқа жисм (материал)лар ишлатилса, бундай моделлашни аналог усулида моделлаш дейилади. Масалан, аслида ер остидаги сувнинг ҳаракати (иншоот тагидан ўтаётган сувнинг ҳаракати — фильтрация)ни моделда электр оқими билан алмаштирилади (Электр оқимининг ҳаракати Лаплас тенгламаси ёрдамида бажарилади.) Грунтлар эса электр оқимини ўтказгич материаллар билан алмаштирилади. Шунинг учун аслида ер ости сувининг ҳаракатини ўрганишни моделда электр тоқини ўтказувчан материаллардан фойдаланиб, унда электр оқимининг шундай миқдорларини, масалан, тезлик потенциали, оқим функцияси ва бошқаларни осонгина ўлчаш мумкин, уларни аслида ўлчашни иложи йўқ. Агар моделлаш назарияси яхши ишончли ишлаб чиқилган бўлса, у ҳолда, математикавий модел ёрдамида ва тегишли тенгламаларнинг бошланғич ва чегаравий шартларини назарда тутган ҳолда ҳеч қандай қийинчиликсиз кўп маблағ ва вақт сарф этмасдан масалани ўрганиш ва ечимини олиш мумкин. Бундай масалалар ЭҲМ ёрдамида ечилади. Охириги пайтларда гидравликага оид кўплаб масалаларни ҳал қилишда, масалан, суюқлик оқимининг текис илгариланма ҳаракати ва нотекис илгариланма ҳаракатларини, сув ўтказгич гидротехник иншоотларини гидравлик ҳисоблашда, ечимларини қулай ҳал

этишда, катта-катта жадваллар тузишда ҳамда қатор ўхшаш ҳисобларни бажаришда ЭХМ кагта аҳамиятга эга. Автоматик лойиҳалаш тизимида ҳисоблаш машиналарининг алоҳида ўрни бор.

## 9.2-§. ГИДРАВЛИКАДА ЎХШАШЛИК НАЗАРИЯСИНИНГ АСОСИЙ ТУШУНЧАЛАРИ

Гидравлик жараёнларни (ҳодисаларни) моделлаш асосан икки хил: математикавий ва физикавий моделлашлар. Математикавий моделлаш усулига юқорида қисқача тушунча бериб ўтилди. Гидравликада асосан физикавий моделлаш кўпроқ қўлланилгани учун қуйида биз шу усул устида кенгроқ тўхталиб ўтамиз.

### Физикавий моделлаш усули

Бундай моделлашда ўрганилаётган гидравлик жараёнлар аслида ўзининг масштаби билан фарқ қиладиган моделда механиканинг умумий ўхшашлик назариясига асосан бажарилади. Гидравлик жараёнлар (ҳодисалар) уларда барча геометрик элементларнинг ўлчамлари (узунликлари), зичликлари ва суюқликнинг динамикаси (суюқлик заррачаларига таъсир этаётган кучлар) бир хил нисбатда, бир хил нуқтада, бир хил йўналишда таъсир этаётган ҳолда бўлганда механикавий ўхшаш бўлади. *Бу ҳолатда бундай модел гидротехник ва бошқа иншоотларни, уларда ҳаракат қилаётган суюқликлар билан бирга кичрайтирувчи модел деб аталади.* Оқимнинг тўлиқ гидродинамик ўхшашлигини вужудга келтириш учун уларда геометрик, кинематик ва динамик ўхшашликлар бажарилган бўлиши шарт.

**Геометрик ўхшашлик.** Икки суюқлик оқими геометрик ўхшаш бўлиши учун уларнинг ўзаро *узунлик ўлчам миқдорлари* орасида қуйидаги ўзгармас нисбат мавжуд бўлиши шарт

$$\frac{l_a}{l_m} = \alpha_l = \text{const}, \quad (9.1)$$

бу ерда  $\alpha_l$  — узунлик масштаби, бу моделнинг узунлик ўлчами  $l_m$  нинг аслидаги узунлик ўлчами  $l_a$  га нисба-

тан неча марта кичиклаштирилганини кўрсатади. Бу геометрик ўхшашлик моделда ўзаннинг барча узунлик ўлчамлари ( $h$  — сувнинг чуқурлиги;  $b$  — ўзан тубининг кенлиги;  $l$  — унинг узунлиги ва бошқалар),  $\frac{h_a}{h_m} = \alpha_h = \alpha_l$ ;  $\frac{b_a}{b_m} = \alpha_b = \alpha_l$  ва шу қаторда ўзан туби ғадир-будурлигининг геометрик баландликлари ( $\bar{\Delta}$  — ғадир-будурликларнинг баландликлари, уларнинг ўртача ўлчамлари,  $\frac{\bar{\Delta}_a}{\bar{\Delta}_m} = \alpha_{\bar{\Delta}} = \alpha_l$ , ўзан тубида тош-қумларнинг ҳаракати пайтида ҳосил бўладиган қум тўлқинларининг баландликлари ёки микро- ва макрошаклларнинг баландликлари ва уларнинг узунликлари)ни ҳам аслидаги ғадир-будурликларга қараганда  $\alpha_l$  марта кичиклаштириш керак бўлади

$$\frac{\bar{\Delta}_a}{\bar{\Delta}_m} = \alpha_{\bar{\Delta}} = \alpha_l. \quad (9.2)$$

Бундан келиб чиқадики, геометрик ўхшашлик бажарилса, ўзанлардаги суюқлик оқимларида нисбий ғадир-будурликлар  $\frac{\bar{\Delta}}{h}$  ўзгармас бўлиб қолади, яъни бу нисбат аслида қандай бўлган бўлса (геометрик ўхшашлик сақланган ҳолда), моделда ҳам худди шундай бўлиши шарт. Бундай ҳолат гидродинамикада қуйидагича ифодаланadi:

$$\frac{\bar{\Delta}}{h} = \text{idem}. \quad (9.3)$$

Оқим кўндаланг кесими нисбатиги майдонининг ва  $V$  сув ҳажмининг нисбати ҳам шундай ўзгармас бўлиши керак:

$$\frac{\omega_a}{\omega_m} = \alpha_{\omega} = \alpha_l^2; \quad (9.4)$$

$$\frac{V_a}{V_m} = \alpha_V = \alpha_l^3. \quad (9.5)$$

Кинематик ўхшашлик. Табиий ҳолатдаги оқимда ва моделдаги оқимда тезлик ва тезланиш майдонлари ўхшаш ва ўша оқимлардаги (асл ва модел) бир хил (ўхшаш) нуқталарда тезликлар  $u$  ва тезланишлар  $a$  тегиш-

ли вақтда бир хил нисбатда бўлсалар, у ҳолда икки суюқлик оқими кинематик ўхшаш бўлади.

$$\frac{u_a}{u_m} = \frac{l_a}{l_m} = \frac{l_a}{l_m} \frac{t_m}{t_a} = \frac{l_a}{l_m} = \frac{\alpha_l}{\alpha_l} = \alpha_u; \quad (9.6)$$

$$\frac{a_a}{a_m} = \frac{\alpha_l}{\alpha_l^2} = \frac{\alpha_u^2}{\alpha_l} = \alpha_a. \quad (9.7)$$


Шу билан бир қаторда улар умумий ҳажм бўйича ўзгармас бўлади:

$$\left. \begin{aligned} \alpha_u &= \text{const (умумий суюқликнинг ҳажми бўйича)} \\ \alpha_a &= \text{const (умумий суюқликнинг ҳажми бўйича)} \end{aligned} \right\} (9.8)$$

Кинематик ўхшашлик фақат геометрик ўхшашлик мавжуд бўлган ҳолда бажарилади ( $\frac{l_a}{l_m} = \alpha_l = \text{const}$  — вақт масштаби).

Динамик ўхшашлик. И. Ньютоннинг ўхшашлик қонуни. Моделда ва аслида суюқлик оқимининг ўхшаш нуқталарида суюқлик заррачаларига таъсир этувчи кучлар бир хил ва ўша қўйилган кучларнинг векторлари геометрик ўхшаш кўпбурчакларни ташкил этса, бундай кучлар динамик ўхшаш кучлар дейилади.

9.1- расмда кўрсатилгандек, суюқлик оқимининг ихтиёрий заррачасига умуман қуйидаги кучлар таъсир этади.



9.1- расм.

1. *Оғирлик кучи*, у суюқликнинг  $\rho$  зичлиги,  $g$  эркин тушиш тезланиши ва  $V$  суюқликнинг ҳажмига тўғри пропорционал (ёки заррачанинг узунлик ўлчамининг учинчи даражаси  $l^3$  га тенг)

$$G = Mg = \rho g V \sim \rho g l^3. \quad (9.9)$$

2. *Босим кучи*, у гидродинамик босим  $p$  бўлиб, таъсир этаётган  $\omega$  майдонга (ёки заррачаларнинг узунлик ўлчамининг иккинчи даражаси  $l^2$  га) тўғри пропорционал

$$P = p \omega \sim \rho l^2. \quad (9.10)$$

3. *Ишқаланиш кучи*, у суюқлик заррачасининг динамик ковушоқлик коэффиценти  $\mu$  га, суюқлик заррачалари тезликларига  $u$  (узунлик ўлчамининг биринчи даражаси  $l$  га) тўғри пропорционал

$$T = \mu \frac{du}{dh} \omega \sim \mu u l. \quad (9.11)$$

(9.9), (9.10), (9.11) тенгламаларда келтирилган кучларнинг тенг таъсир этувчиси  $F$  И.Ньютоннинг II қонуни асосида, масса  $M$  нинг тезланиш  $a$  га кўпайтмасига тенг

$$|\vec{F}| = |\vec{G}| + |\vec{P}| + |\vec{T}| = Ma = \rho Va \sim \rho l^3 \frac{u^2}{l} = \rho l^2 u^2. \quad (9.12)$$

Бу тенг таъсир этувчи куч  $|\vec{F}|$  қиймат нуқтаи назаридан қараганда инерция кучига тенг

$$|\vec{F}| = |\vec{I}| \sim \rho l^2 u^2. \quad (9.13)$$

Ўхшашлик назариясига асосан барча бир хил кўш кучларнинг нисбатлари аслидаги, яъни табиий ҳолатдаги, (9.1 а-расм) ва моделдаги (9.1 б-расм) суюқлик оқимлари учун бир хил, яъни

$$\frac{G_a}{G_m} = \frac{P_a}{P_m} = \frac{T_a}{T_m} = \frac{F_a}{F_m} = \frac{I_a}{I_m} = \alpha_F = \text{const}, \quad (9.14)$$

бу ерда  $\alpha_F$  — кучларнинг масштаб кўпайтмаси, яъни бу аслидаги табиий оқимдаги ихтиёрий бир нуқтага

қўйилган кучнинг моделдаги тегишли нуқтага қўйилган куч миқдоридан неча марта катталигини кўрсатади.  $\alpha_r$ ,  $\alpha_u$ ,  $\alpha_l$  миқдорлар — *масштаб кўпайтмалари* деб аталади. Бу масштаб кўпайтмаларини ўхшаш оқим учун танлаш ихтиёрий эмас, чунки улар орасида маълум бир боғланиш мавжуд.

Юқорида кўрсатилгандек, ихтиёрий олинган оқимдаги суюқлик заррачаларига таъсир этувчи барча кучларнинг тенг таъсир этувчиси (9.12) тенгламадан қўйидагича аниқланади:

$$F = \rho Va. \quad (9.15)$$

(9.15) тенгламага асосан аслида табиий ҳолатда ва моделда икки ўхшаш суюқлик оқимининг заррачаларига қўйилган кучларнинг тенг таъсир этувчиси

$$\left. \begin{aligned} F_a &= \rho_a V_a a_a; \\ F_u &= \rho_u V_u a_u. \end{aligned} \right\} \quad (9.16)$$

Агар уларнинг нисбатини масштаб кўпайтмалари орқали белгиласак, у ҳолда

$$\frac{F_a}{F_u} = \frac{\rho_a V_a a_a}{\rho_u V_u a_u} = \alpha_F = \alpha_\rho \alpha_l^3 \alpha_a, \quad (9.17)$$

бунда  $\alpha_\rho$  — сув зичлигининг масштаб кўпайтмаси. Бу ерда (9.7) тенгламадан

$$\alpha_a = \frac{\alpha_v^2}{\alpha_l}. \quad (9.18)$$

(9.18) тенгламани (9.17) тенгламага қўйсак

$$\alpha_F = \alpha_\rho \alpha_l^2 \alpha_u^2, \quad (9.19)$$

ёки

$$\frac{\alpha_F}{\alpha_\rho \alpha_l^2 \alpha_u^2} = 1,0. \quad (9.20)$$

(9.19) ва (9.20) тенгламалар масштаб кўпайтмалари орқали ифодаланган И. Ньютоннинг ўхшашлик қонуни дейилади. Масштаб кўпайтмалари ўрнига уларнинг миқдорларини қўйиб чиқсак, у ҳолда



$$\frac{F_a}{\rho_a l_a^2 u_a^2} = \frac{F_u}{\rho_u l_u^2 u_u^2}, \quad (9.21)$$

ёки

$$Ne_a = Ne_u, \quad (9.22)$$

бундан келиб чиқадики

$$Ne = idem, \quad (9.23)$$

бу ерда

$$Ne = \frac{F}{\rho l^2 u^2} \text{ — И. Ньютон критерияси} \quad (9.24)$$

И. Ньютон критериясини бошқача кўринишда ҳам ёзиш мумкин, бунинг учун (9.24) тенгламанинг суратини ва махражини  $l$  га кўпайтирсак, у ҳолда ( $M = \rho l^3$  ни назарда тутган ҳолда)

$$Ne = \frac{Fl}{M u^2} = idem, \quad (9.25)$$

бу ҳолатда И. Ньютоннинг ўхшашлик қонуни физикавий миқдорларда қуйидагича ёзилади

$$\frac{F_a l_a}{M_a u_a^2} = \frac{F_u l_u}{M_u u_u^2}, \quad (9.26)$$

Суюқлик оқимининг гидродинамик ўхшашлиги, асосан И. Ньютон критериясини, моделда ва аслида тенглигини таъминлаш орқали бажарилади, яъни

$$Ne_a = Ne_u. \quad (9.27)$$

### 9.3-§. ДИНАМИК ЎХШАШЛИК КРИТЕРИЯСИ

Гидравлик жараён ва ҳодисаларни моделлашда гидродинамик ўхшашлик шarti, бу аслида ва моделда барча кучлар нисбатларининг тенглигидир. И. Ньютоннинг асосий критерияси (9.25) дан табиатнинг ҳар хил физик кучлари учун хусусий ўхшашлик критерияларини олиш мумкин. Қуйида амалиётда тез-тез учраб турадиган масалаларда асосий таъсир этувчи кучлар учун ўхшашлик критериясини келтирамыз.

1. В. Фруднинг ўхшашлик критерияси. Бу критерия қаралаётган суюқлик ҳаракати пайтида ундаги гидравлик жараёнларда оғирлик кучи бошқа кучларга нисбатан устун бўлган ҳолда қўлланилади. Унинг учун (9.14) тенгламадан келиб чиқадиган шартга асосан

$$\frac{G_a}{G_m} = \frac{I_a}{I_m};$$

ёки

$$\frac{I_a}{G_a} = \frac{I_m}{G_m}. \quad (9.28)$$

(9.9) ва (9.10) тенгламаларни назарда тутган ҳолда

$$\frac{u_a^2}{gl_a} = \frac{u_m^2}{gl_m} = Fr, \quad (9.29)$$

бу ерда  $Fr$  — В. Фруд сони (критерияси),  $Fr$  сонини масштаб кўпайтмаси орқали ифодаласак

$$\frac{\alpha_u^2}{\alpha_g \alpha_l} = 1,0. \quad (9.30)$$

Бундан келиб чиқадиги, В. Фруд сони (критерияси) иккала оқимнинг, моделда ва аслида, ўхшаш кўндаланг кесимларида бир-бирига тенг бўлса, суюқлик оқимини геометрик ва гидродинамик ўхшаш деб ҳисоблаш мумкин, яъни

$$Fr_a = Fr_m; \quad (9.31)$$

ёки

$$Fr = idem. \quad (9.32)$$

Бу ҳолда сув оқимининг тезликлари ва сув сарфлари нисбатлари қуйидагича

$$\frac{u_a}{u_m} = \alpha_u = \alpha_l^{0,5}; \quad (9.33)$$

$$\frac{Q_a}{Q_m} = \alpha_Q = \alpha_l^{2,5}. \quad (9.34)$$

Вақг учун масштаб кўпайтмаси қуйидагича

$$\alpha_l = \alpha_l^{0.5}, \quad (9.35)$$

Гидравлик жараёнларни В. Фруд критерияси орқали моделлашда, уларнинг гидравлик нишабларини тенг деб олиш мақсалга мувофиқ

$$J_a = J_m;$$

$$\frac{J_a}{J_m} = 1, 0. \quad (9.36)$$

чунки бу жараён оқимнинг турбулент ҳаракатининг иккинчи даражали қаршилиқ областига тегишли.

2. О. Рейнольдснинг ўхшашлик критерияси. Бу критерияда суюқлик ҳаракати пайтида ундаги нишқаланиш кучи бошқа кучларга нисбатан устулик қилган ҳолда қўлланилади. Бу ерда ҳам (9.14) тенгламадан келиб чиқадиган шартга асосан олинади, у ҳолда (9.11)ни назарда тутиб, қуйидагини оламиз

$$\frac{u_a l_a}{\nu_a} = \frac{u_m l_m}{\nu_m} = Re. \quad (9.37)$$

Шундай қилиб, суюқлик оқими гидродинамик ўхшаш бўлади, қачонки иккала оқимнинг кўндаланг кесими учун

$$Re_a = Re_m; \quad (9.38)$$

ёки

$$Re = idem. \quad (9.39)$$

Агар

$$\frac{\nu_a}{\nu_m} = 1, 0. \quad (9.40)$$

бўлган ҳолда, қуйидаги нисбатлар ҳақиқий деб ҳисобланади:

тезлик

$$\frac{u_a}{u_m} = \alpha_u = \alpha_l^{-1,0}; \quad (9.41)$$

сув сарфи

$$\frac{Q_a}{Q_m} = \alpha_Q = \alpha_l; \quad (9.42)$$

вақт

$$\frac{I_a}{I_m} = \alpha_t = \alpha_l^{-3}; \quad (9.43)$$

гидравлик нишаб

$$\frac{J_a}{J_m} = \alpha_J = \alpha_l^{-3}. \quad (9.44)$$

3. Л. Эйлернинг ўхшашлик критерияси. Бу критерия суюқлик заррачаларига таъсир этаётган бошқа қучларга nisbatan босим кучи устунлик қилган ҳолда, (9.14) тенгламадан олинади, (9.10) тенгламани назарда тутган ҳолда

$$\frac{p_a}{\rho_a u_a^2} = \frac{p_m}{\rho_m u_m^2} = E\dot{u}. \quad (9.45)$$

Бу ерда  $E\dot{u}$  — Л. Эйлер критерияси, у модел ва аслидаги табиий ҳол учун тенг:

$$E\dot{u}_a = E\dot{u}_m \quad (9.46)$$

ёки

$$E\dot{u} = idem. \quad (9.47)$$

Агар  $Re$  критерияси шарти бажарилса, у ҳолда Л. Эйлер критерияси шарти ўз-ўзидан бажарилади, бунда

$$E\dot{u} = \lambda \frac{l}{2d}. \quad (9.48)$$

4. М. Вебернинг ўхшашлик критерияси. Бу критерия сатҳга тортилиш кучи  $F = \sigma l$  устунлик қилган ҳолда олинади. Бу ерда  $\sigma$  — сатҳга тортилиш коэффициенти,

$$\frac{\rho_a u_a^2 p_a}{\sigma_a} = \frac{\rho_m u_m^2 p_m}{\sigma_m} = We, \quad (9.49)$$

$We$  — М. Вебер критерияси, у, аслида ва моделда бир-бирига тенг бўлиши керак:

$$We_a = We_m;$$

ёки

$$We = idem. \quad (9.50)$$

5. Струхалнинг ўхшашлик критерияси. Бу критерияда суюқлик оқимининг беқарор ҳаракатида инерция кучининг таъсири устун бўлса, қуйидаги шарт бажарилиши керак

$$\frac{u_a l_a}{l_a} = \frac{u_m l_m}{l_m} = st, \quad (9.51)$$

бунда  $St$  — Струхал критерияси, у, аслида (табiiй ҳолда) ва моделда бир хил бўлиши керак

$$St_a = St_m; \quad (9.52)$$

ёки

$$St = idem, \quad (9.53)$$

бу ерда вақт учун

$$\frac{l_a}{l_m} = \alpha_l^{0.5}, \quad (9.54)$$

6. Махнинг ўхшашлик критерияси. Бу критерияда суюқликнинг сиқилиши назарда тутилади:

$$\frac{u_a}{C_a} = \frac{u_m}{C_m} = M, \quad (9.55)$$

бу ерда  $C$  — товушнинг тарқалиш тезлиги;  $Ma$  — Мах критерияси, аслида (табiiй ҳол) ва модел учун бир хил

$$Ma_a = Ma_m; \quad (9.56)$$

ёки

$$Ma = idem.$$

7. Архимеднинг ўхшашлик критерияси. Бу критерияда икки хил зичликка эга бўлган суюқликлар зичлигининг фарқи натижасида  $\rho_r - \rho$  пайдо бўладиган Архимед кучи

$$\frac{g_a l_a}{u_a^2} \left( \frac{\rho_l - \rho}{\rho_l} \right) = \frac{g_m l_m}{u_m^2} \left( \frac{\rho_l - \rho}{\rho_l} \right)_m = Ar \quad (9.57)$$

бу ерда  $Ar$  — Архимед критерияси, у аслида ва моделда бир хил бўлиши керак

$$Ar_a = Ar_u; \quad (9.58)$$

ёки

$$Ar = idem. \quad (9.59)$$

8. Кошининг ўхшашлик критерияси. Бу критерия зарбага қарши куч таъсири устунлик қилганда (масалан қувурдаги гидравлик зарба) қўлланилади

$$\frac{u_a^2 \rho_a}{E_a} = \frac{u_u^2 \rho_u}{E_u} = Co, \quad (9.60)$$

бу ерда  $E$  — материалнинг зарбани қайтариш хусусияти (модуль упругости);  $Co$  — Коши критерияси

$$Co_a = Co_u; \quad (9.61)$$

ёки

$$Co = idem.$$

9. Ж. Лагранжнинг ўхшашлик критерияси. Бу критерия секин ҳаракатланувчи, қовушоқлиги катта бўлган суюқликларнинг ўхшашлигини ўрганувчи критерия. Бу критерия Л. Эйлер ва О. Рейнольдс критерияларининг кўпайтмасига тенг

$$La = E\gamma Re = idem \quad (9.62)$$

Биз гидравлик жараёнларни моделлашда асосан, амалиётда тез учраб турадиган ва қўлланилаётган гидродинамик ўхшашлик критерияларини келтирдик. Булардан ташқари яна бир нечта критериялар мавжуд, масалан, Л. Прандтль сони, Ҳ. Эйнштейн сони, Ричардсон сони, И.И. Леви критерияси, С.Т. Алтунин, Г.В. Железняков, И.В. Егиазаров, А. Ю. Умаровнинг критериялари ва бошқалар. Гидравликада тез учраб турадиган гидродинамик ўхшашлик критериясининг масштаб кўпайтмалари 9.1-жадвалда келтирилган.

Модел- лаш шарти	Масштаб кўпайтмаси, $\alpha$							
	узунлик	милдон	ҳажм	вақт	тезлик	тезланish	сув сарфи	кўч
Fr	$\alpha_l$	$\alpha_l^2$	$\alpha_l^3$	$\alpha_l^{0,5}$	$\alpha_l^{0,5}$	1,0	$\alpha_l^{2,5}$	$\alpha_l^3$
Re	$\alpha_l$	$\alpha_l^2$	$\alpha_l^3$	$\alpha_l^3$	$\alpha_l^1$	$\alpha_l^3$	$\alpha_l$	1,0
Ar	$\alpha_l$	$\alpha_l^2$	$\alpha_l^3$	$\alpha_l^{3,5}$	$\alpha_l^{-2,5}$	$\alpha_l^6$	$\alpha_l^{0,5}$	$\alpha_l^3$
We	$\alpha_l$	$\alpha_l^2$	$\alpha_l^3$	$\alpha_l^{1,5}$	$\alpha_l^{0,5}$	$\alpha_l^{-2}$	$\alpha_l^{1,5}$	$\alpha_l$
Co	$\alpha_l$	$\alpha_l^2$	$\alpha_l^3$	$\alpha_l$	1,0	$\alpha_l^{-1}$	$\alpha_l^2$	$\alpha_l^2$

#### 9.4- §. ГИДРАВЛИК ЖАРАЁНЛАРНИ (ҲОДИСАЛАРНИ) ФИЗИКАВИЙ МОДЕЛЛАШДА АСОСИЙ КЎРСАТМАЛАР

Гидродинамик ўхшашлик критериясига асосан, бўлажак моделнинг масштабини аниқлашда умумий ўхшашлик қонунидан келиб чиқадиган қуйидаги қатор шартларни бажариш керак.

1. Агар суюқлик оқими аслида турбулент бўлса, моделда ҳам шундай турбулент ҳаракат бўлиши шарт:  $Re_u > (Re_{кр})_u$ , бу ҳолда моделнинг энг кичик рухсат этилган масштаб кўпайтмаси қуйидагича бўлиши керак:

$$\alpha_l = (30 - 50) \sqrt[3]{(v_a h_a)^2}, \quad (9.63)$$

бу ерда  $v_a$ ,  $h_a$  — аслидаги сувнинг тезлиги ва унинг чуқурлиги.

2. Агар суюқлик ҳаракати аслида табиатда сокин ҳолатда  $Fr \ll 1,0$  ёки жўшқин ҳолатда  $Fr > 1,0$  бўлса, моделда ҳам худди шундай шароит ташкил этилган бўлиши шарт.

3. Гидравлик жараён (ҳодиса)ларни моделлашда ўзан ғадир-будурлигининг геометрик ўхшашлигини таъминлашга ҳаракат қилиш керак, аммо буни амалда бажариш ниҳоятда мураккаб бўлгани учун бу ҳолда ғадир-будурликни ифодаловчи гидравлик ишқаланиш коэффициентини  $\lambda = \text{idem}$  шарти орқали моделлаш мумкин.

4. Агар моделда қум-тошлар (нанослар)нинг ҳаракатини ўрганиш керак бўлса, у ҳолда қум-тошлар моделда шундай ҳаракатланиши керакки, аслида табиатда қандай ҳаракат қилган бўлса, моделда ҳам худди ўша жараён барпо этилиши керак. *Агар аслида қум-тошлар ўзан тубида ҳаракат қилган бўлса ва улар қум тўлқинлари шаклида, микро- ва макро шаклда ҳаракатланса, моделда ҳам ўзан тубининг шакли ва ундаги қум-тошларнинг ҳаракати шундай шаклда бўлиши керак.* Албатта, бу жараённи моделлаш ниҳоятда мураккаб, шунга қарамасдан қум-тошлар ҳаракатини кенг ўрганиш устида олимларимиз анча ишлар қилишган. Китобнинг ҳажми чегараланганлиги сабабли бу ерда қум-тош ҳаракатларини моделлаш усулларини келтириш имконияти бўлмади.

*Гидравлик жараёнларни физикавий моделлашга оид амалий машғулот*

**9.1-масала.** Қувурнинг ғадир-будурлиги ва ундаги оқимнинг ҳаракатини моделлаш. Аслида бетондан ясалган қувур берилган, унинг диаметри  $D_0=4,0$  м; деворнинг ички ғадир-будурлигининг баландлиги  $\Delta_a=0,01$  м ва  $\lambda_a=0,01$ ; қувур  $Q_a=25$  м<sup>3</sup>/с сувни ўтказди. Шу гидравлик ҳодисани моделлаш керак. Моделдаги қувур девори материалининг ғадир-будурлиги  $\Delta_m=0,00008$  м; сувнинг ҳарорати  $T^\circ\text{C}=20^\circ\text{C}$ . Сув сарфини аниқланг.

*Ечиш.* 1. Геометрик ўхшашлик назарияси бўйича деворнинг ғадир-будурлигини моделлаш учун моделнинг геометрик ғадир-будурлик масштаб кўпайтмасини аниқлай-миз:

$$\alpha_l = \alpha_\Delta = \frac{\Delta_a}{\Delta_m} = \frac{0,001}{0,00008} = 12,5.$$



Худди шундай, моделдаги қувур диаметрини ва гидравлик радиуси қийматини аниқлаймиз

$$d_m = \frac{D_a}{\alpha_l} = \frac{4,0}{12,5} = 0,32 \text{ м};$$

$$R_m = \frac{d_m}{4,0} = \frac{0,32}{4,0} = 0,08 \text{ м.}$$

2.  $\lambda_m = \lambda_m$  шартини назарда тутган ҳолда, моделда иккинчи даражали қаршилик соҳаси чегарасини И.И. Леви ёки И. Никурадзе формулаларидан аниқлаймиз, масалан

$$\text{Re}_{\text{чегара}} = \frac{14,0}{\lambda_m} \frac{R_m}{\sqrt{\lambda_m}} = \frac{14,0 \cdot 0,08}{0,00008 \sqrt{0,01}} = 140000;$$

ва оқимнинг тезлиги

$$v_a = \frac{Q_a}{\omega_a} = \frac{Q}{\frac{\pi D^2}{4}} = \frac{25,0}{\frac{3,14 \cdot 4^2}{4}} = 1,99 \text{ м/с}$$

булган ҳолда, аслидаги О. Рейнольдс сонини аниқлаймиз

$$\text{Re}_a = \frac{v_a R_a}{\nu_a} = \frac{1,99 \cdot 1,0}{0,01 \cdot 10^{-4}} = 199000;$$

бу ерда  $R_a$  — аслидаги гидравлик радиус,

$$R_a = \frac{\omega_a}{\chi_a} = \frac{\frac{\pi D^2}{4}}{2\pi \frac{D}{2}} = \frac{D}{4} = 1,0 \text{ м.}$$

3. Масштаб кўпайтмаларини аниқлаймиз

$$\alpha_v = \alpha_l \frac{\text{Re}_a}{\text{Re}_m} = \frac{1,0}{12,5} \frac{199000}{140000} = 1,14$$

ва

$$\alpha_q = \alpha_\theta \alpha_l^2 = 1,14 \cdot 12,5^2 = 178,0.$$

4. Моделдаги қувурда сувнинг тезлиги

$$v_m = \frac{v_a}{\alpha_v} = \frac{1,99}{1,14} = 1,75 \text{ м/с};$$

сув сарфи эса

$$q_w = \frac{Q_a}{\alpha_f} = \frac{25,0}{178} = 0,14 \text{ м}^3/\text{с}.$$

**9.2-масала.** Очиқ ўзанларда суюқлик оқимининг барқарор текис илгариланма ҳаракатини моделлаш.

Тажрибавий усулда ихтиёрий физикавий қийматни аниқлаш критериял тенгламасининг умумий кўриниши қуйидагича:

$$\alpha_f = f\left(\text{Fr}, \text{Re}, \frac{\bar{\Delta}}{h}, \dots\right). \quad (9.64)$$

Иккинчи даражали қаршилик области учун  $\lambda_a = \lambda_m$  ни назарда тутган ҳолда, гидравлик жараёнларни қуйидаги шартларга биноан моделлаш мумкин:

$$\left. \begin{aligned} \text{Fr} &= \text{idem}; \\ \text{Re} &= \text{idem}; \\ A_{\frac{\bar{\Delta}}{h}} &= \text{idem}. \end{aligned} \right\} \quad (9.65)$$

Иккинчи даражали қаршилик области билан ўтиш области чегарасини  $\text{Re}_w > (\text{Re}_w)_{\text{чегара}}$  И. Никурадзе формуласидан:

$$(\text{Re}_w)_{\text{чегара}} = \frac{84 R_w}{\bar{\Delta}_w \sqrt{\lambda_w}}; \quad (9.66)$$

ёки И.И. Леви формуласидан аниқлаймиз:

$$(\text{Re}_w)_{\text{чегара}} = \frac{14 R_w}{\bar{\Delta}_w \sqrt{\lambda_w}}; \quad (9.67)$$

$\text{Fr} = \text{idem}$  бўлган ҳолда (9.1-жадвал) масштаб кўпайтмасини бир-бири билан таққослаш натижаси қуйидаги кўринишга олиб келади

$$\frac{\text{Re}_a}{\text{Re}_w} = \alpha_f^{3/2} \alpha_w^{-1,8}. \quad (9.68)$$

ёки  $\alpha_w = 1,0$  бўлганда

$$\frac{\text{Re}_a}{\text{Re}_w} = \alpha_f^{3/2}. \quad (9.69)$$

$Re_v = (Re_v)_{\text{чеглари}}$  бўлган ҳолда  $\lambda_v = \lambda_v$  шартини бажарсак, моделнинг энг кичик масштабини олиш мумкин, яъни

$$\alpha_{l_{\text{мин}}} = \left( \frac{v \Delta_v \sqrt{h_v}}{14v} \right)^2. \quad (9.70)$$

Масалادا канал берилган  $t=80$  с, унда сув сарфи  $Q=42$  м<sup>3</sup>/с бўлади, оқим тезлиги  $v_v=1,3$  м/с, чуқурлиги  $h_v=3,2$  м. Шу каналнинг ғадир-будурлигини ва сув ҳаракатини моделлаш керак (албатта, бу ерда текис илгариланма ҳаракат назарда тутилади). Моделдаги канал бетонланган, унинг ғадир-будурлиги баландлиги  $\Delta_v=0,001$  м ва  $\lambda_v=0,01$ . Моделнинг мумкин бўлган энг кичик масштабини аниқланг ва моделда тажриба ўтказини йўли билан қуйидаги (моделдан олинган) гидравлик элементларни ҳисобланг.

*Ечилиш.* 1. Мумкин бўлган энг кичик моделнинг рухсат этилган масштаби қуйидагича аниқланади:

$$\alpha_{l_{\text{мин}}} = \left[ \frac{v \Delta_v \sqrt{h_v}}{14v} \right]^2 = \left[ \frac{1,3 \cdot 0,001 \sqrt{0,01}}{14 \cdot 0,01 \cdot 10^{-4}} \right]^2 = 86,5.$$

$\alpha_{l_{\text{мин}}}=80$  деб қабул қиламиз.

2. В. Фруднинг ўхшашлик критерияси орқали (9.1-жадвал) гидравлик жараёнларни моделлаб, қуйидаги гидравлик элементларнинг қийматларини аниқлаймиз:

$$h_v = \frac{h_a}{\alpha_f} = \frac{3,20}{80} = 0,04 \text{ м}; \quad f_v = \frac{f_a}{\alpha_f^{0,5}} = \frac{80}{\sqrt{80}} = 8,95 \text{ с};$$

$$v_v = \frac{v_a}{\alpha_v} = \frac{v_a}{\sqrt{\alpha_f}} = \frac{1,30}{\sqrt{80}} = 0,145 \text{ м/с}.$$

$$q_v = \frac{Q_a}{\alpha_f^{2,5}} = \frac{Q_a}{\alpha_f \sqrt{\alpha_f}} = \frac{42}{80 \sqrt{80}} = 0,000734 \text{ м}^3/\text{с}.$$

ёки моделда сув сарфи 0,734 л/с.

3. Ҳаракат тартибини аниқлаш учун О. Рейнольдс сонини ҳисоблашимиз керак

$$Re_a = \frac{v_a h_a}{\nu_a} = \frac{1,3 \cdot 3,2}{0,01 \cdot 10^{-4}} = 4160000;$$

$$Re_m = \frac{v_m h_m}{\nu_m} = \frac{0,145 \cdot 0,04}{0,01 \cdot 10^{-4}} = 5800;$$

$$(Re_m)_{\text{чегара}} = \frac{14 R_m}{\Delta_m \sqrt{\lambda_m}} = \frac{14 \cdot 0,04}{0,001 \cdot \sqrt{0,01}} = 5600,$$

моделла

$$Re_m > (Re_m)_{\text{чегара}},$$

бундан кўринадикки, масала шarti учун қабул қилинган иккинчи даражали қаршилик области исботланди.

4. Энди қабул қилинган моделнинг масштабини текшириб кўрамыз.

$$\alpha_l = \left( \frac{Re_a}{Re_m} \right)^{2/3} = \left( \frac{4160000}{5800} \right)^{2/3} \sim 80.$$

Бундан кўринадикки, қабул қилинган моделнинг масштаби исботланди, демак, очиқ ўзанда оқимнинг текис илгариланма ҳаракати тўғри моделлаштирилган.

### *Такрорлаш учун саволлар*

9.1. Гидравлик жараёнларни физик ва математик усулларда моделлашни тушунтириб беринг.

9.2. Геометрик, кинематик ва динамик ухшашликлар. Масштаб кўпайтмалари қандай аниқланади?


9.3. Ньютоннинг ухшашлик қонуни (масштаб кўпайтмалари кўришида) қандай ифодаланани?

9.4. Гидродинамик ухшашлик критерияси (Фруд, Рейнольдс, Эйлер, Вебер, Струхаль, Мах, Коши, Архимед ва Ричардсон критериялари ва уларни қўллаш шартлари) ни айтинг.

## ЕР ОСТИ СУВЛАРИНИНГ ҲАРАКАТИ (ФИЛЬТРАЦИЯ)


### 10.1-§. АСОСИЙ ТУШУНЧАЛАР

Сув ўтказгич грунт алоҳида заррачалардан иборат бўлиб, уларнинг орасида бўшлиқлар мавжуд. Амалиётда шу бўшлиқлар ҳажмларининг йиғиндиси умуман барча грунт ҳажмидан (35÷40)% ни ташкил этади (бу ерда грунт деганда сув ўтказувчан грунтлар, масалан, супесь, қум ва шагаллар назарда тутиляпти). Шу грунт бўшлиқларида сувнинг ҳаракатланиш ҳодисалари фильтрация дейилади. Бу бўшлиқларда сувнинг пайдо бўлиш сабаблари ҳар хил, масалан, ер сатҳига ёққан ёмғирдан пайдо бўлган сувлар ер остига шимилади. Бунинг натижасида сув бирон бир чуқурликда, сув ўтказмас грунт қатлами (бу тоғ жинслари ва шунга ўхшаш қаттиқ зич жисмлар)да ушланиб қолиб, шу зич қатлам сиртининг нишаби бўйича ҳаракат қилади. Сув ўтказмас зич қатлам ер ости сув оқими учун ўзани ва зифасини бажаради. Бу ўзанда ер ости суви ҳаракат қилади, бу ерда эркин сув сатҳли ер ости суюқлик (фильтрация) оқими бўлади. Ундаги ЭССЧга атмосфера босими таъсир этади. Бундай ер ости сув оқими напорсиз оқим дейилади.



10.1-расм.

Грунт қумлардан ташкил топган бўлса, ундаги ер ости сувларининг ҳаракати, асосан ламинар ҳаракатда бўлади. Агар грунт йирик қум-тошлардан ташкил топган бўлса, (масалан, шагал, тош, шағал-тошлардан қурилган туғон баданидан силжиб ўта-



10.2-расм.

ётган сув) ундаги сувларнинг ҳаракати эса турбулент ҳаракатда бўлади. Бу бобда ер ости сувларининг: а) напорсиз барқарор текис илгариланма ҳаракат (10.1-расм) ва б) нотекис илгариланма ҳаракатларини (10.2-расм) қараб чиқамиз. Ер ости сувлари нотекис илгариланма ҳаракатда бўлса, унинг эркин эгри сув сатҳлари ЭЭСС депрессия сатҳи дейилади; эркин эгри сув сатҳи чизиги ЭЭССЧ эса депрессия эгри чизиги деб аталади.

Маълумки, очиқ ўзанлар (масалан, канал ва дарёлар) даги суюқлик ҳаракатини гидравлик ҳисоблашда қуйидагича иш юритган эдик:

а) йўқотилган напорни А.Шези формуласидан аниқлаган эдик

$$v = C\sqrt{RJ}, \quad (10.1)$$


унда  $v$  ни  $J^{0.5}$  га тўғри пропорционал деб олган эдик;

б) тезлик напори  $\frac{v^2}{2g}$  нинг қийматини ҳисобга олган эдик, чунки очиқ ўзанлардаги оқим тезлиги  $v$  нинг қиймати нисбатан катта эди. Шунини атайлаб айтиб ўтиш керакки, ламинар ҳаракатдаги ер ости сувларини гидравлик ҳисоблашда:

а) А. Шези формуласи ўрнига Х. Дарси формуласидан фойдаланилади, у қуйидагича

$$u = kJ, \quad (10.2)$$

бу ерда тезлик  $u$  нишаб  $J$  нинг биринчи даражасига тўғри пропорционал;



10.3- расм.

пъезометрик нишаблар бир-бирига тенг бўлади.

$$J_e = J. \quad (10.3)$$

Агар ер ости сув ҳаракатлари учун кесимнинг солиштирма энергияси графигини қараб чиқсак, у 10.3- расмдаги кўринишда бўлади, чунки ер ости суви ҳаракати учун

$\frac{v^2}{2g} = 0$  ва улардаги сув сарфи ниҳоят кичик бўлгани сабабли

графикдаги  $\mathcal{E} = f(h)$  эгри чизиқ расмда ер ости сув ҳаракати учун  $OM$  тўғри чизиғига айланиб қолади. Бундан ниҳоятда муҳим хулоса келиб чиқадики, ер ости сувлари ҳаракати учун амалиётда критик чуқурлик бўлмайди, яъни

$$h_{кр} = 0. \quad (10.4)$$

Шунинг учун бизга маълум бўлган  $K-K$  чизиғи (сувнинг критик чуқурлиги  $h_{кр}$  ни белгиловчи тўғри чизиқ) ер ости сув ҳаракати учун амалиётда ўзан тубининг чизиғи (сув ўтказмас қатлам чизиғи) билан бир чизиқда ётади. Бу ҳолда критик нишаб бўлиши мумкин эмас. Шунинг учун напорсиз ер ости сув ҳаракатлари фақат сокин ҳаракатда бўлади.


## 10.2- §. ЕР ОСТИ СУВ ОҚИМИНИНГ ТЕЗЛИГИ.

### Х. ДАРСИ ФОРМУЛАСИ

Ер ости сувлари оқимининг (фильтрация) тезлигини ўрганиш учун 10.4- расмда кўрсатилгандек, диаметри  $D$  бўлган, ичи қум билан тўлатилган, темирдан ясалган



10.4-расм.



10.5-расм.

қувурни оламиз. Қувур ичидаги қумлар орасидаги бўшлиқларни тўлдирган сув қувурнинг боши ва охиридаги кесимлардаги босимлар фарқи таъсирида шу бўшлиқларда ламинар равишда ҳаракат қилмоқда. Қувурнинг  $A-A$  кўндаланг кесимини олсак, бунда кесим юзасининг майдони уч хил:

а) кесимдаги грунт бўшлиқларининг майдони  $\omega_{\text{бўшлиқ}}$ ; бу майдонни ҳақиқий оқим кўндаланг кесимининг майдони деб қараш мумкин;

б) кесимдаги грунт заррачаларининг майдони  $\omega_{\text{заррача}}$ ; ҳақиқатан бу майдон орқали сув ўтмаслиги керак;

в) қувурнинг кўндаланг кесими юзасининг майдони  $\omega_{\text{геом}}$  қуйидагича бўлади

$$\omega_{\text{геом}} = \frac{\pi D^2}{4};$$

ёки

$$\omega_{\text{геом}} = \omega_{\text{бўшлиқ}} + \omega_{\text{заррача}} \quad (10.5)$$

Агар қандайдир заррачалар орасидаги бирон бир бўшлиқдаги сувнинг ҳаракатини қараб чиқсак, ундаги  $a-b$  элементлар кўндаланг кесимнинг тезлик эпюраси 10.5-расмда келтирилган. Шу тартибда тўлиқ кўндаланг кесим учун фақат бўшлиқларнинг йиғиндисини олсак,  $u$  ҳолда «ҳақиқий» ер ости сувлари оқимининг тезлиги қуйидагича бўлади:

$$u'_{\text{бўшлиқ}} = \frac{Q}{\omega_{\text{бўшлиқ}}} \quad (10.6)$$

Шу билан бир қаторда қувурдаги тезликни  $\omega_{\text{геом}}$  орқали ифодалаб, ер ости сувлари оқимининг (фильтрация) тезлиги  $u$  тушунчаси киритилади:



$$u = \frac{Q}{\omega_{геом}} = \frac{Q}{\omega_{бушлик} + \omega_{заррача}}. \quad (10.7)$$

(10.7) тенгламадан кўринадикки, ер ости сувлари оқимининг (фильтрация) тезлиги  $u$  идеал тезлик бўлиб, унда сув фақат бўшлиқда ҳаракатланмасдан, балки «грунт заррачасининг ичидан» ҳам ўтади деган назария қабул қилинган, аммо шунга қарамай бу ердаги сув сарфи қувурдан ҳақиқий ўтаётган сув сарфига тенг. Юқорида келтирилган ҳақиқий тезлик ва фильтрация тезлиги тушунчаларидан кейин, улар ўртасидаги боғланишларни ўрнатамиз. Унинг учун янги белгилар қабул қиламиз:

а) грунт заррачалари орасидаги бўшлиқларнинг ҳажмий коэффициентини  $n$  деб ифодаласак, у қуйидагича аниқланади:

$$n = \frac{\text{грунт бўшлиқларининг ҳажми}}{\text{грунт бўшлиқларининг ҳажми} + \text{грунт заррачаларининг ҳажми}} < 1; \quad (10.8)$$

б) грунтнинг сатҳ бўшлиқлари коэффициентини  $n_0$  деб ифодаласак:

$$n_0 = \frac{\omega_{бушлик}}{\omega_{геом}} < 1,0. \quad (10.9)$$

Бундан шундай хулоса келиб чиқадики, грунт заррачалари тенг ўлчамли бир хил таркибли кумлардан ташкил топган бўлса,

$$n = n_0. \quad (10.10)$$

Агар (10.7) тенгламанинг (10.6) тенгламага нисбатини олсак, тенг ўлчамли грунт заррачалари (кумлар) учун

$$\frac{u}{u'} = \frac{\omega_{бушлик}}{\omega_{геом}} = n_0 = n, \quad (10.11)$$

бундан

$$u = nu'. \quad (10.12)$$

Бу ерда шуни айтиш керакки,  $n < 1,0$  бўлгани учун ер ости сувлари оқимининг (фильтрация) тезлиги  $u$  ўзининг миқдори бўйича ҳар доим «ҳақиқий» ер ости суви ҳаракатининг тезлиги  $u'$  дан кичик бўлади.

Кумларда сувнинг шимилишини ўрганиб, ер ости сувлари оқимининг (фильтрация) тезлигини ҳисоблаш формуласи ишлаб чиқилган. Бу формула ламинар ҳаракатдаги фильтрациянинг асосий қонунини билдиради. У Х. Дарси формуласи дейилади ва куйидагича ёзилади:

$$u = kJ, \quad (10.13)$$

бу ерда  $u$  — ер ости сув оқими ҳаракатининг берилган маълум бир нуқтадаги фильтрация тезлиги;  $J$  — уша нуқтадаги пьезометрик нишаб;  $k$  — пропорционаллик коэффициентини, у фильтрация коэффициентини деб аталади.

(10.13) дан кўринадикки, фильтрация коэффициентини  $k$  тезлик ўлчам бирлигига эга бўлиб (чунки  $J$  ўлчам бирлигига эга эмас), у пьезометрик нишаб  $J=1,0$  бўлгандаги фильтрация тезлигини билдиради.

Фильтрация коэффициентини  $k$  грунтнинг таркибига боғлиқ. Ер ости сувлари оқимининг сув сарфи (асосан ламинар ҳаракатдаги фильтрация учун)

$$Q = \omega kJ. \quad (10.14)$$

(10.14) тенглама Х. Дарси формуласи дейилади.

Бу ламинар ҳаракатга тегишли (10.13) ва (10.14) формулалар маълум қўлланиш чегарасига эга. Агар

$$ud < (0,01 \div 0,07) \cdot 10^{-2} \text{ м}^2/\text{с}, \quad (10.15)$$

бўлса, ер ости сувлари оқими (фильтрация) ламинар ҳаракатда бўлади, у ҳолда (10.13) ва (10.14) формулаларни қўллаш мумкин. Агар (10.15) шarti бажарилмаса, у ҳолда ер ости сувлари оқими (фильтрация) турбулент ҳаракатда бўлади, у ҳолда Х. Дарси формуласи (10.13), (10.14) тенгламани қўллаш мумкин эмас. Ер ости сувлари оқими (фильтрация) турбулент ҳаракатда бўлса, унинг тезлиги куйидаги формуладан аниқланади:

$$u = kJ^{\frac{1}{m}}, \quad (10.16)$$

ёки

$$J = \frac{1}{k^m} u^m, \quad (10.17)$$


бу ерда  $m$  — даража кўрсаткичи, тажрибадан олинади (4.2-§ га қаранг)  $1,0 \leq m < 2,0$ .

$m$  — иккинчи даражали қаршилиқ соҳаси учун (4.5-§ га қаранг)  $m=2,0$ .

### 10.3-§. ЕР ОСТИ СУВЛАРИ ҲАРАКАТИНИНГ (ФИЛЬТРАЦИЯ) КОЭФФИЦИЕНТИНИ АНИҚЛАШ УСУЛЛАРИ

Ер ости сувлари ҳаракатининг (фильтрация) коэффициентини аниқлашнинг уч усули мавжуд:

**1. Лаборатория усули:**  $k$  — фильтрация коэффициентини лабораторияда махсус асбоб (X. Дарси асбоби) ёрдамида аниқланади. X. Дарси асбоби металлдан ясалган  $A$  цилиндр шаклида бўлиб (10.6-расм), тубига яқин жойда сим тўр (сетка) билан жиҳозланган. Сим тўрнинг устига тажриба ўтказиладиган грунт — қум ётқизилган. Тегишли напор таъсирида сув шу қум ичидан цилиндр  $A$  бўйлаб пастдан юқорига ҳаракатланади. Шу қум тўлдирилган  $A$  цилиндр идишнинг (асбобнинг) баландлиги бўйича 1—1 ва 2—2 кесим оламиз. Уларнинг оралиғини  $l$  билан белгилаймиз. 1—1 ва 2—2 кесимларда тегишлича  $\Pi_1$  ва  $\Pi_2$  пьезометрлар ўрнатилади, улар ёрдамида шу кесимларда



10.6-расм.

$H_1$  ва  $H_2$  напорлар ўлчанади. Шу грунт (қум) ётқизилган  $A$  идишдан ўтган сув  $B$  идишга қуйилади, бу ерда ҳажмий усулда сув сарфи аниқланади. Бу сув сарфини фильтрация сув сарфи дейилади:

$$Q = \frac{W}{t}, \quad (10.18)$$

бунда  $W$  — сувнинг  $t$  вақт ичида 1—1 ва 2—2 кесимлардан ўтган сув ҳажми.

Дарси формуласи (10.14) ни  $k$  га нисбатан ечсак

$$k = \frac{Q}{\omega J}. \quad (10.19)$$

(10.19) формула ёрдамида берилган грунт учун  $k$  нинг қийматини аниқлаш мумкин. Бунда  $\omega$  —  $A$  цилиндр идишнинг кўндаланг кесими юзасининг майдони

$$\omega = \frac{\pi D^2}{4},$$

бу ерда  $D$  — цилиндр  $A$  идишнинг ички диаметри. Нишаб  $J$  қуйидагича аниқланади

$$J = \frac{h_{1-2}}{l},$$


бу ерда  $h_{1-2}$  — икки кесим оралиғи  $l$  (узунлиги) бўйича йўқотилган напор

$$h_{1-2} = H_1 - H_2 \quad (10.20)$$

**2) Ҳисоблаш усули:**  $k$  — фильтрация коэффиценти эмпирик формулалардан фойдаланиб ҳисобланади. Масалан А. Хазен формуласини келтирамиз (бу формула грунт заррачалари тенг ўлчамсиз бўлган ҳар хил таркибли қумлар учун). А. Хазен формуласи

$$k = A c \tau d_{10\%}^2, \quad (10.21)$$

бу ерда  $A$  — коэффицент, у  $k$  нинг ўлчам бирлигини назарда тутувчи коэффицент, агар  $k$  м/кун бирликда ифодаланса, у ҳолда  $A=1,0$  бўлади;  $c$  — қумнинг ифлосланиш коэффиценти, қумнинг «ифлосланиш» даражаси ор-



10.7-расм.

ган  $d_{60\%}$  ва  $d_{10\%}$  ларнинг нисбати грунтнинг тенг ўлчамсиз ҳар хил таркибини ифодаловчи коэффициент (коэффициент разноразмерности) дейилади, у қуйидагича ёзилди:

$$\epsilon = \frac{d_{60\%}}{d_{10\%}}$$

Агар  $\epsilon > (7 \div 10)$  бўлса, у ҳолда В. С. Кнороз назариясига асосан бундай грунт тенг ўлчамсиз ҳар хил таркибдаги грунт ҳисобланади. Агар  $\epsilon < 5$  бўлса, у ҳолда бундай грунт тенг ўлчамли бир хил таркибдаги грунт ҳисобланади. А. Хазен формуласида эса, бу коэффициент  $\epsilon < 5$  шундай экан. А. Хазен формуласи, асосан тенг ўлчамли бир хил таркибдаги қумлар учун қўлланилади. Охириги пайтларда амалиётда  $k$  ни аниқлашда эмпирик формулалардан деярли фойдаланилмайди. Уларнинг ўрнига юқорида келтирилган, Х. Дарси асбоби ёрдамида  $k$  ни аниқлаш усули кенг қўлланилади, чунки Х. Дарси асбоби ёрдамида ўлчаб олинган миқдорлар кўпроқ ҳақиқатга яқинроқ (эмпирик формулалардан олинган миқдорларга нисбатан).

**3) Дала усули.** Бу усулда далада ер юзасида кичик доиравий майдон тайёрлаб, унга аниқ бир вақт ичида сув қўйиб турилади. Натижада (шу грунтнинг турига қараб) қандай вақт ичида қанча сув грунтга шимилгани ўлчанса, кейин махсус формулалар ёрдамида  $k$  нинг миқдорини ҳисоблаш мумкин. 10.1-жадвалда асосан амалда тез-тез учрайдиган,

тиши билан  $c$  нинг қиймати камайиб боради,  $c$  нинг қиймати

$$c = 500 \div 1000,$$

$\tau$  — ер ости сувининг ҳароратига боғлиқ коэффициент

$$\tau = 0,70 + 0,03 T^{\circ}\text{C},$$

$T^{\circ}\text{C}$  — сувнинг ҳарорати;

$d_{10\%}$  — грунтнинг эгри гранулометриқ таркиби графиги (10.7-расм) буйича 10% ли миқдорга тегишли диаметри. График (10.7-расм) дан олинган

Грунтнинг таркибини ифодаловчи коэффициент (коэффициент разноразмерности) дейилади, у қуйидагича ёзилди:

ҳар хил турдаги грунтлар учун  $k$  нинг қийматлари келтирилган.

10.1-жадвал

Грунт	Фильтрация коэффициенти, $k$	
	см/с	м/кун
Шағал	10—0,1	1000—100
Йирик қум	0,1—0,01	100—10
Майда қум	0,01—0,001	10—1,0
Супесь (зич)	0,001—0,0001	1,0—0,1
Суглинок (соз туфроқ)	0,0001—0,0001	0,1—0,01
Глина (дой)	0,00001—0,00001	0,01—0,001


#### 10.4-§. ЕР ОСТИ СУВЛАРИНИНГ НАПОРСИЗ ТЕКИС ВА НОТЕКИС ИЛГАРИЛАНМА ҲАРАКАТИ

Ер ости сувларининг ҳаракати, асосан, грунтлар таркибига ва уларнинг турларига қараб икки кўринишда бўлади: а) текис илгариланма ҳаракат ва б) нотекис илгариланма ҳаракат.

##### Напорсиз текис илгариланма ҳаракат

Ер ости сувларининг ҳаракатини ўрганаётганда юқорида айtilгандек, тезлик напорини  $\frac{v^2}{2g} \approx 0$  деб олган эдик, шунинг учун  $E-E$  напор чизиги  $P-P$  пьезометрик чизиги устига тушади.  $P-P$  пьезометр чизиги эса ўз навбатида эркин сув сатҳи чизиги билан бир чизикда ётади. Эркин сув сатҳи чизиги, оқим текис илгариланма ҳаракатда бўлганда, узан туби чизиги  $T-T$  га параллел бўлади (10.8-расм).

Шундай қилиб, ер ости сувларининг оқими текис



10.8-расм.

илгариланма ҳаракатда бўлганда  $E-E$  чизиғи,  $P-P$  чизиғи ва эркин сув сатҳи чизиғи бир чизиқда ётади эсси ҳамла улар узан туби чизиғи  $T-T$  га параллел бўлади:

$$J_e = J = J_{\text{ксс}} = i. \quad (10.22)$$

Ер ости сув оқими напорсиз текис илгариланма ҳаракатда бўлса, X. Дарси формуласи (10.13) ни қуйидагича кўчириб ёзиш мумкин:

$$u = k i, \quad (10.23)$$

у ҳолда сув сарфи

$$Q = \omega k i. \quad (10.24)$$

Бундан оқимнинг бирлик кенглиги учун  $b=1,0$  м, (10.24) тенгламанинг ўрнига солиштирма сув сарфини (текис илгариланма ҳаракат учун) оламиз


$$q = \frac{Q}{B} = 1h_0 k i. \quad (10.25)$$

(10.25) тенгламадан ер ости сув оқимининг текис илгариланма ҳаракатининг нормал чуқурлиги

$$h_0 = \frac{q}{k i}. \quad (10.26)$$

Бу (10.26) тенглама напорсиз оқимнинг бирлик кенглиги учун текис илгариланма ҳаракат тенгласи бўлади.

### Напорсиз потекис илгариланма ҳаракат



10.9-расм.

Ер ости сувларининг напорсиз потекис илгариланма ҳаракатини ўрганишда Ж. Дюпюи формуласи асос қилиб олинади. Бунинг учун 10.9-расмда «ҳақиқий» фильтрацияни барча гидравлик элементлари билан келтирамиз. 10.9-расмда  $T-T$  чизиғи — узан тубининг чизиғи;  $AB$  чизиғи — эркин эгри сув

сатҳи чизиғи. Ер ости сувларининг ҳаракати қаралаётганда  $AB$  чизиғи эгри депрессия чизиғи дейилади. Бу ерда оқимнинг кўндаланг кесими чизиғи  $a-b$  (10.9-расм)  $AB$ ,  $T-T$  ва оқим чизиқларига ортогонал (тик) йўналишда бўлиши керак. 10.9-расмдан напор қуйидагича ёзилади

$$H = z + \frac{p}{\gamma}. \quad (10.27)$$

Шуни айтиб ўтиш керакки, оқимнинг кўндаланг кесими  $a-b$  бўйича ихтиёрий нуқтада ўрнатилган пьезометрлардаги сувнинг сатҳлари бир хил горизонтал текисликда (расмдаги  $P-P$  текислигига қаранг) жойлашади.  $P-P$  текислиги таққослаш текислиги  $O-O$  дан напор  $H$  баландлигида жойлашган (оқимнинг  $a-b$  кўндаланг кесимига жавоб берувчи напор), у ҳолда

$$H = z + \frac{p}{\gamma} = \text{const} \quad (\text{оқимнинг берилган кўндаланг кесими учун}). \quad (10.28)$$

*Қаралаётган ҳол учун оқимнинг берилган кўндаланг кесимлари унинг тенг напорли чизиқлари ҳисобланади, яъни  $H = \text{const}$ .*

Ер ости сувлари текис ўзгарувчан нотекис илгариланма ҳаракатда оқимнинг кўндаланг кесими ( $a-b$  чизиғи) тенг напорли чизиқ бўлиб, оқим чизиғига ортогонал (тик) йўналган бўлади.


Юқорида кўрсатилган (10.9-расм) пьезометрик напор чизиғи ( $P-P$  текислиги) мажбурий равишда  $a$  нуқтадан ўтиши керак, яъни шу оқимнинг кўндаланг кесими билан депрессия эгри чизиғининг учрашган нуқтасидан ўтиши керак (чунки биз бу ерда атмосфера босимини эътиборга олмаймиз).

Напорсиз ер ости сувининг нотекис илгариланма ҳаракатини ўрганишда қуйидаги соддалаштиришларни қабул қиламиз:

1) оқимнинг кўндаланг кесимини текис деб қабул қиламиз, чунки унинг эгрилиги деярли катта эмас;

2) оқимнинг кўндаланг кесимини тик (вертикал) деб қабул қиламиз, чунки ўзан тубининг нишаби деярли кичик. Шу соддалаштиришларга асосан ҳақиқий ер ости





10.10-расм.

сувлар (фильтрация) оқимнинг ҳисоблаш моделини оламиз, бу ҳолда 10.9-расмдаги ҳолат, модел тариқасида 10.10-расмга кучириб олинади. Бу моделда оқимнинг кўндаланг кесими текис ва тик (вертикал) бўлади, оқимнинг чизиқлари кўндаланг кесим чизиқларига бироз ортогонал

бўлмайди. Шунга қарамасдан биз шундай ҳолатга кўнишимиз лозим. 10.10-расмни (яъни моделини) қараб чиқиб, унда иккита кўндаланг кесим,  $a-b$  ва  $c-d$  кесимларини белгилаймиз. Шу кўндаланг кесимлар оралигининг барча ерида  $a-b$  нинг баландлиги бўйича 1, 2, ... ва ҳоказо нуқталарида бир хил ва  $ds$  га тенг  $ds_1, ds_2, \dots, ds_n$  ларни тайинлаймиз. Бу кесимларнинг напорлари:  $a-b$  кесимда  $-H_1$ ;  $c-d$  кесимда  $-H_2$ ; улардаги йўқотилган напор эса  $a-b$  кесимдан то  $c-d$  кесимгача  $ds$  оралиғида қўйидагича

$$-dH = H_1 - H_2 \quad (10.29)$$

Шундай экан, оқимнинг берилган кўндаланг кесимининг (масалан,  $a-b$  кўндаланг кесимида) барча нуқталарида пьезометрик нишаб бир хил ва эркин эгри сув сатҳининг нишабига тенг

$$J = -\frac{dH}{ds} = \text{const} \quad (\text{оқимнинг кўндаланг кесими бўйича}). \quad (10.30)$$

Бундан келиб чиқадики, ер ости сувлари оқимининг (фильтрация) тезлиги оқим кўндаланг кесимининг (масалан,  $a-b$  кесими) барча нуқталарида бир хил ва тенг. Уни Х. Дарси назариясига асосан қўйидагича ёзиш мумкин:

$$u = kJ = -\frac{dH}{ds} = \text{const} \quad (\text{оқимнинг кўндаланг кесими бўйича}) \quad (10.31)$$

Хулоса: оқимнинг кўндаланг кесими бўйича ихтиёрий нуқталарда фильтрация тезликларининг тақсимланиши (ма-

салан,  $m-n$  кесими учун) тўғри тўртбурчак  $m-m'-n'-n$  шаклида бўлади. Бу ерда ўртача тезлик оқимнинг берилган кўндаланг кесими учун ихтиёрий нуқтадаги тезлигига тенг (ер ости сувлари оқимининг текис ўзгарувчан нотекис илгариланма ҳаракати учун)

$$v = u, \quad (10.32)$$

бунда  $u$  — қаралаётган кўндаланг кесимнинг ихтиёрий нуқтасидаги тезлик.

(10.31) тенглама ва (10.32) тенгламани назарда тутсак

$$v = -k \frac{dH}{ds}, \quad (10.33)$$

бунда  $-\frac{dH}{ds}$  — депрессия эгри чизигининг нуқтасидаги нишаби (берилган кўндаланг кесимга тегишли).

(10.33) тенглама Ж. Дюпюи формуласи деб аталади.

#### 10.5-§. ЕР ОСТИ СУВЛАРИ ОҚИМИНИНГ НОТЕКИС ИЛГАРИЛАНМА ҲАРАКАТИНИНГ ДИФФЕРЕНЦИАЛ ТЕНГЛАМАСИ (ПРИЗМАТИК ЎЗАН УЧУН)

Маълумки, напорсиз очиқ ўзанлардаги суюқлик оқимининг нотекис илгариланма ҳаракатининг ЭЭССЧ нишаби  $J$  (10.11-расм) қуйидаги икки хил тенглама билан ифодаланиши мумкин (7.23 ва 10.30 формулаларга қаранг).


$$J = i - \frac{dh}{ds}. \quad (10.34)$$

$$J = -\frac{dH}{ds}. \quad (10.35)$$

(10.34) ва (10.35) тенгламаларни назарда тутган ҳолда (10.33) тенгламани, яъни Ж. Дюпюи формуласини қуйидагича кўчириб ёзиш мумкин

$$v = k \left( i - \frac{dh}{ds} \right). \quad (10.36)$$

Ўртача тезликни аниқлагандан кейин сув сарфини узлуксизлик тенгламасидан қуйидагича ёзиш мумкин:



10.11-расм.

$$Q = \omega v = \omega k \left( i - \frac{dh}{ds} \right). \quad (10.37)$$

Олинган (10.37) тенглама напорсиз ер ости сув оқимининг нотекис илгариланма ҳаракатининг асосий дифференциал тенгламаси (туби нишаби  $i > 0$  бўлган призматик узан учун). Узаннинг бирлик кенглиги учун солиштирама сув сарфи:

а) узан туби нишаби  $i > 0$  бўлган ҳол учун (10.11-расм)

$$q = hk \left( i - \frac{dh}{ds} \right); \quad (10.38)$$

б) узан туби нишаби  $i = 0$  бўлган ҳол учун (10.12-расм)

$$q = -hk \frac{dh}{ds}. \quad (10.39)$$


### Эркин эгри сув сатҳи чизиғи ЭЭССЧ шаклини ўрганиш

Ер ости сувларининг нотекис илгариланма ҳаракатини ўрганишда ер ости сувининг ҳаракати призматик узанда напорсиз бўлган ҳолда, оқимнинг эни  $l$  метр деб қабул қилинади, яъни бирлик кенгликдаги оқимнинг ҳаракати қаралади. Юқорида кўрсатилгандек, ер ости сув оқими қаралаётганда ҳаракат шартлари ҳар доим қуйидагича бўлиши керак


$$i < i_{кр} \text{ ва } h_{кр} = 0. \quad (10.40)$$

Бу ерда шуни айтиб ўтиш керакки, ер ости сув ҳаракати пайтида  $c$  зонаси бўлмайди, фақат  $a$  ва  $b$  зоналари мавжуд (бунда  $a$  ва  $b$  зонасини  $i > 0$

бўлганда, ундан ташқари  $b$  зонасини  $i \leq 0$  бўлганда ҳам учратиш мумкин). Бундан кўринадики, ер ости суви оқимининг нотекис илгариланма ҳаракатини қараётганда фақат тўртта ЭЭССЧ шаклини учратишимиз мумкин (10.13 а, б, в- расмлар). 10.13- расмда кўрсатилган депрессия эгри чизиғининг шаклини қанчалик ҳақиқатга яқинли-



10.12-расм.



10.13-расм.

гини юқорида келтирилган дифференциал тенгламани таҳлил қилиш йўли билан тасдиқлаймиз.

### 10.6-§. НАПОРСИЗ ЕР ОСТИ СУВ ОҚИМИНИНГ НОТЕКИС ИЛГАРИЛАНМА ҲАРАКАТИНИНГ ДИФФЕРЕНЦИАЛ ТЕНГЛАМАСИНИ ИНТЕГРАЛЛАШ

1. Ўзан тубининг нишаби  $i > 0$  бўлган ҳол учун (тўғри нишабли ўзан). (10.38) тенгламанинг чап томонидаги солиштирма сув сарфини текис илгариланма ҳаракатининг гидравлик элементларини ҳисоблаш (10.25) тенгламасидаги нормал чуқурлик  $h_0$  орқали аниқласак,  $q = kh_0^3 i$ , у ҳолда (10.38) тенглама қуйидагича ёзилади:

$$kh_0^3 i = kh \left( i - \frac{dh}{ds} \right). \quad (10.41)$$

(10.41) тенгламани  $k$  га қисқартиргандан кейин, уни  $\frac{dh}{ds}$  га нисбатан ечсак:

$$\frac{dh}{ds} = i \frac{h - h_0}{h} \quad (10.42)$$

ва қуйидаги белгиларни қабул қилган ҳолда (10.11-расм)

$$\eta_1 = \frac{h_1}{h_0}, \quad \eta_2 = \frac{h_2}{h_0} \quad \text{ва} \quad l = S_2 - S_1. \quad (10.43)$$

1—1 кесимдан 2—2 кесимгача (10.42) тенгламани интегралласак, ЭЭССЧ нинг тенгламасини ёки депрессия эгри чизигининг тенгламасини оламиз ( $i > 0$  ҳол учун):

$$\frac{il}{h_0} = \eta_2 - \eta_1 + 2,3 \lg \frac{\eta_2 - 1}{\eta_1 - 1}. \quad (10.44)$$

10.44 тенглама депрессия эгри чизигининг тенгламаси дейлади.

2. **Ўзан тубининг нишаби  $i = 0$  бўлган ҳол учун (горизонтал ҳолатдаги ўзан)** (10.39) тенгламани 1—1 кесимдан 2—2 кесимгача интеграллаб, Ж. Дюпюи тенгламасини оламиз:


$$\frac{q}{k} = \frac{h_1^2 - h_2^2}{2l}; \quad (10.45)$$

$$l = \frac{k}{2q} (h_1^2 - h_2^2). \quad (10.46)$$

Депрессия эгри чизиги, яъни ЭЭССЧ бизга параболани англатади (10.12-расм).  $l$  — оқимининг 1—1 кесимидан 2—2 кесимигача бўлган масофа;  $h_1$  ва  $h_2$  — оқимнинг 1—1 ва

2—2 кесимларидаги сувнинг чуқурлиги. Бу ерда (10.45) тенглама Ж. Дюпюи тенгламаси деб юритилади. (10.45) ни қуйидагича кўчириб ёзамиз:

$$\frac{q}{k} = h_{cp} \cdot J_{cp}, \quad (10.45')$$



10.13а-расм.

бунда

$$h_{\text{ср}} = \frac{1}{2}(h_1 + h_2), \quad J_{\text{ср}} = \frac{1}{l}(h_1 - h_2).$$

(10.45) тенгламадан фойдаланиб ер ости сув оқимининг депрессия эгри чизигини осонгина қуриш ҳамда фильтрация сув сарфи  $q$  ни аниқлаш мумкин. Солиштирма сув сарфи\*  $q$  ни аниқлаш учун 10.13а-расмга мурожаат эта- миз, у тўғри бурчакли тўртбурчак  $ABCD$  шаклида бўлиб, грунт (қум) дан ташкил топган. Унинг узунлиги  $L$ , юқори ва пастки бьефлардаги сув чуқурликлари тегишлича  $h_1$  ва  $h_2$ . Бу иншоотнинг баданидан ўтган сув фильтрация дейи- лади. Бу фильтрация сув сарфини (10.45) тенглама ёрда- мида аниқлаймиз. Агар бу иншоотнинг узунлигини  $l=L$  деб олсак, у ҳолда (10.45) тенглама

$$q = \frac{h_1^2 - h_2^2}{2L} k \quad (10.47)$$

кўринишини олади.

Бу формула ёрдамида  $q$  ни ҳисоблаб депрессия эгри чи- зигини қуришга киришамиз. Бунинг учун (10.45) тенгла- мадаги ҳалларни қуйидагича белгилаймиз:

$$h_1 = h; \quad l = x.$$

Унда (10.45) формулага  $h_1=h$ ;  $l=x$  ни қўйиб чиқсак (бунда  $h$  — ихтиёрий  $W_1-W_1$  кесимдаги сувнинг чуқурлиги; у охирги кесим  $W_2-W_2$  дан  $x$  ораликда жойлашган;  $x$  — охи- рги кесимдан то қаралаётган ихтиёрий кесимгача бўлган масофа), қуйидаги тенгламани оламиз

$$\frac{q}{k} = \frac{h^2 - h_2^2}{2x}, \quad (10.48)$$

бундан  $MN$  депрессия эгри чизигининг координаталарини унинг узунлиги бўйича, ҳисоблаш формуласини оламиз:

$$h = \sqrt{h_2^2 + \frac{q}{k} 2x}, \quad (10.49)$$

бу тенгламага (10.47) дан  $q$  қийматини қўйсак:

\* 1 м кенгликдаги сув сарфи назарда тутилади.

$$h = \sqrt{h_2^2 + (h_1^2 - h_2^2) \frac{x}{L}}. \quad (10.50)$$

(10.50) тенглама ёрдамида депрессия эгри чизиғи  $MN$  ни курамиз. (10.50) тенгламадан кўриниб турибдики, депрессия эгри чизиғи  $k$  га боғлиқ эмас. Демак  $h_1$  ва  $h_2$  чуқурликлар берилган бўлса ҳар хил грунтлар учун ҳам депрессия эгри чизиғи бир хил бўлади.

### 10.7- §. ЕР ОСТИ СУВЛАРИНИНГ СУВ ЙИГУВЧИ ГАЛЕРЕЯ ВА ДРЕНАЛАРГА ОҚИБ КЕЛИНИ

Ер ости сувларини йиғувчи галереялар ихтиёрий чуқурликда жойлашган бўлиши мумкин. Масалан, икки хил чуқурликда жойлашган галереяни қараб чиқамиз.

**1. Сув ўтказмас қатламда жойлашган галерея** (10.14-расм).


Галереяга бир томондан (галереянинг  $l$  м узунлиги бўйича) оқиб келаётган солиштирма сув сарфини аниқлашда Ж. Дюпюининг (10.45) формуласидан фойдаланилади

$$q = \frac{k}{2l} (h_1^2 - h_2^2), \quad (10.51)$$

$l = L$ , у ҳолда

$$q = \frac{k}{2L} (h_1^2 - h_2^2), \quad (10.52)$$

бу ерда  $h_1$  — табиий ҳолатдаги ер ости сувининг чуқурлиги (галерея қурилишидан илгариги ҳол учун);  $h_2$  — галереядаги сув чуқурлиги;  $L$  — галерея таъсир этаётган узунлик, у қуйидаги формуладан аниқланади




10.14-расм.

$$L = \frac{h_1 - h_2}{J_{\text{урта}}}, \quad (10.53)$$

бунда  $J_{\text{урта}}$  — депрессия эгри чизигининг ўртача нишаби. Маълумки, 1 м узунликдаги галереяга иккала томондан  $2q$  солиштирма сув сарфи тушади. Галереяга тушаётган сув сарфи маълум бўлса (10.14-расмга қаранг), у ҳолда депрессия эгри чизигини қуришимиз мумкин.

**2. Осма галерея (ёки дренаж)** — сув ўтказмас қатламдан юқорида жойлашган галерея. Галереялар жойлашган чуқурлик сув ўтказмас қатламгача етиб бормаса, бундай галереялар осма галереялар ёки дренажлар деб аталади. Дренажлар горизонтал ва вертикал жойлашган бўлади. Умуман, бундай дренажларни қуришдан мақсад, ер ости сувлари сатҳини пасайтириш. Улар масалан, котлованларни қуриштириш, нахта далаларида ер инурини ювиш, магистрал йўлларнинг полотносини сув босишдан сақлаш учун ва бошқа қуриштиладиган махсус гидротехник иншоотларда қўлланилади.

**Горизонтал дренаж.** Бундай дренажлар деярли чуқур жойлашмасдан ер ости сувларини нисбатан катта бўлмаган чуқурликка пасайтириш учун ишлатилади. Горизонтал дренажлар очик (траншеялар, канавалар, лотоклар) ва ёпиқ (қувурлар, галереялар) ҳолида бўлади. Улар битталиқ дренаж ёки дренажлар тизимини ташкил этган ҳолда қурилади. Қувурдан ясалган горизонтал дренаж схемаси 10.15-расмда келтирилган. 10.15 а-расмдан: горизонтал дренаж 1 лар тахминан гидроизогишлар 2 га (булар табиий ҳолатдаги ер



10.15-расм.




ости сувларининг ЭЭССЧ горизонталлар орқали кўриниши) параллел бўлади. Ер ости суви дренлардан сув йиғувчи 3 лар орқали коллектор 4 ларга қуйилади, натижада қуришиш нормалари бажарилади.

**Вертикал дренаж.** Бундай дренажлар ер ости сувлари чуқур жойлашган ҳолда ва сув сатҳини катта чуқурликларга пасайтириши учун ишлатилади. Вертикал дренларнинг қудуқ ва скважина кўринишидаги турлари ер ости сувларининг сатҳини пасайтиришдан ташқари, аҳолини ичимлик сув билан таъминлаш вазифасини ҳам бажаради.

*Осма галереяни ҳисоблаш усули.* Шунини айтиб ўтиш керакки, бундай галереяларга сувлар фақат ён томонлардан эмас, балки унинг тубидан ҳам оқиб келади (10.16-расм).

Бундай галереяларни фрагмент усули билан гидравлик ҳисоблашни Р.Р.Чугаев таклиф этган. Бу усулнинг асоси бўлиб оқим чизиғи  $M'-M$  ва  $N-N'$  галерея тубининг ер билан учрашган нуқтасидан ўтказилган бўлиб, унинг координата боши  $Ox$  деб қабул қилинган, амалда эса қабул қилинган оқим чизиғи  $Ox$  ўқидан пастроқда бўлиши керак. Бу оқим чизиғи  $M'-M$  ва  $N-N'$  галереяга оқиб келаётган сув оқими кўндаланг кесимининг майдонини икки:  $A$  ва  $B$  фрагментга ажратади.  $Ox$  ўқи шартли сув ўтказмас чизиғи деб қабул қилиниб, галереяга ён томондан оқиб келаётган суюқлик юқорида кўрса-



10.16- расм.

тилган усулда ҳисобланиб  $q_1$  (10.47) тенгламадан аниқланади (10.16-расм):

$$q_1 = \frac{k}{2L} (h_1^2 - h_2^2), \quad (10.54)$$

Ер ости сувининг галереяга унинг тубидан оқиб келаётганини (яъни  $B$  фрагментидан)  $q_2$  орқали аниқланади (10.16-расм).  $q_2$  ни ҳисоблаш учун галереяга оқиб кираётган (галерея тубининг ярмисидан  $b/2$ ) фильтрация сувининг ҳаракатини напорли деб қабул қилиш керак. Унинг напори

$$Z = h_1 - h_2.$$

У ҳолда

$$q_2 = kZq_r, \quad (10.55)$$

белги киритамиз

$$\frac{q_2}{kZ} = q_r \text{ (белги);} \quad (10.56)$$

бу ерда  $Z$  — напор, у қуйидагича аниқланади

$$Z = h_1 - h_2,$$

$q_r$  — қабул қилинган сув сарфи миқдори; у коэффициентлар  $\alpha$  ва  $\beta$  га қараб Р.Р.Чугаевнинг графигидан (10.17-расм) олинади


$$\alpha = \frac{L}{L + \frac{b}{2}}; \quad \beta = \frac{L}{T}.$$

Тулиқ солиштирама сув сарфи осма дренанинг (галерея)  $A$  ва  $B$  фрагментининг бир томонидан

$$q = q_1 + q_2. \quad (10.57)$$

Осма галереянинг  $A$  ва  $B$  фрагментининг иккала томонидан унинг узунлиги бўйича умумий сув сарфи

$$Q = 2ql_{\text{гал}}. \quad (10.58)$$



10.17-расм.


### 10.8-§. ТЕНГ ЎЛЧАМЛИ БИР ХИЛ ТАРКИБДАГИ ГРУНТДАН ҚУРИЛГАН ТЎҒОН ОРҚАЛИ СИЗИБ ЎТАЁТГАН (ФИЛЬТРАЦИЯ) СУВНИНГ ҲАРАКАТИ

Қаралаётган тўғон тенг ўлчамли бир хил таркибдаги грунтдан қурилган бўлиб, бунда фильтрация коэффициентини  $k = \text{const}$  (тўғон баданининг барча нуқтасидан сизиб ўтаётган сув учун). Бу ерда тўғоннинг асоси сув ўтказмас қатламда жойлашган (10.18-расм). 10.18-расмдан  $ABCDE$  шакли — фильтрация области, бу ерда:  $BC$  чизиғи — депрессия эгри чизиғи (энг юқори оқим чизиғи);  $AE$  чизиғи — сув ўтказмас қатлам (энг пастки оқим чизиғи);  $ABCDE$  фильтрация области ичидаги пунктир чизиқлар:

а)  $BC$  депрессия эгри чизиққа параллел чизиқлар — оқим чизиқлари,

б) уларга ортогонал бўлган  $a-a$  га ўхшаш чизиқлар — тенг напорли чизиқлар деб аталади.

$a-a$ ,  $d-d$  ва бошқа шунга ўхшаш чизиқлар фильтрация оқимининг кўндаланг кесимлари ёки тенг напорли чизиқлар;  $h_2$  — тўғоннинг пастки томонидаги (пастки бьефдаги) сувнинг чуқурлиги;  $h_1$  — тўғоннинг юқори томонидаги (юқори бьефдаги) сувнинг чуқурлиги;  $\int ЮТ(Б)СС$  — юқори томон (биеф) даги сув



10.18-расм.

сатҳи;  $\int PT(B)CC$  — пастки томон (бъеф) даги сув сатҳи.  $ABCDE$  фильтрация области ўз чегараси билан беши бўлакдан иборат (10.18-расм): 1)  $AB$  бўлаги. Шу бўлакнинг барча нуқтасида напор бир хил ва  $H_1$  га тенг. Бундан кўринадики,  $AB$  чизиғи тенг напорли чизиқ бўлади ( $H_1 = \text{const}$ ); 2)  $DE$  бўлаги. Бу ҳам биринчи бандидагига ўхшаш, тенг напорли чизиқ бўлади ( $H_2 = \text{const}$ ); 3)  $AE$  бўлаги (сув ўтказмас қатламининг сатҳи). Бу юқорида айтилгандек, фильтрация оқимининг энг пастки оқим чизигини беради; 4)  $BC$  бўлаги. Бу депрессия эгри чизиги. Унинг ихтиёрий нуқтасида

$$H = z, \quad (10.59)$$

бунда  $z$  — қаралаётган нуқтанинг 0—0 таққослаш текислигига нисбаган жойлашган баландлиги;

5)  $CD$  бўлаги. Бунда ҳам напор  $H=z$  бўлади, аммо у тўғри чизиқ қондаси бўйича ўзгаради. ( $\Omega_{CD}$  напор эпюрасига қаранг, 10.18-расмда).

Тўғоннинг пастки ёнбошлаган  $CE$  чизиғи ундаги  $C$  нуқтада  $BC$  депрессион чизиғига уринма бўлади. Демак,  $C$  нуқтада пьезометрик нишаб тўғоннинг пастки деворининг нишабига тенг  $\sin\theta$ ,

$$J = \sin\theta. \quad (10.60)$$


Грунтдан қурилган тўғонни гидравлик ҳисоблаш қуйидагилардан иборат:

а) тўғон баданидан сизиб ўтаётган (фильтрация) солиштирма сув сарфини аниқлаш;

б) тўғонни лойиҳалаш учун, унинг баданидан сизиб ўтаётган сувнинг депрессия эгри чизиғи  $BC$  ни аниқлаш ва куриш.


### 10.9- §. АСОСИ СУВ ЎТКАЗМАС ҚАТЛАМДА ЖОЙЛАШГАН ГРУНТДАН ҚУРИЛГАН ТЎҒОН ОРҚАЛИ СИЗИБ ЎТАЁТГАН СУВ САРФИНИ ҲИСОБЛАШ

Грунтдан ясалган тўғонни гидравлик ҳисоблашда, масалани соддалаштириш учун, тўғоннинг ҳақиқий трапецеидал шакли  $A-b-c-E$  (10.19-расм) ни шартли трапецеидал шакл  $A'-b'-c-E$  (юқори девори нишаби тик бўлган шакл  $A'b'$ )



10.19-расм.

(10.20-расм) билан алмаштириш таклиф этилган. Бунда  $\epsilon h_1$  В нуқтадан ўтказилган  $W_1 - W_1$  кесим билан шартли тўғон шаклидаги  $A'b'$  вертикал орасидаги масофа. Бу масофа шундай қабул қилиниши керакки, унда: а) шартли шаклга  $A'b'cE$  га жавоб берувчи (филтрация) сув сарфи ҳақиқий шакл  $AbcE$  дан (филтрация) сув сарфига тахминан тенг бўлиши керак; б) шартли шаклли тўғондаги депрессия эгри чизигининг узунлиги  $C'C$  ҳақиқий шаклдагига тўғри келиши керак (10.19-расм). Юқоридаги шартларга асосан коэффициент  $\epsilon$  фақат тўғоннинг юқори бьефидаги девор нишабига боғлиқ экан. Кўпинча грунтдан қурилган тўғонлар учун  $m_0 = 2 \div 6$ . Коэффициент  $\epsilon$  ни ҳисоблаш учун Р.Р. Чугаев формуласидан фойдаланамиз. Бу формула тўғоннинг асоси сув ўтказувчи қатлам учун ҳам қўлланилиши мумкин:



10.20-расм.

$$\varepsilon = \frac{10,44}{1,0 + \frac{1}{2m_n}} = 0,40. \quad (10.61)$$

Бу шартли шаклни (10.20-расм) Ф. Шаффернак усулида ҳисоблаймиз. Бунинг учун шартли тўғоннинг 10.20-расмда кўрсатилгандек, фильтрация соҳасини вертикал  $W_2-W_2$  ёрдамида икки фрагментга, яъни I ва II фрагментга ажратамиз. Бу фрагментлар учун бўлак-бўлак солиштирма сув сарфи аниқланади.


1. Шартли тўғоннинг I фрагменти учун Ж. Дююи (10.52) формуласидан фойдаланиб, солиштирма сув сарфини аниқлаймиз (шартли тўғоннинг бу фрагментида суюқлик ҳаракати — текис ўзгарувчан).

$$q = \frac{h_1^2 - h_0^2}{2L} k = \frac{h_1^2 - h_0^2}{2(L_0 - m_n z_\lambda)} k, \quad (10.62)$$

бу ерда  $L$  — фрагмент I нинг узунлиги;  $z_\lambda$  — силжиш бандлиги,  $m_n$  — тўғоннинг пастки деворининг нишаб коэффиценти;  $L_0 - A'B'$  вертикалдан то пастки бьефдаги сув сатҳигача бўлган масофа

$$L_0 = \varepsilon h_1 + b_0 + (h_1 - h_2) m_n. \quad (10.63)$$

2. Шартли тўғоннинг фрагменти II учун  $q_2$  ни аниқлаймиз (10.21-расм) (шартли тўғоннинг бу фрагментида суюқлик ҳаракати — кескин ўзгарувчан). Унинг учун фрагмент II ни  $D-D'$  горизонтал тўғри чизиқ билан икки зонага бўламиз:  $q_{ю.з}$  — юқори зона ва  $q_{п.з}$  — пастки зонадан ўтаётган сув сарфи



10.21-расм.

$$q_2 = q_{\text{ю.з.}} + q_{\text{п.з.}} \quad (10.64)$$

Бу шартли тўғоннинг фрагменти II икки зонадан иборат бўлиб, улардан сизиб ўтаётган (филтрация) сув сарфини алоҳида ҳисоблаймиз: а) юқори зонаси учун сув сарфи

$$q_{\text{ю.з.}} = \frac{k}{m_n} z_{\Delta}; \quad (10.65)$$

б) пастки зонаси учун сув сарфи

$$q_{\text{п.з.}} = k \frac{z_{\Delta}}{m_n} \ln \frac{h_0}{z_{\Delta}}; \quad (10.66)$$

в) иккала зона учун (фрагмент II) тўлиқ сув сарфи. Бунинг учун (10.65) ва (10.66) тенгламани (10.64) тенгламага қўйсақ, Ф. Шаффернак тенгласини оламиз

$$q = k \frac{z_{\Delta}}{m_n} \left( 1 + \ln \frac{h_0}{z_{\Delta}} \right). \quad (10.67)$$

3. Шартли шакли тўғон учун умумий сув сарфини ҳисоблаш тенгламалар системаси (10.20-расм).

Шундай қилиб, грунтдан ясалган тўғоннинг шартли шакли, яъни икки алоҳида фрагменти, фрагмент I ва II учун икки тенгламалар системаси (10.62) тенглама ва (10.67) тенгламани олдик:

$$\left. \begin{aligned} \text{(I)} \quad & \frac{q}{k} = \frac{h_1^2 - (h_2 + z_{\Delta})^2}{2(L_0 - m_n z_{\Delta})}; \\ \text{(II)} \quad & \frac{q}{k} = \frac{z_{\Delta}}{m_n} \left[ 1, 0 + 2, 3 \lg \left( \frac{h_2 + z_{\Delta}}{z_{\Delta}} \right) \right]. \end{aligned} \right\} \quad (10.68)$$

Агар грунтдан қурилган тўғоннинг кўндаланг кесими, унинг юқори ва пастки бьефларида сув чуқурликлари  $h_1$  ва  $h_2$  берилган бўлса, у ҳолда юқоридаги тенгламалар системаси (10.68) да фақат икки номаълум:  $q$  ва  $z_{\Delta}$  мавжуд. Бу тенгламалар системаси (10.68) кўпинча график усулда ечилади; бунда  $z_{\Delta}$  нинг ҳар хил қийматларини қабул қилиб,

(I) ва (II) формулалардан  $\frac{q}{k}$  ҳисобланади ва  $\frac{q}{k} = f(z_{\Delta})$  графиги қурилади. Бунинг қизиқарли жойи шундаки, графикда

иккита бир хил эгри функция  $\frac{q}{k} = f(z_\Delta)$  тегишлича, бири (I) тенглама ёрдамида, иккинчиси эса (II) тенглама ёрдамида тузилади.

Графикда шу иккала эгри чизиқлар учрашган нуқта бизга  $z_\Delta$  нинг қийматини беради. Мабодо тўғоннинг пастки бьефида сув бўлмаса ( $h_2=0$  бўлса), у ҳолда (10.68) тенгламалар системасининг ечими  $z_\Delta$  га нисбатан осон ҳал қилинади:

$$z_\Delta = \frac{L_0}{m_n} - \sqrt{\left(\frac{L_0}{m_n}\right)^2 - h_1^2}. \quad (10.69)$$

$z_\Delta$  ни билгандан кейин,  $h_2=0$  бўлган ҳол учун, система (10.68) тенгламанинг (II) тенгламасидан  $\frac{q}{k}$  нинг қийматини аниқлаймиз

$$(II') \quad \frac{q}{k} = \frac{z_\Delta}{m_n}, \quad (10.70)$$

(10.70) дан солиштира сув сарфи  $q$  ни аниқлаймиз

$$q = \left(\frac{z_\Delta}{m_n}\right)k. \quad (10.71)$$


Шундай қилиб, шартли тўғон орқали сизиб ўтаётган (филтрация) солиштира сув сарфи ҳақиқий тўғон учун ҳам қўлланилиши мумкин.

4. Ҳақиқий тўғон шакли учун депрессия эгри чизигини қуриш. Шартли тўғоннинг фрагмент I учун  $z_\Delta$  маълум бўлган ҳолда (10.20-расм) депрессия эгри чизиги  $B'C$  ни Ж. Дюпюи тенгламасидан ( $h_2=h_0$  деб қабул қилиб) фойдаланиб қураимиз.

#### 10.10-§. АСОСИ СУВ ЎТКАЗУВЧИ ҚАТЛАМДА ЖОЙЛАШГАН ГРУНТДАН ҚУРИЛГАН ТЎҒОН ОРҚАЛИ СИЗИБ ЎТАЁТГАН СУВ САРФИНИ ҲИСОБЛАШ

Амалиётда ҳар хил конструкцияли тўғонлар мавжуд. Буларнинг асоси сув ўтказгич ва сув ўтказмас қатламларда жойлашган бўлади. Бундай тўғонлар баданида (ўрта қисмида) сувни кам ўтказадиган грунтдан ясалган зич қат-






10.22-расм.

лам, яъни «ядро» ўрнатилган бўлиши мумкин. Бундай «ядролар» депрессия эгри чизиғини пасайтириш учун хизмат қилади, шунинг билан бир қаторда грунтдан қурилган тўғоннинг ювилиб, бузилиб кетишидан сақлаб қолади.

Шундай тўғонларни ҳисоблашда қуйидаги тартибда иш олиб борилади (10.22-расм). 10.22-расмдаги  $A$  нуқтадан бошланадиган оқим чизиғини  $AE$  тўғри чизиғи деб қабул қилинади.  $AE$  чизиғини сув ўтказмас қатлам деб қабул қилиб, ундан юқори қисмини тўғон баданининг фрагменти I деб қабул қилиб, унинг юқорида кўрсатилган асоси сув ўтказмас қатламда ётган тўғонни ҳисоблашда гидравлик, яъни филтрация усули қўлланилади (аввалги бандига қаранг). Шу асосда ҳисоблаш натижасида депрессия эгри чизиғи чизилади ва тўғон орқали силжиб ўтаётган (филтрация) сув сарфи аниқланади. Энди  $AE$  чизиғининг пастки томони фрагменти II га келсак, у ҳолда напорли филтрацияни ҳисоблаш усулини қўллашга тўғри келади, чунки  $AE$  чизиғини гидротехника иншоотларининг флютбетини текис асоси деб қабул қилган ҳолда, бу флютбет тагидаги фрагмент II иншоотдаги  $Z$  напор таъсирида ишляпти деб ҳисоблаймиз.

*Амалий машғулот ўтказиш учун ер ости сувларининг галереялардаги, шунингдек, грунтдан қурилган тўғон орқали сизиб ўтаётган (филтрация) сувнинг ҳаракатини ва унинг сарфини ҳисоблаш.*

**10.1-масала.** Тенг ўлчамли ўрта заррачали, бир хил таркибли грунтдан тузилган тўғон орқали сизиб ўтаётган солиштирма сув сарфини аниқланг ва унда депрессия эгри чизиғини қуринг. Тўғоннинг асоси горизонтал



10.23-расм.

сув утказмас қатламда жойлашган. Қуйидаги берилган қийматлар асосида масалани ечиш керак.

Фильтрация коэффициенти  $k=6,0$  м/қун ёки  $k=6,94 \times 10^{-5}$  м/с; тўғоннинг баландлиги  $H_1=4,0$  м;  $h_1=3,0$  м;  $h_2=0,5$  м;  $b=11,0$  м;  $m''=2$  (10.23- расм).

Ечиш. 1. (10.68) тенгламалар системасининг (II) тенг-  
ламасига асосан  $h_1' = h_2 + z_v$  ни қабул қилиб,  $\frac{q}{k}$  қиймати-  
ни аниқлаймиз.

2. Олинган натижалар асосида  $\frac{q}{k} = f(h_2')$  графикни туза-  
миз, бу 10.24-расмдаги I эгри чизиқ.

3. (10.63) формуладан  $L_0$  нинг 2- бандида аниқланган  
 $h_2'$  га асосан аниқлаймиз.

4. (10.47) ёки (10.49) формуладан  $h_1'$  ни ёки (10.52) дан  
 $h_1' = \sqrt{h_2'^2 + \left(\frac{q}{k}\right)^2 2L_0}$  ни ҳисоблаймиз. Юқорида қабул қилин-  
ган  $h_2'$  га асосан  $h_2' = h_2 + z_v$

5. (10.68) системанинг (1) тенгламасидан  $h_1'$  ни ҳисоб-  
лаш учун  $\frac{q}{k}$  ни аниқлаймиз.

Ҳисоб-китоб натижалари 10.2-жадвалда келтирил-  
ган.

$h'_2$ , м	0,55	0,60	0,65	0,70	0,75	1,0
$\frac{q}{k}$ , м (10.88) (II)	0,095	0,139	0,185	0,223	0,262	0,423
$L_0$ , м	17,90	17,80	17,70	17,60	17,50	17,00
$h'_1$ , м	1,829	2,30	2,64	2,90	3,12	3,92
$\frac{q}{k}$ , м (10.88) (I)	0,357	0,298	0,194	0,069	—	—

6.  $\frac{q}{k}$  миқдори ва қабул қилинган  $h'_2$  га асосан 10.24-расмда 2 чизиқни тузамиз:


$$\frac{q}{k} = f(h'_2).$$

Натижада иккала 1 ва 2 чизиқларнинг учрашган нуқтаси бизга

$$h'_2 = h_2 + z_\Delta = 0,653 \text{ м}$$

ва  $\frac{q}{k} = 0,187$  қийматларни беради.

7. Фильтрация оқимининг солиштирма сув сарфи



10.24- расм.

$$q = \left(\frac{q}{k}\right)k =$$

$$= 0,187 \cdot 6,94 \cdot 10^{-5} =$$

$$= 1,3 \cdot 10^{-5} \text{ м}^3/\text{с.м.}$$

(10.63) тенгламадан  $L_0$  ни аниқлаймиз:

$$L_0 = \varepsilon h_1 + b_0 + m_n(h_1 - h_2) =$$

$$= b + 2(H_T - h'_2) =$$

$$= 11 + 2(4 - 0,653) =$$

$$= 17,69 \text{ м.}$$

(10.51) дан  $h_1'$  ни аниқлаймиз

$$h_1' = \sqrt{h_2'^2 + \left(\frac{q}{k}\right) 2L_0} = \sqrt{0,653^2 + 0,183 \cdot 2 \cdot 17,69} = 2,66 \text{ м.}$$

8. Депрессия эгри чизигини (10.53) тенгламага асосан  $h_1'$  дан то  $h_2'$  гача оралиқда ҳисоблаймиз. Ҳисоб-китоб 10.3-жадвалга туширилган.

10.3-жадвал

$x, \text{ м}$	0,0	5,0	10,0	15,0	16,0	17,0	17,69
$h, \text{ м}$	2,66	2,27	1,82	1,20	1,03	0,83	0,65
$L_0, \text{ м}$	—	—	—	—	—	—	17,69

Бажарилган ҳисоб-китобларга асосан депрессия эгри чизигини тузамиз (10.23-расм).

### Такрорлаш учун саволлар

- 10.1. Фильтрация тушунчаси. Фильтрация коэффициентини. Дарси қонуни нима?
- 10.2. Ер ости сув оқимининг кундаланг кесими қандай номланади?
- 10.3. Фильтрация коэффициентининг физик маъноси қандай?
- 10.4. Фильтрация оқимининг текис ва потекис ҳаракатини тушунтиринг?
- 10.5. Депрессия эгри чизиги тушунчаси қандай?

## АДАБИЁТ

1. *Агроскин И.И., Дмитриев Г.Т., Пикалов Ф.И.* Гидравлика. — М.: — Л.: Госэнергоиздат, 1954. — 487 с.
2. *Большаков В.А., Попов В.И.* Гидравлика. — Киев: Вища школа, 1989. — 215 с.
3. *Гончаров В.И.* Основы динамики русловых потоков. — Л., Гидрометеиздат, 1954. — 452 с.
4. *Егiazаров И.В.* Движение неоднородной по крупности смеси наносов. Известия АН Арм. ССР, с.т.п. вып. XVI, 1963. № 2.3 вып. XVII, 1964. № 2.
5. *Зегжда А.И.* Гидравлические потери на трение в каналах и трубопроводах. — Л.: — М.: Госстройиздат, 1957. — 278 с.
6. *Константинов М.М., Иетров Н.А., Высотский Л.И.* Гидравлика. — М.: Высшая школа, часть 2, 1987. — 431 с.
7. *Кнороз В.С., Умаров А.Ю.* Движение наносов в открытых руслах. — М.: Наука, 1970. с. 91—95.
8. *Леви И.И.* Моделирование гидравлических явлений. — Л.: Энергия, 1967. — 235 с.
9. *Леви И.И., Умаров А.Ю.* К вопросу о гидравлических сопротивлениях открытых водных потоков при данном влечении наносов. Известия ВНИИГ им. Е.Е. Веденеева. — Л.; — М.: Энергия, 1966. с. 38—42.
10. Справочник по гидравлическим расчетам / Под ред. П. Г. Киселева. — М.: Энергия, 4-е изд. 1974. — 312 с.
11. *Умаров А.Ю.* Оценка коэффициента гидравлического сопротивления. Вопросы гидротехники, вып. 27. — Т.: “Фан”. 1965. с. 57—67.
12. *Умаров А. Ю.* Потери напора на трение по длине при установившемся равномерном турбулентном движении жидкости. — Т.: ТашПИ, 1961. — 22 с.
13. *Умаров А. Ю.* Изучение истечения жидкости из малого отверстия в тонкой стенке и насадка при  $H = \text{const.}$  — Т.: 1981. — 24 с.
14. *Умаров А. Ю.* Особенности и метод расчета микро и макроформ дна русла. Известия АН УзССР, с.т.п. № 3, 1983. с. 53—57.

15. *Умаров А. Ю.* Гидравлика.— Т.: Изд-во Госкомцен, 1987.— 64 с.

16. *Умаров А. Ю.* Суюқлик оқимининг текис илгариланма ҳаракатини очик ўзанларда ўрганиш ва ЭҲМ ёрдамида ҳисоблаш.— Т.: ТошПИ, 1991.— 16 б.

17. *Умаров А. Ю.* Гидравлика.— Т.: Изд-во НПО Конструктор, часть 2, 1992.— 58 с.

18. *Умаров А. Ю.* Исследование неравномерного безнапорного установившегося движения жидкости в каналах с применением ЭВМ.— Т.: ТАСИ, 1992.— 21 с.

19. *Чугаев Р. Р.* Гидравлика.— Л.: Энергоиздат, 1982.— 671 с.

20. *Umarov A. Yu.* Methods of computation of hydrodynamic parameters of turbulent mudflows. XX Congress of the International Association for hydraulic research, Seminar 2, vol., VII, Moscow, USSR, September 5—9, 1983, pp. 342—348.

21. *Moukhamedov A. M., Umarov A. Yu.* Proseeding Twelfth Congress of the International Association for hydraulic research. September 11—14, 1967, vol., N 5, State University Fort Collins, Colorado, USA, pp. 212—218.

## МУНДАРИЖА

Муқалдида .....	3
<i>Биринчи боб. Гидравлика кириш</i> .....	6
1.1-§. Гидравлика фанининг мазмуни .....	6
1.2-§. Гидравлика фанининг қисқача тарихи ва унинг асосчилари .....	7
1.3-§. Физик катталикларнинг улчов birlikлар тизими. Халқаро бирлик тизими .....	10
1.4-§. Суюқлик ва унинг физик хоссалари .....	12
1.5-§. Идеал ва реал суюқликлар .....	13
1.6-§. Реал суюқликларнинг асосий физик хоссалари. Қовушоқ- лик .....	14
1.7-§. Гидравликанинг амалда қулланиш намунаси .....	17
<i>Такрорлаш учун саволлар</i> .....	18
<i>Иккинчи боб. Гидростатика</i> .....	19
2.1-§. Гидростатик босим ва унинг хоссалари .....	19
2.2-§. Тинч ҳолатдаги суюқликнинг асосий дифференциал тенгламаси (Л. Эйлер тенгламаси) .....	24
2.3-§. Гидростатиканинг асосий тенгламаси. Тинч ҳолатдаги суюқликнинг дифференциал тенгламасини интеграллаш ...	28
2.4-§. Фақат ҳажмий кучлардан бири — оғирлик кучи таъси- рида бўлган тинч ҳолатдаги суюқликдаги гидростатик босим .....	29
2.5-§. Босимни ўлчаш асбоблари. Сув ва симоб билан ишлайди- ган асбоблар. Механик асбоблар .....	33
<i>Гидростатикадан амалий машғулот ўтказиш учун услу-         бий характерга эга бўлган намунавий масалалар</i> .....	41
2.6-§. Б. Паскаль қонуни ва унинг амалда қулланилиши .....	44
2.7-§. Суюқлик босим кучининг девор юзасига таъсири .....	47
2.8-§. Гидростатик босим маркази. Босим кучининг қўйилиш нуқтаси .....	51
2.9-§. Суюқлик босимининг идиш тубига таъсири .....	56

2.10-§. Тугри тўртбурчакли деворга таъсир этувчи гидростатик босимни аниқлашда графоаналитик усул .....	58
2.11-§. Гидростатик босим кучининг текис тугри тўртбурчакли деворга таъсири .....	60
2.12-§. Суюқликнинг цилиндрик юзага босими. Гидростатик босимнинг эпораси. Суюқлик босим кучини аниқлашда умумий услубий кўрсатма .....	69
2.13-§. Суюқлик босим кучининг эгри (нотекис) юзаларга таъсирини аниқлашда амалиётда учрайдиган оддий ҳоллар .....	76
2.14-§. Суюқликда жисмларнинг сузиш қонуни. Архимед қонуни .....	79
2.15-§. Жисмнинг чуқиш чуқурлиги ва уни сиқиб чиқарган сув ҳажми .....	83
2.16-§. Суюқликда сузаётган жисмнинг чайқалмаслик шarti. Остойчивост. Метомарказ .....	85
2.17-§. Суюқликда сузаётган жисмнинг мувозанат ҳолати. Мустақкам ва помустақкам мувозанат .....	86
<i>Амалий машғулот утказиш учун гидростатикадан материаллар</i> .....	87
<i>Такрорлаш учун саволлар</i> .....	91
<b>Учинчи боб. Гидродинамика асослари</b> .....	92
3.1-§. Асосий тушунчалар .....	92
3.2-§. Суюқлик ҳаракатининг кинематикаси. Суюқлик ҳаракатини ўрганишда қўлланиладиган асосий аналитик усуллар. Ж. Лагранж ва Л. Эйлер усуллари .....	94
3.3-§. Суюқлик оқимининг барқарор ва беқарор ҳаракати .....	97
3.4-§. Траектория. Оқим чизиги. Элементар оқим найчаси. Суюқликнинг тўлиқ оқими .....	102
3.5-§. Суюқлик оқимининг гидравлик элементлари. Оқимнинг кўндаланг кесими бўйича ўртача тезлиги. Суюқлик оқимининг ҳажмий сарфи .....	111
3.6-§. Суюқлик оқимининг узлуксизлик тенгламаси .....	120
3.7-§. Суюқлик оқимининг узлуксизлик тенгламасининг дифференциал шаклдаги кўриниши .....	124
3.8-§. Суюқлик оқимининг барқарор текис ва нотекис илгариланма ҳаракати. Напорли ва напорсиз ҳаракат .....	126
3.9-§. Горизонтал жойлашган қувурда идеал суюқликнинг элементар оқим найчаси ҳаракати учун Д. Бернулли тенгламаси ..	129
3.10-§. Ногоризонтал жойлашган қувурда идеал суюқликнинг элементар оқим найчаси ҳаракати учун Д. Бернулли тенгламаси .....	130



3.11-§. Д. Бернулли тенгламасидаги учала ҳадларининг маъноси (гидравлик, геометрик, энергетик).....	143
3.12-§. Ўзанда реал суюқликнинг элементар оқим найчаси учун Д. Бернулли тенглამаси.....	148
3.13-§. Оқимнинг кундаланг кесимининг майдони бўйича босимларнинг потекис тақсимланиши (биринчи қўшимча ҳол).....	149
3.14-§. Оқими кундаланг кесимининг майдони бўйича нуқталардаги ўрталаштирилган тезликларнинг потекис тақсимланишининг суюқлик массасининг ҳаракат миқдорига ва кинетик энергиясига таъсири (иккинчи қўшимча ҳол).....	150
3.15-§. Ўзидаги реал суюқликнинг тулиқ оқими учун Д. Бернулли тенглэмаси.....	153
3.16-§. Д. Бернулли тенглэмасини амалда қўллаш шартлари ва у тенглэма асосида ишлаб чиқилган гидравлик асбоблар....	156
3.17-§. Ўзандарда напорли ва напорсиз барқарор текис ва потекис илгариланма ҳаракат учун $P-P$ пьезометрик ва $E-E$ напор чизиқларининг шакллари тўғрисида умумий кўрсатмалар... <i>Амалий машғулот ўтказиш учун гидродинамикадан материаллар.....</i> <i>Намуна сифатида услубий характерга эга бўлган масалаларнинг ечилиши усуллари.....</i> <i>Тақрорлаш учун саволлар.....</i>	158 161 161 166
<b>Тўртинчи боб. Гидравлик қаршиликлар ва суюқлик оқимининг барқарор ҳаракати пайтида ишқаланиш таъсирида йўқотилган напор.....</b>	<b>167</b>
4.1-§. Асосий тушунчалар.....	167
4.2-§. Реал суюқлик оқимининг икки хил ҳаракат тартиби. Ламинар ва турбулент ҳаракат. О. Рейнольдс сони ва унинг критик миқдори.....	170
4.3-§. Суюқлик оқимининг барқарор текис илгариланма ҳаракатининг асосий тенглэмаси.....	179
4.4-§. Ламинар ҳаракатдаги оқимнинг кундаланг кесимининг майдони бўйича нуқталардаги ўрталаштирилган тезликларнинг тақсимланиши.....	183
4.5-§. Суюқлик оқимининг ламинар ҳаракати пайтида ўзанининг узунлиги бўйича йўқотилган напор.....	185

4.6-§. Турбулент ҳаракатни ҳисоблаш модели. Турбулент ҳаракатдаги оқимнинг кундаланг кесимининг майдони бўйича нуқталардаги ўрталаштирилган тезликларнинг тақсимланиши .....	188
4.7-§. Ўрталаштирилган маҳаллий тезлик. Ламинар ҳаракат қатламчаси. Гидравлик силлиқ ва ғадир-будур узан девори .....	189
4.8-§. Оқим кундаланг кесимининг майдони бўйича нуқталардаги ўрталаштирилган тезликларнинг тақсимланиш формуллари .....	193
4.9-§. Турбулент ҳаракатдаги суюқлик оқимининг узунлиги бўйича йўқотилган напор. Дарси-Вейсбах коэффиенти. Гидравлик ишқаланиш коэффиенти .....	197
4.10-§. Қувурларда суюқлик оқимининг напорли ҳаракати .....	200
4.11-§. Очиқ узанларда суюқлик оқимининг напорсиз ҳаракати ..	209
4.12-§. Иккинчи даражали қаршилик соҳаси учун узаннинг узунлиги бўйича йўқотилган напор. А. Шеви формуласи. Сув сарфи модули. Тезлик модули .....	217
4.13-§. А. Шеви коэффиентини ҳисоблаш учун эмпирик формуллари .....	220
4.14-§. Маҳаллий қаршиликлар таъсирида йўқотилган напор. Дж. Борда формуласи .....	222
<i>Амалий машғулот ўтказиш учун гидродинамикадан материаллар .....</i>	<i>227</i>
<i>Такрорлаш учун саволлар .....</i>	<i>234</i>
<b>Бешинчи боб. Напорли қувурларда суюқликнинг барқарор ҳаракати ..</b>	<b>235</b>
5.1-§. Напорли қувурларда суюқлик ҳаракати пайтида йўқотилган напорни ҳисоблаш формуллари .....	235
5.2-§. Йўқотилган напорларни қўшиб чиқиш. Тўлиқ ишқаланиш коэффиенти. Қисқа ва узун қувурлар тушунчаси .....	238
5.3-§. Ўзгармас диаметри оддий қисқа қувур .....	242
5.4-§. Оддий узун қувурларни гидравлик ҳисоблаш .....	247
5.5-§. Узун қувурларнинг ёнма-ён жойланиши ва кетма-кет уланиши .....	249
5.6-§. Мураккаб (тарқалган) узун қувурлар тармогини гидравлик ҳисоблаш .....	252
5.7-§. Мураккаб ҳалқасимон узун қувурлар тармогини гидравлик ҳисоблаш .....	256
<i>Амалий машғулот ўтказиш учун напорли қувурларда сувнинг ҳаракатини ҳисоблаш материаллари .....</i>	<i>257</i>
<i>Такрорлаш учун саволлар .....</i>	<i>263</i>

<b>Олтинчи боб. Очиқ ўзанларда суюқлик оқимининг барқарор текис илгариланма ҳаракати ва унинг гидравлик элементларини ЭҲМ ёрдамида ҳисоблаш .....</b>	<b>264</b>
6.1-§. Асосий тушунчалар .....	264
6.2-§. Очиқ ўзанларда суюқлик оқимининг барқарор текис илгариланма ҳаракатини ҳисоблаш формулалари .....	267
6.3-§. Очиқ ўзанларда суюқлик оқимининг қўндаланг кесими майдонининг гидравлик элементлари .....	269
6.4-§. Очиқ узаннинг гидравлик энг қудай қўндаланг кесимининг шакли — трапеция шаклидаги канал .....	272
6.5-§. Трапецеидал шакли каналнинг гидравлик энг қудай қўндаланг кесими .....	274
6.6-§. Очиқ узанларда текис илгариланма ҳаракатдаги суюқлик оқимининг энг катта ва энг кичик рухсат этилган уртача тезлиги .....	279
6.7-§. Трапецеидал каналлардаги суюқлик оқимининг текис илгариланма ҳаракатини гидравлик ҳисоблашда асосий масалалар .....	282
6.8-§. Очиқ узанларда суюқликнинг барқарор текис илгариланма ҳаракатининг гидравлик элементларини ЭҲМ ёрдамида ҳисоблаш .....	292
6.9-§. Барқарор текис илгариланма ҳаракатнинг нормал чуқурлигини ҳамда оқимнинг қўндаланг кесими майдони бўйича ўртача тезлигини ЭҲМ ёрдамида ҳисоблаш .....	293
6.10-§. Оқимнинг нормал чуқурлигини ва тезлигини ЭҲМ ёрдамида ҳисоблаш учун масалалар .....	297
<i>Амалий машғулот ўтказиш учун гидродинамикадан материаллар. Очиқ ўзанларда суюқликнинг текис илгариланма ҳаракатини гидравлик ҳисоблаш .....</i>	<i>303</i>
<i>Такрорлаш учун саволлар .....</i>	<i>304</i>
<b>Еттинчи боб. Очиқ ўзанларда суюқлик оқимининг барқарор нотекис илгариланма ҳаракати ва унинг гидравлик элементларини ЭҲМ ёрдамида ҳисоблаш .....</b>	<b>305</b>
7.1-§. Призматик ва попризматик табиий ва сунъий очиқ ўзанларда суюқликнинг барқарор нотекис илгариланма ҳаракати .....	306
7.2-§. Суюқлик оқимининг барқарор нотекис илгариланма ҳаракатининг асосий дифференциал тенгламаси (дифференциал тенгламанинг биринчи кўриниши) .....	310

7.3-§. Сууюқлик оқимининг барқарор нотекис илгариланма ҳаракатининг асосии дифференциал тенгламаси (дифференциал тенгламанинг иккинчи куриниши) .....	314
7.4-§. Призматик узанлардаги сууюқлик оқимининг барқарор нотекис илгариланма ҳаракати .....	317
7.5-§. Туртта ёрдамчи тушунчалар: оқимининг кундаланг кесимининг солиштирма энергияси, критик чуқурлик, нормал чуқурлик, критик нишаб .....	319
7.6-§. Очиқ узанларда сууюқлик оқимининг сокин, жушқин ва критик ҳолатлари .....	326
7.7-§. Эркин эгри сув сатҳи чизиги ЭЭССЧнинг шакли .....	328
7.8-§. Сууюқлик оқимининг барқарор нотекис илгариланма ҳаракатининг дифференциал тенгламасини иккинчи куринишини интеграллаш учун қулай ҳолга келтириш .....	341
7.9-§. Даража кўрсаткичли тенглама, сув сарфи модуллари нисбати учун. Узаннинг гидравлик кўрсаткичи .....	347
7.10-§. Сууюқлик оқимининг барқарор нотекис илгариланма ҳаракатининг дифференциал тенгламасини Б.А. Бахметов усулида интеграллаш .....	351
7.11-§. Сууюқлик оқимининг барқарор нотекис илгариланма ҳаракатининг дифференциал тенгламасини В.И. Чарномский усулида интеграллаш .....	355
7.12-§. Очиқ узанларда оқимининг нотекис илгариланма ҳаракатини В.И. Чарномский усулида ЭҲМ ёрдамида ҳисоблаш .....	362
<i>Гидродинамикадан амалий машғулот ўтказиш учун материаллар. Очиқ узанларда сууюқлик оқимининг нотекис илгариланма ҳаракатининг эркин эгри сув сатҳи чизиги ЭЭССЧ ни ЭҲМ ёрдамида ҳисоблаш .....</i>	<i>376</i>
<i>Такрорлаш учун саволлар .....</i>	<i>382</i>

<b>Саккизинчи боб. Юпқа девордаги кичик тешиклардан ва ўнга ўрнатилган қисқа қувур (насадка) лардан оқиб чиқаётган сууюқликнинг ҳаракатини ўрганиш .....</b>	<b>383</b>
8.1-§. Умумий тушунчалар .....	383
8.2-§. Напор узгармас булган ҳолда юпқа девордаги кичик тешикдан ва унга ўрнатилган ҳар хил шаклдаги қисқа қувур (насадка) лардан оқиб чиқаётган сууюқликларнинг ҳаракати .....	385
8.3-§. Оқимнинг сиқилиш турлари. Юпқа девордаги кичик тешиклардан оқиб чиқаётган сууюқлик ҳаракатини ўрганишда $\epsilon$ , $\sigma$ , $\phi$ , $\mu_0$ коэффициентларнинг қийматлари .....	390

8.4-§. Оқимнинг траекторияси .....	392
8.5-§. Юққа девордаги кичик тешикдан оқиб чиқаетган суюқлик оқимининг ташқаридан суюқлик билан кумилган ҳолатидаги ҳаракати .....	393
8.6-§. Напор ўзгармас бўлган ҳолда юққа девордаги тешикка уриятилган қисқа қувур (насадка)дан оқиб чиқаетган суюқлик оқимининг ҳаракати .....	393
8.7-§. Девордаги тешикка уриятилган қисқа (доиравий) қувурдан оқиб чиқаетган суюқлик оқимининг тезлиги ва сув сарфини аниқловчи формулалар .....	396
<i>Юққа девордаги кичик тешик ва унга уриятилган қисқа қувур (насадка)лардан оқиб чиқаетган суюқлик оқимининг тезлигини ва сув сарфини аниқлаш бўйича амалий машғулот .....</i>	<i>397</i>
<i>Тақрорлаш учун саволлар .....</i>	<i>399</i>
<b>Тўққизинчи боб. Гидравлик жараёнларни (ҳодисаларни) физикавий моделлаш назарияси асослари. Гидравлик элементларни ҳисоблашда ЭҲМни қўллаш .....</b>	<b>400</b>
9.1-§. Гидравлик жараёнларни (ҳодисаларни) моделлаш усуллари .....	401
9.2-§. Гидравликада ўхшашлик назариясининг асосий тушунчалари .....	402
9.3-§. Динамик ўхшашлик критерияси .....	407
9.4-§. Гидравлик жараёнларни (ҳодисаларни) физикавий моделлашда асосий кўрсаткичлар .....	413
<i>Гидравлик жараёнларни (ҳодисаларни) физикавий моделлашга оид амалий машғулот .....</i>	<i>414</i>
<i>Тақрорлаш учун саволлар .....</i>	<i>418</i>
<b>Ўнинчи боб. Ер ости сувларининг ҳаракати (фильтрация) .....</b>	<b>419</b>
10.1-§. Асосий тушунчалар .....	419
10.2-§. Ер ости сув оқимининг тезлиги. Х. Дарси формуласи .....	421
10.3-§. Ер ости сувлари ҳаракатининг (фильтрация) коэффициентини аниқлаш усуллари .....	425
10.4-§. Ер ости сувларининг напорсиз текис ва потекис илгариланма ҳаракати .....	428
10.5-§. Ер ости сувлари оқимининг потекис илгариланма ҳаракатининг дифференциал тенгламаси (призматик ўзан учун) .....	432
10.6-§. Напорсиз ер ости сув оқимининг потекис илгариланма ҳаракатининг дифференциал тенгламасини интеграллаш .....	434

10.7-§. Ер ости сувларининг сув йигувчи галереялар ва дрена-ларга оқиб келиши .....	437
10.8-§. Тенг улчамли бир хил таркибдаги грунждан қурилган тўғон орқали сизиб ўтаётган (филтрация) сувнинг ҳаракати ...	441
10.9-§. Асоси сув ўтказмас қатламда жойлашган грунждан қурилган тўғон орқали сизиб ўтаётган сув сарфини ҳисоблаш ..	442
10.10-§. Асоси сув ўтказувчан қатламда жойлашган, грунждан қурилган тўғон орқали сизиб ўтаётган сув сарфини ҳисоблаш .....	446
<i>Амалий машғулот ўтказиш учун ер ости сувларининг галереялардаги, шунингдек, грунждан қурилган тўғон орқали сизиб ўтаётган (филтрация) сувнинг ҳаракатини ва унинг сарфини ҳисоблаш .....</i>	
<i>Такрорлаш учун саволлар .....</i>	450
Адабиёт .....	451

*Абдужаббор Юнусович Умаров*

**ГИДРАВЛИКА**

Олий уқув юртлари талабалари учун дарслик

*Ўзбек тилида*

700129. Тошкент, «ЎЗБЕКИСТОН» нашриети, 2002

Муҳаррир *М. Саъдуллаев*  
Бадий муҳаррир *Т. Қаноатов*  
Тех. муҳаррир *Т. Харитонова*  
Мусаҳҳиҳ *М. Юлдашева*

Теринга берилди 02.10.2000. Босишга рухсат этилди 28.08.2001. Бичими 84×108<sup>1/32</sup>, босма қоғозига тип «Таймс» гарнитурда офсет босма усулида босилди. Шартли бос.т 24,36. Нашр т 24,65. Нухаси 2000. Буюртма К-24.  
Баҳоси шартнома асосида

«Ўзбекистон» нашриёти, 700129, Тошкент, Навоий кўчаси, 30. Нашр № 179—95.

Ўзбекистон Республикаси Давлат қўмитаси ижарадаги Тошкент матбаа комбинатида босилди. 700129, Тошкент, Навоий кўчаси, 30.



**Умаров А. Ю.**

У 47      Гидравлика: Олий ва ўрта махсус таълим вазирлиги олий техника ўқув юртлари талабалари учун дарслик.— Т.: Ўзбекистон, 2002.—460 б.  
ISBN 5-640-01787-2

**ББК 30.123я73**

№ 456-2002  
Алишер Навоий номидаги Ўзбекистон  
Республикасининг давлат кутубхонаси.

У  $\frac{1603040100-103}{351 (04) 2001}$  2002